

BIBL. NAZ.
VITT. EMANUELE III

XXVIII*

A

9

NAPOLI

XXVIII*

a

9

VIII. F. 11

115

5

53

SEPT E M
ILLVSTRIV M
VIRORVM
POEMATA.



ANTVERPIÆ,
EX OFFICINA PLANTINIANA
BALTHASARIS MORETI.
M. DC. LX.

EMINENTISSIMO
PRINCIPI
FLAVIO

S. R. E. CARDINALI
CHISIO

BALTHASAR MORETVS.



VID. hoc esse dicemus,
Princeps Eminentissime,
quod cùm primi disci-
plinarum omnium patres
in cælestium orbium contemplatio-
ne defixi, stellarum varietatem, &
magnitudinem, & vim obseruarent,
iisque mortalium commodo nomi-
imponerent, nullum sidus Musa-
rum choro assignauerint? Atqui
m vna perpetuos cursus con-
fionesque cælestes prima com-
it, & descripsit, à quo nomen

*

2

sibi

sibi & fecit, & meruit: omnes Cæli
 filiæ, quibus id proinde debebatur
 iure natalium: omnes, si eo modo,
 quo sidera, sub aspectum caderent,
 spectaculum nobis præbituræ ipso,
 cui infixæ essent, cælo formosius.
 Cùm alta illa mundi conuexa per-
 curreret animo S. Augustinus, & re-
 censionem siderum, velut quidam mi-
 litarium ordinum inspector, inter-
 esset, nullumque inibi locum Mi-
 nerue datum animaduerneret: *Quid,*
inquit, tantum mali castitas, aut quid
tantum boni voluptas commeruit, ut
inter astra, quæ cum Sole & Lunâ
circumeunt, Venus habeat stellam, &
Minerva non habeat? Non idem
 ego pro castissimis literarum præsi-
 diis contendam? non ego illis
 conflatum aliquod ex felicioribus
 stellis signum vindicem? cuius sci-
 licet

licet exortu iucunda cæli temperies,
 & secessus ad quietem amœnita-
 temque compositus, & bonus cor-
 porum habitus, & serenus ani-
 mus, & omnia quibus studia poëti-
 ca meliùs proueniunt, ad scriben-
 dum inuitent. Iam verò, vt de cete-
 ris monstris nihil dicam, quid cælo
 cum belluis? quas prisci nomencla-
 tores sideribus affixerunt, perinde
 quasi belluata tapetia cæli foribus
 prætendere viderentur, quæ leuanda
 priùs essent, quàm ad interiora eius
 adyta perueniretur. Verùm non id
 iam ago, vt hanc impositorum no-
 minum rationem coarguam, aut ex-
 cusem, quam sacrarum literarum
 auctoritate receptam, & quodam-
 modò consecratam esse video, in
 quibus & Arcturum, & Oriona, &
 Hyadas, & Pleiadas legimus. Sæ-

culo potiùs nostro gratulor, quo
gentilitia tua stella, Princeps Eminentissime, in supremo mundi cardine refulget, & montes, insideri solita poëtis loca, suâ luce collustrat, & benefico ac salutari aspectu diuinum aliquid elegantibus ingeniis aspirat. Salue Chisium sidus, Romæ, quam ego vt distinctum sideribus cælum intueor, decus, terrarum voluptas, felicitas temporum, vigoris, quo bonæ artes lætiùs efflorescunt, origo, secundissimum auspicium æternitatem prospectantium, poëtarum. Tu, quod falsò de sideribus Stoïci iactauerunt, diuinâ animatum es mente, quæ sit par terrarum & religionum curis. Te litteratorum ordo suspicit & obseruat. Afflatu tuo incalescit poëtis mota mens, nocturnæque lucubrationes
iucundæ

iucundæ fiunt ac faciles. In te, si quod de Cæsaris stellâ dixit Augustus, huc referre licet, in te Mæcenatis anima commigravit. Cælum (ita mihi ab illo prospera eueniant omnia) cælum cum Platone fieri optem, vt pluribus oculis insatiabili lucis tuæ pulcritudine animum expleam. Theodosij Magni temporibus noua propè à Lucifero circa signiferum orbem conspecta stella curiosa hominum ingenia studiaque incendit. Nullus toto cælo ignis lucebat iucundior : Lucifero vt loco erat proximus, ita & micantibus radiis non admodum dissimilis : vnà solem præibat, eidem vnà succedebat : annuebat illi scintillationibus suis reliquus stellarum chorus: ingens deinde earum numerus ad illam sese aggregabat, eo ferè

more quo circa regem suum apes
glomerantur : mutuo denique con-
cussu ad aliquam hilaritatis speciem
ardoris euibrabant expressa semina,
quæ vnâ in flammam coalita no-
ctem aureo illo iubare serenabant.
Hîc ego solem face adiuuero, si per-
gam , quod in omnium oculos in-
currit, in rem meam exponere. Mi-
hi quippe Theodosij religiosissimi
ac felicissimi Imperatoris, & Ale-
xandri V I I. Pontificis Optimi
Maximi beata tempora inter se
comparanti cælum videtur prospe-
ras vtriusque res stellarum indicio,
quarum altera in æthereis orbibus,
altera in supremo rerum humana-
rum culmine reluceret , declarare
voluisse , velut certâ plausibiliq̃ue
publicæ felicitatis notâ. Ille Sarma-
tas profligauit; hic, ne profligaren-
tur,

tur, effecit : ille ad Romana sacra Gothorum Regem ; hic Reginam traduxit : ille aduersus acerbissimos tyrannos instruxit exercitus ; hic misit instructos : ad illum Legati vndique pro pace missi ; ab hoc etiam procurata : vterque pius, felix, nulli Principum secundus, & quòd tristissimorum temporum finem, gratissimæque lucis initium attulerit, Lucifero comparandus. Quem verò proxima illa Lucifero stella, quem nisi te, Princeps Eminentissime, designet ? qui Pontificio solio proximus, non illustrissimi tantum generis, sed etiam dignitatis propè pari luce perfunderis.

*Tu, quoque, supremo Patru de sidere
sidus.*

Tuæ sunt fueruntque partes iisdem,
* 5 quibus

A L L O C U T I O

quibus ille , muneribus perfungi,
pestis,annonæque, & belli sæuitiam
extinguere, pacis consilia prouehere,
salutem omnium moderari.

At ² tibi iam video magni famul-
lantia mundi

Sidera,

quæ quasi stipatò agmine ad te
confluunt, & honoris lætitiæque
explicandæ gratiâ ignes suos excu-
cutiunt ventilantque. Nunc autem
te singularibus de causis,

Sacrorum ³ Cynosura certa vatum,
te intuentur Illustrissimi Poëtæ,
quorum libellos hîc vides tui nomi-
nis plenos. A te vim vigoremque
ingenio suo addi fenserunt, cùm tu
illis siue in Quirinali, siue in Alba-
no monte scribendi materiam da-
bas: iam verò etsi nihil causæ est,
quam-

² Idem pag. 13.

³ Ferdinandus Furstenbergius pag. 153.

quamobrem publicum reformi-
dent, non audent tamen, nisi beni-
gno tuo contuitu recreati, famæ se-
se ac posteritati committere. Quid
enim? nautæ suas habeant, quas
obseruent stellas; non itidem poëtæ
suas? Nisi fortè maius sit ventis
vela, quàm ingenio dare; Tyrre-
num aut Ionium, quàm scribendi
æquor ingredi; infesta cautibus lo-
ca, quàm fastidiosa quorundam iu-
dicia (nam quis hæc euadere hoc
sæculo possit?) inoffenso cursu de-
clinare. Emergit nuper ex arcano
nescio quo Parnassi specu, & in ipsâ
imperij ac doctrinarum arce sese
extulit literatorum quædam quasi
factio, visa sibi iudicij & ingenij
famam ex veterum scriptorum
contemptu velle conficere. Itaque
dictatoriâ sententiâ deiectus est de
suo

suo principatu Virgilius : laudatus
 Caligula, qui illum vt nullius inge-
 nij minimæque doctrinæ ex omni-
 bus bibliothecis tantum non amo-
 uit. Horatio Romanæ lyræ suauis-
 simo fidicini, & ad notandos homi-
 num mores facto honor huius no-
 minis ademptus. Audendum aie-
 bant aliquid supra protritatos illos &
 iam vetustate exoletos poëtas : illos
 iniucundum quiddam sonare at-
 que agreste : nihil in illis sublime,
 nihil viuudum & admirabile, humi-
 lia, ieiuna, communia & peruagata
 esse omnia, quibus paria inuenire
 & efferre quouis ingenio probabili
 & studio non magno possit : nimis
 diu secundâ famâ atque approba-
 tione exceptos fuisse : παιδαγωγικῶς
 ad ludum aliquem, in quo pueri pri-
 mis poëseos elementis informantur,
 ab-

ablegandos : excogitandum scriben-
 di genus nouum ; acutum , subtile ,
 translationibus vnde minimè putes
 accersitis crebrum atque magnifi-
 cum ; quod nihil habeat cum priscâ
 illâ simplicitate commune ; quod
 non nisi ab ingeniosissimis possit
 intelligi. Cui sectæ atque institutio-
 ni etsi primùm eruditissimus quisq;
 reclamauerit, ac deinde ipsos etiam
 auctores in poëtarum amplissimo se-
 natu Maronianæ maiestatis damna-
 tos iudicij sui poenituerit : adhuc
 tamèn desiderat in fingendis versi-
 bus nescio quid arguta quorumdam
 sedulitas, dum paucis illis ac præci-
 puis, quos Augustea tulit ætas, acu-
 tiores subtilioresque videri volunt,
 & dum ad sublimia affectant viam,
 vestigia quibus huc eniti possent,
 non sequuntur, nedum adorant.

Nimirum

ALLOCVTIO

Nimirum pura & æquabiliter fluens oratio, dilucida animi interpres, naturæ imago, ingenij vultus non magnam apud illos meretur inuentionis doctrinæque laudem. Non placet illis nitidus ac natiuus elegantis formæ color: consumendæ pigmentariorum arculæ: illinendæ fuce genæ: læuanda frons: calamistro inurendi implicandi que crines: versicolores contortæ que vittæ, crepantes que bracteolæ ad aliquam luxus speciem ostentandæ. Vellem equidem Rex ille, cui eorum vnus ingenij sui monumenta nondum edita supremis tabulis legauit, dum nunc à difficillimo bello utcumque respirat, eadem è scrinijs suis promeret, & vulgari iuberet. Nam, vt optimus literariæ disciplinæ magister Quintilianus, *Ne id quidem inutile etiam*

*etiam corruptas aliquando & vitio-
sas orationes , quas tamen plerique
iudiciorum prauitate mirantur , legi
palàm , ostendiq₃ in his quàm mul-
ta impropria , obscura , tumida, hu-
milia, effeminata sint , quæ non lau-
dantur modò à plerisq₃ , sed, quod pe-
ius est, propter hoc ipsum, quòd sunt
praua, laudantur. Quis inter hos
iudiciorum scopulos speret cur-
sum se posse tutò emetiri , nisi al-
tum tenenti felix stella præluceat?
Ego verò Musas has cultas & faci-
les , quæ tuis auspiciis , Princeps
Eminentissime, portu nunc exeunt,
securas esse iubeo.*

*Chisium 4 sidus reget omne certâ
Luce periculum.*

Ex aruspicum responsis, quæ P. Ser-
uilius , & Ateius Capito à Festo
Pom-

ALLOCVTIO ASTROSCOPICA.

Pompeio laudati prodiderunt, stellæ imago in omen magnæ felicitatis accepta olim fuit, eaque siue ad religionis, siue ad tutelarîs perfugij tesseram in locorum dedicatione ad vestibulum appendi solita. Accipio agnoscoque prosperi euentus ex aruspicinæ disciplinâ petatum auspiciû: adeoque, vt certo auguror, libelli quibus stella tua præfigitur, non tantum præsidio tuo tecti, sed etiam sacrosancti habebuntur.

*Tuoq; s sidere actus inuidus liuor,
Et Zoilorum turba cedit, vt nubes
Fugit corusci pulsa solis aspectu,
Pontiq; seuientis atra tempesta,
Simul refulsit alba stella Pollucis.*

s Ferdinandus Furstenbergius pag. 173.

TYPOGRAPHVS

LECTORIS ALVTEM.



Lurimum sanè detrimenti rei literariae ab ineptijs absurda & incastigata scribentium vulgantiumq; & hæcenus illatum, & inferri magis in dies, Lector humanissime, vetus est, ut sæpè audio, doctorum & sapientium hominum querela; indeq; potissimum proficisci, quòd nostrâ tempestate nequaquam idem honor Musarum studijs est, qui antiquitus fuit, & qui propter excellentem eorum præstantiam ac dignitatem esse omninò deberet. Id autem præcipuum fatum esse aiunt literarum circa sermonem Latinum versantium: quæ tamen post earum usum non mediocriter intermissum, & usitata vulgò orationi posthabitu, maiore præsidio opus habent ad tuendam in animis hominum eam gratiam, quam sibi auorum nostrorum memoriâ flagrantissimam parauerant. Rursus alij eius incommodi causam intempestivæ bonorum & elegantium scriptorũ modestiæ tribuunt, & cuidam supra modum rigido & censorio propria in opera supercilio, dum mediocritatem in poëticijs (de hac enim parte humanitatis loqui nunc libet) iusto vehementius reformidant. Quamobrem partus ingenij sui plerumque pulcerrimos & absolutissimos nouercali prorsus animo premunt, luciꝫ publicæ, & eruditorum fructui subducunt, atq; inuident. Inter hos autem non pauci sunt, quibus ipsum poëtæ nomen non admodum gratiosum, aut plausibile videtur: qui propterea ne

* *

ab

AD LECTOREM

*ab hominibus censeantur, exiguo paucorum amicorum
 theatro ad obsequendū suis eā in re studijs contenti, la-
 tiorem nobilissimæ artis gloriam sanè quàm delicatè
 aspernantur, eaq; de causâ rariùs ad scribendū, & non
 nisi naturæ quodam impetu cogente, animū intendunt.
 Cumq; idcirco non habeant quo iustum volumen
 implere possint, cum exiguā supellectile prodire in pu-
 blicum, & ingenij sui angustias fateri ineptum iudi-
 cant: non Catulli, non Persij, non multorum prætereā
 nobilium pœtarum exemplis permoti, quos pauci ad-
 modum versiculi æternos, & splendidissimæ apud
 posteros gloriæ compotes fecere. Ita fit, ut duorum vi-
 tiorum maximè inter se dissidentium operā thesau-
 rus literarius scrutis sese (ut ita dicam) & quisquilijs
 refertum inueniat, artiumq; præstantissima, ac diuinis
 olim insignis honoribus, magnā ex parte vetere suo
 splendore ac dignitate spoliata queratur. Ac literariæ
 quidem vanitatis inuidiā natio vniuersa Typogra-
 phorum (utinam immerito!) laboramus, unā cum
 præclaro nostro & post homines natos nobilissimo in-
 uento, atque artificio, ut non desint pleriq; qui dubi-
 tent, commodine plus an detrimenti in genus huma-
 num intulerimus, dum copiā & multitudine omnis
 generis librorū, quā nostro beneficio utuntur homines,
 onerandi potius quàm erudiendi subleuandiq; ingenia
 materiam præbemus. Eò itaq; maiore industriā niten-
 dum nobis est, ne in tantā splendescendi facultate
 excellentium ingeniorum monumenta (quod alterum
 ex propositis superius à nobis vitij est) lucis publicæ
 præmia & ornamenta desiderent, sine quibus pau-
 lū à sepultā inertia omnem humanæ virtutis præ-
 stantiam*

PRÆFATIO.

stantiam distare non immeritò poëtarum præstantissimo visum est. Hac agitati mihi, variasq; hanc in sententiam inter talium peritos disputationes audienti vir eruditus & grauis commodum ab Italiâ redux occurrit post multos annos in cognoscendis eius terræ moribus hominibusq; consumptos; utq; est literariæ elegantiae studiosus in primis, & emunctæ admodum naris, obtulit allatum inde Carminum fasciculum, quæ sibi inter multas eius generis scriptionum Iliadas probari contigerat, & in quibus nationum illum Romani sermonis leporem, iam inde Ciceronis auro ab infusâ Vrbi peregrinitate (ut ipse querebatur) corrumpi cæptum, non admodum desiderari visum est. Cumq; idem multorum præterea doctorum virorum iudicium esset, operæ pretium duxi publici illa iuris facere, eaq; ratione vsui & delectationi literatorum haud mediocriter consulere. Et si enim veteribus scriptoribus immorari multò ad Latina eloquentiæ profectum utilius est: nequaquam tamen recentiorum in vetustate imitandâ industriam spernendam puto, vel eam ipsam ob causam, ut pro exemplo eâ & regulâ ad imitationem huiusmodi recte & cum ratione instituendam Latine scribentes uti possint. Simul illud etiam spectandum in primis fuit, ut homines adolescentes perspectâ ingeniorum nostri temporis in edendis Latinis operibus felicitate, alacrius in persequendis literarum studijs sibi pergendum existiment, dum eruditos suos labores nequaquam debito publicæ laudis & approbationis pretio expertes quandoq; futuros proximo ab exemplo augurabuntur.

APPROBATIO
ILLVSTRISSIMI
AC REVERENDISSIMI
DOMINI
FR. AMBROSII CAPELLO,
EPISCOPI ANTVERPIENSIS.



D ingenij iudiciiꝑue com-
mendationem nihil esse po-
test illustrius, quàm aut res
præclarè gerere, aut sapienter
aliquid ornatèꝑue scribere.
Primum qui faciat, ei suus ex merito tri-
buendus est honor: qui vtrumque, ne illum
quidem potest vñquam eruditionis & pru-
dentiaẽ fama deferere, quam propagabunt
æterna & in omnium manibus futura mo-
numenta. Celebrabuntur vtroque no-
mine hi septem Illustrissimi Viri, quorum
poëtica lucubrationes communi plausu lu-
cem nunc vident. Cùm in occupatissi-
mâ vrbe Summis Pontificibus, & Sa-
cro Cardinalium Collegio suam in rebus
grauissimis operam nauauerint, aliisꝑue
in

in illâ terrarum luce honoribus vſi fuerint,
mirum eſt ſcribi ab iis aliquid potuiſſe. Sed
illud commemorabile Catonis dictum pe-
nitùs imbibérant: CLARORVM VIRORVM
ATQVE MAGNORVM NON MINVS OTII,
QVAM NEGOTII RATIONEM EXSTARE
OPORTERE. Nam & hora vna totius vitæ
portio eſt, quam prodigere detrimento ſit.
Nunc igitur quoddam veluti theatrum,
nunc ſeceſſum ſubiuerunt; ſed ex hoc in
maius theatrum prodituri: nunc à feriis ad
luſus animum auocarunt; ſed ad luſus non
minoris operæ & laudis, quàm ſeria.
Et habebant exemplum, quo id face-
rent, Optimos Maximoſque non ſacro-
rum tantùm, ſed etiam literarum Prin-
cipes, quorum Muſas, vt in diuinis fieri ſo-
let, ſilentio veneror. His autem Illuſtriſſi-
mis Viris, quorum ingeniis recentibusque
libellis nunc delector & paſcor, abſens af-
ſurgo, & quam ſibi agendo ſcribendoque
gloriam pepererunt, gratulor. Hoc meum
qualecumque acroama confirmare chi-
rographo meo volui.

Fr. Ambroſius Epiſc. Antuerp.

APPROBATIO CENSORIS.



V M. olim Camilli, & Serrani,
 & Cincinnati, & Romanorum
 optimus quisque optimè rem ru-
 sticam tractarent, terra & fru-
 ctu erat uberior, & aspectu pulcrior.
 Causam inquirens Plinius: Ipsorum, in-
 quit, tunc manibus Imperatorum cole-
 bantur agri, vt fas est credere, gaudente
 terrâ vomere laureato, & triumphali ara-
 tore: siue illi eâdem curâ semina tracta-
 bant, quâ bella, eademque diligentiam
 arua disponebant, quâ castra: siue ho-
 nestis manibus omnia lætiùs proueniunt,
 quoniam & curiosiùs fiunt. Simile quiddam
 de his Illustrissimis Viris pronuntio, qui mihi
 videntur libellos edere vel propterea cultio-
 res, quòd generosus ipsorum sanguis generosos
 afferat ad poësim impetus, gaudentibus Musis
 artes suas quamuis per se nobilissimas, ab iis
 tamen geminâ causâ nobilitari magis. Carmen
 scribunt pari laude, quâ res administrant car-
 mine celebrandas Ingeniosi sunt, & eloquen-
 tes, siue arcanos Principum sensus, siue inuen-
 tiones ipsi suas liberas & amœnas exponunt
 eò maiore cultu, quò studiosiùs omnia sua ad
 digni-

dignitatem referunt. Ita olim *Cæsares, Augusti, Germanici, Tiberij*, qui Principes ! quamvis illos ab institutis studiis deflecterent publicæ terrarum curæ, temperabant eas tamen privata scribendi diligentia ; & quasi triumphorum ac literarum par esset gloria, quâ manu arma, eâdem stylum tractabant, pulcherrimâ utriusque concordia. Nunc eò res redijt, ut nobilitatis pars magna putidum & à generis sui claritate alienum existimet animum liberalibus disciplinis excolere, quasi id sit male feriatî Palæmonis famam affectare. Vellem meminisset maiorum suorum vitam ac memoriam literis præcipuè deberi, & hos libellos in manus sumere ne gravaretur, quorum lectione Musarum amore exardesceret. Vivant, vigeantque, & lectitentur Illustrissimi Poëtæ, æternâ digni famâ ; digniores, quòd hanc non versibus tantum suis, sed multò etiam magis virtutibus æternam faciant. Ita censebam, vouebamque

Christianus Voochts S.T.L. Canonicus,
& Archidiaconus Antuerpiensis, Li-
brorum Censor.

SVMMA PRIVILEGII.

PHILIPPVS IV. Hispaniarum
& Indiarum Rex Catholicus , ac
Potentissimus Belgarum & Burgun-
dionum Princeps , Diplomate suo
sanxit , ne quis *Septem Illustrum Virorum Poë-
mata* præter Balthasaris Moreti voluntatem
vlllo modo imprimat , aut alibi terrarum im-
pressa in has Germaniæ inferioris ditiones im-
portet , venaliave habeat . Qui secùs faxit ,
publicatione librorum & aliâ graui poenâ
multabitur ; vti latiùs patet in literis datis
Bruxellæ 1. Octobris , M. DC. LX.

Signat.

Loyens.

POEMATA
APOLLONII
FLORENTIS.

THE OCEANIC

NAVIGATION COMPANY

OF THE PACIFIC

AND

INDIAN OCEAN

NAVIGATION

COMPANY

OF THE PACIFIC

AND

INDIAN OCEAN

NAVIGATION

COMPANY

OF THE PACIFIC

AND

INDIAN OCEAN

NAVIGATION

COMPANY

OF THE PACIFIC

AND

INDIAN OCEAN

NAVIGATION

COMPANY

ALEXANDRO VII.
 PONTIFICE MAXIMO
 RENVNCIATO,
 AD FERDINANDVM
 FVRSTENBERGIVM
 S. D. N. Cubicularium intimum.



*Vreus illuxit nostris, Fernande, vo-
 catus*

*Ominibus votisq³ dies. Iam lumine
 claro*

Contigimus, cacas cupidâ quod mente per umbras

Vidimus, arcanos ausi prauertere fines

Fatorum, dum qua præclara & certa relinquit

Signa sui ætheriâ veniens ab origine virtus,

Insequimur, legimusq³ animæ vestigia magnæ.

Nunc licet in summo regnantem culmine rerum

Susplicere: & triplici nunc maiestate verendum

Demisso colimus vultu, genibusq³ minores

Oscula adoratis properamus figere plantis.

Regnat ALEXANDER. Subitò viden' imbribus actis.

Purpureo ut ridet pacatum lumine calum?

Vt nitidi redeunt post tristia tempora soles,

*Et mites Zephyrorum animæ? circum aspice, tellus
Vt properè varios summisit lata colores.*

*Quàm dulci aërie volucres clangore per auras
Venturo indicunt hilares noua gaudia sæclo!*

*Aspice, compositis immotum vt fluctibus æquor
Post fædas nunc primùm hiemes, ventosq; resedit.*

*Cerne Urbem effusam, plausuq; insueta frementem,
Lætitieq; simul iactas ad sidera voces*

Accipe, non falsos populi exultantis honores.

*Nam memorant, cælo tandem vt miseratus ab alta
Antiquâ humanas Genitor pietate labores,*

*Regnandum huic dederit magnis virtutibus orbem;
Auxilium fessis præsentî numine rebus*

*Qui ferat, & duro Europam sub fasce gementem,
Bellorumq; diu tot tempestatibus actam*

Qui leuet, ac profugæ reuocet bonus otia Pacis.

Nec tamen ultrices generosi pectoris iras

Non coquere, & iustos animo versare dolores,

Armaq; sacrilegos meditari & fulmina in hostes.

Huius in aduentu iam nunc pallere superbum

Regnatorem Asia trepidum, atque extrema timentem,

Seq; peti terrâ & pelago, ferroq; virisq;

Immensas Orientis opes, Solymamq; reposci.

Parte aliâ populos longè trans ardua claustra

Italia,

APOLLONII FLORENTIS. 5

*Italia, gelidum spectantia regna Booten,
 Et Rheni egregias fluuijꝫ binominis urbes
 Latitia miros imo sub pectore sensus
 Concipere, & veterem subito consurgere flammam.
 Hunc illum, auspicijs nuper caelestibus oras
 Quem videre suas venientem, auriſqꝫ secundis,
 Omniaqꝫ eternis obeuntem laudibus: illum,
 Quem pietate & iuſtitiâ, quem sanguine clarum,
 Flexanimo linguae eloquio, doctiſqꝫ beatum
 Artibus, & caſtâ facilem dulciqꝫ Camæna,
 Attonitis inhians oculis, ceu præſcia tanti
 Suspexit mirata boni Germania: triſte
 Diſſidium, cæcaſqꝫ iras, animoſqꝫ rebelles
 Exarſiſſe ſatis: gentem iam tendere amicam
 (Chaonia ad nidum veluti per inane columbae)
 Ad Tiberim, & magna properare ad mœnia Romæ
 Iamqꝫ ſacros orare pedes, veniamqꝫ precari,
 Et pacem, certamqꝫ adeò exorare ſalutem.
 At fremitu maiore ferunt, quæ munera terram
 Heſperiam, Latiumqꝫ, altam Mauortis & urbem
 Quæ maneant; propius quanta indulgentia celi
 Aſpiciat ſacros orienti ſidere colles.
 Hac ſinxiffe tenus vates Saturnia quondam
 Regna per Auſoniam, & de fuluo ſæcla metallo:*

*Aurea nunc verè tali sub numine condi
Tempora , iam reduci cum Virgine lata venire
Omnia , deterjà prisci rubigine ferri.
Iam decus antiquum , & solitos constare triumphos
Principe ALEXANDRO Romanis arcibus : & iam
Relligione Patrum , sanctæ & formidine dextræ
Victorem latè gentes ab utroque receptas
Litore adorata imperio subiungere sedis.
Hoc duce præclaras florescere protinus artes,
Et Latia tellure novas iam surgere Athenas:
Permessi mutare undas iam Tybride Musas,
Desertoq; Helicone , iugum celebrare Quirini.
Hæc bona non dubio monitu mortalibus , addunt,
Ex illo speranda , Heros quo tempore primum
Attigit exorians venientis lumina vitæ:
Cum summo ætherij residens in vertice Olympi
Regius ardenti fulgeret Iuppiter auro ,
Et vaga composito circum famulantia motu
Inter se adspicerent radijs felicibus astra:
Lydia materno caelestia pignora tellus
Cum gremio exciperet , quæ sese urbs erigit alto
Clara iugo , fecunda virum , decorumq; creatrix,
Regales fuluâ pueros sub matre , superbum
Insigne attollens , nec sanguinis immemor alti
Cognatam*

Cognatam ostentans notâ sub imagine Romam:
 Cùm domus egregios intra generosa penates,
 (Nomen auis, atavisq; ingens) longo ordine viuos
 Monstraret puero vultus, & facta suorum
 Mirari, inq; sacris vestigia figere signis,
 Et patrio in teneris laudum consuescere amorì.
 Nec maiora silent regni argumenta futuri,
 Haud obscura, virum veniens ubi reddidit etas,
 Quæ dedit ille: Dei purâ super omnia plenum
 Relligione, metuq; animum, niueosq; pudici
 Pectoris, inuictosq;, vlllo sine vulnere, mores:
 Tum largè nitidis haustas de fontibus undas
 Cælestis Sophia, Themidisq;, & Palladis artes,
 Quæis populos regere imperio, quibus aspera doctus
 Flectere corda hominum, positis olim effera bellis
 Secula felici mitescere pace iuberei.

Quid referam, ut letos augustæ frontis honores
 Ingeminant, celsoq; animos, mentemq; benignam,
 Regificasq; manus, facilemq; ad præmia dextram?
 Quid studium, totq; exhaustos terraq; mariq;
 Pro re Romanâ, pro relligione labores?
 Tot benefacta viri! quæ tu, Fernande, beatus
 Spectasti primis mirari assuetus ab annis;
 Et patrias etiam Rheni meditatus ad undas

*Tentasti Arctōas plectro leuiore per auras.
 Nunc quæ mira vides , propiore beatior alma
 Frontis ab aspectu , pronâ quæq; accipis aure,
 Quæq; feret voluenda dies facta inclyta summi
 Principis , & nomen latè immortale , decusq;
 Maiori celebrare sono , grandiq; memento
 Carmine , Maoniſſq; modis attollere ad astra.
 Diuino ingenio , & præſenti numine vates
 Quæ dabis , æternum referens mirabitur orbis,
 Et ſeri aſiduè diſcent memorare nepotes.*

A D

ALEXANDRVM VII.
 PONT. OPT. MAX.

Eucharisticon.

ME quoque ſublimi è ſolio, PATER, aſpicias, vnde
 Terrarum ſpatia , & terras obeuntia latè
 Equora deſpectas , cælumq; ac ſidera tangis
 Arduus , & vigili mundum ratione gubernas.
 Nec tua maietas , quòd me quoque prouida curat,
 Deteritur : Phæbi nec lux ſeſe inficit alma,
 Senta quòd ex alto luſtrat loca , & infima tendit
 Telluris , maneq; adeò penetrare ſub imos.

Sed

*Sed simul emicuit celo, tristem undique pellit
 Squalorem, turpemq; situm, nebulaq; resoluit.
 Atque ubi descendit magis, interiusq; repostas
 Rimatur latebras, fetus & munera fundit
 Cara magis, pretiosa auri argentiq; metalla,
 Gignit & ardenti rutilos fulgore lapillos.
 Haud aliter tu, MAGNE PARENS, quocumq; salubres
 Aduertis radios, mentes animosq; serenas,
 Speq; bonâ, & donis largè præsentibus auges.
 Vel mihi quæ longè in tenebris semota iacebat,
 Frontis ut aspectu primo recreata beatæ,
 Regaliq; erecta manu, & decorata benigno
 Munere, vita redit! veterumq; oblita malorum,
 Leta tuos inter dum se circumspicit, usque
 Fortunam secura nouam, noua gaudia versat!
 Atque utinam illapsu diuini luminis, auri
 Vena fluat, nostroq; erumpant pectore gemma!
 Pulcrior haud inter lauros ederasq; virentes
 Cinxerit ambrosios tibi crines vlla corona.
 Nam neque præpetibus superantes aëra pennis
 Me vincant aquilæ, nec dulci carmine olores,
 Nomen ALEXANDRI, laudesq;, atque inclyta facta
 Tollere Pierio certantem ad sidera cantu.
 Te verò interea tacitus venerabor, & altè*

Diuini ingenij quæ tu vestigia signas,
 Assiduè relegens, memori sub mente recondam:
 Discam aptis si fortè olim tibi soluere grates
 Vocibus, & tua conari, PATER, aurea dicta;
 Aurea, perpetuâ semper dignissima vitâ:
 Deq; tuis tibi dona feram te digna, supremi
 Vt facimus sacras humiles ad Numinis aras.

A D

 F L A V I V M
 C A R D. C H I S I V M.

TV quoque supremo Patrui de sidere sidus
 (Cynthia fraternis clara velut radijs)
 Me tenui grates dicentem carmine, letis
 Aspectas, Princeps inclyte, luminibus:
 Cuius in exortu toto lux aurea celo
 Emicat, & campos lapsa per aetherios
 Diditur, & pulsâ caligine protinus imas
 Vndique iam terras conserit, & maria.
 Sed tua purpureo vestitur lumine Roma
 Largius, eximio & munere perfruitur:
 Teq; suum decus, & lenimen dulce laborum
 Suspicit, & duro in tempore præsidium,

Cum

*Cum scelerata lues miseram, & mendacia mēsis,
 Ah miseram, crebris mortibus horrificant:
 Nec cessare sinit trepidam discordia Regum
 Vicina, armorum terribili sonitu.
 Ut patrio exiliens armata è vertice Pallas
 Infensos calo terrigenas domuit,
 Pectore de sacro magni haud secus ipse Parentis
 Diuino existis viuendus ingenio.
 Continuoq; feras acies, atque horrida fundis
 Faucibus eructata agmina Tanarijs:
 Perq; Urbem, & Latium Diras sine more furentes
 Ad nigra precipites Tartara victor agis.
 Quaq; triumphantem volucris fert gloria, vinctum
 Auro & fronde simul tempora multiplici,
 Ignis ut in calo cum se nouus exerit, in te
 Mentis quisque, auidos conijcit atque oculos.
 Surgere Ledaum vestris de montibus astrum
 Iam videt in medijs fluctibus Italia;
 Transq; Alpes procùl aërias, transq; equora, leto
 Iactata, heu, gentes omine suspiciunt.
 Iam fœdas sperant hiemes, caliq; tumultus
 Desuisse, animas & posuisse truces.
 Tempora iam complexse canunt infesta sorores,
 Staminaq; auratis ducere velleribus:*

Egregium

Egregium everso tandem succurrere sæclo
 Demissum niueis alitibus iuuenem.
 Hunc, patrios fulgere lares dum stemmate longo
 Præclaris atauum cernit imaginibus,
 Discere virtutem in teneris, verumq; laborem
 Cæpisse, & magnos reddere Chisiadas:
 Et cum vix molli primùm pubesceret æuo,
 Intrepido fortes corde gerentem animos,
 Vnigenam caræ amplexus genitricis, & vda
 Fugisse immotum lumina lacrymulis,
 Misso ut Hyperboreas magnis de rebus in oras
 Adderet ingenti se comitem Patruo:
 Perq; nives celerem, perq; horrida saxa secutus
 Curreret, ad superos quæ via pandit iter.
 Et nunc, quod virtus olim sua, festaq; votis
 Poscebant rebus tempora flebilibus,
 Ille sedet regnans solio sublimis in aureo,
 Iuraq; seruatis mitia dat populis:
 Tuq; hoc iam pridem sapere, & regnare magistro
 Doctus, in imperij parte locatus ades:
 Quicum partiri graue pondus, cui velit altum
 Pectus ALEXANDER credere, & ingenium.
 Ille adeò te, sacra feras qui iussa per orbem,
 Pollentem eloquio mittet Atlantiaden,

Quo reuocante, diu pax suspirata reuifat
 Europam, indigno reddita ab exilio:
 Cùm placidi iungent, posito certamine, Reges
 In meliùs versis, fœdera, consilijs.
 At tibi iam videam magni famulantia mundi
 Sidera felici lumine, quâ properas:
 Et tumidos molli cliuo subsidere montes,
 Fluminaq; obsequio currere prona tuo.
 Iam' video ventos impellere vela ferentes,
 Et seruire sacris puppibus Hippotaden:
 Neptunumq; Patrem, & Nereidas exultantes
 Accipere, & toto prouehere usque mari;
 Litoreq; exceptum primo deducere gentes,
 Letitiæ resonis vocibus, innumeras.
 Parte aliâ increpitat reditum deserta morantem,
 Teq; diu externis inuidet Ausonia:
 Et reducẽ hinc summis suspirat ab Alpibus, atq; hinc
 Expectat Tuscis obuia litoribus.
 En venit, & terris emensis sospes, & undis,
 Præpetibus tendit cursibus in Latium:
 Iamq; viam ad sacras relegens secatur impiger arces,
 Mœnia iam victor FLAVIVS ecce subit.
 Vrbs effusa repente ruit, populusq; Patresq;
 Optato properant pascere amore oculos.

Ardum

*Arduus ille sedet, nitidosq̃, aurum inter & ostrum,
 Palladijs crines frondibus implicitus
 Alta triumphali inuehitur Capitolia pompâ;
 Mox humilis sanctis oscula dat pedibus.
 Interea fremituq̃ hilari, plausuq̃ resultant,
 Et lucent festis compita luminibus.
 Nec niuei, flauo quos flumine pascit olores
 Agmine nunc Tybris profluus aurifero,
 Nomen ALEXANDRI, & FLAVI, & facta inclita
 cessant
 In calum aternis tollere carminibus:
 Sacra nec aternas voluentia dicere laudes
 Cessabunt, vestris aurea muneribus.*

A D

AVRELIVM MARROCHIVM,
 SCIPIONIS CARD. S. SVSANNÆ
 MEDICVM.

Hoc tibi me, Aureli, vestrum quoque numen
 Apollo

*Sollicitum iussit mittere epistolium:
 Artis ut auxilio, quam tu meditaris, & vnam
 Eximie prestanti excolis ingenio,*

Nascenti

*Nascenti occurras morbo, longumq; minanti,
 Ni reprimas, toto corpore supplicium.
 Ex quo etenim Domini vos mollia iussa secuti
 Vrbe procul dulci viuitis exilio,
 Et miserâ ambitione procul, dulcissima, forsân
 Immemores nostri, gaudia percipitis;
 Hic mihi nescio quæ trepido submittitur imis
 Visceribus tristis fœdâq; perniciës.
 Nam vapor effusus feruentibus undique venis
 Incipit indignis vrere membra modis.
 Iamq; vari sparsim existunt, papulæq; rubentes,
 Inficit & medias pustula rupta manus:
 Pruritusq; vagi, & scabræ rubiginis optat
 Assiduo impatiens stringier ungue cutis.
 Prasertim dulces ubi suadent carpere somnos
 Aurea iam cursu sidera præcipiti,
 Sanguis inardescens stimulis pertentat acutis:
 Nec requies molli mi datur vlla toro.
 Vixq; renascentis Phæbi sub lumina prima
 Excipit irriguo sparsa sopore quies.
 Vnde autem infelix vitium incessisse repente,
 Et miseros artus corripuisse putem?
 Non ego cùm flammæ Procyon, radiosq; malignos
 Spargeret, aut miti luce sub Erigones*

Pocula siccaui generosi ardentia Bacchi

Largius, apposita nec nocuere dapes.

Dira neque immodico bilis succensa labore,

Nec curâ aut studio est mens agitata graui.

Sed molles aluere epula, cyathisq; minutis.

Infusa est gelido plurima lympa mero:

Et matutini captato frigore roris,

Mox vacui longos sedimus vsque dies.

Nec dubitavi etiam mersare salubribus undis

Interdum, ac tepido spargere membra lacu.

Quid, liquidum, medioq; agitatum Aquilonibus aestu

Quod celum in tectis ducimus aërijs.

Ipsè tamen quæ causa malum hoc induxerit, aliè

Vestigâ, & celerem, dum licet, affer opem.

Affer opem, & propera labem compescere, si te

Vlla mouent dulcis iura sodalitijs.

Seu sit abundanti salientem sanguine venam

Tundere opus, succosq; elicuisse putres;

Seu iecore ardenti ingesto medicamine flammam

Opprimere, atque aluum ducere consilium est;

Huc ades, Autumnni labentis dum finit hora

Lenis adhuc, dum sic sera moratur hiems.

Quam cupimus debere tibi, molire salutem,

Conceptumq; agro pectore pelle metum.

Eueniet:

*Eueniet : tibi perpetuò sic vota secudent ,
Et faueant cæptis numina lata tuis :
Principis & magni viridi dent robore vitam
Proferre ad Pylij tempora longa senis.*

A D

FERDINANDVM
FVRSTENBERGIVM,

De reditu cogitantem in Germaniam

anno CID. IDC. LIV.

*C*Vi fausta leto sidera lumine
Risere , molli quem placida sinu
Fouere nascentem Camæna , &
Ambrosijs aluere succis :
Cui ductus aliè sanguis , & inclytæ
Longò sequentes ordine imagines ,
Chartæq; signantes parentum
Facta , domus monumenta magna,
Monstrant auito nobile iter gradu
Virtutis , arces quæ datur igneas
Inire , doctrinæq; suadent
Ærium superare culmen :

B

Laboriosâ

Laboriosâ nil opus aleâ

Mutare dulces exilio lares ,

Et quærere incertum remotis

Regna procùl peregrina terris.

Sed te beati viuulus ingeni

Adegit ardor limina linquere

Paterna , præclaros ut exul

Egregius fugeres penates

Primâ in iuuentâ. Nec sine numine ,

Fernande , Diuûm , principe in urbium

Resistis , ingentemq; lustras

Latè oculis animoq; Romam.

Iacere moles nubibus aspicias

Olim propinquas , & decora imperi

Miratus , immani ruinâ , &

Marte doles cecidisse vestro.

Mox de superbo puluere nomina

Maiora cernis , regnaq; surgere

Æterna , quæ victrix per orbem

Religio , pietasq; summis

Æquauit astris. Impiger ultimo

De fonte , riuos hîc sapientia

Hauris , & ad plenum benignâ

Pulcrâ sitis satiatur undâ.

Purum vetusti temporis aureas

Hic pectus artes combibit, & sacrâ

De fronde iam nectis coronam

Crinibus, Ausonioq; vates

Incedis inter carmine nobilis,

Cui plaudit amnis regius assonans,

Collesq; septeni resultant,

Quo Latia recreantur aures.

Natale fratres imperijs solum

Bellisq; fetum pectore Martio

Colant tuentes, & sub Arcto

Auspicijs volitent secundis.

Ad pulcra pacis munia te vocat,

Poscitq; calum mitius: huc tua

Te sistit, & celsos honores

Insequitur generosa virtus.

Vt orba dulci coniuge, & unico

Fecunda nato, mæsta tenet parens

Amplexa cedentem, nec vdo

Fixa finit properare vultu:

Sic Roma cari dum capitis fugam

Rumore tristi nunc timet anxia,

Supplex moratur, sic amici

Te precibus retinent Quirites.

A D
A V G V S T I N V M
F A V O R I T V M.

Ad studium Græcarum litterarum
hortatur.

Qui pectus ardor versat, & intimas
Vrit medullas, purus, ab ignibus
Demissus æternis, & usque
Ætheriâ recreatus aurâ:
Vernante qui te sanguine vividum
Tellurem inertem relinquere, & arduas,
Auguste, sublimem volucris
Ingenio superare nubes
Cogit, relictas mox humilem super-
Volare terras, litora duplicis
Diuersa latè quâ refusâ
Oceani feriuntur undâ:
Interminatas quò sapientia
Queras auaro diuitias sinu,
Opesq; doctrine beato
Egregias animo reportes,

Non

Non ille fracto lenior impetu
 Residet usquam: non alio minùs
 Sub sole feruëscet: nec istam
 Lympha sitim gelidùmve flumen
 Restinguet ullum, tu nisi iam vagus
 Ales resistas, Gracia nobiles
 Magnumq; spirantes ruinas
 Seruat ubi, propriumq; bustum.
 Fluentis auri puluere sub sacro
 Metalla, gazas impiger obrutas,
 Gemmasq; defossas, Eois
 Inuenies pretiosiores.
 Seu plana lustrës, seu iuga montium
 Ferare circum, seu loca legeris
 Pulsata Neptuno, secundùm
 Seu placidos spatieris amnes;
 Arcana docti pectoris audies
 Miro eloquentes digna silentio
 Vmbras, & immortale duces
 Aure avidus sitiente neclat.
 Sub dulci Hymetti culmine, vitreas
 Ilißi ad undas ipsa canit sedens
 Regina, diuinosaq; flores
 Cecropio Sophia ore fundit,

*Quos tu sequaci corripuens manu,
 Nouisq; pennis altius euolans,
 Insignem, & aeternam, relictâ
 Rursus humo, referes coronam.*

I N

PHILOMATHIS

MVSAS IUVENILES.

Q*uid iste fert libellus? aut quid suspicer
 Venisse in auras luminis fetum ingeni
 Sublimis, altam nec fateri originem?
 Vultuq; ficti sub parentis, per manus,
 Perq; ora circum iam volare nobilem?
 Sirenas anne condidisse carmina
 Diuina, mundi temperantes astricos
 Choros, & imis, munere insueto Deum,
 Audita terris? anne Pindi in vertice
 Iuuentæ honore Phæbus æterno nitens
 Inter Camænas ore meditatus sacro
 Hæc ipsa fudit? siue in Elysiâ pîj
 Conuallæ, gentis aureæ priscum genus,
 Dedere vates dicta præclara, aurea, &
 Desueta primùm, iamq; turpi inertia
 Deleta, nostro reddidere tempori?*

Mirare,

*Mirare, Lector, quicquid est, ac suspice;
Mentisq; magna dum legis vestigia,
Latens adora numen (haud vana auguro,
Humana si secundus aspicit Deus)
Aperto adoraturus olim in lumine.*

A D
HIERONYMVM
ALEANDRVM.

De morte Aldinæ catellæ festiuissimæ.

Ergo illa dulcis, illa multum amabilis,
Illa albula, illa delicata, illa innocens
Catella vixit? & tulere numina,
Tua Aleander interire gaudia?
Nec vlla castis inuocata versibus
Lucina præsens (heu nefas!) laboribus
Periclitantis affuit puerperæ?
Nec ipsa, dudum cuius ignem acceperat
Subblandientis acta vi Cupidinis,
Iniuriosa fata Cypris reppulit?
Sed nos querelis quid fatigamus Deos?
Summum Deorum facta crimen conqueri.
Olim (& quis hoc non credat?) alma cœlitum

*Venus voluptas, alma pulcritudinis
Dea, ut puellis usquequaque blandula
Catella suenit assidere bellulis,
Habere & ipsa concupiuit candidam,
Quicum iocosa luderet, caniculam.
Nulla at peraëtis procreata sæculis
Amore digna calitum canicula est.
Modò ista amorì destinata Cypridis
ALDINA venit bella in auras luminis.
Visam sibi hanc repente Diua surripit,
Quâ nulla posthac pulcrior videbitur.
Quare, Aleander, iam dolere desine.
Ne tu occidisse crede quam desideras,
Fallacis umbram dum vides imaginis.
Quin gaude, & ultro gratius offer muneri
Diue, lepores quæ tibi dedit suos:
Quæ nunc magis magisq; amica permanet
Tibi, venustatemq;, & omnem calitum
Pro munere isto comparabit gratiam.*

AD EVMDEM,

De lacrymis Deorum edifferentem.

Flerent dolentes fata si quando aspera,
 Guttis per ora lucidis manantibus
 Serena Diuum lacrymasse lumina
 Prisci Poeta tradidere temporis.
 Verum nefanda ex quo perosi crimina,
 Imbuta quæis iniqua ferri sacula;
 Contaminato subtrahunt se aspectui,
 Videre nulli fas fuit mortalium
 Mirabiles quæ calitum sint lacrymæ:
 Nunc tu, Aleander, perspicaci acumine
 Obducta visum tendis ultra nubila,
 Calumq; lustras penitus: en, quod videris
 Non usitato more flere numina,
 Non usitatâ edisseris facundiâ.
 Euge ô beate. Tu tenebras discutis,
 Numenq; portas, quo nitentes lumine
 Verè Deorum lucidæ sunt lacrymæ.

I N

BIBLIOTHECAM
FRANCISCI CARD.
BARBERINI.

P Ræceps furentis orbe dum ruit toto
 Procella Martis, iamq; terror incescit,
 Calidaq; cedes undique imbuunt campos;
 Ab imminente vastitate quò seruet
 Trepidæ Camænas, literasq; palantes,
 Sacri Senatus columen, & decus magnum
 FRANCISCUS, arcem providâ pius curâ
 Muniuit, ornavitq;, vimq; congestit
 Studio, labore, dexteraq; regali
 Huc aureorum maximam libellorum.
 Vos hinc procùl faceßite in malas oras
 Blattæ nocentes, quò mali vocant libri:
 Satis superq; munera inter & curas
 Regni, diurnâ solus, atque nocturnâ
 FRANCISCUS hæc conteret manu chartas.

A D

A D

IOANNEM BARCLAIVM,

Flores studiosè educantem.

Qua tibi culta nouos latè parit area flores,
 Quæq; nitet vario picta colore seges,
 Quàm citò, Barclai, defecerit! improbus Auster
 Deijcit, aut densâ decutit imber aquâ:

Solibus aut æstus veniens ardentibus vrit,
 Aut legit, & rapido demetit vngue manus.

Haud ita quos lepidis cultu meliore libellis

• Diuini flores inseris ingenij.

Nam Charites Musæq; fouent, sparsiq; beato

Nectare, perpetui veris honore vigent.

Nec deerunt vnquam inscripti tua nomina flores,

Longa licet studio perpetue sæcla legant.

CÆSARIS COMMENTARIA

CORROSA A MVRIBVS.

Quod mille libros inter, hunc immaniùs
 Vastasse mures aspicias,

Quo bella Cæsar incluta, & victorias

Hac quâ peregit fortiter

Dex-

*Dextrâ , exarauit doctè , id imprudentiâ ,
Casûve factum ne puta.*

Nam dum coronâ cingit , ac sedet diu

Castella circum , aut mœnia ,

Edendi amore adegit , ac penuriâ ,

Dolo vndecumque & machinis

Periclitantes aggredi , & consumere

Excepta murium agmina.

Ex illo inustum dedecus , & iniuriam

Transmissam adusque posteros ,

Auctoris haud oblita , fortis natio

Reponit , atque vlciscitur.

A D

IVVENEM PICTOREM.

D*Um viuo discis tabulas animare colore,
Et varios natura effert quos dædala flores,*

Graminaq; , & dulces anni per tempora fructus

Dum simulas , laudum iuuenili captus amore ,

Disce simul pulcris animum virtutibus altè

Imprimere , atque Dei sacram mediâ ipse locatam

Effigiem quam mente geris , fuligine turpi

Ah caue commacules , & celsò è culmine iam iam

Præcipitem , tetro vitiorum in gurgite voluas.

Ah

*Ab caue, dum violasq̃, rosasq̃, & candida pingit
Lilia docta manus, tristes sub pectore dumos,
Atque venenatis radicibus inserat herbas
Actus amor furij, nimiumq̃, effrena cupido,
Pullulet unde tibi scelerum densissima silua,
Pœnarumq̃, grauis nullo non tempore mœsis.*

D E

C H R I S T I N Æ

*Suecorum, Gothorum, Vandalorum
Reginæ aduentu in Urbem,
Ianuario ineunte.*

Accessu, REGINA, tuo noua frigora in Urbem
Cur tulit, & gelidos ventus ab axe dies?
Insolitum frangi regali virgine non est,
Et rigidum Boreæ pectus amore capi.
Nunc Dominam ille suam sequitur terraq̃, mariq̃,
Et fugit in patrijs sceptrâ aliena plagis.
Quodque videt tenero doctas sub pectore Athenas,
Extuderunt Graiûm quidquid & ingenia,
Hoc capitur magis, & veteres reminiscitur ignes,
Te quoque Cecropium dum putat esse genus.

D E

D E

ALEXANDRI VII.

PONTIFICIS OPT. MAX.

secessu in Albanum.

Ecce ubi ALEXANDER longam secessit in
Albam,

Et Romam veteri restituit patrie,
Iuppiter ipse graui vectus per inania curru
Descendit prono plurimus obsequio.
Mox colere & Phæbus, radijs ornatus & auro,
Luce suâ lumen clarius appropinquat:
Nympharumq; chori lacubus, syluisq; relictis
In numerum aduentu Principis exiliunt:
Et circumpositæ effundunt sese undique gentes,
Et sacris humiles oscula dent pedibus.
Urbs dolet interea ingeminans deserta querelas,
Suspiratq; sui mæsta Patris reditum.
Parce tamen, pia Roma, queri, nec gaudia Matri
Antiquæ exigui temporis inuideas.

A D

A D

P. S F O R T I A M
P A L L A V I C I N V M S. I.De historiâ Concilij Tridentini
ab eo scriptâ.

C Lara ducum soboles , bellatorumq, propago,
 Qui veteres forti nomine reddis auos,
 Tu licet abnueris Martem, & meliora secutus
 Palladijs iam celum artibus attigeris ,
 Arma tamen fato generis te , duraq, bella ,
 Atque triumphato laurus ab hoste manet.
 Indomiti vel nunc infracta superbia monstri,
 Totq, dabat populis qui modo damna furor,
 Quem nouus Alcides, & ferro aggressus & igni,
 Diuini extincti viribus ingenij ,
 Quas peperit palmas ! que venit adorea ! quantus
 Inde tulit plausus nomen ad astra tuum!
 Ille quidem domuit postquam portenta , domari
 Postremam victor comperit inuidiam.
 Tu maior, simul indomitum certamine primo
 Et superas hostem , Sfortia, & inuidiam.

IN

IN ORATIONEM FVNEBREM IO. IACOBI BVCCARDI

habitam Romæ in morte Nicolai Claudij
Fabricij Perescij.

Æ *Ternæ in Urbis luce, confessu Patrum
Fauente, Romano ore cultuq, exequi
Potuisse laudes plurimas & maximas
Extincti acerbo funere, heu, Perescij,
Buccarde, res est magna, factuq, ardua:
Sed, quâ executus ipse, præclaram, auream
Orationem efferre qui possit satis,
Rem magnam & is præstiterit, ac perarduam.*

IN PANGLOSSIAM

de laudibus eiusdem ab eodem Buccardo
collectam.

Q *Vòd nomen laudesq, tui celebrare Peresci
Institerunt varia linguis longo ordine gentes,
Nobilitas, virtusq, viri, & benefacta reposcunt
Æterna, Oceanum ad geminum dispersa per orbem.
At pariter benè quòd celebrant, laudantq, disertè,
Laus, Buccarde, tua est: tua enim facundia primum
Emicuit;*

*Emicuit ; vitamq̃, & grandia facta secutus
Defleſti egregij caſum miſeratus amici:
Quæ circum accipiens longè exaudita, reſultans
Aſſonat, ingeniumq̃, tuum ſibi vendicat Orbis.*

AD
FELICEM ZACHIAM,
NATALIS RONDININI
defuncti matrem.

V Idit ut ereptum properato funere natum,
Flentibus immoto pectore mater ait:
Mortalis genui mortalem, animoq̃, ſupremum,
Cum peperit, occurrit tempus & atra dies.
Vana tamen ratio, & rerum te fallit imago,
Pace tuâ liceat dicere, docta parens.
Perlege NATALEM celebrantium carmina, in ævum
Carmina diuinis edita ab ingeniis:
Teq̃, immortalem nati de nomine, & illum
Laudibus æternum viuere noſce ſuis.

SOLARIVM ABSQVE GNOMONE

BERNARDINI CARD. SPADÆ.

HOrarum interpres quòd nullâ tangitur umbrâ,
 Tempora sed toto linea sole notat,
 Multa animo volvis, dum causam quæris, & esse,
 Quidquid id est, mira colligis artis opus.
 Falleris: hîc puro splendent ubi cuncta nitore,
 Et Domini fulget lumine clara domus,
 Haud locus est umbræ: non hîc famulantibus horis
 Dum properat, raptim tempora lapsa docet;
 Usque sed eximiè dilecti Phæbus ab alto
 Nobile in obsequium Principis ipse venit.

A D

F E R D I N A N D V M
F V R S T E N B E R G I V M ,

De Thynni capite dono misso.

Misiisti mihi, Ferdinande, munus
 Magnum, Iuppiter! atque sumtuosum:
 Sed magnum quod amiculo immerenti
 Næ malum dedit, ac repentè viuum, &
 Videntem, propè ad incitas redegit.
 Nam dum relligio mihi, quod abs te

Tuisq.

Tuisq; è manibus venit, minuta
 Ferro in frusta secare, nec puto fas
 Tam cari capitis perire formam,
 Et simul meditor frui beato
 Latus munere, & vinctiore cænâ;
 Ere mi fuerunt paranda grandi
 Arma, vasaq; grandiora, molem
 Tantam quæ caperent, focoq; & igni
 Admotam coquerent, tripus, ahenum,
 Lancesq;, & patina, paropsidesq;.

Tum quæ silua lari aduoluta! quantus
 Incendit modicos rogos penates!
 Quanta, heu, diluuiis profusi oliui
 Ferclum immane super! lucerna tantum
 Nostra vix biberit decem per annos.
 proin tu, cùm tibi monstra belluosus
 Mittet Oceanus, vagiq; fluctus
 Hæc ad litora verterint tremendum
 Balenæ spatium, memento turpe
 Destinare aliò caput, docendus
 Fortunam, & loculos breues amici
 Metiri pede veriore. non hæc
 Decent munera pauperem culinam,

A D E V M D E M,

Die eius natali.

O Ctobres saluete Idus, lux sacra, Maronem
 Quæ fudisti auras prima sub ætherias.
 Tuq; adeò mihi lux saluæ, quæ proxima surgis,
 Lux mihi natali sanctior usque meo;
 Vnde sibi reduces apponit & ordinat annos,
 Et signat niueis tempora leta notis,
 Æmula diuino condit qui carmina Vati
 Fernandus, Musâ proximus vt genesi.

E I D E M ΦΙΛΕΛΛΗΝΙ

Librum sacrarum precum Græcum
 & Latinum mittit.

A Ccipe diuinum gemino, Fernande, libellum
 Eloquio: ingenium nam decet ille tuum.
 Audiet Omnipotens, seu maiestâte Latinâ,
 Seu Graio fusas dulciùs ore preces.
 Dumq; sacras niueo promiss de pectore voces,
 Et purâ asiduè mente Deum alloqueris,
 Haud vigili studio, miro sed munere cali
 Mox dabitur linguas addidicisse nouas.

VILLA

VILLA OSTIENSIS
SACCHETTÆ FAMILIÆ.

Vrbis in antiqua, nitidi non indiga cultus,
 Villa solo, ad primum continuata mare,
 Hinc Romam, aduersæ cineres Carthaginis illinc
 Prospecto, & Tyrj diruta regna ducis.
 Nec facies animos aufert mihi proxima tantum,
 Litore ab opposito gloria quanta venit.
 Fastidit si Roma, procùl miratur, & optat
 Inuida delicias Punica terra meas.

OPPIDVM IN SABINIS.

Oppiduli aspectu primo si colligis, hospes,
 Hic vitam duci non benè, deciperis.
 Hic locus & calum felix & campus, & agros
 Hosce habitant Pallas, Liber, & alma Ceres.
 Hæc pede piscosus nitido fugit amnis, & altis
 Exagitat siluis læta Diana feras.
 Hæc satis, & superant, animus ni deficit æquus:
 Hunc quoque qui secum non tulit, hic reperit.

POEMATA
SOMNIVM,

Ruri sub conopeo arundinibus suspenso.

E Sse quid hoc dicam, tanta inter gaudia detur
Ducere cum solidos hic sine nube dies,
Quod, simul incipio molli requiescere lecto,
Terrificent animum somnia nigra meum?
Nam subito tristi percellor imagine, & ingens
Incessit miseris terror ab historijs.
Vel mihi praterita cum nocte miserrimus ultro
CANNARVM occurrit casus, ut obrigui!
Ergo perpetuo vigilantem vivere tanti est,
Et fugere horrendi dira pericla tori.

VILLA FARNESIA
IN IANICVLO.

V illa solo & celo felix, & clara vetusto
Nomine, nil fumum, nil moror Urbis opes.
His Pater optavit regnum sibi Ianus in oris,
Et posuit nostro mœnia prima iugo:
Quæq; olim eduxit regalia tecta sub auras,
Credibile est spatium clausa fuisse meo.
Nunc titulo melioris heri, cultuq; recenti
Nobilis, egregio munere lata fruor.

AD

A D

IACOBVM WALLIVM

E SOCIETATE IESV,

Cùm Michaëlem Angelum Bonarrotum, sculptorem & pictorem summum, Aretinum appellasset, cùm debuisset dicere Florentinum.

V Atum maxime, quot fuere, VValli,
 Quot sunt, quotq; alijs erunt in annis,
 Quid Florentia pulcra nobilisq;
 Vrbs de te meruit misella tantum,
 Ipsi ut Praxitelem suum atque Apellem
 Vnus tu eriperes iniquè, & istud
 Inter cetera lumen inuideres?
 Si nescis, grauitèr tulere ciues.
 Quod ni præproperè parumq; cautè
 Dictum continuò palàm recantas,
 Edico tibi, non inultum abibit.
 Nam multabere patriâ vicissim.
 Nec te illi Gradium ferent pœtam,
 Brugæ nomine nec tuo ferentur:
 Sed iactaberis vsque Mantuanus
 Vates, & Venusinus vsque, & Vmber.
 Res est non minimùm timenda VValli.

AD FAVSTINVM.

Quod ferro, Faustine, tibi, quodq; are rigenti
 Mulciberis constat nobilis arte torus,
 Horresco. Nescis, heu, quæ portenta cubili
 Sub tali foneas nocte dieq; miser.

Nam, Maro si verus, verum est quoque credere, lecto
 Versari Eumenidas nocte dieq; tuo.

FERDINANDO
FVRSTENBERGIO.

Pascenti procul Vrbe animum Septembribus horis,
 Crura sacer mihi cum lentè percurreret ignis,
 Et miseros artus stimulis arthritidis acutis
 Vreret, ac toto tentarer corpore, demum
 Decubui seßus monitu imperioq; medentum.
 Accipe nunc, Fernande, tori quæ commoda nostri,
 Deliciaq; quibus cessantem frangere morbum
 Sperabam, victorq; feros superare dolores,
 Moxq; frui letus iucundi gaudia ruris.
 Principio apparet lecti modus haud ita magnus:
 Tres in fronte pedes, paulo plus tentus in agrum,
 Dimidiamq; pavimento vix altior vlnam,
 Vnde solum digitis pulsare micantibus imum,
 Perq;

Perq̃, leues auras iactatis ludere talis,
 Mite laboranti solamen. Culcita duris
 Durior imposita asseribus, non illa minutis
 Aut plumis infarta, aut vellere pinguis Ibero.
 Cyniphiis tondent sed quale in vallibus hirci,
 Horrentesve apri, Numidæve in montibus urfi,
 Tomento oppletur Cilicum de flamine saccus.
 Inuoluit super hunc animosis sospes ab Euris,
 Et decimo fluctu, fædisq̃, agitata procellis
 Carbasus, assutis obtendens vulnera pannis.
 Nauticus horrescit supremo tegmine cento,
 Blattarum ac tinearum epulis subductus, & unde
 Diripuerè dapes magno certamine mures.
 Cetera (quod multo mireris non sine risu)
 Regifico surgunt luxu, textuq̃, renident
 Attalico, & Babylonis acu, Phrygioq̃, labore.
 Quattuor ingentes Ephyræo ex ære columna,
 Aurati fulgent quarum alto culmine coni,
 Vela ferunt pretiosa, & nobile conopeum.
 Sed neque feruenti citius de sanguine febris,
 Nec dolor abscedit membris, nec pectore curæ,
 Textilibus si in picturis aurum inter & ostrum
 Iactæris, quàm si plebeiâ in veste cubaris.
 Quod te per nomen incundum, & fœdera dulcis

*Testor amicitia, per sancta pignora dextra,
 Per mores, geniumq; tuum, miseresce iacentis.
 Dumq; datur placidos in lucem carpere somnos,
 Et tibi lauricommo veniunt insomnia Pindo,
 Inspirantiq; quiescenti noua carmina Musæ,
 Dulce aliquid mihi Castalio trans mitte liquore
 Perfusum Forsan vatum Deus, artis & idem
 Inuentor medica sic me seruauit Apollo.*



POEMATA
AVGVSTINI
FAVORITI,
FLAVIO CHISIO
S. R. E. CARDINALI
AB EPISTOLIS,
ET
SACRO COLLEGIO
CARDINALIVM
A SECRETIS.

THE
FIVE
VOLUME

THE
FIVE
VOLUME

THE
FIVE
VOLUME

THE
FIVE
VOLUME

THE
FIVE
VOLUME

THE
FIVE
VOLUME

THE
FIVE
VOLUME

Æ G O N,

Siue de obitu SIDRONII HOSSCHII

è Soc. I E S V.

Menalcas Fabium Chisium Cardinalem;

Lycidas Poëtam refert.

LYCID.



*Vi te sollicitat luctus, quæ
cura, Menalca,
O & pastorum decus, &
solatia ruris?*

*Non animus tibi, non vultus, velut antè, serenus,
Quo blandos audire soles ac reddere versus.*

*Atqui nunc letos cum tempore sumere vultus,
Perq; vices aliquid, curas quod fallat agrestes,
Ludere conueniat. Iam formosissimus annus,*

*Iam grati soles, motisq; à frondibus aura
Lenior: herba torum, siluæ dant frigus & umbras.*

Et peream, si non invitant omnia cantum.

*Quin huic nos cliuo pariter succedimus, unde
Cernere prærupti fas est de vertice montis*

*Muscosum per iter rapidas descendere lymphas,
Dum subter ludunt satura per prata capellæ.*

MEN. *Ah! Lycida, Lycida, scires modo, quàm mihi
laxum*

Pectore vulnus hiet, mæstum ridentibus agris

Haud,

*Haud, reor, obijceres vultum mihi : mæstus & ipse
In gemitus planctusq; oculis rorantibus ires.*

Hic cæli nitor ipse , anni hæc vernantis imago,

Hæc antra, hi fontes, ipsa hæc iuga frondea tantum

Me capiunt, quantum densis nox atra tenebris,

Aut, cum improvisâ cælum ruit omne procellâ,

Percussa nimbis segetes , & grandine vites.

Vsq; adeo premit, ac mentem dolor improbus haurit.

LYCID. *Quidquid id est, ne condesinu: medicina do-
lori est*

Illius indicium. Quæ non fluit vnda , putrescit,

Et ruit obiecto violentior aggere torrens ,

Et compressa parit maiorem flamma ruinam,

Inclusq; Euri tellurem atque oppida quassant.

Sic quoties celat causas , altaq; repostus

Heret mente dolor , damno est sibi : pectore clausæ

Marcescunt lacrymæ, spirantq; in viscera tabem.

Occidit hoc nuper morbo Lycus , occidit Alcon.

At si quid fortuna tibi crudele minatur ,

Antè luem pecori , aut stabulis incendia mittat ,

Aut capiti nostro quæ sint mala cumq; reseruet.

Te sine magna Pales squalentia linqueret arua,

Lugarent armenta , armentorumq; magistri,

Fistula nec cuiquam curæ foret. Hæc mea certè,

Ludi-

*Ludibrium ventis piceâ penderet ab altâ.
 Nec pulsa valles, vocisq; referret imago,
 Quod mihi cantandi cupido dictare solebat
 Carmen Apollineâ demissus origine pastor.
 Quin ego digressus silvis, lucemq; perosus,
 Etatem in duro traherem miser Apennino.*

*MEN. Si tibi tantus amor luctus cognoscere nostros,
 Teq; adeo tangit dolor hic meus, accipe. Venit
 Verus ab Arcadiâ nuper mihi nuntius, eheu!
 Egonem occubuisse meum: meus occidit Egon,
 Egon, quo pastor totâ præstantior alter
 Non fuit Arcadiâ dulci perfundere cantu
 Mænala, seu patrj saltus mulcere Lycei.
 Cui me præclaris captum virtutibus olim,
 Cum daret hospitium nobis illa aurea tellus,
 Fœdus amicitie nexu deinxerat arcto:*

*Quicum sæpè morari, ac ludere sæpè solebam,
 Quamquam vicinis fremerent regionibus arma,
 Nostraq; finitima turbarent otia gentes.*

*Quis casus mihi te, vel quis Deus abstulit, Egon?
 O nimis in miserum crudelia fata Menalcam!
 Infelix pecus ite, nihil moror, ite capella.*

*LYCID. Anne erat ille Egon, cuius tu carmina
 quondam*

Infan-

*Infandam , nimirum infandam referentia cadem
Ipse mihi celsâ (memini) de rupe canebas ,
Vnde omnes latè turres ac Roma videri?
Si inflectebas inter suspiria vocem ,
Vt mihi visa iterum fuerit discedere tellus ,
Atque iterum mæstâ inuolui caligine calum .
MEN. Ille erat: illum atro merferunt funere Parca,
Aurea diuino modulantem carmina plectro.
Esse quid hoc dicam, quod tam breue ducimus æuum
Mortales, viuunt cerui , coruiq; tot annos?
Vidi ego succisas iterum reuirescere quercus,
Exutosq; annis iuuenescere sæpius angues.
Quin & auem fama est, sacclis iam quinque peractis,
Oppetere , eiq; rogo , quem, quo nutritur, amomo,
Et nardi calamis , & odoro cortice myrrhæ
Extruit ipsa sibi , vitam instaurare recentem.
Ast hominem nec fata sinunt producere vitam,
Nec semel extinctum remeare in luminis auras.
Nympha , immortales Nympha , succurrite nobis :
Dicite si qua viret vestris in montibus herba,
Quæ gelidos animam reuocet vitalis in artus.
Dicite : tum memor hîc vobis altaria ponam,
Et tenerâ faciam meritis pro talibus agnâ.
Quid loquor ? abripiunt venti mea vota proterui,*

Et

Et prece nequidquam Divos atque astra fatigo.
 Agon hinc abiit, nec quisquam Agona reducet.
 Crudeles Diui, crudelia sidera, Nymphæ
 Crudeles; sed tu cunctis crudelior Agon,
 Cedere qui vitâ potuisti absente Menalca,
 Immemor heu nostri. Licuisset lumina saltem
 Claudere, & extremum lacrymis perfundere nostris,
 Et dare, si quid id est, frigentibus oscula labris.
 Sed forsân, cùm tu loquerere nouissima verba
 Languidus, ac dulces raperet dolor ultimas auras,
 Ipse inter latas ducebam pocula mensas
 Nescius, aut queruli dirimebam iurgia Codri.
 Quamquam, si penitus mihi mens non ceca fuisset,
 Certus ego hos olim potui prænoscere casus.
 Sæpè etenim esculeâ captanti frigus in umbrâ,
 Dum tacitus sedeo, dum spirat amicior Auster,
 Leuam nescio quid pepulit mihi protinus aurem:
 Cumq; admonissem teretes ad labra cicutas,
 Dissona feralem reddebat fistula cantum:
 Sæpè & spontè suâ manibus delapsa cadebat.
 Quod superest, tumulum extincto statuemus inanem,
 Quâ Tiberis sacrum velatus arundine crinem
 Pacato Latias interluit amne ruinas.
 Dein viridi in trunco nostri monumenta doloris

*Inscribam lacrymans : quæ fortè notabitur arbos,
 Non illam venti eruerint , non frigore bruma
 Leserit , aut ardens inimicis solibus æstas.
 Fixa solo stabit , facietq; nepotibus umbram,
 Aeternum testata meos hoc carmine luctus :*

SALVETE ÆGONIS CINERES , QUÆCVMQVE TE-
 NET VOS

IN TERRIS REGIO. VOBIS HIC IVSTA QVOTAN-
 NIS ,

QVI VICINA TENENT PASTORES PASCVA, SOL-
 VENT.

VIVENTEM COLVIT, NVNC RAPTVM LVGET , ET
 ABSENS

ABSENTI TVMVLVM POSVIT TITVLVMQVE ME-
 NALCAS.

LYCID. *Sed tu desine plura : vetat se quippe querelis
 Urgeri nostris , qui nunc , ut credere fas est,
 Exceptos calo vates , exceptus & illo,
 Cantantes audit , pariterq; auditur ab illis.
 Et tua dum mulcet nos fistula , pronus abit sol,
 Compellitq; greges in septa reducere pastos.
 Cras facere exequias , manesq; vocare licebit.*

A D

P. S F O R T I A M
P A L L A V I C I N V M S. I.

Nicander.

Nuper ad Albunæ siluam, quæ rupe sub altâ
 Spumanti præcepit Anio deuoluitur amne,
 Tityrus & Lycidas læti florentibus annis,
 Ambo pastores, ambo cantare periti,
 Carmine certauere. Locus certaminis antrum,
 Antrum umbrosum, ingens, pumex cui plurimus arcu
 Efficit: at iuxta læto se gramine tellus
 Vestit, & æternum violis vernantibus halat,
 Alluduntq; leues auium concentibus aure.
 Hic pueris locus: hîc, cum sol altissimus umbras
 Fecerat exiguas, steterunt cantantibus illis
 Pastores gregis immemores, grex immemor herbæ.
 Quin & Hamadryadum chorus affuit, affuit ipse
 Pan Deus, ac fremitu Satyri plausere secundo.
 Horum ego certamen, mihi quod narrauit Amyntas,
 Carmine non vano referam, nisi vanus Amyntas.
 Tu modò, si Musam non dedignaris agrestem,
 Sfortia, stirpis honos magnæ, quo sospite sacrum

Tollit adhuc supra gentes caput Itala virtus,
 Huc ades; hîc molli mecum considerare in herbâ
 Intereâ, ac lentus poteris captare beatam,
 Quam Zephyris quercus ludentibus explicat umbrâ,
 Dum ravidum latrat Canis æstifer, aruaq, findit
 Torrida, dum tibi sudantur quæ Bætis & Ister
 Miretur, seriq, legant monumenta nepotes.

Ergò ubi propter aquam viridanti in gramine ripe
 Procubuerè, prior Lycidas: En Tityre nobis
 Illa dies tandem, benè quæ decernere possit,
 Quis nostrum melior cantu sit, & arte cicutæ.

TIT. Quo me cumque vocas adsum: sic adsit Apollo.
 Non ego detrecto certamina: non ego, forsan
 Ut reris, canere indoctus. Scit victus Iolas,
 Scit Dorylas, scit Acon, scit Tybridis accola Daphnis.
 L. Tu mentem huc aduerte, Mycon: nec sit graue nostras
 Audire, arbitrioq, tuo componere lites.

MYC. Ludite quæ vultis, cantuq, exoluite curas.
 Pastori licuit semper, semperq, licebit,
 Cum bene paut oues, geniales dicere versus.
 At si umquam licuit calamis, si versibus unquam
 Ludere, nunc pastor calamis, nunc carmine ludat,
 Quando suas sibi pascit oues, ouiumq, suarum
 Vellera securus sibi tondet, & ubera mulget.

TIT. Incipe

TIT. Incipe tu primùm Lycida: nos deinde sequemur.

LY. Nulla mora est: tua iussa sequor. Sed nequa sit isti,
Vel mihi suspicio meditati carminis, omnem
Materiem præscribe, Mycon, legemq; canendi.

MYC. Et dubitatis adhuc, cùm laudes, claraq; facta
Nicandri montes resonent, vallesq; profundæ?

Plaudite Nicandro, Nicandrum tollite ad astra,
Cui Diuûm imperijs magni custodia templi,
Et gentes latè in Latias commissa potestas.

LYC. Non opis est nostræ Nicandri dicere laudes,
Sed vatum, quibus est animus diuinior, & vox.
Nos humiles humili res dicere carmine sueti,
Ac miscere leues per mutua iurgia lites.

MYC. Non semper leuiora decet resonare cicutâ
Pastores Latios; sed vt ipsa armenta gregesq;
Pascuntur nunc valle cauâ, nunc montibus altis,
Sic decet interdum gracili nos promere cantu,
Quid faciat pingues pecudes, quid pabula leta,
Munera quæq; leues vincant Amaryllidis iras;
Concipere interdum validos sub pectore motus,
Et canere heroas, & numina magna Deorum.

TIT. Audebo: obsequium Nicander fronte serenâ
Accipiet, si non carmen laudabit & artem.

LYC. Nos quoque, nos quâquam tenui conabimur ore

*Grandia : conanti veniam dabit ille , sinetq̃
 Me laudi , meritisq̃ suis , & grandibus ausis ,
 Dum maiora paro , facili proludere versu.
 Illi nostra quies , illi gratissima ruris
 Otia debentur : quin ipse hic spiritus illi
 Debitus : ille meos calamos non passus inertes ,
 Hospitiumq̃ dedit , collemq̃ habitare Quirini.
 Et quamquam minimè liceat mihi , ut antè licebat ,
 Sancta impressa notis celestibus ora tueri ,
 Antè , Mycon , versâ in calum radice videbis
 Tendere Chaonias quercus , terramq̃ subire
 Frondibus , antè nigro manabunt lacte capellæ ,
 Quàm sacer è nostro labatur pectore vultus.
 MYC. Ergò agite , & celebrate virû : sed gētis honores
 Mittite Nicandri proprijs adiungere factis.
 Longa retrò series , quos illa recenset , auorum.
 Hi pacis clari studijs ; hi Marte feroces
 Addiderunt patrijs ingentia nomina fastis.
 Fundarunt alij régali splendida luxu
 Atria ; sollemnes alij celestibus aras ,
 Ipsi olim decorandi aris : ingentibus illi
 Muneribus fouère Deas Heliconis , & omnes
 Egregias artes. Gens auri diues & agri ,
 Ausoniasq̃ domos claris complexa Hymenæis ,*

Et latè quondam Tusco dominata profundo,
 Quà sacer Alcide portus. Sed nescia virtus
 Crescere maiorum titulis. Erit hic vir, hic vnus
 Argumentum ingens, messisq; uberrima laudum
 Vos canite, vt studijs maior puerilibus infans,
 Cùm vix à caræ depulsus lacte parentis
 Figeret incerto dubius vestigia gressu,
 Tempa celebrarit Superùm, imbueritq; tenellum
 Relligione animum: vt fugiens contagia vulgi
 Hauserit augustos intra documenta penates,
 Queis ille insistens summa ad fastigia rerum
 Surgeret, ac fesso tandem succurreret orbi.
 Inde, vbi virgineas primæ lanuginis umbræ
 Conspersere genas, vt famâ impleuerit Urbem,
 Et grauib; curis virides addixerit annos,
 Munera per populos obiens: vt sæpè potentum
 Limina, & augustas iussus penetrauerit aulas,
 Quarum vestibulū ante ipsum manus excubat atra,
 Inuidia, insidiæq; truces, fraudesq; doliq;
 Nec tamen attigerint illum fraudesve, dolive,
 Aut aliæ scelerum pestes. Vt namque per altos
 Ionij fluctus, & amaræ Doridos vndam
 Integer euadit Siculas Alpheus ad oras:
 Sic magnam intactus mentem, fugiendaq; certus,

*Quamuis blanda forent, non immiscere petendis,
Ad patriæ sese vertit caelestis amores.*

*Testes, quos olim diuino percitus igne
Corticibus teneris atate tenerimus ipse
Inscripsit versus, & quos iam firmior etas
Ore alio indictos è venâ diuite fudit
Per numeros omnes, quiduis imitante Camænâ.*

*Dicite, quot vigili versaret pectore curas,
Cum victum miseris tellus irata negaret
Gentibus, & crebra viduarent oppida mortes,
Bellaq; vicino fremerent insana tumultu,
Quâ certum Eridanus fluuijs, luctuq; sororum
Diues init Libycis regnatum flutibus aquor.
Quid non Ionio in magno, quâ nota trophæis
Insula Sicanium contra iacet alba Pachynum,
Quid non & Rheni sinuosum gessit ad amnem,
Dum pacem indignam Superis inhonestaq; damnat
Fœdera, frustra hominum testatus iura Deûmq;?
Hunc si sancta prius tribuissent numina terris,
Non toties luctu impleisset Germania celum,
Quod trunca heu toties prouoluens busta, virûmq;
Cæde calens Albis glaciale resolveret aquor,
Tristiaq; alberent inhumatis cladibus arua.
Non dulci patriâ extorres inopesq; Britanni*

Errarent

Errarent terras omnes, maria omnia circum;
 Nec tam bella diu premerent, bella impia Cretam,
 Quâ fatum Europæ pendet; nec inulta doleret
 Ciuibus exhaustas vrbes, cultoribus agros
 Italia infelix, priscos oblita triumphos.
 Quin & Sarmatiam ferro quæ vastat & igni
 Barbarâ gens, rebusq; nouis elata superbit,
 Cederet, ac versis dudum in contraria fatis,
 Ardentis patriæ bustum, cineresq; suorum
 Ipsa gemens, fuso lueret commissâ cruore.

Dicite, uti tandem post hæc discrimina rerum,
 Postq; tot exhaustos pelago terraq; labores,
 Romuleas iterum meritorum plenus ad arces
 Venerit. Haud mora: vix aderat, cum vidimus ipsi
 Murice fulgentem Tyrio succedere curis
 Iam senis Egonis, rerumq; assuescere habenis,
 Donec ad imperij culmen fatale trahentes
 Nicandrum Superi sacratâ in Sede locarunt.
 Hæret adhuc animo haud obliuiscenda per æuum
 Illa dies, quæ prima virum mortalibus ægris
 Sublimem solio ostendit, cum pectore clausum
 Spiraret Numen, vultuq; immobilis alto
 Diuideret sacrâ caelestia munera dextrâ.

Hinc canite, ut redeant nostris felicia siluis

*Secula, & antiqui mores: ut Copia pellat
 Leta famem Latio, calumq; Astræa relinquat:
 Ut, cogente Deâ, tandem furor impius arma
 Ponat, & agrestem gladij curuentur in usum;
 Quæq; tulere diu patrio procûl ab lare durum
 Exilium tristes inhonoratæq; Camæna,
 Excutiant mærorem animo, Phæboq; canente
 Sollemnes ducant choreas per amæna vireta,
 Rursus & incipiant heroum dicere laudes.
 Sic ubi tempestas nil tale timentibus aruis
 Incubuit, stragemq; dedit, si nubila cedant,
 Si lenes redeant Zephyri, solemq; reducant,
 Ridet ager, curuumq; nemus se rursus in auras
 Explicat, & sulco seges inclinata resurgit.*

*Nec sinite indictum, ut passim decora alta Latini
 Nominis informes inter defossa ruinas
 Erigat: ut priscum templis instauret honorem;
 Vellat ut è nostris dumos, herbasq; nocentes
 prouidus, & letas inducat montibus umbras;
 Utq; suas, Diuumq; sacras inscripserit ades:
 NVLLI FAS CASTVM SCCELERATO INSISTERE*

LIMEN.

*Tempus erit, quo facta dehinc maiora canetis,
 Cum, suadente illo, positis ciuilibus armis,
 Cessabit*

Cessabit tandem quod Gens Feronia bellum
 Vpiliâ cum gente gerit. Tum tota repente
 Tempestas belli Ionium descendet in aquor:
 Tum populum latè victorem, ac fata ferentem
 Vltima, & Aegæi rumpentem claustra profundi,
 Quò meritas repetat pœnas, gentemq; superbam
 Rypheas hyemes ultra, Tanaimq; releget,
 Pallidus Odrysiâ spectabit ab arce Tyrannus.
 Sic ubi longa fames aquilam, cadisq; cupido
 Acrior ad terram speculâ dimisit ab altâ,
 Tum qui se nouus ad solem circumspicit aureo
 Fulgentem tergo, squamisq; recentibus anguis
 Vicinâ condi properat sub rupe; sed illum
 Improvisa super volucris venit, & premit ungue,
 Nidorumq; dolos, auiumq; ulciscitur iras.
 Tum demum exuerit vinclis sese inclyta tellus
 Diuini seruans monumentum ac pignus amoris.
 Tum caput attollet Silois, Tybrimq; parentem
 Iordanes, iaculisq; colet crinitus Orôntes.
 Tum dulcem nobis longo pòst tempore tandem
 Fas erit Arcadiam, lucosq; reuifere sacros,
 Taygetiq; nemus nigrum, fontesq; Lyçæi.
 Nec minùs Arctoo properat quæ litore Pallas
 Romanum ad Tiberim Patribus spectanda Latinis,

Graiorum

*Graiorum decora, & caras inuiset Athenas,
 Frigus & ad sacri ripam captabit Iliſſi.
 Tum mores hominum miteſcent, tum pecus omne
 Vnum Pastorem, atque vnum cognoscet ouile.
 At tu, SANCTE PARENS, hominũ celebrabere votis,
 Africa quã longẽ pluuium porrecta ſub Auſtrum
 Ambuſtum Oceani medijs caput inſerit undis,
 Quãq; Caledonijs Thule pulſata procellis
 Proſpiciſt ignotos curuo de litore fluctus.*

*Tale Mycon certare volentibus argumentum
 Tradidit, hanc rerum ſeriem: quam deinde ſecuti
 Tityrus & Lycidas, nemorum plaudente coronã,
 Plurima ſub ſacrã fuderunt carmina quercu,
 Quæ tacito ſecum meditari examine mentem
 Conuenit, ut meliũs referamus in ordine quicquid
 Tityrus & Lycidas ſacrã cecinere ſub umbrã.*

ALEXANDRO VII.

PONT. OPT. MAX.

RENVNCIATO.

V*T ad vireta Pindi ab Vrbe Romulã
 Bono proſecta Fama venit alite,
 Tenere ſceptra CHISIVM, nouem Deas
 Comam ferunt ligaffe fronde Delphicã,*

Ebur-

Eburneoq³ collo eburna barbitos
 Vt alligata, constitisse protinus,
 Vbi perennis vnda prata diuidit
 Odore lata graminum virentium.
 Ibi decenter implicasse mutuas
 Manus, pede impulisse & arua libero:
 Ibi increpante pectine aureas fides
 Diu negata condidisse carmina.

Dies beata ter quaterq³, vatibus
 Canenda semper, & colenda gentibus,
 Vetusta sacra quæ reducis aurea,
 Fidemq³ cum sorore ab axe deuocas!
 Vides, redux ut Africis ab areis
 Latina iam reuisat arua Copia,
 Famemq³ pellat Àfricas ad areas?
 Vt alma Pax neces & arma submouens
 Graui cruenta bella compede alliget?
 Tuo, beata lux, fauente numine
 Loqui ecce rursus antra, rursus incipit
 Tegi erudita letiore frondium
 Honore silua, largiorq³ Pegasi
 Sonante riuus exilire ab vngulâ.

Vbi hæc dedere dicta, non a Virginum
 Chorum iubet silere, & vna concinens
 Lyram maritat altiore carmine.

POEMATA
DE EODEM.

E Rgò inexplēto miseras flagello
Dire agunt gentes? Piget heu sinistram
Tam diu sortem doluisse, & orbis

Fata ruentis.

Vidimus campo Libitinam aperto

Huc equis illuc volitare nigris,

Quaq; Gradiui solūisset ardor

Ossa legentem.

Decolor tabo Sicoris, Padusq;

Testis, & ripā Thamesis cruentā,

Magnaq; aduersus Thamesim resoluens

Ostia Rhenus.

Turbine hinc nostras Oriens citato

Acer in clades ruit, hinc aurorum

Cimber ulcisci cupidus Latino

Sanguine manes.

Hinc leui frontem redimita culmo

It Fames circū, sequiturq; Pallor

Tristis, & scisso pauidus capillo

Luctus euntem.

Sed per hæc ardens init astra Virtus,

O datum Europæ decus; & leuamen

Dulce,

Dulce, ALEXANDER, miserante fessas

Numine terras !

Monstra si tellus manibus negasset

Herculis, magnus latuisset heros,

Nec suo audisset resonare Tuscum

• Nomine littus.

Tu bonæ fructus reuehes benignus

Pacis, & plenis Cererem maniplis ;

Te sacrum doctæ Tiberim reuisunt

Vindice Musæ.

Flectere insuetum tibi cerno victos

Poplitem Parthos, Arabasq; fracto

Supplices arcu dare thura nostris

Mascula templis.

Nam comâ latè viridante QVERCVS

Montis insedit iuga Vaticani,

Totum vt humanum genus hospitali

Protegat umbrâ.

Vos ALEXANDRO gladium sequestro

Ponite, & motus animi calentes :

Iam satis cædis, cinerumq; : ferro

Parcite Reges.

Cur in insontum malè pertinaces

Vrbium casus acununtur enses,

Iustius

Iustius Thracum quibus imminētum

Turba periret ?

Qui super campis glacialis ora ,

Italumq; aruis , pelagoq; fusus ,

Barbaram sanguis potuisset omnem ex-

Scindere gentem.

Iam pio tandem sociate fortes

Fædere in Creten , Solymamq; dextras.

Ite victores pia vota magno

Solvere busto.

Ite : Naupacti recubans in antro

Nuper auditus grauiore Triton

Præscius conchâ cecinisse fracti

Colla Tyranni.

Thracie vobis anime fauentes

Carbasa in Syrtes inimica vertent.

CHISIVM *sidus reget omne certâ*

Luce periculum.

DE EODEM.

*C*Lades furentis quisquis *Europa* graues
Abominatus, atque Christiadum (nefas!)
Contaminatas scelere ciuili manus,
Multâ rogasti Numen iratum prece,
Rediret ægris alma pax mortalibus,
Et qui profanis mutuam in stragem duces
Aguntur odijs, fœdere inter se pio
Iuncti in superbos arma Thracas verterent;
Quisquis reuersam cernere optasti diu
Cornu beantem diuite arua Copiam,
Reduceſq; cum sorore Pietatem ac Fidem,
Et ad antra Cyrrhæ iam diu silentio
Tristi iacentes, & recusantes lyram,
Rursum canentes fontis ad caput sacri
Audire Musas; quisquis Urbem redditam
Decori intueri, prisca quod virtus patrum
Parauit, artibusq; florentem bonis;
Aras corollis, eia, consternas pius,
Summoq; gratus vota persoluas Deo:
 MAXIMVS habenas rerum ALEXANDER tenet.

E

IN

IN EIVSDEM S. D. N. DIEM NATALEM.

VENIT ALEXANDRI natalis. Supplicet aris
 Turba frequens: flammis fumet acerra pijs.
 Nec citharæ sileant, citharis nec carmina desint:
 Huc, age, qui citharâ, carminibusq; vales.
 Vos quoque, felices animæ, pia nomina, Vates,
 Quos Latium, quos & Gracia terra tulit;
 Seu vos æternùm retinent Parnassia Tempe,
 Seu choream in siluâ ducitis Elysiâ;
 Quandoquidem manes imâ tellure repostos
 Arte ferunt, vini quam coluere, capi;
 Cingite fronde comam, & Troiâ Thebisq; relictis,
 Natalem magni concelebrate Patris.
 Et dum, VIVAT IO, resonamus, amabile carmen
 Integret Elysium, Pieriumq; nemus.
 At vos, Aonides, quarum sub numine sacro
 Leta virent doctæ iugera Castalia,
 Flectere queis animos, & inexorabile pensum
 Parcarum citharâ carminibusq; datum est,
 Si puerum arcanâ faciles fouistis in umbrâ;
 Si iuuenem purâ sæpè rigastis aquâ;

Illius

Illius ob carmen nostri si gloria saccli
 Tollit se vestris ardua verticibus;
 Si plausum tripodes, vocaliaq; antra dedere,
 Cùm Deus hunc magnum misit in imperium:
 Dum lucem hanc colimus, cantu fidibusq; fauete,
 Ac pede, res agitur vestra, fauete Dea.
 Fallor? an excite veniunt ad sacra sorores,
 Fronde coronatas expediuntq; lyras?
 Et numeris certare parant? Certaminis huius
 Signa dat è summo Calliopeia iugo.
 Ergò diem faustis celebremus nos quoque votis:
 Annus enim nobis sæpè canendus adest,
 Quo Christum accipiant ultro regna inuia nautis,
 Litora;q; argenti siqua sub axe iacent,
 Quo tandem à miseris rubigo turpis aristis
 Telorum duram transeat in segetem.
 Tu modo dexter ades, tantisq; allabere cæptis,
 Qui flectis nutu regia corda tuo.
 Quæ rabies armet populos, quæ prælia poscant,
 Quæ scelerum, quæ sit Martis imago, vides.
 Hinc premit Heluetiam strictis furor impius armis;
 Hinc luget patrio Sarmata pulsus agro.
 Heu coniuratis etiam sociata Britannis
 Arma metum populis exitiumq; ferunt!

Heu iter infaustum relegens feralis Enyo
Italia pugnaces ducit in arua manus !
Ceu Padus Insubres cùm turbidus inuehit imbres,
Quos miseri luctus augeat agricole.
Hinc etiam ferrum Odrysi crudele Tyranni
Per Venetùm clades imminet Italiae.
Scilicet Italiam contra bella impia surgunt :
Huc inhiant diræ crimina barbariae.
Tu tamen ô populis tellus assueta regendis,
Ingenio atque armis inclyta, parce metu.
Maxima ALEXANDRI virtus tibi militat, altis
Alpibus & gemino firmior vsque mari.

AD EVMDEM,

de hesterno fulmine.

*C*esserat atra fames Latio, Te, Maxime Princeps,
Vindice, & horribilis, sed sine clade, lues;
Cùm miserae nondum placatus Iupiter Vrbi
Illam maiori deuouet exitio.
Pallentem immittit morbum, quo Flavius æger
Detinuit multos anxia corda dies.
At Iuuenem egregium populis donare coactus,
Arripuit tandem tela trifulca manu.
Irrita sed pariter ceciderunt fulmina, & iram
Numinis ante tuos deposuere pedes.

AD

A D

FLAVIVM CHISIVM
ALEXANDRI VII.

PONT. OPT. MAX.

FRATRIS FILIVM.

P Hæbus ubi primùm reuehit cum luce labores,
 Redux ab orbe suaueolentis India,
 Eius ab aspectu pendet prænoscere sollers
 Ligur magister atque arator Appulus,
 Quid pelago campisq; niger denuntiet Eurus,
 Orionisq; triste sidus apparet.
 Nam si nubilus obducat caligine vultum,
 Vterque cautus abstinet periculo;
 Sin autem extulerit nebulis rosea ora fugatis,
 Hic alligare vomeri boues, at hic
 Soluere velinolam properat de litore puppin,
 Rates & aquor execrante coniuge.
 Haud aliter te, qui priscum genus indole pulcrâ,
 Et ore, suauibusq; moribus refers,

Vt nitidum os, FLAVI, diuino lumine vidit
Recentis extulisse more sideris,
Suspexit Roma, estq; animo prudente futuri
Dies sibi augurata candidissimos.
Lutè humiles terras animo nam despicias alto,
Cupidinumq; vulgus impotentium
Sub pedibus premis, infelix quibus acta iuuentus
Tumet furente peius Adriatico.
Vnus amor recti, virtutis te decor vnus
Inuat, pudorq;, comitasq; Chisia:
Degeneremq; vocas, veterum qui iactat auorum
Iners propago nomen atque imagines.
Quare hominum studia, ac dulces ante omnia Musæ,
Novam micare quando spem vident sibi,
Erexere animos. Tu Diuas excipe blando
Domesticam secute gloriam sinu.
Scilicet Augusti referentem nomen & artes
Virum memento sanguinis decus tui.
Qui nisi regali iussisset mente beatum
Patere limen hospitale vatibus,
Egregios vt auos, & auos numeraret auorum,
Vt esset ampla res, opesq; Chisia,
Frigidus, heu, mutusq; foret sine nomine pulvis,
Per ora nec volaret inclytus virum.

Quam-

Quamquam opera precium priscorum ingentia non est
 Referre facta Patrum, ubi praeit suis
 Maximus auctor ALEXANDER, qui cum pietate
 Suaq; sorte robur aequat ingeni.
 Ille vides ut saepe inbet secedere curas,
 Onusq; ponit, & reclinat in sinum
 Musarum. Hæ solio nimirum cum Themide ipsa
 Sororibusq; pulcer assident chorus.
 Credo equidem: neq; enim ingenijs fuit hospita sacris
 Pudor vireta linquere & iugum biceps
 Pro Vaticano, pro dulci colle Quirini,
 Vbi perennis aura veris intepet.
 Nec minus interea populis assuesce regendis,
 Id approbante, qui benignus imperi
 Te vocat in partem rerumq; arcana, secutus
 Quod omnium supremus arbiter Deus
 Suadet, ALEXANDRI qui res, & facta reliquit
 Sibi, suoq; temperanda numine:
 At regere imperio volucres elementa ministros,
 Polumq; iussit, & rotare sidera.
 Iamq; decus, patrio tibi quod promittitur astro,
 Et expetita feruidis Quiritium
 Votis alma dies aderit, cum Romula pubes
 Metu soluta, tristibusq; nanijs,

*Te procures inter Latios ; spem Tybridis altam,
Honore cernet eminere debito.*

*Mox linquentem urbem comitabitur omine leto
Iter precata molle ; seu iubeberis*

*Ire Alpes ultra , seu te committere ponto,
Etrusca præter & volare litora.*

*Olim namque tibi Regum componere dextras
Deus reseruat , & ligare mutuo*

*Fœdere in excidium Thracum , tua iussa sequente
Per æquora alta me , per Alpium iuga.*

*Tum mihi, tum magnis pia vatibus arma vicissim
Canentur arma , fortiumq; dextera ,*

*Queis feret auspibus Solymæo dona sepulcro
Ab occidente vêtus hospes ultimo.*

*Medus ALEXANDRO tunc demũ ac Thracia supplex
Sacros fidelis osculabitur pedes.*

CLEO-

CLEOPATRA
IN HORTIS VATICANIS
A D
CHRISTINAM,
Suecorum, Gothorum, Vandalorum
Reginam.

S I te spectaclum infelix, si tristia tangunt
Fata mee duro bene sculptæ in marmore sortis,
O nostros dignata lares inuisere mundi
Cardine ab extremo, patriâ regnoq; relictis,
REGINA, heroum nulli virtute secunda,
Aurea quos olim tulit ætas, maxima Olympi
Numina cum humanos non dedignantia cætus
Tecta frequentabant mortalia, castaq; gentis
Pectora non falsæ complebant laudis amore;
Huc ades. Illa ego sum Latij celeberrima fastis
Femina. Nosti angues, animumq; in morte ferocem.
Quò properas? Saltem alloquio solare dolentem
Reginam Regina; nec est indigna videri
Forma loci, & sacris regio gratissima Musis,
Quæ nemus hoc, fontesq; colunt, iugaq; alta, viretis

Cyrrha posthabitis, & verticibus Parnassi.
 Hic ubi Graiorum artificum miranda videbis
 Signa antiqua, tuæ gentis quibus ira pepercit,
 Abstinitq; manus artem mirata vetustas.
 Ut de me fileam, vident hos, qui robore multo
 Luctantem, ingratosq; Deos, arasq; vocantem
 Arrecti miserum spiris ingentibus hydri
 Laocoonta ligant? Ut anhelat! ut ore supremum
 Ingemit! ut socios implorat, opemq; propinqui
 Herculis! Ipse quidem casum dolet, & cupit angues
 Elisisse manu, ac primos iterare labores
 Phidiacus labor Alcides; sed enim aspera Iuno
 Heroa immeritam dum grandine pulsat & imbri,
 Non tantum orbavit clauâ, exuuijsq; leonis,
 Verum & poplitibus nervos, humerisq; torosa
 Brachia diuellit, fecitq; ex Hercule monstrum
 Informe, ignareq; (nefas!) ludibria turba.
 Ast illum informem licet, & sine nomine truncum
 Miratum huc Ararim veniunt, Rhenumq; bibentes,
 Et viuos illinc discunt effingere vultus.
 Cetera quid memorem? Nilum, Tybrimq; parentem
 Spirantes docto in silice, Eridanumq; Tagumq;
 Natiuo fulgentem auro, Gangemq; superbum
 Eois opibus, quos omnes daedala, & ipsi

Emula Naturæ finxit manus? Hic habitant Dii.
 Aurato hic Phæbus percurrit pectine chordas :
 Hic gelidam fundit proles Semeleia lympham ,
 Pocula , deliciasq; tuas : hic otia degunt
 Mercuriusq; , minaxq; rubenti casside Mauors ,
 Et magni Aeneæ genitrix , & candida Phœbe ,
 Omnes aut Diui , aut Diuûm genus : vnâq; deerat ,
 Quam studijs , vultuq; refers , factisq; , Minerva.
 Huc & ALEXANDER (Fabium tunc nomine dici
 Audieram) indocti fugeret cùm murmura vulgi ,
 Nobiliumq; manus iuuenum comitata solebant
 Ferre pedem , hinc tristes animo deponere curas ,
 Dulcia securæ ducentes gaudia mentis.
 Vidi ego , & in cubitum surrexi oblita doloris ,
 Incessumq; viri obseruans & lumina , dixi :
 Aut Babylon ignara futuri ; aut hic erit , hic vir ,
 Olim qui Latiam regnando restituat rem ,
 Qui veteres artes , & sæcula prisca reducat ,
 Iratasq; pio componat fœdere gentes ,
 Quamquam animi flecti indociles , & vulnera tactu
 Crudescent , medicamq; manum impacata recusent.
 Quò properas ? ne , Diua , oculis te subtrahes nostris :
 Namque ego te rerum seriem , euentusq; docebo ,
 Qui super heroum sedes , super æthera tollent

Nomen

*Nomen ALEXANDRI, sub mortem plurima quando,
Et longè faciem venientis cernimus aui.*

An te proxima silua trahit, studiumq₃ ferarum?

Non ibi toruus aper, non duris unguibus vrsi,

Quos iaculo cecidisse tuo sæpè horruit Arctos

Vtraque; sed cerui imbelles, capreaq₃ fugaces,

Pictarumq₃ cohors non inuadenda volucrùm.

Quin etiam casus, & mors ingloria ab altis

Imminet arboribus: nam quæ nux pinca curuo

Strata iacet campo, Satyros quam ludere circùm,

Metiriq₃ vides thyrsos, suâ ab arbore nuper

Decidit, & magno tellurem perculit ictu.

Adde, quòd inclusus Boreas, Euruseq₃, Notuseq₃,

Et quotquot sævis agitant plangoribus equor,

Illâ turre fremunt euersuri omnia latè:

Quamuis sub tanto cohiberi Principe venti

Non indignantur, veniantq₃ adiussa volentes,

Iamq₃ parent iterum Scythicas illidere puppes

Leucatae. Ah diram Leucatam & conscia luctus

Saxa mei! heu dolor, heu cladis monumenta nefanda!

IMMINENTE IAM AVTVMNO
INVITAT AD RVSTICANDVM.

Recitatum in Academiâ Humoristarum.

Pater Quirine, tuq₃ Mater urbium,
 Strepente semper æstuans negotio,
 Diu valete; tuq₃ lymp^ha nobilis,
 Vbi erudita Pallas ora proluit,
 Paterq₃ Phæbus aureum lauit caput.
 Vocant enim beata ruris otia,
 Chorusq₃ mollis innubarum Oreadum,
 Ioq^{ue} Bacche, Mænadum frementium,
 Quibus reclamat ore Bæchus ebrio
 Caput corymbo amictus, atque pampino.
 Decora vinctus implicante cornua;
 Bibamus, eia, tempus, eia Mœnades.
 Eamus ergò. seu vetusta Tiburis
 Iuuat videre tecta, siue Tusculum.
 Sed omnis antè cura acerba pectoris
 Recedat vsque ad ultimam Britanniam,
 Laborq₃ durus inquietus exulet.
 Amor sit vnus, vna cogitatio,
 Carere amore, cogitationibus.

EMINENTISSIMO PRINCIPI
BERNARDINO
CARDINALI SPADÆ,

INEVNTÉ ANNO M. DC. LI.

BENE PRECATVR.

O Pars altior inclyti Senatus ;
Cuius Romula gens ab ore pendet
In lætis simul , arduisq; rebus ,
Nostri præsidium decusq; sæcli ,
Qui patrocínio tuo fideli
Omnes ingenuas tueris artes ,
Artes ingenuas adeptus omnes ,
Vultu illo excipe blando , amabiliq; ,
Quo tamquam in solio suo renidet
Maiestas Latij , decorq; priscus ,
Propensum obsequium mea Camæna ,
Dum Iani redeuntibus Kalendis
Vota concipit , aureosq; soles
Tibi , ac Nestoreos precatur annos.
Dexter atque utinam Deus secundet,
Quæ cum solibus aureis Camæna
Et cum Nestoreis precatur annis.

Aulæa

Aulæa à fulmine illæsa, aureo tantùm
limbo correpto.

A *Vrum corripuit fulmen; nil cetera læsit.*
Non aliàs cecidit iustius ira Iouis.

Faber ferrarius diurnum quæstum
scenicis ludis impendens.

P *ostquam lassavit miseros incude lacertos*
Forcipibus versans æra recocta faber,
Scenica ridendi studio spectacula quærit,
Quosq; locat populo mimica turba iocos.
Hinc cæna infelix torquentes lumina cepæ;
Sic illi risus vertitur in lacrymas.

Cùm inhabitaret cubicula, quæ sunt
in fornice Vaticano.

Q *uas imminentes fornici vides curuo*
Ædes inæquali ambitu, sed arcano
Sacras recessu, hortis virentibus latas,
Miroq; hyeme mediâ tepore vernantes,
Me summa Principis benignitas iussit
Incolere; me, qui nuper improbe nutu

Sortis

*Sortis reductum in angulum relegatus ,
 Quà bubo , quàm diræ striges cateruatim
 Ferale ab altis carmen integrant nidis ,
 Longè à sodalium atque solis aspectu
 Vitam in tenebris ac timore ducebam.
 Succede tectis hospes , & loci felix
 Genio fruarè , dum recolligis vires ,
 Quas longa passus mille porticus fregit.
 Hic Phidiæ non signa , non Apelleas
 Tabulas require : non teguntur auleis ,
 Tyrio nec ostro splendidi lares fulgent ;
 Sed omnium instar vultus est ALEXANDRI.*

A D

ALEXANDRVM VII. PONT. OPT. MAX.

Ineunte Pontificatus anno quarto.

Non indigna Tui canerem nunc ; Maxime
 Princeps ,

Sed cohibet iustus me , retinetq; pudor.

*Nam recolens lucem , TIBI quæ dedit Orbis habenas
 Natalem celebrat nostra Thalia suum.*

A D

A D

VILLAM PERETTAM

IN AGRO TVSCVLANO,

Cùm Flavius Chisius S.R.E. Cardinalis
lentâ inibi febris detineretur.

Villa decus Latia telluris, candida Villa,
Credita cui domini vita salutisq; mei;

Salve ô deposito felix, & pignore tanto

Factura egregijs urbibus inuidiam.

Quòd si quàm felix, si quàm formosa vocaris,

Vis quoque tam nobis dicier esse pia,

Redde illum precibus tandem mitissima nostris,

Et Romæ assiduis vocibus incolumem.

Spes fuit, his Iuuenem recreatum dulcibus auris

Non multos intra posse valere dies.

Urbis propterea graue murmur, & aëra lentum

Deseruit, calo posthabuitq; tuo.

Irrita ne facias quæ tu sperare iubebas;

Sed fac quod medicæ non valuerit manus.

Omnia præsidia, atque artem consumsimus omnem:

Morbi euellendi nulla relicta via est.

Secuta bis ardentem venis fudere cruorem

Brachia, nec pedibus saeva pepercit acus:

F

Non

Non tamen idcirco penitus deferbuit ardor
Indomitus : per enim viscera serpit adhuc.
Omnes experti succos , quos Appula tellus ,
Pinguibus & venis India diues alit ;
Non tamen Appuliæ , nec quos alit India succos
Attulerunt , agrum quæ releuaret , opem.
Nil non tentatum nobis : nil profuit agro :
Quæq; iuuat cunctos , huic fuit herba nocens.
Heret adhuc siccis vis morbi infixæ medullis ,
Nescius & stomacho cedere languor iners.
Iamq; dies illum decies , heu , quinque iacentem
Lectulus ingrato detinet hospitio.
Scilicet est illi sedes inuisa quietis ,
Pluma grauis misero est , ipsaq; dura quies.
Nos verò interea , FlauI cum posceret ægri
Lapsa valetudo publica damna queri ,
Colle super viridi , nigraq; sub ilice lenti
Ludimus imparibus carmina iuncta modis .
Et nunc insidias auibus , nunc tendere damis ,
Nunc iuuat Albanos currere lintre lacus.
Ire nec aëri piget ad fastigia montis ,
Vnde humiles terras cernimus , & maria.
Sæpè suburbanas amor est lustrare ruinas ,
Quæq; iacent veterum tot monumenta virum.
Atque

Atque hîc obliti curarum, Urbisq₃ laborum,
 Dicimus: O hominum gloria, spesq₃ breues!
 Vivamus dum fata sinunt, dum sanguis & atas
 Firma: venit celeri cana senectâ pede.
 Inde super mensâ discumbitur ordine longo,
 Et loquimur multo libera verba mero.
 Me tamen hæc inter domini languentis imago
 Admonet in magnâ vivere tristitiâ;
 Nec tantum precibus Divos onerare, sed ipsis
 Ferre iubet saxis vota precesq₃ dolor.
 Tu nostro, tu, Villa, precor, succurre dolori:
 Istic iam lucēs bis iacet ille novem.
 Pallor eat, maciesq₃ omnis procûl, & mala febris
 Desinat alterno corripere ossa gelu.
 Fac redeat pedibusq₃ vigor, sensusq₃ palato,
 Occupet & totâ lumina nocte sopor.
 Fac renocent vires excusso membra veterno,
 Floreat & leto pristinus ore color.
 Sic tibi ne pinguem ledant mala gramina messem,
 Nec timeat siccos vinea culta dies.
 Sic quæ perpetuò velat nebula improba Romam,
 Exulet aternum finibus illa tuis.
 Sic tristes hiemes, & fetos grandine nimbos
 Iupiter intactis arceat arboribus.

Sed, cùm opus est, placidum demittat ab æthere, sensim

Qui sole arentem temperet imber humum.

Ipsa tuos colles viuaci Pallas oliuâ

Vestiat, & Baccho certet amica Ceres.

Quiq; coloratos reditum meditatur ad Indos

Pomorum nullo vinctus honore caput,

Hinc legat Autumnus semper sibi poma, suasq;

Conferat huc omnes fertilis annus opes.

Prætereà si fama tibi, si gloria cordi est,

Villarum fies tu quoque nobilium.

Nam tibi munera lata, tibi annua sacra feremus

Instructi citharâ, carminibusq; sacris.

Huc ego cum Musis Parnassia templa potenti

Carmine traducam, Picriosq; lacus.

Hic edera surgent, hic laurus digna Poëtis,

Hæc se victores cingere fronde volent.

Tunc tibi Telegoni cedit locus omnis, & vdo

Quotquot spectantur Tibure delicia.

Cedet & ipsa Paphos, semperq; virentia Tempe,

Et fies hortis notior Alcinoi.

A D

FELICEM ZACHIAM

In funere Natalis Rondinini filij.

Ex Albano secessu.

S Ecreta nemorum valles, mutiq; recessus,
 Et deserta loca, & taciturna querentibus antra,
 Quæ priscos habitasse ferunt (& credere dignum est)
 Mortales, sine lege pios, sine messe beatos,
 Accipite hos agro proruptos pectore questus,
 Quos pietas, quos æger amor, luctusq; requirunt.
 Et vos frondoso surgentes vertice fagi
 Me sinite, erepti lugentem funus amici,
 Illius æternum vestris incidere nomen
 Corticibus: meus hîc saltem, dum stabitis, unâ
 Viuet amor, luctusq; mei monumenta manebunt.
 Me sinite hîc viridi carmen, lacrymabile carmen,
 Tristibus ad citharam numeris disperdere in umbrâ,
 Quod recinant, qui se querulis solantur auenis.
 Dulce queri miseris: dedit hoc natura leuamen.
 Hoc animi, quæ vix umquam coitura putares,
 Vulnera dictamno curat, mulcetq; dolorem.

*Plorat Ityn Progne ; consortem turtur ademptum ;
Cæyca Alcyone ; casum Phaëthontis olores.*

Scilicet & mæstis implet nemus omne querelis

Flebiliter quærens absentem bucula matrem :

Et nunc hæret inops animi , nunc arrigit aures ,

Si quâ fortè procùl crebris mugitibus instet ,

Errantem admonitura sui : nunc acta furore

Dat gemitus incompósitos , & in auia fertur ,

Terror Hamadryadum , stragesq; miserrima siluæ.

Illa peregrinum , natorum oblita , iuuenicum

Per saltus sequitur , vel festa altaria circum

Flore reuincta caput magnis cadit hostia Diuis.

Iusta quidem caræ iampridem soluimus umbræ:

Nec cineri amplexus , largus nec defuit imber

Funeri , ubi casu perculsi , ac vulnere primo.

Sed præstans animi Natalis , & indole pulcrâ ,

Constantiq; fide primis mihi iunctus ab annis

Triste sui desiderium luctumq; reliquit.

Vt me nulla dies solari , nulla queat res ,

Cogar & in longos absumere lumina fletus.

Ergò siue aperit rebus lux alma colorem ,

Siue aufert , umbrâ inuoluens nox humida terras ;

Dilecti manes , dilecta occurrit imago ,

Pallida , languenti viola , vel grandine tacto

Narcisso

*Narcisso similis , frigentiqꝫ ore videtur
 Oscula ferre genis & brachia tendere collo
 Cara meo, qualem supremo in funere vidi ,
 Cùm iam frigida mors oculis induceret umbras ,
 Me quarentem oculis , & pectore singultantem.
 Cùm Fernandus , amicitia pars tertia nostræ,
 Astaret lacrymans ; sancto mox cedere iussis
 Officio lacrymis , Superos in vota vocaret ,
 Difficilesqꝫ obitus, animamqꝫ exire parantem
 Cælesti firmaret ope , ac prece feruidus omni.
 Hæc rerum species animum noctesqꝫ diesqꝫ
 Infelix subit ; hæc sensus mî surripit omnes ,
 Nec sinit à tristi curâ requiescere mentem.
 Nam neque Castalides, mihi dulcia nomina quondam,
 Quæ me illi ad laudẽ comitẽ, quãquam impare gressu
 Addiderant, & amore pio , paribusqꝫ ligarant
 Auspicijs , possunt miserum lenire : nec ipse,
 Quæ releuent ægrum, Phæbus pater inuenit herbas.
 Cetera , quæ pariter quondam oblectare solebant,
 Omnia sunt ingrata : nihil iuuat. Hæc loca certè ,
 Ipse hic formosi nemoris gratissimus horror ,
 Et fortunati gelidus fons graminis altor ;
 Ipse lacus ridens , auium secura voluptas ,
 sylvarum decus , & Latia telluris ocellus ,*

*In lacrymas questumq; trahunt. Hæc ille solebat
 Mecum animis, studioq; pari loca adire quotannis;
 Hic pariter mecum fugientes condere soles
 Alloquio dulci, curarum oblitus, & Urbis.
 Hæc illi regio dilecta: hinc sæpius illum
 Naiades pulcræ, pulcræ stupuere Napeæ
 Casta Philetæis sociantem carmina chordis.
 Non tamen astrorum cursus, non abdita terris
 Prodigia, aut ortus ventorum, vel maris æstus,
 Omnia adhuc hominum studijs ignota, canebat:
 Sed Christi Heroas, immoto barbara vultu
 Supplicia expertos, ignominiasq; Tyranni;
 Sed laudes Superum, & diæ virtutis honores,
 Quæq; docet verax, & fallere nescius Auctor,
 Humanâ maiora fide penetralia rerum.
 Inde ad ALEXANDRI deflectens inclyta facta,
 Commemorabat, uti Saturnia sæcla redirent,
 Et probitas, & sancta fides, iam Præsides terris,
 Qui sciret regni hanc molem non ære, nec auro
 Stare, nec arte hominum, sed religionis amore,
 Sed virtute animi, & veterum pietate parentum.
 Illius auspicio Latij è finibus actam
 Esuriemq; graucmq; luem; decora addita templis;
 Reddita virtuti sua premia; reddita Musis*

Otia , & erectas artes : illoq³ sequestro
 Venturam populis post tristia bella quietem.
 Omnia , quæ summi quondam præfaga Dei mens
 Cùm fore prospiceret , nostræ miserata labores
 Gentis , ALEXANDRO mandasset fulmina , & orbis
 Imperium , quamquam magnis virtutibus impar.
 Talia non ficto referebat carmine vates ,
 Si quando à grauib³ curis , studijsq³ severæ
 Palladis , & doctis animum reuocaret Athenis.
 Rudera vel Latij , & prisca monumenta Senatus
 Lustrabat , veterum gaudens incisa metallis
 Ora virum , & sculptas à tergo noscere pugnas,
 Gnarus & armorum. Nemo nam certius illo
 Norat , quæ belli ratio circumdaret urbi
 Mœnia , quæ victrix aperiret machina muros.
 Illum ego sæpè equitum stantes peditumq³ maniplos,
 Et pugnae instructas acies , & Martia castra,
 Præliaq³ in docto scribentem puluere vidi.

Tunc igitur dulces auras , & dulcia nostræ
 Pignora amicitie , tantarum in limine rerum,
 Deseris , inq³ tuo surgentes nomine cunctas
 Spes Latij perdis ? nihil ergò ars docta medentum,
 Nil herbae valere ? nihil flos viuividus aui ?
 Nec fratrum te cura vigil , nec sedula mater ,

*Nec dilecta Deo soror eripuerè periclo ?
 Utq; tuas parco delibem carmine laudes ,
 Non tua te pietas , non culta altaria , non te
 Candida mens animi , aut doctæ facundia linguæ,
 Non vis ingenij præstans , & ducta per omnes
 Ingenuas artes , leto subduxit acerbo ;
 Cum gentem innumeram , telluris inutile pondus ,
 Non nisi post seram mactet Libitina senectam ?
 O semper damnata pati fata aspera virtus !
 Vidi ego periuras , prædæq; nocentis onustas ,
 Post longos pelagi errores , casusq; per omnes ,
 Incolumes tamen ad patriam remeasse carinas :
 Naufraga cum gemeret puppis , quæ litore ab Indo
 Tunc primùm niueis pacata per aquora velis
 Ibat ouans , Diuûmq; aris pia thura ferebat.*

*Interea casum ingemuit Romana iuuentus ,
 Fassa suum decus extinctum : ingemuere relicta ,
 Et tibi ferali crinem cinxere cupressu
 Pierides , fluuiog; dolens Tiberinus ab alto
 In mare visus aquis Tuscum dilabier atris.
 Ipsum etiam dolor inuictum tot casibus , ipsum
 Flexit ALEXANDRVM, lacrymisq; in funere crudo
 Penè profanari caelestia vidimus ora.
 Quippe acre ingenium Pater æquus norat, & altæ*

Semina

Semina virtutis , patrioq^{ue} fouebat amore.
 Nimirum ille, sacro solium stipante Senatu ,
 Principibus , te vate, dabat responsa benignus,
 Voce tuâ solitus populos armare fideles ,
 Siue laboraret Venetus , seu tristis Enyo
 Verteret Heluetiam , seu bello assueta nefando
 Suecia Sarmaticos vastaret milite campos.

Sed iam cesset inops dolor infelicia verba
 Fundere. Tu felix , Diuorumq^{ue} vnus , Olympi
 Securâ de parte , nigris Aquilonibus actam
 Sêrpere sacrilegam , populosq^{ue} exurere flammam,
 Perq^{ue} omnes volitare vides bella impia terras ,
 Pauperiem circûm , miserâsq^{ue} ferentia clades.
 Inde hominum genus , & casuras despicias vrbes
 Altior inuidiâ , & Regum capita ardua calcas.
 Quod tibi si celsam mortalis gloria mentem
 Tangit adhuc , non tu tabulis , nec marmore Lunæ
 Æréve , quod Siculis miscent Cyclopes in antris;
 Sed merito ipse tuo , & vatium sacrabere chartis.
 Illa ruunt æuo tandem consumpta , vel igni :
 His Lachesis , rerumq^{ue} vices , & fulmina parent.
 Nempe tuum posthac nulli violabile fato
 Illorum fidibus viuet decus : hi tibi famam
 Longiûs extendent vitali carmine , quàm si

Marmore

*Marmore de Libyco , aut Ephyreio duceret arc
Graia tuam manus effigiem , vel barbara moles
Ægypti ad cælum saxi audacibus iret ,
Insanus labor , & solamen inane sepulcri.*

*Quin etiam (qui rarus honos) tibi Belgica plorans
Sollemnes struit exequias , & funera Clio :
Carminibusq; sacris inscriptas litore in illo
Pyramidas statuit , laudum monumenta tuarum,
Æternùm mansura ; licet sæpè illius oram
Litoris implacidum latè voret aquor & vrbes.
Sed neque me immemoris , si vera recepit Apollo,
Arguerint animi venientia sacula : nomen
Quippe tuum , nosterq; dolor , lacrymæq; manebunt,
Nec tibi quæ mæsta inferias , ac debita mittit
Munera ALEXANDRI multum sublata fauore,
Iuerit ad seros ingloria musa nepotes.*

*Tu verò Latias inter clarissima matres ,
Atque olim numero doctarum addenda sororum,
Vrbis honos , Felix , lacrymis absiste profanis :
Neu nati turbare velis ingrata quietem.
Cùm Vaticanam facerem pullatus ad aram ,
Seruari quæ certa fides ossa inclyta Petri ,
Et requiem dulci , veniamq; precarer amico ,
Reddita , vel mihi visa sacro vox reddier antro:*

Dic

Dic bona verba : procùl feralia vota , sacerdos.
 Iam pridem cœtu Superùm , solioq; receptus
 Egregius iuuenis : scelerum vix flamma piatrix
 Distulit æternæ pereunti gaudia vitæ.
 Nunc ille ætherio graditur spectandus in ostro,
 Effigiemq; Dei , cuius fulgore beantur
 Cælestes animæ , multùm sub imagine pulcri
 Quæsitam in terris , manifestâ in luce tuctur.
 Iam calo apparet medio , sidusq; benignum
 Collibus affulget Latijs , & lumine certo
 Signat iter , quo nisa polum subit ignea virtus.

Cùm ad Aram Apostolorum in Vati-
 cano nouus Sacerdos primam ho-
 stiam Deo offerret.

S I te fassâ graues mortalia corda labores ,
 Tactaq; non fictâ relligione mouent ,
 Magne Deus, lacrymaq; dolor tibi supplice victor
 Iratam exarmat fulmine sæpè manum ;
 Respice, meq; tuæ trepidantem accumbere mensæ
 Ipse tuâ in sanctum duc penetrabile manu.
 Immunem posthac animum seruabit ab omni
 Labe Calix , succis qui scatet æthereis.

Sit

*Sit mihi fas illinc potare obliuia rerum,
Quas auido appetijt gutture nostra sitis.
Si fallo, feriat lasas me fulmen ad aras,
Nec dantem pœnas pallia sacra tegant.
Si fallo, subito mihi terra dehiscat hiatus,
Tuq; preces surdâ supplicis aure bibas.
An violare nefas legem cum quolibet ikti
Fœderis, atque hominum sit mihi sancta fides,
Pro quâ nil verear Siculo occurrere flammis,
Et media impavidum pectus in arma ruat;
Quæ tibi presenti tactis iurauimus aris,
Ferre lætes patiar irrita verba Notos?
Mox aderis niueum crusti conclusus in orbem,
Me pauido arcanas ore canente notas:
At tibi ne graue sit nostris succedere tectis,
Sint licet innumeris hospita criminibus.
Quæ genio, & mensis vasa assueuere profanis,
Sæpè vides aram ponier ante tuam.
Multa, quibus coleris, cæcis mortalibus olim
Templa Paratonios exhibuere Deos.
Forsan & hic cineres seruans locus, ossaq; magna
Heroum, arcano quos habet urna sinu,
Vel scelerum addictus pœnis, rudibûsve Latinis
Infandâ fuerat relligione sacer.*

Hic veteres sisto exuias nouus hospes, ut Inda
 Surgit odoratis ales ab inferijs.
 Tristes exuie, vite miserranda peractæ
 Effigies, animo luridaq; umbra meo!
 Sic horret maculas, nuper quas exuit, anguis,
 Atque ipsum infelix terret imago sui.
 Hei mihi, primæuæ faciem, casusq; iuuentæ
 Dum tuor, & dubia ceca pericla viæ,
 Quo surgunt horrore comæ! quàm frigidus artus
 Sudor, & occultum permeat ossa gelu!
 Talis naufragium passus graue respicit altum
 Aquor, & in sicco nauita pallet adhuc.
 Quod si ille impatiens inopem traducere vitam,
 Subducit quassam, restituitq; ratem,
 Tempestate iterùm, & casu doliturus acerbo,
 Denique Carpathijs præda futurus aquis:
 Vos ô adeste mihi, Superi, vel tu mihi nigras
 Inijce casuro Mors, precor, æqua manus.
 Me tantas euectum ad res, tot honoribus auctum
 Equo animo iuuenem tollere fata feram.
 Iam mihi, florentes ex quo malè perdimus annos,
 Ter decimam supra tertia fluxit hyems.
 Pars igitur vitæ melior, lucisq; peracta est;
 Quamprimùm incipient membra caduca mori.

Et

Et iam (me miserum!) procùl apparere senectâ

Incipit , antiquum stipite fulta latus :

Hanc Morbi , tristisq; Metus , Curaq; sequuntur,

Quorum agmen claudens Mors quatit atra facem.

Et nunc quòd viuo , quòd spiritus hos regit artus,

Munus id , ô Custos Aliger , omne tuum est.

Pars ea noctis erat , quâ soluere pectora curis

Incipit , & pigro spargere rore sopor ;

Ecce Quirinalis necopino murmure tractus

Intremit , hortorum septaq; lapsa ruunt.

Dumq; ruunt , simili ad terram traxere ruinâ

Secum unâ stantes è regione domos.

Quòd nisi visum esset Superis seruare nocentem,

Hos ego debueram tunc habitare lares.

Sapius infelix tectum , multumq; poposci,

Nemo & poscenti dixerat : Æqua pete.

Non tamen exiguos exorauere penates,

Apta vel aratas verba mouere fores.

Quiq; omni facilis fuerat mihi tempore, durum

Hac in re sensi , difficilemq; virum.

Ergò ut visa loci facies , disiectaq; saxa ,

Dirigui : cecidit vox , steteruntq; comæ.

Nam mihi sum visus pars illius esse ruinae,

Et dici à populo prættereunte miser.

Tum

Tum mihi visa parens cadere exanimata dolore ;

Mox hac singultus inter anhelâ loqui :

Hac igitur de te miseram sperare iubebat

De rebus toties fama secunda tuis ?

Tûne iaces subitâ discerptus , nate , ruinâ ,

Quem suavi columen sæpè vocare meum ?

Sancta , quid in vestras tantum commisimus aras ,

O mihi perpetuâ Numina culta prece ?

Nate iaces ? nec te genitrix deserta videbit

Amplius ? ah diro funere rapte mihi !

Scilicet hoc magnis est inclarescere factis :

Huc te mortalis gloriæ adegit amor.

Nonne fuit satius vota inter cara tuorum

Ignotum patrio consensuisse lare ?

Quod si tollere te iuvenem , mediumq; secare

Debuerat vitæ stamen acerba dies ;

Ipsa tibi saltem clausissem lumina : saltem

Venisses oculis latior umbra meis.

Infelix ! & adhuc vino tibi , nate , superstes ?

Et meus , ut moriar , non habet arma dolor ?

Hæc super extincto fudisset perdita nato ,

Quæq; solent matres dicere verba pia.

Interea Superis tanto pro munere grates ,

Debitaq; æterno soluere vota Deo

Attonitus casu meditabar. Cetera nosti

O Loiotea gentis, Olina, decus.

Tu, quem acri ingenio, & laudis nullius egentem

Ipsa suo Pietas imbuat eloquio,

Iussit & angusti moderantem frena theatri

Ad templi Proceres ignea verba loqui.

Tu mihi caelestes monitus, & dicta reportas:

Hac ego iam miles, te duce, castra sequor.

Te duce monstra Erebi vici, nexusq; resolui.

Fas est victorem ferre trophaea Ioui.

Irarum fibra, fractiq; Cupidinis arcus

Pendebunt sancto Teiaq; plectra tholo.

Iam mihi, quò tenues umbras, & ceca viarum

Dispiciam, praefert lampada Dius Amor.

Ille suas etiam nobis accommodat alas,

Vnde humili possim me quoque tollere humo;

Ireg; trans cali metas aeterna tuentem

Gaudia, mortali non referenda sono.

Quòd me siqua trahent terra contagia, siqua

Subijciet cordi dira cupido faces;

Te, CHRISTE, amplectar, lacrymisq; repentia supplex

Figam sacratis oscula vulneribus.

Illud dies subeat, quâ te Iudaea per omnes

Traductum pœnas extulit exanimum:

Cum

Cùm medio Phæbus defecit in æthere, & ipsum
 Fædauit tenebris nox adoperta caput:
 Seu totum inuoluit nigrâ formidine mundum;
 Seu tantùm vultus, impia terra, tuos.
 Impia, quandoquidem robur fatale tulisti,
 Vnde Sator rerum triste pendit onus.
 Tûne refers spinas, tibi qui das poma benignus,
 Et grauidas vites, & sata lata facit?
 Tûne tuis ferrum fouisti immane latebris,
 Diuinum potuit quod penetrare latus?
 Et meritò scelerum tantorum conscia tellus
 Indigno viuus subdita seruitio:
 Iordanesq; (nefas) sacer ille argenteus amnis,
 Et Silois collo turpia vincla gerunt.
 Quodq; nefas auget, tumulto, qui vicit Auernum,
 Obscæni insultant, Thracia turba, canes.
 Heu pudor Hesperia, sæcliq; infamia nostri!
 Degener à proauis tuq; inuenta tuis!
 Scilicet æternis Europam inuoluere bellis,
 Vrereq; immeritos gloria maior agros.
 Intereà miseris Pax suspirata colonis
 Exulat, & Latium vix tenet agra suum.
 Ter sedare faces belli conata; ter illi
 Absumsit pennas bellica flamma sacras.

Hinc meritò luget, nec adhuc se candida Virgo

Audet ALEXANDRI proripere è gremio;

Quò Christi pariter signatas nomine gentes

Mittat in aeternæ fœdus amicitia:

Armaq; bellantùm ciuilia vertat & iras

Threicia tandem gentis in excidium.

Nunc quando alternas includes armat Erynnis

Christiadùm, oblitâ relligione, manus;

Nec Venetis longo fractis certamine quisquam

Audet ALEXANDRVM ferre secutus opem:

Tu, Melite, Odrysio nomen fatale Tyranno,

I celer, & Latijs puppibus adde tuas.

Hellepontiacas audax inuade procellas,

Infer & Euxino candida signa mari.

Barbaricos latè ferro lustrate recessus,

Et Scythicâ puppes clade referte graues.

I, decus Europa, pubes assueta triumphis:

Gloria vos illuc non moritura vocat.

Placati nobis inuertent Thracibus Euri

Æquor, & in Syrtes impia vela ferent.

Auspice ALEXANDRO soluat pia litore classis:

Fuderit hæc hostem, fundet ut ILLE preces.

I N
PHILOMATHIS
MVSAS IUVENILES.

T Andem pudori pone modum tuo,
 Fassusq; vultus exere. Tu licet
 Et nomen occultes & ortus,
 Dicere quem prohibebis: Hic est?

Laus una vatum, nomina fortium
 Flecente Ditem tollere barbito
 Ab iure Parcarum; sed ipsos
 Musa mori vetat aqua vates.

Te fama Thule novit ab ultimâ:
 Te spreta prodit gloria: te colit
 Germana pubes: te canentem
 Italia iam celebrat iuventus.

Seu ludis arguto pede; seu tubâ
 Maiora pandis, seu lacrymabili
 Sublimis incedis cothurno,
 Dum Pharium scelus in seucros

Producis actus; siue pericula
 Dircea tentas, Phæbus in ardua
 Terrisq; limosoq; vulgo
 Abripit impavidum relictis.

Latere Virtus nescia prapete
Sublime pennâ fertur, ut ignibus
Iungatur æternis, In auras
Nõnne vides ut auita surgat
Quercus vetusto stipite nobilis?
Nam sub profundam quò latet altiùs
Demissa tellurem, supernas
Fronte ferit propiore sedes.
Non illa cladem sibila Thracia
Latura campis, damnâve Pontici
Furoris, aut Cauri procellas
In segetem pauet irruentis:
Immotata sed se mole regit suâ
Annoſa centum brachia proferens,
Thracumq; sustentat cruentas
Exuvijs onerata clades.

VILLA FARNESIA
 IN IANICVLO,
 AD PORTAM AVRELIAM.

Hospes optime, qui sacros penates
 Et leta ingrederis vireta, ſalue.
 Illa hæc eſt regio beata, nomen
 Cui Ianus dedit, aureumq; ſæclum,

Quò Cura nequeunt graues subire,
 Non Morbi, aut pede debilis Podagra:
 Sed Pax candida, sed Quies fidelis,
 Et locum colit innocens Voluptas.
 Hic molles, Boreâ furente, mulcent
 Afflatu Zephyri roseta blando.
 Hic, cum Sirius arua findit, ilex
 Cubanti gelidam ministrat umbram.
 Non hos inficiunt luto recessus
 Fontes turbiduli, grauesq; ventri,
 Quales finitimis scatent in agris,
 Fœdarum soboles iners paludum:
 Sed fruges alit vberes aquæ fons
 Telluris scatebris petitus imis,
 Vitro purior, & salubris haustu.
 Hinc altâ niue candidum tueri
 Soractem iuuat, & rudes Sabinos:
 Hinc Tibur vetus, Algidoq; iuncta
 Albani iuga, Tusculosq; colles:
 Hinc latè maria, Antiumq; priscum,
 Et Circes vada carminum potentis.
 Ac tandem ut redeamus, Hospes, ad nos,
 Hinc totas licet æstimare villas,
 Quæ totam licet æstimare Romam.

A D
FERDINANDVM
FVRSTENBERGIVM,
de Burda medico.

Quod, Fernande, suo vulgari nomine versus
Sarbieui, Burdam mitte redarguere.
Nam soleat cum passim homines impune necare,
Furari nullum credidit esse nefas.

Ineunte anno quinto Pontificatus
ALEXANDRI VII.
PONT. MAX.

Lux redijt, lecto terrarum Præside, felix:
Lux itidem Christi funere tristis adest.
Altera Pierios plausus amat, altera luctum:
Vnde hæret tacitâ Calliopeia lyrâ.
At nos suppliciter lucem veneremur utramque.
Attulit afflictis utraque rebus opem.

A D

A D

FERDINANDVM
FVRSTENBERGIVM,
NEAPOLIM ITVRVM.

E *Rgò agè felici discedas alite, quando
Ire apparas Neapolim,
Dulcis ubi aternùm spirat clementia verus,
Latumq; crispantes mare
Floribus illudunt varijs Zephyritides auræ,
Coluntq; citrium nemus.
Multa quidem tibi Parthenope miranda sub ipso
Monstrabit urbis limine,
Eductas calo moles, atque aurèa tecta,
Et signa Phidiacæ manus.
Sed tibi, quo tegitur tumulto, sit cura videndi,
Maronis inclytus cinis,
Quem memorant (credi si digna est fama) furorem
Afflare sacrum vatibus:
Quare ibi posthabito castas Helicone sorores
Fixisse mansuram domum.
Illa te excipient venientem, ac fronte benignâ
Sic alloquentes audies:*

O nostris addicte sacris, generosa propago,
Tuaq; flos Germania,
Latus ades, nostrosq; velis lustrare recessus,
Vatum feraces grandium,
Seu Surrentinos amor est inuisere colles
Dulci virentes pampino;
Seu magis arridet pulcherrima Mergilline,
Dilecta Syncero domus;
Seu iuga Pausilypi pelago pratenta sereno,
Qua cœrula Nereides
Sapè leues ducunt choreas Tritona sequentes
Curuâ sonantem buccinâ;
Seu iuuat irati tonitrus audire Vesui
Lateq; nigrantes globos,
Sparsaq; per campos ambusti viscera montis
Candente mersos sulphure,
Sed tibi scrutandi veniat ne dira cupido,
Qua causa venis abdita,
Pabula inexhaustis tot iam per sacula flammis
Tellure ab imâ suggerat.
Te miseri subeat fatum crudele Secundi
Vndante fumo hic obruti;
Namque Deus, rerumq; vices, venturâq; fata
Latere mortales iubet.

A D

FERDINANDVM
FVRSTENBERGIVM.De nocturno bubonis cantu
in Albano secessu.

Quod carmen fennale canit sub nocte silenti,
 Tristibus & bubo perstrepat augurijs :
 Ne nos sollicitos teneat , Fernande , futuri.
 Hic timor infantes , & leue vulgus agat.
 Num qua nec notis Babylon deprendit in astris,
 Nec potis aspicere est prouida mens animi ;
 Sed sibi seposuit mortalibus inuia curis,
 Celat & obscurâ nocte premitq; Deus ,
 Semiruto residens volucrum fœdissima tecto
 Efferet , attonitis fata canens populis ?
 Qua sit an hæc nosti , quibus orta parentibus ales?
 Accipe , & in risum verte iocumq; metus.
 Nympha fuit Stygijs Orphne notissima pratis
 (Namque suas Nymphas,prataq; Auernus habet)
 Furua quidem ,toruoq; inamabilis ore : sed atrox
 Forma decet Stygias , & color ille Deas.

Ergo

Ergò illi tædâ iungi cupiere iugali

Numina , quæ magni regia Ditis habet :

Elysij cupiere Proci. Sed Numina Ditis

Sprenit , & Elysios Nympha superba procos.

Sapè Linus vatumq, pater Musæus, & Orpheus

Aggressi duram flectere voce Deam.

Aggressi frustra Linus, & Musæus, & Orpheus

Molliri blandâ nescia corda prece.

Quippe ferox Hecate virgo sacrauerat annos,

Infernas iaculo figere docta feras.

Fortè Acheron , incauta suæ dum margine ripæ

It grauidam multâ cade gêrens pharetram ,

Dirarumq, striges dirum genus Harpyarum

Sternit , agens forti spicula certa manu ,

Nempe Acheron securam animi, & nil tale timentem

Observans, cupidis nexibus implicuit.

Amplexu ex illo concepit Nympha , nouemq,

Mensibus exactis edidit Ascalaphum.

Iamq, annis puer addiderat duo lustra duobus ,

Cùm petijt manes acta dolore Ceres :

Et: Mihi reddite, ait, raptam mihi, Tartara, natam,

Vnica quæ matris spes, sobolesq, suæ est.

Reddite maternis , Erebi pia numina , votis

Quæsitum toto pignus in orbe diu.

Munere

*Munere terra meo fruges parit. Hæc mihi merces
 Redditur, ut sterilis dicar, & orba parens?
 Reddite: tuq̃ redi. Quis te, Proserpina, casus,
 Vel qui te nobis eripuerè doli?*

*Motus erat Stygius miserandâ voce tyrannus,
 Et Cereris iustis annuerat precibus.*

*Fata sed ad celum reditus immota negabant,
 Gustasset Stygios si Ioue nata cibos.*

*Punica nuper eam carpentem ex arbore poma
 Vidisse Ascalaphum, nec tacuisse ferunt.*

*Interdicta via est: sed testem Diva profanum
 Supplicio culpæ dicitur ulta pari.*

*Ter caput inuisum deuouit carmine diro:
 Corpus Auernali ter madefecit aquâ.*

*Ilicet Ascalaphus, contractis carmine membris,
 Vertitur in plumas, surripiturq̃ sibi.*

*In rostrum nares, digiti sinuantur in ungues,
 Brachiaq̃ in pennas versa abièrè leues.*

*Turpe caput multum, multum caua lumina crescunt,
 Vixq̃ potest pigrum tollere corpus humo.*

*Ille hic est bubo, quem rerum ignara pauet gens;
 Tu ride mecum, qui sapis, omen auis.*

*VVestphaliæ flos, delicia, Fernande, Quiritum,
 Tempora cui lauro non pereunte virent.*

*Et mecum cape pleetra manu , iunctisqꝫ canamus
Carminibus siluas , siluicolaqꝫ Deos.*

Neu Roma desiderio moueare relicte.

Quidquid habet magni Roma , dat Alba tibi.

*Hic Pollinus , honos Graiae Latiaeqꝫ Mineruae ,
Holsteniusqꝫ Indis notus & Hesperijs.*

*Hic Bandinellus Tyrrhenae gloria musae ,
Et Phæbi geminâ Naldius arte valens.*

*Et carus Themidi , ac Musis Rasponus , & unâ
Vizzanus Sophiâ clarus , & ingenio.*

*Hic decus Italia , & Romani Sfortia vindex
Nominis , ac sidus Nerlius , Arne , tuum.*

*Rospiliosus & augusti pars magna Senatus ,
Virtute egregius consilioqꝫ Pater.*

*Hic & ALEXANDER praeses , tutelaqꝫ rerum ,
Cui Deus ingenium par dedit imperio :*

*Et Patruî diuina legens vestigia magni
Spes , & seruata Flauius Urbis amor ;*

*Pro quo debet ALEXANDRO res publica , quantum
Propter ALEXANDRVM debuit illa Deo.*

*Ergò sub hac mecum platano , Fernande , solutus
Carmina iam Latiae dic socianda lyra.*

*Felix qui curis , & iniquo faenore liber
Exercet bobus rura paterna suis ,*

Ordine

Ordine nunc aequo gaudens disponere vites ,
 Nunc oleis sobolem substituisse nouam.
 Interdum iuuat arboribus decerpere poma:
 Interdum nemoris fingere falce comam :
 Irriguosq; iugo riuos inducere campis ,
 Cum pluuiam tellus poscit hiulca Iouem.
 Non illum vigiles cura , non somnia turbant ,
 Pestis & humani pectoris ambitio.
 Nec metuit fraudes, nisi quas caper improbus vuis ,
 Aut parat è nimbo grando inimica satis.
 Limina nec Regum trepidanti poplite calcat ,
 Irati metuens damna supercilij.
 O mihi si rupes has inter viuere detur !
 Sorderet rubri gaza colorq; maris.
 O ego dum possim tam leni vescier aurâ ,
 Et liquidos fontes , & nemora alta sequi ;
 Si qua mihi à Latijs speratur gloria Musis ,
 Occidat , & venti nomen inane ferant.
 Hac ubi luserimus, nos curis reddat & Vrbi
 (Iam satis aruorum est) prapete currus equo.

The first part of the work is devoted to a general
 description of the various kinds of rocks which
 are found in the country, and to a description of
 the various kinds of fossils which are found in
 them. The second part is devoted to a description
 of the various kinds of minerals which are found
 in the country, and to a description of the various
 kinds of fossils which are found in them. The third
 part is devoted to a description of the various
 kinds of fossils which are found in the country, and
 to a description of the various kinds of minerals
 which are found in them. The fourth part is devoted
 to a description of the various kinds of fossils which
 are found in the country, and to a description of the
 various kinds of minerals which are found in them.

POEMATA
FERDINANDI
FVRSTENBERGII,
S. D. N.
ALEXANDRI VII.
PONT. OPT. MAX.
CVBICVLARII INTIMI.

THE D. I. AND I

THE D. I. AND I

THE D. I. AND I

THE D. I. AND I

THE D. I. AND I

DAPHNIS,
SIVE
FREDERICVS
A FVRSTENBERG,

Bilstenij & Wallenbergæ Dynasta;
Aduocatus hereditarius in Graffschafft;
Schnellenbergæ, Watterlappiæ, Fursten-
bergæ, & Herdringæ Toparcha; Satrapa
Fredeburgensis; Westphaliæ Archisatra-
pa, & Serenissimo Ferdinando Electori
Colonienfi ab intimis Consilijs, anno
M. DC. XLVI. v. Idus Augusti Bonnæ de-
functus.



*Misij virides umbrat quâ plurimâ
ripas*

*Fronde salix glaucâ, Lycidas hinc,
Tityrus illinc,*

Alter oues, alter pascebat fortè capellas.

Tityrus, ut semper, pellebat tædia cantu.

Carmina dum Veledæ memorat, dum prælia Vari:

Varus ut his olim nomen memorabile terris

Fecerit: ut sparsi legionum sanguine campi:

*Aurem illi vellit Lycidas : Neque talia tempus
 Carmina poscit , ait : Daphnis tibi , Tityre, Daphnis
 Lugendus : Daphnin , si nescis , fata tulere.
 Tityrus ingemuit casu perculsus acerbo :
 Fistula lapsa manu est : fugit sensusq; colorq;
 Ut mens , ut redijt puero vox : Occidis , inquit ,
 Carum, Daphni, caput, spes, Daphni, decusq; tuorum !
 Ab dulci patriâ procûl , amplexuq; tuorum
 Occidis ! Hoc fuerat, quòd summa culmine ville
 Tristia signa daret ferali carmine bubo ;
 Flebilibus quòd spontè modis mea nuper arundo
 (Hanc mihi tu, dederat Còrydō tibi, Daphni,) sonaret,
 Nunc sileat , ramoq; infelix pendeat illo.
 Vos etiam sine me (quamvis mihi vos quoq; Daphnis
 Tradidit , atque abiens , Has, inquit, Tityre, pascē)
 Ite tamen sine me, quoquò lubet, ite capellæ.
 Amnis , & umbrosæ salices , & rura valete:
 Vsq; ego per silvas errans desertaq; solus
 Tristè querar. Gemit ereptâ sibi matre iuuenus,
 Nec minùs amisso mater dolet orba iuenco :
 Mella queruntur apes cellis subducta , peremtos
 Feta canis catulos , demtos avis arbore pullos;
 Daphnin ego , tristi sublatum funere Daphnin.
 Supremas saltem voces morientis ab ore
Excipere,*

*Excipere, affari extremum, & spectare iacentem,
Atque oculos illâ licuisset condere dextrâ!*

*Non ea vulneribus nostris solatia nulla
Afferret pietas: solus de Daphnide luctus*

*Nunc superest. Pecudes illo quis pascat adempto,
Auertatq; luem, curamq; impendat & artem?
Daphnide non melior quisquam depellere venis
Implicitam pestem, & membris agere atra venena.*

*Daphnis & insidias stabulis prædasq; cauebat.
Ah gelidas quoties hiemes perpeffus & imbres,
Peruigil exegit brumali sidere noctem,*

*Incustoditum fera ne vastaret ouile,
Ne lac subtraherent pecori, ne vellera fures!
Ah quoties humeris per deuia sustulit ipse
Rupe parens nudâ quos nixa reliquerat hædos!*

*Angarides Nymphæ testēs, quas sæpè laborum
Miratas dixisse ferunt: Mortalia non sunt
Quæ tolerat: saxo certè riget ille vel ære,
Quem neque ventorum rabies, pluuiæq;, niuesq;,
Non calum inclemens, non vlla iniuria frangit.
Nymphæ, non saxo Daphnis neque constitit ære.
Occidit heu! & nos pariter, terrasq; reliquit.*

*Nequidquam roseum spargis iubar, auree Titan:
Gratius extinctum nobis in Daphnide lumen.*

*Daphnidis aduentu tellus ridebat & aether ,
 Frondebant siluæ , spirabant floribus arua ,
 Ipsi lætitiâ montes plausuq; fremebant :
 Daphnidis interitu tellus lugebit & aether ,
 Squalebunt siluæ , stabunt sine floribus arua ,
 Intonsi montes gemitus ad sidera tollent.
 Ergò nil proauum series , regnataq; latè
 Rura iuuant , centumq; greges , armenta q; centum ,
 Nil labor , & studium pulchræ virtutis , & artes?
 Ergò cinis , formaq; carens & triste cadauer
 Nunc iacet ille omnes nuper pulcerrimus inter
 Pastores ? nec sidereâ fulgentia luce
 Lumina , nec vultum , quem finxerat ipsa venustas ,
 Cernere erit posthac ? At non , quæ sustulit illum
 Mors , etiam famam tollet . Sint tempora Musis
 Non inimica meis , volitabis Daphni per ora .
 Ipse ego virtutesq; tuas , tuaq; inclyta facta ,
 Inuictamq; fidem , & sanctæ pietatis amorem
 Ferre Syracosio tentabo ad sidera versu .
 In partem veniet Phæbo dilectus Amyntas ,
 Et mecum teneris passim tua nomina fagis
 Inscribet : crescent illæ , tua nomina crescent .
 Quin etiam niueo tumulum de marmore Damon
 Exstruet , & tali signabit carmine marmor :*

HIC SITVS EST DAPHNIS. QVOD ERAT MOR-
TALE, SEPVLCHRO

INTVLIT ATRA DIES: VIVET PER SÆCVLA
NOMEN.

*Ad tumulum venient, instaurabuntq; quotannis
Pastores tibi cum donis funebria iusta.*

*Vina dabunt alij, purum lac adferet Ægon,
Et, Tibi, suspirans, puro magè candida lacte
Pectora, dicet, erant, & fraudis nescia, Daphni.
Ipse apium, ipse ederas, & nostris lilia spargam
Humida de lacrymis, teq; ad tua sacra vocabo.*

*Talia iactantem supremo lumine vesper
Occupat, & primo conspexit Lucifer ortu.*



A D

ALEXANDRVM VII. PONT. OPT. MAX.

Anno M. DC. LV. VII. Id. Aprilis
renunciatum.

Hunc cecinisse diem, venturi præscius aui,
Dicitur Aonias inter Apollo Deas.
Hunc fore, neglectas quo gloria tolleret artes,
Et faceret doctis vatibus ingenium.

Verba fides sequitur: rerum molitur habenas

Orbis. ALEXANDER natus ad imperium.

Ac velut exactæ post tristia frigora brumæ,

Cum ver iucundum floridus annus agit,

Ridet humus, ridet Zephyris spirantibus æther

Purus, & argutæ dulcè queruntur aues:

Exultare nouo sic Principe vidimus Urbem,

Et quot regna vagus circuit Oceanus.

Vidimus excitas Parnassi monte sorores

Aurea desuetæ tendere fila lyræ.

Vidimus Ausonios, genus immortale, poëtas

Præcingi sacrâ, quam meruere, comâ.

Latitiam

*Letitiam & Pacem, miseris vix cognita terris
 Numina, quas luctus semper & horror habet,
 Ter Vaticani circum delubra volantes
 Audimus reditus signa dedisse sui.*

*Audimus: letas voces plaususq; canentium
 Vocibus & plausu Roma secuta suo est.*

*O mihi si populi sensus equare canendo
 Fas foret, & causâ digna dieq; loqui!*

*O mihi si Phæbus vacuis dictaret in hortis
 Grandia Romani carmina Callimachi!*

*Non ego, MAGNE PATER, celebrarem facta tuorum,
 Non fultam titulis diuitiisq; domum;*

*Non maris Hetrusci portus & litora, quondam
 Hercule, nunc proavis inclyta regna tuis;*

*Non belli claros studiis heroas, & altis
 Adscriptos Superum sedibus indigetes;*

*Nec quæ porticibus miramur nixa superbis
 Atria, pressa Ducum Pontificumq; pede;*

*Nec quas maiorum pietas caelestibus aras
 Struxit Apelleis conspicuas tabulis:*

*Sed te, qui titulos tantum præcedis auitos,
 Quantum nocturnas Cynthia plena faces;*

*Et tua non humili memorarem nomina cantu
 Extremas ultra solis itura vias,*

*Quà leuat Eoo rutilantem gurgite currum,
Et quà poscentes otia soluit equos.*

*At non intacti mores, & quas rudis atas
Virtutes teneris duxit ab uberibus,*

*Et data Pierijs iuuenilia tempora sacris,
Carminis, ut quondam, res foret una mei.*

Maior equis pulsanda patet nunc area nostris,

*Quà Padus obiectis aestuat aggeribus,
Quà centum populos, centum Ferraria¹ sospes
Debet consilijs oppida salua tuis:*

*Seu circum fremerent irati Caesaris arma,
Nec non aduersos Mantua passa Deos:*

*Seu propiora mouens Venetus discrimina miles
Verteret Hadriacas ad noua bella rates:*

*Seu latè grassata lues, & turpis egestas
Inferrent miseris urbibus excidium:*

*Seu Pater Eridanus campis undaret apertis,
Deucalionæa damna minatus aquæ.*

*Ille idem assiduis Cygni plangoribus, idem
Certauit mæstis Heliadum lacrymis,
Cum patriæ fines & rectas legibus vrbes
Linquentem ripis vidit abire suis,*

Et

¹ Alexander VII. Ferrariæ Prolegatus Pontificius difficillimis temporibus belli, pestilentie, ætioris annonæ, & exundationis fluminum.

Et Libycos tentare ² sinus, ubi classibus audax
 Insula Threicias depopulatur opes,
 Europæq, suæ custos delecta iuventus
 Tutatur medijs credita claustra maris.
 Non secus Italia Cimbro natura minanti
 Alpinas visa est opposuisse nives.
 Non secus occiduis inhiantem finibus Afrum
 Herculis obiectis meta coercet aquis.
 O quoties Melitæ fortes hortatus alumnos
 Iussisti properâ vellere signa manu!
 O quoties Solymen, Asiæq, reposcere regna,
 Sceptraq, Bistonie frangere barbaria!
 Testis Neptunus, Tethys mihi testis, & omnis
 Tritonum soboles, Nereidumq, chorus.
 Illis cura fuit partos cantare triumphos,
 Et tua cognatis facta referre Deis.
 Me decet Arctoo spumantem sanguine Rhenum
 Dicere, nec patriæ bella silere mea.
 Infelix tellus, Romanâ clade tumentis
 Arminij quondam signa secuta ducis!
 Hei mihi, nunc ducibus nihilo melioribus usa
 Scinderis in partes, & noua sacra colis.
 At magno commissâ luis. Quæ flumina belli
 Nescia? quæuè tuo terra cruore caret?

Forſitan

² Melitæ Inquisitor.

*Forsitan & Diuos nondum sibi sentiet equos,
 Et mala cùm tulerit plurima, plura feret.
 I celer, instantem capiti defende ruinam:
 I celer, & longæ vince pericla via.
 Non te Sicani tardent fera murmura ponti,
 Non formidata nauibus insidia;
 Non rigor Alpinus, non frigore saxa perenni
 Horrida, non duro flumina vincta gelu.
 Hic Vbios³ dominâ deductos Vrbe colonos,
 Et flauos vîses impiger Vsipios.
 Tum dextram tendes populis, quos Luppia nostris
 Cædibus infectâ decolor ambit aquâ,
 Et quos bellipotens olim ditione premebat
 Accola vicini Bruçterus⁴ Amisii:
 Nunc ubi conuentu mundi cõiere vocato
 Discordes studijs consilijsq; Patres.
 Discordes, i, iunge animos: Europa, Deusq;
 Imponunt humeris publica vota tuis.
 Auspicijs pax freta bonis frondentis oliuæ
 Pratendit capiti mitiaserta tuo.
 Visa quieturis demum promittere terris
 Aurea compositis secula disidijs.*

Hic

³ Nuntius Pontificius Coloniam, & inde Monasterium pacis conciliandæ gratiâ missus.

⁴ Bruçteri Germaniæ populi ad Amisium fluuium. Tacitus lib. I. Ann & alibi.

*Hic etiam s Veledam, quâ nec Cumæa sacerdos,
Nec diuina fuit clarior Herophile,
Te veniente, ferunt iterum de turre locutam*

*Fatidico tales ore dedisse sonos:
Latus ades, rerum spes & tutela mearum,
Sospite quo nobis vita salusq; redit.*

*Latus ades, cætus nec dedigneris amicos,
Et mea securo visere regna pede.*

*Non iterum clades ⁶ animo versamus, & iras,
Armaq; Quintilios vincere docta tuos.*

*Qualis ad Assyrias immani funere Carras
Romanus Partho fusus ab hoste iacet.*

*Nulla salus bello, pacem deposcimus omnes:
Pax veniat populis sæpè vocata meis.*

Sed, nisi me Phæbi ludunt oracula, quondam

*Quæ cecinit nostro conscius ore Deus,
Pax erit: at sacris tam detestanda Latinis;
Quàm malè mercatâ pax coitura fide.*

Non

⁵ Statius lib. 1. Silu. in Soter. pro Rutilio Gallico:

Non vacat Arctoas acies, Rhenumque rebellem,
Captiuæque preces Velledæ, &c.

Ea virgo nationis Bructeræ latè imperitabat, quam coram adire alloqui que negatum. Arcebantur aspectu, quò venerationis plus inesset. Ipsa editâ in turre: dilectus è propinquis consulta responsaque, vt internuntius numinis, portabat. Tacitus Histor. lib. 4.

⁶ Clades Variana pænè exitiabilis, tribus legionibus, cum duce, legatisque, & auxilijs omnibus, cæsis. Sueton. in Octau. cap. 23. Quâ nulla post Crassi in Parthis damnum, in externis gentibus, grauior Romanis fuit. Paterc. Hist. lib. 2.

*Non ideo curasq; tuas vigilesq; labores
 Excipient meritis fata sinistra tuis.
 Purpura virtutis pretium tibi cedit, & inde
 Quo nihil hac maius, quod tibi donet, habet.
 Scilicet & terris, caloq;, Ereboq;, verendum
 Te solio accipiet maxima Roma suo.
 Tum pia laturus sacratis oscula plantis
 Orbis adoratos procidet ante pedes.
 Tum Septem imperio quæ nunc CHRISTINA triones
 Frenat, & Arctoas ducit in arma manus,
 Adueniet supplex, & Vaticana tenentem
 Regna colet prono deuenerata genu.
 Tum consanguinei longo post tempore Reges
 Arbitrio ponent impia bella tuo.
 Et pacti stabilem iurato fœdere pacem
 Damnabunt pugnas, & graue Martis opus.
 Aruaq; lata Ceres, & pleno Copia cornu
 Dona ferens, niueis oppida viset equis.
 Mox ubi iam fessas recrearint debita gentes
 Otia, signa dabunt ad sacra bella tubæ.
 Bella recrudescunt Naupacti, & barbara Thracum
 Gaza per Ionias sparsa natabit aquas.
 Quas ego nunc acies video! quos aquora remos
 Ferrere! quàm latè vela tumere Notis!*

Quantus

*Quantus adest sudor populis! quot in arma volentes
Creta viros totâ concitat Italiâ!*

Vt Solyme poscit reduces in pralia Gallos!

Vt tremat Austriacas pallidus Ister opes!

An te etiam 7 auspicijs tollentem signa secundis,

MAGNE PATER, toto cernimus ire mari?

Impiaq; Odrisia contundere cornua Luna,

Victoremq; sequi, quâ præt arma, Deum?

Sit satis armatas in pralia mittere classes:

Bella gerant alij: tu prece bella iuua.

Consilijs opibusq; iuua, Zephyrosq; fauentes

Sollicita, & faciles ad pia cæpta Deos.

Sic per te victo Reges Oriente superbi

Threicijs statuent parta tropæa iugis.

Et Vaticanas Victoria figet ad aras

Dereptas Scythicis postibus exuias.

Tunc aliquis vates, procerum de stirpe meorum,

Cantabit famæ tot monumenta tua.

Bellaq; signabit titulis: HÆC THRACE SVBACTO

VICTOR ALEXANDER RETTVLIT ARMA DEO.

Sic cecinit: partem, vates ne vana putetur,

Lapsa dedit, partem serior hora dabit.

AD

7 Philomathis Musa iuueniles poemate 83.

Huc ego, seu sit opus Neptuni fluctibus, altâ

Puppe sedens; seu terrestri certare duello.

Vectus equo veniam.

A D I M P. C Æ S.

FERDINANDVM III.

A V G.

Cùm eius auspicijs , & munificentia
Athanasius Kircherus OEdipum Hiero-
glyphicum ederet.

Non genus Austriadum demissum à sanguine
Diuum ,

Non clausum mundi finibus imperium,
Non victos dicam populos , vrbesq; receptas ,

Nec Boreæ fractas sæpè furentis opes.
Hæc memorent , quorum sublimi Musa cothurno
Surgit , & herois concinit arma modis.

Me mea Musa vetat tantarum pondera rerum
Tangere : me , quæ sint viribus æqua , iuuant.
Me studia & placida sibi poscunt Cæsaris artes :

Materies numeris conuenit ista meis.
Vates ille pios , & vatum dona piorum
Excipit , & vatum carmine digna gerit.
Quâ sceptrum gestat , quâ ius & regna tuetur,
Hac etiam Musas protegit ille manu.

Nec

*Nec minor¹ Augusto, cuius successit habenis,
 Fundat Apollineis publica templa sacris.
 Ardua Cecropia quis nescit sana Minerue
 Conditæ, & Aonio tecta sacrata Deo?
 Miratur moles² Viadrus, miratur & Ister,
 In numerum pulsus & sibi plaudit aquis.
 At quæ Casareo fulgentia limina sumtu
 Praga videt, certant Delphice Phæbe tuis.
 Qualis & armatas, post impia bella Gigantum,
 Exiit infesto Iuppiter igne manus:
 Qualis & Herculeis cum iam ceruicibus axem
 Credidit, excusso pondere cessat Atlas:
 Terrarum dominas sic fessus Cesar habenas
 Laxat, & imperij grande reponit onus.
 Tum vires, Natura, tuas, ac semina rerum
 Scrutatur docto sedulus ingenio:
 Quis tremor attonitas vertat cum ciuibus vrbes:
 Impellat refluxas quis maris æstus aquas:
 Quæ vis diuitias imâ tellure repostas,
 Donaq; gemmiferi procreet Oceani:
 Quàm procùl Arctoo concretus frigore Pontus
 Deprensus Nili distet originibus:*

I

Quàm

¹ Augustus templum Apollinis in Palatio exstruxit, additâ por-
 ticu cum bibliothecâ Latinâ Græcâque. *Suet. in Octav. cap. 29.*

² Viadrus Germaniæ fluvius, vulgò Odera.

Quàm procùl Hesperijs diuisum Gadibus Indum
Hauriat 3 Eoi, quæ rubet, vnda freti:
Vnde ea vis ventis: vnde ardens Ætna fauillas
Semper, & exesi viscera montis alat:
Vnde Amphitrites salsus liquor: vnde teporem
Ducat Baianæ vena salubris aquæ.
Has ubi naturæ partes accessit, in altum
Fertur ad ætheriæ lucida signa domûs.
Hic illi geminam virgo Marathonia Libram,
Et sua vicinus subiicit astra Leo.
Armatusq; auro gladium prætendit Orion
Debita Cæsareæ præmia militiæ.
Hic Solis vestigat iter, causasq; latentes,
Pallida cur fuscis Luna laboret equis:
Cur sitiant Afri: cur Septem regna trionum
Vrat Hyperboreo frigore iugis hyems:
Cur fugiant umbra, Cancro torrente, Syenen:
Cur variet maior meta minorve diem.

Sed

3 Latiùs olim Rubrum mare patuit, & paullo aliter, quàm vt vul-
 go hodie, appellatum. Nam in Taciti. & aliorum veterum verbis, in
 hoc nomen venit mare Indicum, vastum illud & magnum, quod ab
 extremo sinu Arabico, siue ab Africâ eâ, in Aurcam Ptolomæi
 Chersonesum se protendit. Itaque Pomponius Mela duos sinus in
 mari Rubro agnoscit, Arabicum & Persicum. Lips. de magn. Rom.
 lib. 1. cap. 3.

*Sed quota doctrinæ pars est laudumq; tuarum,
 Austriade, magni sidera nosse poli?
 Et circumfuso porrectas æquore terras,
 Quà Sol Eoos lustrat & Hesperios?
 Se tibi Niliacis etiam sapientia chartis
 Eruta, & arcanas explicat historias.
 Nec te sacra latent adytis seclusa verendis,
 Nec lapides, sculptæ marmoribusq; feræ.
 Scilicet Ægyptus doctrinam credere saxis
 Orsa, peregrinas finxerat effigies,
 vt solis arcana Deum mens cognita mystis
 Falleret abstrusis vulgus imaginibus,
 Seraq; posteritas sensim labentibus annis
 Non caperet prisca moris & artis opus.
 O vanas hominum curas! O cæca futuri
 Pectora! Mars ultor nil sinit esse diu.
 Barbarus Armeniæ laceravit potor¹ Araxis
 Omnia, Niliacos depopulatus agros.
 Tot moles, regum tumulos, tot stantia vertit
 Culmina, regali suspicienda situ.
 Et potuit fugiens, armis cessantibus, ætas
 Seruatas etiam vertere reliquias.*

I 2

At

¹ Cambyſes Perſarum Rex Ægyptum fœdiſſimè vaſtauit.

*At non aternos olim subducet honores
 Longa dies meritis, inclyta Roma, tuis.
 Tu Pelusiacum spirantia rudera fastum
 Colligis, & medio tollis ad astra foro.
 Nec tua venturis, Caesar, delebitur annis
 Fama, nec ingenium nox premet atra tuum.
 Te duce, quis credat? post tot iam secula scimus
 Arcani quidquid Memphis & Isis habet.
 Quid velit Inachiae facies ignota Iuuenta,
 Quid Canis, & sacri mystica forma Bouis,
 Et quae praeterea famosus monstra Canopus
 Prodidit, antiquis conspicienda notis.
 Teq̃, adeò titulosq̃, tuos leget accola Nili,
 Et referet laudes ad sua sistra tuas.
 Iam Solyme, iam discet Arabs, iam clara loquentur
 Marmora Caesareà munera sparsa manu.
 Fallor? an Austriacis addent quoque fata tropaeis
 Sacra Paratonij signa reuulsa iholis?
 An, FERNANDE, tuum iam nunc Victoria nomen
 Leta parat saxis scribere Pyramidum?
 Gloria Pellaeis certè vocat amula palmis
 Europae resides ad pia bella manus.*

A D

P H I L O M A T H E N.

Nequicquam Musarum iuuenilium
auctorem tegi.

Q *Valis, ubi Pharios exurit Sirius agros,
Frugibus optatâ Nilus inundat aquâ,
Et super arentes fuso natat equore glebas,
Et riguan latius messibus ornat humum;
At longè positis idem cunabula terris
Et caput ignotis celat originibus:
Talis Mæonio quæ certent carmina vati
Fundis, & ut magno Pindarus ore, ruis:
Et Latium sermone beas, & diuite venâ
Fecundas, Vatum Maxime, Castaliam.
At cur Perrhæbi benè cognitus incola Pindi,
Cor Charitum, nostri spesq; decusq; chori,
Cur latitas, & lene sacra caput oculis vnde,
Quo veniunt Clario pocula digna Deo?
Cur tegis ambiguâ IUVENILIS imagine MVSÆ
Ingenij cultum diuitiasq; tui?
Cur dubitas proprio dignari nomine fetum?
Cur dubitas famæ pandere vela tua?*

Nequicquā, VIR MAGNE, lates: te nostra loquuntur
Tempora, te vatem sæcla futura canent.
Admirata tuos Siren Acheloïa cantus
Audijt, auditis cedere fassa suos.
Cùm Phaëthontææ canerent tua carmina Nymphæ,
Suspenso Cycnus plaussit ab Eridano.
Constitit auratâ captus testudine Tybris,
Et iussit fluctus lentiùs ire suos.
Sapè tuos avidis Rhénus pater auribus hausit,
Sapè Mosella tuos, & piger Alpha modos.
Nequicquam, VIR MAGNE, lates: te fama latentem
Prodit, & Eois monstrat & Hesperijs.
Nec sinit indictum pietas, animusq; periclis
Altior, & pacis, quem profiteris; amor.
Sichemios colles, & collibus addita testor
Templa coronato suspicienda tholo.
Vos Vbÿ testes, testis Mimigarda laborum,
Et septem geminis Roma superba iugis.
Eripe nunc ergò tenebris caput, eripe nocti,
Et larvam fictis detrahe nominibus.
Si minùs occultum Scyros celauit Achillem,
Agnitus Æolide si fuit ille dolo:
Si, qui regna tenet latè Parnassia, Phæbum
Ora latere vetant, & coma digna Deo:

Si, licet obscurâ celatus nocte, pyropus
Natiuo rutilum prouocat igne diem:
An poterit diffusa tuæ lux aurea Musæ,
An poterunt gentis signa latere tuæ?
Sidera scintillant, sublîmi vertice Quercus
Eminet, & senis Mons subit astra iugis.
Sed pudor, & casta diuina modestia frontis
Nobilior Tyriis purpura muricibus,
Vatis Apollinei titulos, nomenq, recusat,
Phæbeaq, vetat tempora fronde tegi.
Nec te grande sophos, nec fama cura moratur,
Nec fuco roseas gloria picta genas.
Virtuti satis est calo se teste probari,
Et sese fame notitiæq, negat.
Vt neget, inuitam curru sectatur eburno,
Et circumfuso lumine vestit Honor.
Sic radiant puro seruata corallia vitro,
Sic lucent calathis lilia virgineis.
Sic adamus fundo mersus pellucet in imo,
Sic micat auriferi diues arena Tagi.

AVGVSTINI CHISII,

in porticu supra Tiberim pensili,

LEONI X. PONT. MAX. & compluribus Cardinalibus datum.

L Audarunt alij conuiuia ditis Elise,
 Et Luculleas, Alcinoiæq; dapes,
 Et quas Romano cœnas Cleopatra marito
 Instruxit Pharijs perdita delicijs:
 At mea sollemnes epulas, & Regibus aquas,
 AVGVSTINE, tuas Musa loquatur opes.
 Stat super impendens Tiberina porticus vnda
 CHISIA, diuitijs nobilis Attalicis;
 Hospite nobilior, vultu dignata LEONIS,
 Quò posuit curas urbis, & orbis onus.
 Hæc quoque purpureos aurato limine Patres
 Accepit, totidem ceu Iouis aula Deos.
 Quæ mensis tum dona Ceres, quæ dona Lyæus
 Intulit, & largo Copia leta sinu!
 Vix tulit ipsa suum genialis mensa paratum.
 Et pretij quota pars ipse Lyæus erat?
 Fulgebant auro, fulgebant pocula signis,
 Fulgebant rutilis aspera chrysolithis.

Pascebant

*Pascebant oculos perfecta toreumata calo ,
 Aut Myos , aut dignus Mentoris arte labor.
 Ipsa penus populo poterat satis una videri :
 Hic poterat genio quisque litare suo.
 Sic , ubi prostratos celebrarunt vina Gigantes ,
 Semideis licuit pascere vina Iouem .
 Res noua : calatas ceperunt retia lances ,
 Et Polycletea vasa superba manu.
 Miratur Tiberis proiectas flumine gazas ,
 Et quas nec Ganges , nec vehit Hermus opes.
 Innocuam pisces escam mirantur in undis ,
 Mirantur nullo retia tensa dolo.
 Retia nulla suis , nec qua Nero texuit auro ,
 Premia captarunt diuitiora plagis.
 Scilicet argenti quidquid Tiberinus & auri
 Ceperat , hac domino restituere suo.
 I nunc , & Crassum memora Romana vetustas ,
 In Parthos auri quem sacer egit amor.
 Seruiit ille opibus : laudato CHISIVS vsu
 Effusa dominum se probat esse rei.*

AD
AUGUSTINVM
FAVORITVM.

De morte Natalis Rondinini S. D. N.
ALEXANDRO VII. Pont. Opt. Max.
ab Epistolis ad Principes.

Non ita Lampetie casu Phaëthontis acerbo
Fleuit, & ambusto Cygnus in amne Padi,
Non ita Pelides, mediâ cum vidit arenâ
Actoriden sparsis cæde iacere comis;
Tros Anchisiades non sic Pallante peremto,
Nec Theseus cari funere Pirithoi,
Ut mihi mæsta pio tabescunt lumina fletu,
Imag^z perpetuos pectora dant gemitus,
Dum desiderio mentem perfixus inani,
NATALIS mutos conqueror ad cineres.
Crudeles Diuos, crudeliaq^z astra vocanti
Nulla venit misero nocte diève quies.
Nec magis, heu, lacrymis saturatur luctus amaris,
Quàm matutino rore perustus ager.
Si fugit interdum, vagus ut Meander, in orbem
Mox redit, & sese decipit ipse dolor:

Notaq^z

Notaq; dilecti passim NATALIS imago
 Occurrit madidis obuia luminibus,
 Dulcè loqui fido, velut antè solebat, amico,
 Brachiaq; & caras tendere visa manus.
 Siue etenim ripam Tiberini propter amœnam
 Cernere veliuolas, quas vehit unda, rates,
 Et septem geminis latè spectare iacentes
 Collibus antiquæ me iuuat Vrbis opes,
 Pyramidasq; nouo ductas ad sidera sumtu,
 Et Vaticano templa superba tholo:
 Siue suburbanas Latij peragrare ruinas
 Mite iubet sancti Principis imperium,
 Albanumq; lacum, dilectaq; rura Minerue
 Posthabitis Romæ visere deliciis,
 Montis ubi quondam per viscera ductus aperti
 Fatalis Veijs irrigat arua liquor:
 Semper amarities, semper dolor hæret eunti,
 Et cruciat miris anxia corda modis.
 Nec vetus Alba grauem potis est mihi demere curam,
 Umbra nec æstiuis Tuscula frigorebus;
 Nec nemus Egeriæ, Scythica nec regna Diane,
 Nec lacus occulti conscius Hippolyti.
 Tène malâ, iuuenum castissime, fraude nouercæ
 Distractum rapidis membra cruenta rotis,

Tène

Téne Coronides medijs è faucibus Orci

Ereptum Triuia restituisse Dea ,

Et letos oculos , roseumq₃ potentibus herbis

Os valuit , nitidas & reparare comas ?

At miserum , ut prima NATALIS flore iuuenta

Occidit indigno flebilis interitu ,

Non pietas , non sancta fides , non Pallas , & omnis

Aonidum tanto cultus amore chorus ,

Ipsè nec aetherias reuocare ad luminis auras

Sustinuit medicæ Cynthius auctor opis ?

I nunc , & demens animos attolle superbos ,

Et Zephyro plenos finge tumere sinus.

Finge miser titulos , & grandia munera rerum ,

Et spera Pylj tempora longa senis.

En iacet exigua iuuenis compostus in urnâ ,

Promeritus cæptis omnia fausta suis.

*Nam quid ALEXANDRI meritis fauor , aut quid ho-
norum*

Spes , & fraternâ fœdera iuncta fide ?

Quid præclara domus , genitrix aut profuit illi

Optima , Castalias inter habenda Deas ?

Lata quid aspirans rebus fortuna secundis ,

Et plausus totâ maximus Ausoniâ ?

Scilicet exorare nefas est fata , nec ulli

Parcarum licuit frangere duritiem.

Non

Non tamen Heroum manes inferna coërcent

Flumina , nec Stygij pallida regna Iouis.

Ætherias illos virtus sublimis ad arces

Euehit , & campis consecrat Elysiis.

Hic, hîc NATALI domus est: hinc arduus imas

Sub pedibus terras despicit & maria ;

Miraturq; nouos orbes , conuexaq; mundi

Mœnia , & innumeras , splendida signa , faces.

At licet huic longos Libitina inuiderit annos,

Dum meritis implet Solis utramq; domum;

Ne tamen vlla queat nomen delere vetustas ,

Prouisum Clario gratulor esse Deo.

Dum terras atque omne sibi deuinciet æuum,

Curaq; ALEXANDER posteritatis erit ;

Dum pius in Venetos animus studiumq; canetur ,

Classis & Ægeo Thracia victa mari ;

Dum referetur amor , quo tristia bella Tyranni

Ardet in excidium vertere Bistonij ,

Quo res Sarmatiae , viduataq; Casare regna

Curat , & impositos Alpibus Heluetios,

NATALI constabit honos, viuaxq; manebit

Doctrinae , & Suadae nomen , & ingenij.

Semper ALEXANDRI , sacra per vestigia , laudes

Ponè sequens , ibis clara per ora virum.

Tu quoque Pieridum decus, AVGVSTINE, sororum

*Quo Latium, & tumidis Macra superbit aquis,
Ingenuos mores, & vitam puriter actam,*

*Cordaq; non ullis tacta cupidinibus,
Virtutesq; alias cari memorabis amici*

Carmine, quod possit nulla abolere dies.

Nam neque signa tuæ spirantia marmore Luna,

Nec Polycletæâ nobilis arte labor,

Longiùs extendant famam NATALIS in ævum,

Quàm tua Mæonia proxima Musa tube.

At mihi, cui tantum non concessere Camæna,

Vt canerem paribus grandia facta modis,

Sat fuerit gelidis extrema dedisse labellis

Oscula, & exangues imbre rigasse genas.

Sat fugientem animam fato legisse supremo,

Et clausisse piâ lumina cara manu.

Sat tumultum lauri folijs ornare quotannis,

Et cineri multâ soluere iusta prece.

A D

IACOBVM VVALLIVM

de morte SIDRONII HOSSCHII.

E *Tsi me, VValli, patrijs excedere terris,*
Et procùl Angaria collibus ire mea,
Et maris insuetas ansum dare vela per undas,
Ardentesq; graui sole secare vias,
Lydius Hesperidum Tiberis regnator aquarum
Et septem geminis Vrbs tenet alta iugis,
Alpinaq; niues, ac nubifer Apenninus,
Et pia Tyrrhenæ vota morantur aquæ,
Vt nequeam Tungros, & pulchrum visere Mosam,
Et præsens mæsto soluere iusta rogo,
Et terræ tumulo componere vatis amici
Reliquias nostris irriguas lacrymis:
Non tamen extinctum miseris urgere querelis.
Iustaq; , quâ fas est, reddere cessat amor.
Nunc firmata subit studiis concordia nostris,
Et desiderijs inuida fata meis.
Nunc mandata lego, quæ te mihi scribere iussit,
Et moriens linguâ deficiente dabat.
Quin etiam violis, & lauri frondibus urnam
Halantem fictis ponimus exuijs.

His

*His etiam flores, vite monumenta fugacis,
Addimus, albenti lilia mista rosâ.*

*At circum Latij, doctissima turba, Poëta
Aoniâ feriunt carmina mæsta lyrâ.*

*Quos præit ereptum lugens Elegeia vatem,
Sacula cui nullum nostra tulere parem,
Postera vix sperent; quo vindice desijt esse,
Quod fuerat, Paphie lena comesq; Deæ.*

*Illa igitur squallet, quo nos, confecta dolore,
Et queritur nostris saucia vulneribus.*

Ipse etiam fletu tumulum dignatur inanem

*CHISIVS Ausonia gloria prima toga.
Et gemitu manes ciet, & Permesside lymphâ
Spargit flebilibus marmora scripta notis.*

*HOC MERVIT IVSTI MONVMENTVM BELGA
DOLORIS,*

*PROXIMVS INGENIO, CVLTE TIBVLLÆ, TVO.
Interea curis liber mortalibus errat*

*HOSSCHIVS, Elysium quâ facit umbra nemus;
Quâ Zephyri blandis assibilat aura susurris,
Et viret intonsis laurea silua comis;
Quâ saliunt vitrei per amœna rosaria fontes,
Et præbet faciles florida ripa toros.*

Illic diuinos inter considerare vates

Gessit, & Heroum proximus ire choris,

Et modo cantatos suspirat Numinis ignes,
 Virginis & grato carmine laudat opem.
 Et modo tot vite, quibus ut mare volumur, æstus
 Gaudet inoffensâ se superasse viâ.
 Et modo commendat faciles miserescere Diuos,
 Dum Petri lacrymis miscuit ipse suas.
 Denique quæ vouit Leopoldo plurima, votis
 Exorat meliùs prosequiturq; suis.
 Illinc, si nostri tangit te cura, nec omnis
 Excidit oblito pectore suctus amor,
 Aspice perpetuis lacrymarum turgida riuis
 Lumina; & exequias, docte Poëta, tuas.
 Aspice ut immensum tua gloria lata per orbem
 Transuolet Eoas, Hesperiasque domos:
 Ut male neglectas, monumenta perennia, Musas
 Vallius indignis vindicet à tenebris;
 Vallius Aonidum post te non parua sororum
 Cura, tibi quondam, nunc mihi primus amor.
 Quàm pius ille manu fugientes clausit ocellos,
 Et summis animam legit anhelitibus!
 Quàm pius æternis mandat tua nomina chartis,
 Et damnat lacrymis impia fata suis!
 Scilicet ereptum sic tristis Naso Tibullum
 Luxit, & Orphæam Calliopeia necem.

ALEXANDRO VII.

PONT. OPT. MAX.

Villam Barberinam, Domitiani olim
Cæsaris Albanum, vbi quotannis Quin-
quatria fiebant Mineruæ, animi causâ
inuisenti anno M. DC. LVII. Idib.
Maij.

Hic vbi porticibus se Flauia villa superbis
Æquabat summis ardua sideribus,
Et nemus hinc, Scythicæ non mitia regna Diana,
Illinc Tyrrhenas prospiciebat aquas,
Sollemnes olim ludos, & sacra Mineruæ
Quinque fuit iunctos mos celebrare dies.
Quare amat hos colles etiam nunc Diua, lacusq̃,
Plurima quos glaucâ vestit oliua comâ.
Atque adeò præsens Albæ cùm proxima nuper
Vidit ALEXANDRVM per iuga ferre pedem:
Letus ades, dixit, nostrosq̃ inuise recessus,
Terrarum custos maxime: letus ades.
Hic positâ regni tantisper mole licebit
Otia prolatis dulcia rebus agas.

Quando

*Quando dira lues, & frugum tristis egestas,
 Auspice te, Latios pulsa reliquit agros.
 Mox instaurato mens corpore firmior, altas
 Imperij curas, & geret orbis onus.*

Interea dignam seruato ciue coronam

CHISIACIS Dryades texite de folijs.

*Alma Ceres, spicas; date laurea sorta merenti,
 Aonides: partâ mox mea pace feret.*

A D

IOANNEM ROTGERVM TORCKI VM

Præpositum Mindensem, & Canonicum
 Paderbornensem ac Monasteriensem.

De Æneæ statuâ, LAVRENTII BER-
 NINI opere, in hortis Burghesijs ex-
 tra portam Collinam.

TORCKI noster amor, doctarum prima Sororum
*Gloria, spes patriæ magna decusq; tuæ,
 Aspice BERNINI docto spirantia cælo
 Marmora, Phidiaco par opus ingenio.
 Aspice Troiugenam curuâ ceruice ferentem
 Et patrem, & profugos, sacra paterna, Deos.*

*Has pius Aeneas paruo comitatus Iulo
 Subtrahit incense reliquias patriæ.
 Quis dolor è muto ducit suspiria saxo!
 Qualis in inflexo vertice regnat amor!
 Ut lapis ipse sue præsagus fata Creusæ
 Sentit, & impositum ferre laborat onus!
 Et trahit Ascanium flentem! comes ille paternæ
 Non potis est equis passibus ire fuga.
 Ut miserans capta fumantia mœnia Troiæ
 Effigies tantis ingemit agra malis!
 At ne BERNINVS vocem daret arte querelis,
 Obstittit infandus, qui premit ora, dolor.*

ALEXANDRO POLLINO donum natalitium.

MEntorcos alij donent, POLLINE, labores:
 Natali nostro pyxida munus habe.
 Forma pyrum simulat: circum violæq; colores,
 Albaq; purpureis mista ligustra rosis.
 Aspicias & varijs ut aranea floribus audax
 Incubat, & fatuus papilionis amor.
 Nec tamen inclusam potis est libare medullam,
 Et qui sub fuluo spirat odor calyce.

Namq;

*Namq; ibi odorifero sudantia balsama ligno,
 Dulces Aurora diuitis exuias,
 Et Cilicum messes, & quæ Titanus ales
 Cinnama, & extremus munera legit Arabs,
 Et nardi felicitis opes, & pinguis amomi,
 Composuit miro Pæonis ars studio.
 Sic operi contendit odor: cui præstat utrique,
 Qui natalitium dat tibi munus, amor.*

DE CORVO,

Bartoldi Nihusij discipulo mortuo.

*O*ccidit heu Coruus Batauis celeberrimus oris,
 Bartoldi longo tempore discipulus.
*Nec domino veniente, καὶ ῥόεα καὶ ῥὸν ὦν,
 Increpitat Graio garrulus eloquio.
 Vox silet, ac lepida cessant conuitia linguae,
 Nulla quibus sese composuisset auis.
 Non Agrippina turdus, non sturnus amores
 Caesaris, humanos doctus uterq; sonos;
 Nec Coruus populi plausu gemituq; Latini
 Nobilis, & ducti funeris, exequijs.
 At rumpare licet Clotho, quæ fila volucrum,
 Mæonida si fas credere, dura secas,*

Carminē viuet adhuc., qualis Melioris alumnus

Psittacus, & Teij fida columba senis.

Qualis & exusto celebrata Ciconia nido

In Batauis pullos morte secuta suos.

Vt meruit, vos ergò rosâ Permesside Musæ

Compositum molli condite funus humo:

Et notum tumulo carmen superaddite: SI QVEM

*NON HODIE, CRAS, CRAS AVFERET ATRA
DIES.*

ALEXANDRO VII.

PONT. OPT. MAX.

Tertium Pontificatus annum feliciter
auspicianti.

L *Æta dies redijt, qua te Rex ætheris alii,
SANCTE PATER, magnum misit in impertum:*

Et terris dum pulsa lues, tibi tertius annus

Illuxit faustis candidus auspicijs.

Prima fames Latium, te principe., liquit, & Urbem

Externis pavit frugibus alma Ceres.

Iam nunc Adriacis classis tua iuncta carinis

Hellepontiacæ claustra refringet aquæ.

Intereà sacras voti rea fundit ad aras

Ingenuo tales pectore Roma preces:

De

FERDINANDI FVRSTENBERGII. 151

*De nostris, PATER ALME, tibi Deus augeat annos,
Si seruata tuo manere vita mea est.*

IN EIVSDEM EFFIGIEM
marmoream, opus Laurentij Bernini
Equitis & sculptoris egregij.

Spirat ALEXANDRI viuus de marmore vultus,
Nullus adhuc potuit quem simulare color.
*Par animo siquidem facies pigmenta recusat,
Et melius niueum marmor utrumq; refert.*

AD EVMDEM,
De ædibus Pontificijs ad Lacum Al-
banum tactis fulmine III. Id.
Octob. M. DC. LVII.

NE mirare manu Cyclopea tela rubenti
In tua, MAGNE PARENS, tecta vibrare
Iouem.
*I*ndignatur enim Latio, te Principe, demum
Aurea Saturni sæcla redire senis.

DE BIBLIOTHECA VRBINATE,
ALEXANDRI VII. Pont. Max. liberalitate, Vaticanæ donatâ.

R Egisco quondam sumtu, studioq, parata
Feltriadum celebris bibliotheca Ducum,
Vaticana tuas, huc longè iussa venire

MAXIMI ALEXANDRI munere, acervat opes.
Nobilior poterat nec muneris auctor haberi,
Nec munus poni nobiliore loco.

IN CAROLI I. magnæ Britanniaë Regis,
An. M. DC. XLVIII. v. Id. Febr.
Londini capite plexi, necem.

C Erne lupa geminos pendentes ubere natos:
Romulus hic Romæ est conditor, ille Remus.
Inde Caledoniæ præbentem colla securi
Indigno CAROLVM respice supplicio;
Et genus acre lupos terræ dic deesse¹ Britanniæ:
Senior est ipsis terra Britanna lupis.

¹ In Angliâ lupi nulli, assiduâ venationibus stirpis excisi.
Polid. lib. I.

FERDINANDI FVRSTENBERGII. 153

I N

BERNARDVM FVLGOSIVM,

Medicum & Poëtam malum.

C*Vm tua, Fulgosi, tellus errata medentis
Celet, & aggestâ funera condat humo;
Quæ nunc tanta animum cepit dementia, luci
Vt mala committi carmina discupas?*

IN S. D. N. ALEXANDRI VII.

AVSPICATISSIMVM NATALEM,

Hendecasyllabi iam olim scripti.

I*Ngens gloria purpure Latine,
Phæbi delictum, medulla Suae,
Sacrorum Cynosura certa vatam,
Paullum, magne FABI, graues labores
Alti pectoris, arduæque Romæ
Fultum consilijs remitte pondus,
Et nostris solito fauore Musis
Asspira facilem secundus auram,
Dum natalitias sacrare cantu
Idus Hendecasyllabi laborant.
Quos duros licet, ac parùm politos
Læui pumice, dadalaq, limâ,
Et blando tamen in sinu receptos*

*Illâ fronte legas , precamur , illâ ,
 Quâ Septem iuga , purpuramq; Romæ,
 Et curas Latij Patris serenas ,
 Et nostri rapis ingeni calorem.*

*Vestris nunc opus est choris , venite
 Suaues Letitia , venite Plausus ,
 Cantus , Gaudia , Gratia , Camænæ.
 Festiuo Genium vocate ludo ,
 Et sertis , & odoribus Sabæis ;
 Et natalitijs adeste sacris
 Faustis ominibus , bonisq; verbis .
 Sollemnem Februarij reduxit*

*Quinquagesima sexta bruma lucem :
 Natales FABII canamus Idus .
 Idus tot maris Indici lapillis
 Signandas , quot hiems creat pruinas ,
 Quot ver purpureum per arua flores ;
 Quot votis celebrauit , & coronis
 Natalem Venusina Musa lucem
 Mæcenatis agens , Aprilis Idus ;
 Quot votis cumulauit , & coronis
 Idus , Mercurij diem , vetustas
 Maio sidere , nobilesq; partu
 Octobres coluit Maronis Idus .*

*Ergò cùm superas beatus infans
 Natus Chisiades , futurus Heros ,
 Blando murmure personaret auras ,
 Vagitus tener , ac rudes querela
 Commissæ Zephyris , procùl remotas
 Parnassi geminis nouem Camænas
 Exciuere iugis , Claroq; Phæbum ,
 Et Pandionis arcibus Mineruam.*

*Ille Pegaseos repenti fontes
 Liquerunt , & Hyanthias cauernas ,
 Et Pindi virides tulere lauros ,
 Et molles violas , rosæq; florem ,
 Paruis munera delicata cunis.*

*Princeps Calliope labella primùm
 Permulsit tribus osculis puelli ,
 Et vatum simul entheos furores
 Afflauit , tenerosq; fronde crines
 Cinxit Daphnide , Bacchicisq; sertis ,
 Nostris Orphea gratulata terris
 Dono Calituum nouo renatum.*

*Hinc fati quoque conscia sorores
 Arrisere Deæ , lyramq; Pæan
 Donauit puero ; puer iocosus
 Arreptas digito fides procaci*

Prensauit,

Prenſauit, ſidium daturus omen;
 Vt quondam dedit, Hercules tenellus
 Omen roboris anguibus peremtis.
 Tunc amplexa tenacibus lacertis
 Mellitum ſtupet vndecumque Pallas
 Infantem, cerebrumq; mollicellum
 Implet numinis, ac ſuas oliuas
 Pacis premia ſubligat corymbis.
 Adſunt, & comitum trahunt cateruas,
 Linquentes Ciceronis euitermi
 Piſtum veris honoribus ſepulcrum,
 (Quo fixere domum) diſerta Pitho,
 Facundus Lepor, aureumq; nodum,
 Segnes ſoluere Gratia ſodales,
 Incundiq; Sales, & elegantes
 Doſtarum facies Facetiarum.
 Quæ poſtquam niueam liguſtra nubem
 Fuderunt beneolentibus caniſtris,
 Et felicibus irrigata ſuccis
 Sacri neſtaris ora miſcuerunt:
 Quales Cecropij Platonis olim,
 Quales gutture Pindari canoro,
 Quales Ambroſiis apes labellis,
 Matres ambroſia leues crearunt:

Dilectis

*Dilectis etiam redux ab astris
 Virtus remige venit vſa cycno,
 Quæ fauſtos ſimul augurata ſoles,
 Et primo ſimiles dies metallo
 Promiſit puero, faces honeſti
 Admouit, niuibꝯqꝫ concolorem
 Puris moribus indiſit nitorem.
 Quin & ſidereus Pudor modeſta
 Viuo murice temperauit ora,
 Et caſtos Amor innocens ocellos
 Accendit radijs ab axe raptis,
 Et Clementia nubibus remotis
 Frontem finxit amabilem videri.
 At cuſtos animum fidelis omnem
 Munit Relligio timore Diuūm;
 Et contra mala, liuidamqꝫ ſortem
 Conſtans ægide Fortitudo pectus.*

*Tali Chiſiacas honore cunas
 Dignatos Superūm choros frequentūm
 Actutūm variæ viæ reportant.
 Virtutes patrium petunt Olympum,
 Et quā ſe tenucs leuant per auras,
 Auræ deciduis pluunt liguſtris,
 Narciſſiſqꝫ, roſiſqꝫ, lilijſqꝫ.*

Cyrrham Pierides, Claron reuifit
 Musarum pater, Atticas Athenas
 Pallas, Suada suam diferta sedem.
 Gratantur redeuntibus Napæ,
 Occurrunt Dryades, leuesq; Fauni.
 Tellus luteolas benigna calthas
 Submittit, violasq; amaracosq;
 Mitescit positis furor procellis
 Tyrrheni maris: Africis fugatis,
 In regnum lepidæ Fauoniorum
 Succedunt animæ beatiorum,
 Et solæ dominantur axe toto.

Latas intèrèà virere ripas
 Vernis floribus, ac rosis caducis
 Spargi flumina, leniterq; motas
 Admiratus aquas tepere blandis
 Aurarum Zephyritidum susurris,
 Vmbro ⁊ populeâ caput coronâ
 Vmbratum placidis leuauit undis.
 Quando suppositâ reclinis urnâ,
 Muscosum latus hinc & inde Nymphis
 Circumstantibus, Orciaq; & Aßâ,
 Et Mersâ, & Soro, & Arbiâ, & Malenâ,

Sordes

1 Vmbro nobile Hetruriæ flumen, de quo Rutilius in Itine-
 rario, & Plinius lib. 3 cap. 5.

Sordes abluit : ille mox iacentem
 Mento canitiem manu remulſit ,
 Et ſic fatidico locutus ore eſt :
 Ergò pollicitam benigna fata
 Inuenere viam , ſagax futuri
 Quæ Proteus mihi cæculus ſolebat
 Noſtris pandere gratus hoſpes antris ?
 Ergò iam genitus ² beatus infans ,
 Infans Chiſiades , recens Hetruſcæ
 Gentis delictum , decuſq; Senæ
 Expectatus adeſt ? adeſt petitus ?
 Sic eſt : prodigio rigentis anni
 Ventura manifeſta ſigna ſortis
 Soluunt ambiguam timore mentem.
 O felix nimis ! ô beata tellus !
 Nullis urbibus , & ſecunda nullis
 Tanto ciue futura Sena terris !
 Felix Chiſiadum domus parentum !
 Summorum genitrix domus virorum !
 Quamuis imperio maris potentes
 Portus Herculeos , 3 Coſæ ruinis
 Vicinos Lepidi fugâ notatæ ;

Et

2 Idibus Feb. an. 1599. Senis in Hetruriâ natus, parentibus Flauio Chiſſio & Laurâ Marſiliâ.

3 Petrus Bembo in Epistolis nomine Leonis X. Pont. Max. ſcriptis, lib. 7. epiſt. 21.

*Et quondam moderata 4 Macereti
Arces turrigeras, genus vetustum
Iactes nobilium Ranutiorum.*

*Quamvis perpetuum decus nepotum,
Illustres animas, piosq; Ianos
Tusci nobile germen Iliceti;
Augustos celebres amore vatum,
Anselmos, Mariosq;, Flaviosq;
Armis conspicuos, togâ verendos:*

*Iactes & columnen Iugis auitis,
Et Stellis iubar additum coruscis
Quercum robore s Iulio superbam,
Maiozem tibi comparabit unus
Famam Chisiades: & ille quondam
Inter semideos erit Latinos.*

*Postquam dulcibus expeditus vlnis
Matris Marsiliæ, solum paternum
Signabit pede iam timente falli,
Ingressus duce semitam fideli,
(Quam sudoribus improbis madentem*

Virtutis

4 Maceretur oppidum dirionis Senensis, cuius quatuor abhinc sæcula dominus Anselmus Chisus Frederico Casari militavit: nunc præter ruinas & balnea salutifera nihil de eo reliqui fecit vetustas.

5 Iulius II. Pont. Max. Roboreæ gentis suæ insignibus Chisios donavit: ex quo tempore Quercum Montibus & Stellis adiecerunt.

*Virtutis labor Herculi sequendam
 Monstravit teneris adhuc in annis)
 Tentabit subito vireta⁶ Cyrrha,
 Et rupes Heliconias, & umbras
 Doctæ Phocidos, Atticosq; lucos,
 Et sacros Academia recessus.
 Cùm lustris adoleuerit duobus,
 Viuax ingenij sagacis ardor
 Etatem culicis Maroniani
 Ictu fulminis ocior trisulci,
 Vndâ fluminis ocior citati,
 Præuertet, memoriq; digna cedro
 Vates carmina finget, & seueræ
 Maturus sapientia satelles
 Discet 7 Socraticas puellus artes.
 Multum Phillyridæ datus magistro
 Pelides, & Olympica quadrigæ
 Debent plausibus, & citantis axem
 Aurigæ stimulis: at ille solo
 Natiui celer impetu caloris
 Fontes sponte suâ petet beatos
 Pulcrarum cupidus scientiarum.*

L

At

⁶ Domesticis vsus præceptoribus in Poësi & politioribus literis.

⁷ Duodecim annos natus, intra priuatos parietes Philosophicas theses defendit.

At mox Palladias valere⁸ curas
 Longis excubijs, & agra doctis
 Musarum studijs salus iubebit.
 Sic quæ diuitis India potentes
 Thesauros rapit, ac latus sinistrum
 Præbet continuis sali procellis,
 Ventorumq; minis, nec ulla vitæ
 Audax nauifragi pericla ponti,
 Tandem mergitur, aut fatiscit alnus
 Silvæ filia nobilis vetusta;
 Securis nisi portubus potita
 Quassatum reparet quiete malum.
 Tum post otia letiore cursu
 Ipsos ausa volare præter Euros
 Ad nostras peregrina dona ripas
 Sospes deuehit ultimis ab oris.
 Quare viribus integer receptis,
 Sancto pectora concitatus æstro
 Viset limina⁹ consecrata magno.
 Olim sidereæ Parentis ortu,
 Picenis ubi collibus resedit

Laureti

⁸ Proximè sequentibus duobus annis vacare cogitur à studijs, stomachi imbecillitate laborans: intercæ recolit Philosophiæ humaniorumque literarum disciplinas.

⁹ Decimo sexto ætatis anno voti reus Lauretanum iter suscepit.

Laureti domus, Adria per undas
 Illuc vecta, pijs onus cateruis
 Cælestum subeuntibus Quiritum.
 Iam nunc impatiens latere, clausus
 Priuato lare, publicas palestras
 Stagira, ¹⁰ cathedrasq₃, porticusq₃,
 Et sacraria maximi Platonis
 Sublimis vigor ingeni requiret.
 Hic quicquid polus ambitu sereno,
 Et tellus gremio, Thetis profundo,
 Et natura sinu fouet capaci,
 Arguta rationis in statera
 Scrutatum penitus, magistra recti
 Augustis penetralibus clientem
 Admittere ¹¹ Themis, imperiq₃ formam
 Et decreta docebit æqua legum.
 Seu quæ Cecropiis Solon Athenis,
 Et Sparte rigidus tulit Lycurgus,
 Seu iustus Numa gentibus Latinis,
 Et bis sex tabula Decemuirorum:
 Seu quæ Romuleæ verendus Urbis

L 2

Antistes

¹⁰ Viginti annos natus, & expleto studij quinquennio, Scitis publicas Philosophiæ theses proposuit & defendit.

¹¹ Vnum & viginti annos natus, publicas de iure ciuili theses tuerit.

Antistes dedit, inclutusq; Cesar
Immensi dominator altus orbis.
Hinc desiderij ferente pennâ
Audaci altius Icari volatu
Pernicem rapiet sub astra mentem
Diuinæ Sophiæ ¹² sagax Aquinas,
Et velata fides, & alma cali
Maiestas superas recludet arces,
Et sese dabit, ac Deum videndum,
Et puram sine nube veritatem.
Tandem ¹³ promeritos virente crines
Serto triplicis impedire lauri
Certabunt Themis, & seuera Pallas,
Et de Numine differens supremo
Cælestis sapientiæ facultas.
Sic donis ¹⁴ sibi debitis potitus
Magnarum nouus artium Senator
Augustum patriæ reget Lyceum.
Mox Senâ procûl impiger relictâ,
Qualis fulua Iouis Tonantis ales
Nido migrat, & experitur astris

Dignam

¹² Septem & viginti annos natus, de vniuersâ Theologiâ publicè Senis disputat.

¹³ Anno 1623. 6. Septembris Philosophiæ; 14. Septembris eodem anno Iurisprudentiæ; 1626. 6. Septembris Theologiæ Doctor renuntiatus fuit summâ omnium approbatione.

¹⁴ Eodem anno 1626. trium facultatum Collegio adscribitur.

*Dignam testibus indolem parentis,
 Antiquæ cupiet theatra 15 Romæ,
 Et mundi dominos videre colles.
 O quæ gloria! quanta surget illic
 Claro Chisiadæ seges laborum!
 Nobis tanta nefas canendo fama
 Incrementa sequi, vetante Proteo,
 Quæ cautus monuit tacenda vates.
 Et iam me soliti vocant labores,
 Et vos, Naiades, citant liquores.*

*Hæc Nymphis pater elocutus Vmbro,
 Tuscorum decus amnium, tument
 Sese spumeus alueo recondit.*

*Tum leuo tonuit ter axe cali
 Fatis addere visus auspiciis
 Dextram Iuppiter approbationem.
 Quali murmure siderum frementium
 Tuscus sæpè suam probauit artem
 Dilectus superis Tages aruspex.*

*Nec presagia posteris in annis
 Veri certa fides Deum fefellit,
 Dum nos grandibus amulos poëtis
 Musarum Iuuenilium labores*

L 3

Miramur,

15 Anno 1626. 10. Decembris Romam venit.

*Miramur , Lyriciqꝫ vatis auram ,
 Et dignum tragico pedem cothurno.
 Seu primo cecinisse doctus æuo
 Pompei lacrymabilem peremti
 Fortunam , Pharij scelus Canopi
 Damnauit pius , ac truces Achilleæ
 Periuri furias , misertus æquam
 Ingentis generi labare causam ,
 Quæ sit victa licet , Catone magno
 Et se vindice non tuetur vno.
 Seu iusti nimis impotens doloris
 Letum nobile , Martiamqꝫ dextram
 Luxit Marsilij gemente plectro ,
 Dum fortis cadit hostium ruentium
 Inter funera , prodigusaqꝫ vitæ
 Pulcro sanguine decolorat æquor.
 Seu notum Canis æstuantis astro
 Trituræ genus & modos Hetruscæ
 Cantauit , Cererisqꝫserta lauro
 Vates nexuit , & siticulosam
 Æstatem Clarijs rigauit vndis.
 O rus , ô nemus , ô beata Tempe !
 Ville , iugera dulcis 16 Ancarani ,*

Iucundis

16 Ancaranum Chisiorum villa amœnissima non procùl ab vrbē Senarum, opportunus Musarum secessus, vbi admodum adolescens Pompeium Tragediam scripsit.

*Iucundis loca Tusculi viretis ,
 Vdo Tybure , Formijs amœnis ,
 Et blandis magè delicata Baijs ,
 Vicina nimis inuidenda Sena !*

*Vitauit quoties negotiosa
 Urbis mœnia , carminumq; fetus
 Frondosis ibi Chisius sub umbris
 Obstetricibus edidit Camœnis!*

*At quis sufficiat referre plausus
 Famæ præmia , publicasq; laudes ,
 Quas docti tulit ingeni? paterno
 Deserto lare , cùm profectus omnem
 Ignoto rapuit stupore Romam
 Præsens Chisiades , & eloquente
 Cantu plus vice simplici moratus
 Oblitum Tiberim viæ prioris ,
 Alcides nouus aureis catenis
 Tuscorum simul Ausonumq; Suada
 Sacro murice nobilem Senatum ,
 Et subsellia traxit alta vatam ,
 Vocalis quibus Humor Hippocrenes
 Large nomina fecit apta vena.
 Idem Sulpitios , & Vlpianos,
 Et Paullos imitatus , & Catones,*

Cùm responsa dedit, fori querelas
 Expertus tetricas, grauesq; causas
 Oravit, Latia¹⁷ datus sacerdos
 Astræ, veterum patere legum
 Nodos difficiles, & inuolutos
 Laudauit Themis; & Rigor seuerus,
 Et Iuris comites Fides, & Æquum,
 Et Fas, iudicis aut sui patroni
 Stiparunt latus; integramq; dextram
 Fugerunt auidi Cupido lucri,
 Turpes Insidiæ, malaq; Lites,
 Et Frans, & faciles emi Fauores.

Sic postquam teneris adulta virtus
 Annis Chisiada dedit futuris
 Omen laudibus, arduisq; curis
 Prælusit grauium negotiorum
 Astræ studijs, & arte Phæbi,
 Turritum caput altiùs leuauit
 Septem collibus, & fauente nutu
 Latis plaudere visa Roma fatis,
 Nec mæstas Cremere tumentis undas,
 Nec Veios meminit dolens, & uno

Felices

¹⁷ Anno 1629. mense Ianuario, viriusque, quam vocant,
 Signaturæ factus est Referendarius.

Felices FABIO vocauit Idus

Fatalem FABIIS 18 diem trecentis.

18 Idib. Feb. sex & trecenti ex Fabijs Veienti prælio inter-
cunt. *Ouid. l. 11. Fast.*

AD GALLIAM.
DE MORTE
DIONYSII PETAVII
E SOCIETATE IESV,
Cùm Franciscus Barberinus S. R. E.
Cardinalis illi à Poëtis parentari
iuberet.

SI vacat, & nostras ciuilia bella Camænas
Audiri lituos inter & arma sinunt,
Accipe quæ vates cineri sacramus amico
Carmina, non vno Gallia pressa malo.
Scilicet in longum veniunt tibi tristia morem,
Teq; alia ex alijs fata vicesq; grauant.
Non satis in luctus fuerat, tua pignora, cines
In te discordes exacuisse manus.
Et Parca fecere nefas, commune, sed atrox,
Cui natura nihil quo medeatur habet.

Sirmondus, ¹ quo non alius Regum acta tuorum
 Certior, & regni iura referre, iacet.

Sumserunt etiam, dum Regum scrinia seruas,
In te lanifica ius, Puteane, ² *Dea.*

Communis, Puteane, dolor nunc vatibus, olim
Grande decus Clarij praesidiumq, chori.

Nec satis: extincti mors importuna Petau
Accedit tantis nunc noua causa malis.

Ille silet, paruaq, cinis compositus in urna est,
Suada iacet riguis quam super uida genis.

Qualis scissa comas, lacerataq, pectus apertum
Incubuit Pyllo commoritura seni.

Ereptum Ligeris plorat natalis alumnum,
Turbataq, suis fletibus auget aquas.

Ipsa dolet miserum regina Lutetia casum
Funerea sparsas fronde reuincta comas.

Iure etiam libat lacrymas FRANCISCVS adempto,
Romuleos inter gloria prima Patres.

At bene quod cineri (quid enim non ille meretur?)

Doctorem vatum carmine iusta paret.

Nam quid felices frustra dolor urgeat umbras?

Iustus in laudes ora resoluat amor.

Desine,

¹ Iacobus Sirmondus è Societate IESV, vir totius antiquitatis
 curiosus inuestigator.

² Petrus Puteanus, Regiae Bibliothecae Custos ac Praeses, sit ra-
 torum erga literatos officiosissimus.

Desine, quisquis amas, magni pia busta Petavi

Nil profecturis sollicitare modis.

Quamuis indocilis leges mutare seueras

Vitalem Lachesis ruperit atra colum;

Non omnis tamen ille perit: meliore superstes

Parte sui, volitat docta per ora virum.

Quid metuat Lethen obliuia nigra trahentem

Fluctibus? ignauos torqueat ille metus.

Hic rerum memores fastos, memorandus & illis,

Edidit, & Batavam contudit inuidiam.

Bis senis docuit celeres cum mensibus annos

Munitam certis legibus ire viam.

Aetheriasq; domos animo percurrit, & astra

Diuisit numeris temporibusq; suis.

Hunc adeo egressum nostrae contagia terra

Vranie famulâ duxit ad astra manu.

Errantesq; globos, mundi q; volubilis orbes

Pandit, & in tota sidera fixa polo.

Quae super euectus, meriti nunc ciuis Olympi,

Fertur in auctorem, non velut ante, suum.

Nunc illo fruitur propior, totumq; quod ipse est,

Inq; ipso quidquid condidit ipse, videt.

Sive Palestini regalia carmina vatis

Concinit Argolicis reddita carminibus:

*Seu Diuūm medius, Patrum monumenta reuoluit,
Ingenio Diuos detinet ille suo.*

*Non igitur tibi vana ferunt solatia Musæ:
Tu modò te Superūm, Gallia, iunge choris.*

A D

MATHIAM NALDVM,

S.D.N. ALEXANDRI VII. Pont. Opt.

Max. Medicum intimum, Aphorismos
Hippocratis notis illustratos Flauio Chi-
sio S.R.E. Card. amplissimo dedicantem.

P *Hæbi sacrarum præsidis Camanarum
Artisq̃, morbos quæ domare cessantes
Potens medelis, & salubribus succis,
Secunda præfert sæpè fila Parcarum,
Decus perenne, maximoq̃ ALEXANDRO
Dignus Machaon, quid moraris in dias
Emittere auras luminis, senis Coi
Diuina, Nalde, scita? quæ dies longa,
Et imperita turba plurimis mendis
Opplerat, hætenusq̃ nouerant pauci:
At mox, fauente Delio, tuis curis*

Deter-

*Detersa, doctrinaq; luce perfusa
 Legentur, & quâ Sol renatus Eo
 Surgit cubili, quâq; conditur fluctu.
 Quare secundo munus inclytum plausu
 Volare docta per virum sinas ora
 Latè, benigno, Nalde, FLAVII tutum
 Fauore, nuper arte qui tuâ, multâ
 Cum laude, rebus restitutus urbanis,
 Regniq; curis, publicâq; terrarum
 Felicitati, PATRVOq; seruatus
 Excipiet, usque muneris memor tanti,
 Tui sereno lumine ingeni fetum:
 Eiusq; sidere actus inuidus lior,
 Et Zoilorum turba cedit, ut nubes
 Fugit corusci pulsa Solis aspectu,
 Ponti q; sauiantis atra tempestas,
 Simul refulsit alba stella Pollucis.*

AD

A D

IACOBVM PHILIPPVM
NINIVM,

S.D.N. ALEXANDRI VII. Pont. Opt.
Max. Cubicularium intimum, & supplicibus libellis præpositum.

NINI meorum lecte flos amicorum,
Cui melle Hyblæo dulcius fuit pure
Orationis nectar ore facundo,
Rerum potenti cum refers ALEXANDRO
Negotiosa supplicantium vota:
Humanitatis sæpius tuæ fructum
Expertus oro, teq; rursus obtestor,
Ocius amici supplices preces nostri
Recites. Quiritum namque fata formidans,
Acerba fata, sospes ad suos Boios
Auet redire, carbasisq; remisq;
Fugæ secundos prouocantibus ventos
Per arua latè vectus alta Neptuni
Adire litus hospitale Gallorum.
At Vaticana dona nunc potestatis,

Cui

*Cui paret æther , inferiqꝫ , tellusqꝫ ,
 Tantum requirit. Impios canis prægnans ,
 Parraqꝫ cantus , montibusqꝫ decurrens
 Lupa Lanuvinis , imbriumqꝫ diuina
 Aus imminentium terreat : quid huic obstet,
 Iterqꝫ rumpat , si , quod vnicè poscit,
 Cursus precetur prosperos ALEXANDER.*

A D NATALEM R O N D I N I N V M.

Q*uod utrique nostrum commodauit argentum
 Ad vestiendum Graculum Fauoritus,
 Cur Rondinine debuisse me solum
 Reglutinare iudicas , minùs rectè
 In me retorquens negligentia culpam?
 Debere nulli me libentiùs nouit
 Idem ille , semper qui mihi Fauoritus
 Facit benignè , mutue voluntatis
 Fideiqꝫ certus vsquequaque constantis.
 Ne creditoris ergò debitor partes
 Agas , amice , non rogatus obtestor ;
 Quin ipse cures , vt bonum sies nomen ,
 Fidemqꝫ semper æmulere Germanam.*

IANI.

I A N I C V L V S

De Villâ Hieronymi Farnesij, S.R.E.
 Cardinalis, sitâ ad portam
 Aureliam.

Quamuis Ianiculum vocent, nec inter
 Septem mi iuga dent locum Quirites,
 Clarus non idèò minùs sepulcro
 Et Iani patris & Numæ, propinquum
 Tollo nubibus arduis cacumen.
 Vel Farnesia villa, quam remoti
 Prospectus maris, & salubre calum,
 Et felix situs, & loci vetustas,
 Et vultus domini beat, decusq;
 Ingens Patribus additi Latinis,
 Tantos dat mihi spiritus, ut ipsa
 Tali munere latus astra summo
 Tangam vertice, Romulosq; colles
 Nostris despiciam iugis minores,
 Et rerum dominam superbus Urbem.

AD

A D

ALEXANDRVM
POLLINVM.

I Ngens Ausonia lumen, & Attica
Suada flos, & amor Palladis, & decus
Nostra dulce Camæna,

Nec non candidus arbiter,
Quid, POLLINE, latens iam nimium diu,
Cedro digna negas edere carmina,

Et durus pater abdis

Fetus diuitis ingeni?

Non, ut deliteas, te Deus aureâ
Donauit citharâ Delphicus, & sui

Multâ parte Thalia

Versus nectaris imbuat.

Ingratus metuat ledere numina,

Qui, quæ dona sibi contulerint, premit.

Tu Parnasside lauro

Vinctus tempora, nobilem

Indulgens meritis sume superbiam,

Et te victor humo præpetibus leua

Pennis, & super alta

Certus tendere nubila,

M

Ales

Ales sideream carpe citus viam.

Paullum desidiæ distat inutili

Quæ demersa profundis

Virtus in tenebris iacet.

Quis pugnata duci prælia Dardano,

Et Troiæ profugos in Latium Deos,

Quis surgentia nosset

Urbis mœnia Romulæ,

Morem si rigidis imperijs gerens

Flammis continuò Caesar edacibus

Immortale Maronis

Commisisset opus sacri?

Verâ laude caret sæpè modestiæ

Virtus, & vitio proximus est pudor,

Qui vitare perennis

Audet lumina gloriæ.

Quòd si purpureum spontè vides diem,

Formosumq; caput crinibus aureis

Altâ nocte sepultis

Terris reddere Delium,

Cur te perpetuæ noctis amor tenet,

Frustrantem cupidus Romulidum preces,

Et spes? plena secundis

Tandem pande Fauonijs

Famæ

*Famæ vela tuæ, finibus Italis
Qui porrecta domum Solis ad ultimam, &
Septem regna trionum
Latè nomina proferant.*

*Mox te Pierio carmine nobilem
Dignis posteritas tollet honoribus,
Magnorumq; beatiss
Vatum cætibus inseret.*

A D
STEPHANVM GRADIVM
ABBATEM.

S*ic tibi sint faciles Musæ, sic dexter Apollo
Sororibus cum Gratiis
Adsit, & attentis bibat auribus, optime poscis
Quæ supplici GRADI prece:
Ut mihi flexanimo permotam carmine mentem
Alti tenacem consili
Expugnas. Iuuat ire iugis, iuuat vsque relictum
Lustrare Musarum nemus,
Et virides ederâ rupes, & rupibus undas
Haurire manantes sacris.*

*Sentit enim Phœbi stimulos ; & pectus anhelat
Calore succensum tuo.*

*Non tamen heroos ausim tentare cothurnos,
Magniq; laudes CHISII*

*Deterere ingenij culpâ. Quis namque canendo
Æquare virtutes queat?*

*Quis Melitæ curas, aut fortia facta Padusæ,
Quis alta Romæ munera?*

*Nemo difficles pacis, mihi crede, labores
Cantare digniùs potest*

*Ipsò CHISIADÈ, seu ferrea Martis iniqui
Abominatus secula*

*Luget, & undantem Germano sanguine Rhenum,
Et arma damnat impia:*

*Seu coniuratas Bellonæ iustiùs iras
Interge verti barbara*

*Imperat, ac fido lacerari cornua ferro
Lunæ superba Thracia.*

*Sed quæ vesanas agitât discordia gentes?
Quis mutuas cædes furor?*

*Quæ rabies? aut quæ dementia suadet amico
Emi cruore lauream?*

*Quis pudor Odrysii regnum fulcire Tyranni
Labentis Europæ malo,*

Et,

*Et , ne res Veneta crescant , permittère Cretam
Scythæ premendam perfido?*

Parcite ciuili iam tandem parcite bello:

Satis ruinas urbium

Fleuimus, & sparsos cognato sanguine campos:

Datum satis discordiæ.

Parcite : vel si tantus amor vos Martis adurit,

Si tanta regnandi sitis ,

Mutatis odijs Gallus conspiret Ibero.

Hic nota per vestigia

Regna petat Libyæ: Solymos magis ille triumphos

Virtutis antiquæ memòr

Ambiat , & palmas latè frondentis Idumes .

Victrice decerpit manu.

Ite alacres , ite ergò , mari date vela secundo

Deuota pugna nobili ,

Ite pij Reges : coniunctas fœdere dextras

Communis armet ultio,

Aut metus , incumbat propius ne barbarus hostis

Clarâ potitus insulâ.

At nos , Germani procères , iam pace receptâ

Ad arma cessantes nova

Ister ad arma vocat, dudum indignantibus undis,

Qui Bistonum pressus iugo

*Seruit, & excidium nobis ac damna minatur
 Extrema fortunæ grauis.*

*Quin igitur pulcrâ pro libertate ruentes
 Vicina Budæ mœnia*

*Rumpimus, & vastus quâ verberat ostia Pontus
 Immugientem Bosporum*

*Addimus imperio, referentes signa superbis
 Derepta Byzanti tholis?*

*Tunc me cognatas acies, & nobile bellum
 Graui sonantem barbitō*

*Miratus, nostras laudarit fortè Camænas
 Silente Rhénus alueo.*

*Tunc & Mæonio seu carmine nobilis arma,
 Siue efferas pedestribus*

*Docte GRADI historijs, ingentia facta meorum
 Seros docebis posteros.*

A D A M I C V M.

*Ne popularibus rumoribus fidem
 habeat.*

T*V cui sollertem rerum prudentia mentem
 Formauit, & Phæbus pater
 Fatidicos lucos Heliconis, & antra reclusit,
 Amice, veri conscia,*

Quid

Quid bibulam dubiis donas rumoribus aurem?

Quid vana Romæ sibila

Sollicitant animum pendentem murmure vulgi,

Vt ore doctoris puer?

Sive infanda sonat conuitia, sive tumentes

Buccas resoluit laudibus

Immodicis, famæ, moneo, ne crede loquaci;

Quam præuolant Calumnie,

Insidiaq, sequuntur, & artes mille nocendi,

Liuiorq, latis anxius,

Nec non Blanditiæ, corruptaq, Gloria fuco,

Et emta vulgi Gratia.

Sint portenta hominum nigro suffusa veneno,

Et plena falsi pectora,

Qui, dum vipereâ fingant mendacia linguâ,

Sese poëtas æstimant.

At satis exoriente die commenta patebunt

Et virulenta somnia,

Aut euanesceat rumor, qui creuit eundo,

Crescente temporis morâ,

Qualis in Assyriam Gyndes exundat, & idem,

Cyro iubente, naufragum

Propter equum, latè centum diductus in annes

Decrescit ipso se minor.

Ergò si populi sermonibus exul amicus

Narratur aulâ, ne fauor

Illum destituat, ne gratia vitrea frangi,

Timere non erit tuum.

Ante fidem certam, primæ nisi credulus auro.

Dolere bis velis miser.

Sic etiam vulgo si cuiquam teste paratur

Latina fortè Purpura,

Sêu Vaticanæ Sedis suprema potestas,

Sperare non erit tuum.

Ne frustrata gemat, ne votis vsa secundis

Mens gaudiorum præcoci

Germine decerpto, maturos perdat honores,

Et vana spem ludat seges

Letitiæ. Expectare licet: dilata voluptas,

Ceu lenta veris gratia,

Plus iuuat, & densis placet eluctata tenebris,

Micansq̃, ceu sol, Veritas.

AD NATALEM
RONDININVM.

Qui sua cæcus amat, ceu natos cercopithecus
 Amore vesano fouet,
 Et necat amplexu, formam admiratus & ora
 Ridenda, visu & turpia;
 Audiat exemplum sacri miserabile vatis,
 Aurita qui Thracum potens
 Saxa mouere sono, blandâ prece carminis ima
 Ditis refregit atria,
 Non exorato portas adamante rigentes
 Ingressus, ut raptam sibi
 Eurydicen superis Proserpina redderet auris,
 Lyra sonantis premium.
 Reddita iam fuerat coniux, cùm ponè sequentem
 Iurata contra fœdera
 Respicit infelix Orpheus, & quam nimis ardet,
 Amando perdit coniugem.
 Tristia Narcissi quis funera nescit, & ignes?
 Quem fontis umbra lucidi,
 Et sterilis decepit amor, dum prendere vultus
 Imo repercussos vado

Sollicitas, visa tabescit imagine forma

Amator imprudens sui.

Ergò caue, quisquis simili vesanus amore,

Apollinari laureâ

Carmina digna putas, nugis quæ plena canoris,

Sed cassa rebus parturis

Iratis Musis. Tantum sitis improba laudum

Suadere amat dementia.

Non eadem nobis es, RONDININE, monendus,

Ocelle gentis Italia,

Noster amor, qui iura licet diuina piorum

Perfusa doctrinâ Patrum,

Et Latij veteres, & Graiæ Palladis artes

Claudas capaci pectore;

Non ideò temet vanus miraris, ut ales

Superba Iunonis solet

Pandere laudatæ gemmata volumina caudæ

Ad discoloris Iridis

Inuidiam. Quin ipse grauis tua carmina censor,

Linenda cedro carmina,

Exigis ad limam, non dedignatus amici

Sensum atque mentem exquirere

Ingenui: nec theta nigrum quandoque recusas,

Aut pollicis versi notam.

Sic Venusinorum sermonum candidus audit

Index Tibullus, & suos

Nasoni solitus recitare Propertius ignes

Arbitrio illius stetit.

Sic & Apelleas Lysippus sæpè tabellas

Colore viuo perlitas,

Signaq; Lysippi spirantia doctus Apelles

Curâ recognouit pari.

Nempe minùs peccat., præbere fidelibus aurem

Quicumque præceptis amat.

Nec metuit Bauios, qui sese, iudice recto,

Castigat erroris reum,

Ingenium quicumq; suum pluris facit equo,

Non aestimandus posteris,

Aut tineis epulas, aut scombris debet amictum,

Ridenda vulgi fabula.

AD

A D

GVILIELMVM SVVM,

Româ per Galliam, vbi Marfilix portu ob pestilentix suspicionem prohibitus, Telone susceptus, & Lugduni graui postmodum morbo tentatus fuit, in Germaniam ad suos proficiscentem anno M.DC.LVI. Non. Nouemb.

Ergone Tyrrhenum volitanti per mare puppi,
Et impotentibus Notis

Credulus, ire paras?

Nec fœdas hyemes, nec monstra natantia ponto,

Nec saxa palles naufraga?

Quin etiam fidei

Immemor anîe datae, Romam fugis, atque sodales,

Et fratris, ô vitâ mihi

Frater amabilior,

Deseris amplexus votis tua vela sequentis,

Ne seivus illis Africus

Ingruat, aut Boreas.

Verùm age, quando fuga certam iam nulla morari

Mentem queunt suspiria,

Oceanive mina,

I felix,

I felix, longumqꝫ vale, celeremqꝫ carinam

Regant benigna sidera

Fratribus vnanimis

Tyndarida, pelagiqꝫ potens Neptunus eunti

Irata componat freta,

Nereidumqꝫ chorus

Adsit, & alma Thetis, dum ventis vsque secundis

Sparsas per aquor Stæchadas,

Phœaicosqꝫ sinus

Attigeris. mora nulla: petas tunc sospite cursis

Optamus urbem, quam celer-

Alluit hinc Rhodanus,

Illinc lentus Arar. Sed quid præsaga futurè

Sinistra fata mens timet?

Sit, precor, augurij

Vana fides, meritisqꝫ tuis votisqꝫ tuorum

Permota, spes Germaniæ

Numina respiciant.

Hinc infelici positas in rupe Gebennas

Præteruolabis, & iuga

Plurima sideribus

Proxima transgressus, descendes flumine Rheno

Beata demum patriæ

Arua videre tue,

Arua

*Arua olim proavis regnata, & cade Latinâ
 Consperſa, quâ Varus graui
 Stratus ab hoſte iacet.*

*Quos ego nunc plauſus audire? quot oscula caris
 Diuiſa amicis, intimæ*

*Quas videor lacrymas
 Cernere lætitiæ teſtes? quæ gaudia fratrum
 Terrâ mariq; denium
 Fratris iter reducis,*

*Et res optantûm noſtras, Italûmq; labores,
 Et facta ALEXANDRI inclyta
 Noſcere? quæ dubijs*

*Narrabis meliùs rumoribus, ipſe fidelis
 Spectator: ut pulſâ fame
 Finibus Auſoniæ,*

*Illius auſpicijs opulento Copia cornu
 Bearit vrbes, & redux
 Frugibus arua Ceres:*

*Vt nunc conſilijs præſentibus, impiger Hydra
 Qualis renaſcentis caput
 Amphitryoniades,*

*Infestam Latio peſtem premat inclytus Urbis
 Seruator, hinc & patriæ
 Audiat uſque Pater:*

Nec tamen has inter curas , terrarūq; mariq;

Creta laborantis piam

Mittere rebus opem

Cesset , & Europæ conuertere bella furentis

In regna latè barbara

Thracis , & exitium.

Hæc & plura tuis memorans , nec vota silebis

Romæ precantis iam diu

Egregio iuueni

Virtutis patræ vestigia sacra legenti,

Decus Latine Purpure ,

Et meritos titulos.

Intacti siquidem mores , animusq; benignus,

Ac vena diues ingeni ,

Cultaq; Pierijs

Artibus , & Themidos studijs , ac sub lare sancto

Nutrita mens , & indoles

Viuida CHISIADÆ

Spem faciunt , curas partito ac pondera mundi,

Longos ALEXANDRO fore

Et sine nube dies.

THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
U.S.A.
TEL: 773-936-5000
FAX: 773-936-5000
WWW.CHICAGO.EDU
LIBRARY@CHICAGO.EDU

105

POEMATA
IOANNIS ROTGERI
TORCKII,
PRÆPOSITI MINDENSIS,
ET CANONICI
PADERBORNENSIS
AC MONASTERIENSIS.

BOEMATA
IOHANNIS ROTGERI
TORCII
EPISCOPATI BUNDENSIS
ET CANONICI
LUDERBORNENSIS
AC ROMANENSIS

A D
FERDINANDVM
FVRSTENBERGIVM,

De secessu Tiburtino.



*Iucunda quies ! ô blanda papauera
somni,
Et pia Lethæis frons medicata va-
dis !*

*Callida nocturnas oculis properare tenebras,
Dum medijs calo sol calet altus equis.
Vidimus hanc tacito tua spargere tempora succo,
Et geminas vnâ condere nocte faces.
Fusus eras, memini, vitreas Anienis ad undas,
Cûrna quibus gelidum vallis opacat iter.
Officiosa salix Phæbi summonerat ignes,
Pietaq, natiuum struxerat herba torum.
Densa soporifero nutabat silua susurro,
Miscebantq, leues amnis & aura iocos.
Et volucrum liquido suetarum fluminis alueo
Mille dabant varios guttura mille sonos.
Talis in Aetæis iuuenis Thesæius umbris
Concidit, hirsutos sternere fessus apros.*

Talis & auectum sopor est complexus Iulum,
Didoni strueret cum Venus alma dolos ;
Et bene cognatos simulante Cupidine vultus
Idalias premeret languidus ille rosas.
Ast ego nunc amnem , tua nunc vigil ora tuebar :
Nunc in Callimachi versibus omnis eram :
Nunc mihi fingebam maturas solibus vuas
Ad gelidos fontes pretereuntis aquæ ,
Purpureosq; auido ducebam gutture succos.
Sapè mihi tales dent mea fata dies.
Quærat auarus opes , petat ambitiosus honores :
Sit procùl à tanto nostra furore quies.
Quid, miser, auriferi medio tibi proderit Hermi
Gurgite Tantaleam semper hiare sitim?
Quid Sicalas valles, montiq; propinqua Vesuo
Mille boum gemitu vertere rura iuuat ,
Horrea si crescens tibi rumpit & ilia messis ,
Teq; simulq; tuas arca flagellat opes ?
Aurea sollicito tibi spumant pocula Baccho,
Et vigiles noctes lectus eburnus habet.
Prisca quies tacitis nemorum se condidit umbris,
Et colit angustos vita beata lares.
His mea pauperies populo secreta latebris
Regales animo diuite vincet opes.

Sed

*Sed neque longævis nemoralis Aricia lucis,
 Nec liquido cepit me vetus Alba lacu.
 Inclyta Romulidum quondam Præneste voluptas
 Nunc sitit, & nudis horret ubique iugis.
 Explicat urbanos opulentia Tuscula luxus,
 Sed nimiam adscitus displicet arte decor.
 Tiburis Herculei nobis iuga candida rident:
 Stat mea iudicio, Flacce, Camæna tuo.
 Hic veniunt segetes, veniunt feliciter vna:
 Autumno hic gravidus diuite gemmat ager.
 Hic non falsa suis oleagina silua colonis
 Palladios colles & iuga summa tenet.
 Ipsa quoque asperitas, & rupibus insitus horror
 Temperat ingenium deliciasq; soli.
 Quid loquar ut nitidas Anio pellucidus undas
 Voluat, & electro purior arua riget?
 Iamq; vago cursu & lapidosâ exercitus irâ
 Mollior Herculeos lambere gestit agros.
 Et veluti flabris crispatum lenibus equor
 Compositæ repens otia ludit aque,
 Cum subito lapsu barathrum ruit omnis in imum.
 Condendum inferno iam Phlegethonte putes.
 Rorantes canâ latrant aspergine cautes,
 Et furit horribili spuma Aniena sono.*

*Mox vasto exesi sorbetur montis hiatu,
 Precipitatq; trucem per caua saxa fugam.
 Trunca iacent ripis sæcli monumenta vetusti,
 Et premit informes alta ruina domos.
 Hæc Mæcenatem spirant, hæc rudera Flaccum,
 Rudera Pierijs deueneranda sacris.
 Hic illa imperio Romani par lyra mundi
 Subdidit Italico carmina Graia iugo.
 Hac obscura spectu stimulante Sibylla calefcens
 Numine fatidicum sæpè canebat epos.
 Excitus hisce adytis venit in præcordia vatũ
 Feruor, & acceptis ignibus ossa calent.
 Parte aliã vastæ semesa cadauera molis
 Sparsa per Argeos conspiciuntur agros:
 Quã tua magnanimã labor improbus arte cõegit,
 Fucine, per dociles ire fluenta vias:
 Ausus & obstantis perrumpere viscera montis,
 Roma peregrinis ut frueretur aquis.
 Hic utinam æstiuos liceat mihi condere soles,
 Vesanus Latios cùm leo torret agros!
 Icarijq; canis vapor atrox incubat Vrbi,
 Et ducunt mæstæ funera crebra via.
 Hic reducem, inuerso signis pluuiialibus anno,
 Excipiat modico Roma beata lare;*

Et procul à strepitu fumoq₃, volubilis aulæ
Claudantur tacito gaudia nostra sinu.
Sic placidis annis, & amæno carperer ævo,
Et fluereut niueâ stamina nostra colo.
Sed quid agis? tibi vana miser quid somnia fingis?
Quid rapido iactas irrita verba Noto?
Te sua Hyperboreus reuocat sub plaustra Bootes,
Saua Lycaonij te manet axis hiems.
Sæpè dies solidos patrijs pulsabere nimbis,
Sæpè rigens glacie vel niue canus eris.
Cocta Ceres Tiburtino succedet Iaccho,
Spumosaq₃, cadet face peremta sitis.
Parua queror: fugimus Phæbumq₃, nouemq₃, Sorores,
Et mea Pegaseus deseret ora latex.
Iam mihi Perrhebi nemora euanescere Pindi,
Iam dubius condi nube videtur apex.
Castalijs mihi triste vale iam redditur antris,
Mæstaq₃, supremæ vocis imago redit.
Nubiferas gradiar sine te, FERNANDE, per Alpes,
Dimidiaq₃, animæ parte carebo meæ.
Quaq₃, sacras vidi quercus, montesq₃, moueri,
Me linquet Claræ vox tua mista lyra.
NATALISq₃, tui cultissima Musa Latinas
Quàm procul heu nostrâ tendet ab aure fides!

*Docta FAVORITI nobis mutescet arundo,
Tritaqꝫ bucolicis labra canora modis.*

Fata reluctantes rapiunt, ducuntqꝫ volentes.:

*Non moror, austeram sponte vorabo viam,
Vos remanete, quibus pronâ fors annuit aure*

Molliter in gremio posse cubare suo.

Vinite felices, auumqꝫ agitate serenum,

Quaę, vehit vestras, prouehat aura rates.

Diuus ALEXANDER, Superûm iustissima cura,

Orbis amor, Romæ vita decusqꝫ sua,

Vincit ut eloquio, sic Nestora vincat & annis,

Utqꝫ beat iuuenes, vos beet ipse senes.

Me mea fata trahant, casus retrahantqꝫ per omnes,

Me ferus Arctoo demetat ense furor.

Me perat ipsa suis glacialis rictibus Vrsa:

Letus ALEXANDRO sospite cuncta feram.

Cumqꝫ seuera meos euoluerit Atropos annos,

Letus ALEXANDRO sceptratenente cadam.

Sospite ALEXANDRO mea molliter ossa cubabunt,

Atque fauilla leui nostra premetur humo.

IN

IN FVNERE
SIDRONII HOSSCHII
E SOCIETATE IESV.

O Noctis aeternae atque Erebi pudor,
Crimen Deorum, lurida carnifex
Mundi ruentis, quam tot atro
Saecula iuuat vacuare penso!
Quae saeva Erinnys, quodve odium vetus,
Famesve magnorum improba funerum
Te concitauit in verendum
SIDRONII caput immerentis?
Fatum serena molliter aureum
Nebant sorores, Dum propior Deo
Poëta nil mortale cantans
Ternarias tremefecit umbras,
Arrexit aures Orcus, inertior
Styx haesit, ingens continuuit canis
Rictus trifauces, & Megara
Viperei siluere crines.
Tu sola funestam rabiem intimis
Coquens medullis, diceris inclytam
Plutone deprecante stamen
Sacrilegâ secuisse dextrâ.

Scelus peractum est. Magni Elegi tacent,

Nec par Tibullo gratia, ceu prius,

Cantando iam Scaldim moratur

Præcipitem, lacrymisq; Mosam

Latè tumentem. Quin sacra lugubri

Clamore Parnassi antra remugiunt,

Præcordijsq; excussa mæstis

Per virides gemit aura lucos.

At victor orbis sidereos premit,

Auraq; Diuûm vescitur HOSSCHIVS,

Et iura Minois seuera

Despicit, inuidiamq; Parca.

Quid victa frendes? rumpere liuida

Mortis satelles., rode manus reas,

Caputq; nequicquam scelestum

Tartareo Phlegethonte cela.

Præcisa vatum vita repullulat

Ringente Auerno. Non timet Atropon

Mens plena Phæbi, sed superbo

Fata sinistra domat triumpho.

IOANNIS ROTGERI TORCKII. 203

IDVS FEBRVARIÆ,

NATALIS

FABII CARDINALIS

CHISII.

P Ande natales Heliconis umbras
Dulcis Euterpe, fidibusq; mistâ
Voce Pimplæo madidum lepore

Dic, age, carmen,

Bina Parnassi iuga gratulante

Annuant lauro, genitrixq; docti

Fontis extundat caua largiores

Vngula succos,

Vltimas brumæ fugientis IDVS

Phæbus æternis reuehet quadrigis,

Prima nascentis quibus ora CHISI

Vidit, & arsit.

Mox nitens frontis iubar, & coruscos

Regij currus geminauit ignes:

Fluxit inuersâ Ganymedis urnâ

Nectar & aurum.

Mater

*Mater Heroum genitrixq; Diuûm
Rite sollemnem venerare lucem,
Sena, quæ magni tibi prima risit
Conscia partus.*

*Adstrepas latis vagus Vmbro lymphis;
Certet Vmbro ni Padus, & loquacis
Incola stagni geniale cantens
Carmen olores.*

*Martia pubis Melite palaestra,
Cladis extrema mora, quam ruentis
Rebus Europa propè plena Thracum
Luna minatur,*

*Hic dies semper tibi festus ære
Bellico flammas vomat innocentes,
Classis inuictæ fremat omne ludis
Littus & aquor.*

*Canus Alpinâ niue Rhenus vdos
Palladis ramo cohibens capillos
Iusta suadentem memoret sequestrum
Otia pacis.*

*CHISIO puris Amasis fluentis,
CHISIO segni putris Alpha stagno
Plaudat, & sperni Mimigarda gaudens
Carminè Vatis,*

Roma

*Roma terrarum caput, una magnis
Tu pares reddis Fabijs honores.
Fallor? an crescens latet in virenti
Maximus herbâ?*

*At Sibyllinos aperire libros
Mitto: secreto properet meatu
Ordo fatorum, tacitâ futurum
Nocte prematur.*

A D

PHILOMATHEN,

Germanos Nobiles suo exemplo ad
politioŕem literaturam ab asperio-
ribus studijs reuocantem.

D*ydum madenti sanguine Teutonum
Deuota Marti spreuit Apollinem,
Arasq; Bellona cruentas
Posthabitis coluit Camænis
Abreptâ sano pectoris impetu
Germana pubes. Per fera praelia,
Per arma, per cædes ruebat,
Precipiti velut Ister undâ,
Maŕtan.*

Maestanda vane victima gloria.

Sic gentis ortum, sic genus inelytum

Probare, sic pulchrâ decebat

Morte suas animare ceras.

Altum filebant Aonia fides,

Dum delicatum tendere barbiton

Deuitat, imbelliq^q plectro

Mollia sollicitare fila,

Assueta ferro dextera nobilis:

Dum militari tempora laureâ

Virent, triumphalesq^q suadet

Othryadis truculenta Sparte

Semper legendas discere literas.

Phæbi patebat Pierium nemus,

Et sacra tractabat verenda

Vulgus iners, animaq^q viles,

Cum stirpis altæ diues honoribus,

Phæbi benigno non sine numine,

Profectus extremis ab oris

Italiæ peregrinus Heros

Ad vasta Rhæni flumina, non suis

Rubentis undis, virgineam chelyn

Pulsare, percussisq^q nervis

Castalios sociare versus,

Et are triplo corda rigentia

Mollire cæpit non minor Orpheo ,

Phæbumq; Germanis serenum

Restituit , iuuenesq; Musas.

Non indecorum est hoc duce & auspice

Adire montis Gorgonei iuga ,

Specusq; doctas , & virentem

Fatidicis Heliconæ lauris.

Ad magna nati discite Nobiles

Æternitati scribere : discite

Aptare carmen , quod futuro

Posteritas legat omnis ævo.

Plenum recepto pectus Apolline

Numquam obruendis nobilitat suam

Stirpem trophæis. Mors & ætas

Cuncta rapit : manet una virtus.

Videtis alto sidera vertice

Ferire docti carminis alitem :

Videtis in quantâ triumphat

Philomathes celebratus aulâ ,

Iunguntur vno pectore principis

Et vatis artes : vnica mens Iouem

Musasq; miscet , & capaci

Cuncta sinu generosa claudit.

Rum.

*Rumpatur ater liuor, & inuidos
 Corrodat unguēs, dum pariter tibi,
 Vir magne, plaudit Vrbs & Orbis,
 Cuius onus geris alter Atlas.*



P O E M A T A
P O S T V M A
N A T A L I S
R O N D I N I N I

S. D. N.

ALEXANDRO VII.

PONT. OPT. MAX.

AB EPISTOLIS AD PRINCIPES.

PHILOSOPHIA
MATH
NAT

RONDINI

S. D. N.

ALEXANDRO VII

PONT. OPT. MAX.

DE EPISTOLIS AD PRINCIPES

I N F V N V S
 SIDRONII HOSSCHII
 E SOCIETATE IESV.

Cùm tristem de eius obitu nuntium accepisset Assisij in Vmbriâ, vbi cum fratre suo Paulo Æmilio Rondinino S. R. E. Cardinale, Assisij Episcopo, morabatur.



*Vm fecunda suis me detinet Vmbria
 campis,
 Vmbria siluosis ardua verticibus;*

*Aurâq; vere nouo Zephyris impulsa serenis
 Molliter argutis obstrepat in folijs;
 Diffunditq; animum ruris conspecta voluptas,
 Hei mihi, quos luctus nuntia fama tulit!
 Vt nihil in terris liquidum est! ut Numina sæpe
 Dulcibus admiscant rebus amaritiem!
 Hosschiades, (quid nunc faciles in carmina Musæ,
 Quæq; erat ingenio laurea parta iuuant?)*

Hosschiades, quo se tantum iactabat alumno
Belgica Romanis æmula nominibus,
Quantum, quæ Latio Cyrenen prouocat ore,
Vmbria Callimacho facta superba suo;
Ille decus vatium, leto præreptus iniquo est,
Dum canit, & gratâ sidera voce tenet.
Sic ubi sensit olor gelidæ succumbere mortî
Lumina, vicinas præcinit exequias.
O nemora, ô dulces, quos hæc habet ora, recessus,
Doctarum sedes hospita Pieridum,
Vos eritis testes, ut mors hæc funditus omnes
Surripiat nostro delicias animo.
Nec me iam verni capiat clementia celi,
Nec varium terræ fertilis ingenium.
Hic videas molli cliuosos tramite colles;
Difficiles illic ad iuga summa vias.
Illic saxa inter fluuio Clitumnus amæno
Profilit: hic niueos integit umbra lacus.
Clitumnus, quo non Cererî, non alter Iaccho
Gratior, & niueo, qui bibit inde, gregi.
Oppida nunc miror crebris succrescere siluis,
Et nemora antiquas inter opaca domos.
Nunc miror positas altis in montibus arces,
Quæq; in subiectâ mania valle latent.

Hic

*Hic gelida inuit at decedere solibus umbra,
 Quà crepit ante leuis desilit unda pede:
 Hic, quæ rugoso seruent in cortice fagi,
 Ludere, quæq; canat dux gregis inter oues.
 Sed nihil ista iuuant: me tantum flere sub antris,
 Et magnâ manes voce vocare iuuat.
 Siqua fides nostris tangi quoque fletibus umbras,
 Credibile est vatem, Cynthia, flesse tuum.
 Quicq; unâ tumulto teneri conduntur amores,
 Non ignes, solitas non habuisse faces:
 At tacitos iuxta cineres qui labitur amnis,
 In mare turbatis mæstior ibat aquis.
 Et, quales olim cognati in funere vatis,
 Soluebat multis inferias lacrymis.
 Consuetæq; viæ, & leta inter gramina ripæ
 Immemor, oblitum sæpè retorsit iter.
 Quis tibi, Mosa pater, mæsto sub gurgite sensus,
 Hac propior nam te cura premebat, erat?
 Cùm rapidas tecum Vahalis confunderet undas,
 Confusas unâ miscuit & lacrymas.
 Heu pater infelix, qui dum volueris, amara
 Perpetui luctus in mare signa feres.
 Nec iam auro, & latâ præcinctum tempora myrto
 Excipiet tectis Oceanus genitor.*

Sidroni interea, seu te noua gaudia celo,

Seu te culta tenet vatibus ora sacris :

Si te tangit honos, & adhuc sunt carmina cura,

Nec toto cessit pectore noster amor :

*Asspice, quem statuat tumulum tibi Roma, quod inde
Iudicium de te posteritatis erit.*

Non omnis moriere : tui pars maxima uiuet,

Et cineri merces magna futura tuo est.

Mærenti Chisius dum te sub pectore condit,

Non poteras tumulo nobiliore tegi.

FERDINANDO FVRSTENBERGIO,

*Musas Philomathis iuueniles auctiores
cultioresque in lucem proferenti.*

T*Andem reuisunt aureum iubar solis
Musæ Philomathis: gratulentur, & plaudant,*

Quæis & labores, & pericla, quæ terris

Mariq, subeunt, aut seuera curarum

Lyrâ subinde tibiaq, solari

Incessit ardor. Quem sequantur, hîc cernunt.

Hæc ille, seu dum præliantibus fertur

Per alta ventis, quæ fretum Cyclopeis

Feruens

*Feruens cauernis astra verberat fluctu ,
 Seseq̃, mox resorbet & suas iras :
 Sive arduis dum nubibus cinctas caput ,
 Nivibusq̃, numquam non iacentibus canas
 Volat per Alpes : fessa namq̃, votorum
 Europa cursus vrget , atque opem poscit :
 Hæc ille , dum Mars fas nefasq̃, permiscet ,
 Vnaq̃, pestes ceteræ diem inuadunt ,
 Et clade tumidus decolorq̃, Vistillus ,
 Albisq̃, & vno haud nomine in mare irrumpens
 Miratur ire Rhænus haud suos fluctus ,
 Et spes in illo magna nititur pacis :
 Hæc ille , tanta mente dum sedet moles ,
 Hæc ille cecinit , sicubi fatigatum
 Suis sub antris frigidaq̃, lucorum
 Vmbra virentum recreauit Enterpe ,
 Seu Doriūm quid , siue Barbarum mallet .*

*Sed ille , curas fallere , ac sibi tantum
 Intusq̃, gaudens canere , nil petens ultra ,
 Non puncta famæ , pollicesq̃, laudantum ,
 Feliciūmq̃, præmium libellorum ,
 Imbuta cocco lora , regias chartas ,
 Pictum umbilicum , luteamq̃, membranam ,*

O 4

Ara-

1 Vistillus idem qui Vistula Plinio lib 4. cap. 17.

*Araneoso iusserat situ turpes
 Latere, tenebris abditos inaccesſis
 Tot elegantis ingeni ſacros fetus.
 Heu dura patris iuſſa! tam legi digna,
 Tam læta cultu Muſa, tot venuſtatum,
 Tot & iocorum non nocentium mater
 Sic deliteſcat inuoluta deformi
 Silentio, nocteſq; carpat æternas,
 Squalens, iners, ignota? Non tua id fuit,
 FERNANDE, pietas, indoleſq; Phæbeas
 Attollere artes nata, cui, poëtarum
 Plaudente cætu, literarios faſces
 Submitteret olim Roma, quæq; nunc proferas
 Debetit ordo ſerus eruditorum.
 Tu namque patris atque Apollinis plenus
 Suis latebris erutæ ſinum pandis,
 Fædaq; primùm temporum leuas tabe,
 Dein & nitorem, & gratiam, & decus formæ
 IUVENILE adauges, & frui iubes calo.*

*At vos edaces, noxium genus, blattæ,
 Abigenda longè læuibus lues chartis,
 Alibi repoſtam quærite in cibum prædam;
 Seniumq; turpe paſcite, aut putres libros,
 Quos ruga, & ætas, & ſitus fatiſcentis*

Capſæ

*Capsæ peredit, aut teredinum morsus.
 Perennitatem Phæbus his licet Musis,
 Triplicesq; canum spondeant Dea nomen,
 IUVENILE numquam concidet decus forma.*

A D CHOREAM,

fontem Tiburtinum, in vicinum
 Anienem influentem.

C Horea Naiadum pulcerrima, Choreæ lenta
 Seu celeri graderis per caua saxa pede;
 Vortice seu placido lymphas reuoluta resorbes,
 Prouocet ut rauco gurgite murmur aues.
 Nempe tuâ captum formâ, niueisq; lacertus
 Vicinum fama est incaluisse Deum;
 Sæpius & traxisse imo suspiria corde,
 Atque auxisse suis flumina de lacrymis;
 Donec & ipsa Dei longos miserata dolores
 Aternos pacta es cæcula Nympha toros.
 Siste fugam nemoris Dea, quæ propè porrigit umbras
 Quercus opaca altis ambitiosa comis.
 Nulla hîc insidiæ, non caco commodus hosti
 Trames, & occultâ conditus arte dolus.

Quin Satyri procùl hinc, procùl hinc agrestia Fauni,

Quæ tegat intonsâ numina fronde nemus.

Illa tamen properat duro obsequiosa marito.

Sollicitat timidos heu quoque cura Deos.

In malum Poëtam, cuius versibus in-
somnem noctem traduxerat.

H*Eu malè quid merui? nam quæ me numinis ira*
Vexat, ut ex oculis exulet usque sopor?

Roscida seu redeat, solemq; Aurora reducat,

Seu praecepto alto nox ruat Oceano,

Me tamen insomnem Eoo de litore Phæbus,

Insomnem sero vespere Luna videt.

Quæ commissa luo? quo læsus crimine tantum

Sævis? quid meritum, languide somne, fugis?

Ah vos impuri vos infestissima vatis

Carmina, vos metuit territa nempe quies.

Vos malè compactis pedibus, numerisq; solutis

Heu miseris vel adhuc auribus obstrepitis.

Phæbe pater, si ritè tuis adoleuimus aris,

Et dedimus sanctis annua tura focus:

Sic intacta sacros præcingat laurea crines,

Æternùm vireat sic tua cura nemus:

Yrantur permittite tuis mala carmina flammis.

Sic læso cecidit victima quæque Deo.

IN

I N

DIONYSII PETAVII

obitum, & restitutam ab ipso
temporum rationem.

I *Am spatij dimensa suis reuolubilis ætas*
Per te ibat, numeris currere docta suis,
Immeritum cùm te, PETAVI, sustulit: error
Quem tu corrigeres hic super vnus erat.

A D

AVGVSTINVM FAVORITVM,

remissis auctori pro vitreo poculo
hendecasyllabis.

A *Vgustine, nouem decus Sororum,*
Atque idem pater elegantiarum,
Idem flos & ocelle literarum,
Qui me pro vitreo scypho imposito
Donasti hendecasyllabis politis:
Quales vel faceret meus Catullus,
Vel siquis melior fuit Catullo,
Si quisquam melior fuit Catullo.
Nam me continuo die bearunt,
Ac tot tadia pessimi dierum

Ætatis

Æstatis sitientis abstulerunt.

Quod si munera nostra deputantur

Tanti, iam cyathos venustiores

Queram, & pocula puriore vitro.

Tu contra, ut semel excidere, mittes

Puro carmina puriora vitro.

A D

STEPHANVM ABBATEM GRADIVM.

Cùm ALEXANDER VII. Pontifex

Maximus renuntiatus esset.

S*I mihi quæ dextro tibi numine sæpè vocantur*
Auxilio blandi carminis Aonides

Dictarent, quod nec seris venientibus annis

Oblito doctorum effluat ex animo;

Nec præsens atas, atroxq; imbuta veneno

Infelix ausit deterere inuidia,

Supremaq; fauilla, & nigri funeris expers

Effugiat taciti temporis insidias,

Docte GRADI, mihi quem dulces ante omnia Musæ

Iunxere, & puro pectore culta fides,

Et facilis vis eloquij, quæq; aurea mentem

Formauit dictis Attica Suada suis:

Non

Non sperem titulos, non laudes ire per omnes

*Maximi ALEXANDRI, aut inclyta facta virum,
CHISIA queis stat fulta DOMVS, quos viuida virtus
Extulit, aut propior sideribus pietas.*

*Nam cui vel tantum præsens facundia, tantum
Idem hominum dederit calicolumq, potens,
Egregias laudes; æternaq, facta referre.*

*Vt queat, & meritis versibus æquiparet;
Ille etiam, quâ desertas Libye inuia terras,*

*Brachiaq, Europe porrigit Oceano,
Angusto quas diuulsas absorbet hiatu,*

*Et breuis Herculeo diuidit vnda freto,
Quos male contempsit præceps audacia fines,
Nil metuens vetitas leti aperire vias,
Enumeret, quot vicinæ tundantur arenæ*

*Fluctibus, euersas cùm ciet Euris aquas;
Aut quot vere nouo submittat Dædala flores
Aura Cytheriacis incola litoribus.*

*Quis dicat Tuscas latè data iura per oras,
Æquoraq, Herculeæ supposita specula?*

*Aut Macereti molli surgentia cliuo
Mœnia, & antiquis addita tecta iugis?*

*Heroum tellus olim fecunda, vel armis
Vel pace egregium qui peperere decus:*

Nunc

*Nunc tenues ibi relliquiae vix nomina servant ,
Lentaq; pastoris fistula cogit oues.*

*Inde tamen missi , qui cæli ingentia templa ,
Et Diuûm cætu limina concelebrant.*

*Felices turres , queis olim pauper arator ,
Et saluis faciat frugibus agricola.*

Ecquis opes , cœnasq; Deûm , quâ se atria tollunt

*CHISIA Pompeijs æmula porticibus ;
Quas subterlabens miratus Tybris ab amne est ,
Credita dum celeres gaza moratur aquas ,*

Eg; imo siluas speculatur , & aurea tecta ,

*Et pictos lusus , ô Galatea , tuos ,
Artis opus miræ , pelago quam semifer omnis
Tritonum insequitur , Nereidumq; chorus:*

Ecquis regifico constructa altaria luxu

Et ductas Libyco è marmore pyramidas ,

*Quæ sub ALEXANDRO priscum monumēta nitorem
Ceperunt , ac turpe exuerunt senium.*

Tot curas inter , terrarum & publica vota .

Non hæc præteriit prouida mens animi.

Quin & Niliacos moles imitata labores

*Cæstia , par tumulis , barbara Memphi , tuis ,
Hoc rerum domino vastis egesta ruinis
Non debet fatis tristibus interitum.*

Nec

Nec solùm antiqui redeunt hoc Principe mores;
 Antiquum sed cum moribus omne decus.
 Sit clarus licet ille, & quà sol aureus exit,
 Et quà se cane Tethij restituit,
 Illius & latè referat nomenq̃, decusq̃
 Cognatas inter Naiadas Eridanus:
 Eridanus, cuius cycnos hoc fama canente est
 Attonitos medijs conticuisse vadis:
 Quæq̃ viris armisq̃ potens sistentia contra
 Insula desertæ litora stat Libyæ,
 Et Mosa, & fumans ciuili sanguine Rhenus
 Ingentes titulos & benefacta ferant:
 Non reticenda tamen, functi eternas quibus ipsi
 Heroes grates pro studijs solüunt.
 Ille vel in teneris cùm iam pubesceret annis,
 Atque etas primum viuida ver ageret;
 Postquam animo sibi regnandum peragrauerat orbem,
 Ortaq̃ de primis omnia seminibus,
 Et propiore Deum spectaret lumine, quantum
 Mortales fas est tendere contrà oculos,
 Multa satis ludit: norunt siluæq̃ lacusq̃,
 Muscosisq̃ cadens Arbia pumicibus,
 Quæq̃ viri indignum lugens Cornelia fatum
 Hospitij testes numina poscit opem.

*Nec curas inter , iuuenilia carmina Musas
Dimisit fessi delicias animi.*

*Adfuerunt semper faciles ad iussa Sorores ;
Et quamuis medio tenderet ille mari ,*

*Alpibus & quamuis , Alpes illæ , & mare saeuum
Fontibus & sacris antetulere iugis.*

*Et loca nunc culto relegabant singula versu,
Nunc fera damnabant munera militiæ.*

*Quin scrutaretur dirum cùm viscera ferrum,
Et leti inficeret pallidus ora color ;*

*Qualis Meandri ripis , aut Asia cyncus
Dum ludit pennis per vada purpureis,*

*Pectora transfixus , liquido de gutture voces
Elicit , ac gemitus litora pulsa iterant,*

*Inspectans calum , & tristes solatus amicos
Lenibat numeris vulnera flebilibus.*

*Interea trepidum versans sub corde timorem
Adstabat Diuis vota ferens Pietas :*

*Et nunc muta metu , misero nunc perditâ luctu
Tendebat supplex brachia calitibus ,*

Ne fessis olim missum succurrere rebus

Ante suum raperet mors violenta diem.

*Sed iam pone metum Pietas : en Maximus orbem
Sospes ALEXANDER temperat imperio.*

AD SERENISSIMUM
GENVENSIS REIP. DVCEM
AVGVSTINVM CENTVRIONEM,

Cùm primùm noui Magistratus fasces
attolleret, summâ ingeniorum con-
tentione celebratos.

Aureus ut primùm nitidis emergerat undis
Lucifer, & noctem vicerat illa dies,
Quæ tibi laurigeros, virtutis præmia, fasces
Detulit, & munus vidit inisse tuum,
Et patriæ res & curas, sanctiq; Senatus
Excepisse animis publica vota tuis,
Adfuit ad plausus vasti gens humida ponti
Tyrrhena liquido Tethyos acta sinu;
Formosæ visu facies, Drymoq; Thoeq;
Et quas prætereà longa referre morâ est.
Quas inter patrio percussus numine Proteus
Hæc Latij fertur præcinuisse modis:
Maçte animo: extulerint homines quæ maxima
quondam
Cesseris; at quæ dehinc, auguror, astra canent.
Dixerat: & plausum iussit dare protinus omnes
Quos habet unda Deos, quas habet unda Deas.
P Ego

Ego dormio, & cor meum vigilat.

Nox quāvis oculorū ignes premat atra nitentes,
 Et condant somno lumina victa faces;
 Lumina quæ circum casti glomerantur Amores,
 Et Pudor, & triplici Gratia nexa choro:
 Nox tamen assiduis lacerat præcordia curis,
 Imperat atque oculis irrequieta quies.
 Nec prius obrepet, qui laxet pectora, somnus,
 Quàm sternas capiti molle cor ipse meo.

LVSVS PASTORITIVS.

DVrus Oryx torquere graui seu spicula cornu,
 Seu terrere leues per nemora alta feras:
 Quem toties succincta habili Dictynna pharetrâ
 Mirata est agiles inter Hamadryadas:
 Cùm premeret cælo medium sol igneus orbem,
 Præberet lasso cùm brevis umbra torum,
 Multa inter quercus querulâ prolusit auenâ.
 Obstupuit doctos Nympha secuta modos.
 Ipsæ etiam tacitis stupuerunt Naiades undis,
 Ipsa etiam Arcadij fistula victa Dei.
 Ille etenim nunquam sacris vocalia lymphis
 Antra, Meduseos attigeratq; lacus.
 Sed quæ etiam indoctas siluæ docuere volucres,
 A siluis didicit carmina durus Oryx.

PSYCHE, seu fabula Papilionis.

Nympharum Psyche quâ non fuit altera totâ
 Pulcrior Arcadiâ, cui cura nec vlla fluentem
 Aut mulcere comam, aut tenues percurrere telas,
 Miles erat Phæbes, voluitq; inculta videri,
 Et placuit: nemora & sylvas nec gratior vlla
 Attigit, aut montes venatu terruit vlla.
 Iamq; toros tædis ætas matura iugales
 Spondebat: fugit illa faces & nomen amantis,
 Seq; odit, votoq; dolet quòd forma repugnet:
 Cùm satus Iapeto, quem Psyche mater eodem
 Ediderat Clymene fortunatissima partu,
 Attulit inuentum cælo mortalibus ignem,
 Nec benè digestam, & certâ sine imagine massam
 In speciem eduxit moderantium cuncta Deorum.
 Ille (fide maius) lapidem vix admouet igni,
 Paulatim letalis hiems de marmore cedit.
 Vincula mollescent genuum, saxumq; relinquit,
 Vitalesq; vias & respiramina liber
 Spiritus intus obit: vocis recluditur vsus:
 Conatus loquitur: nil trunci restat in illo.
 Miratur, tacitumq; rogat Psyche inscia fratrem,
 Vnde vigor lapidi? quæ tanta potentia flammæ?

228 POEM. NATALIS RONDININI.

Frater ad hæc contrà : Donum immortale Minerua
 Aspicias : aſt alios Cypris tibi deſtinat ignes .
 Iam diſtingue comas, & finge decentiùs ora.
 Indoluit virgo , vetitamq; agnoſcere flammam
 Attentat propiùs : ſed enim, ceu concitus Auſtro
 Per ſtipulas flauaſq; furit Vulcanus ariſtas ,
 Atque alimenta ſuo præbet ſeges arida damno:
 Sic inconceſſos ubi virgo contigit ignes,
 In flammas abit, ac veluti è fornace profundâ
 Feruentes trahit ore faces , & concipit æſtus.
 Vix fratri cineres , & cognoscenda ſuperſunt
 Ipius effigies , & quæ ferat oſſa ſepulcro .
 Ille ſed exanimis properat , ſemiuſtaq; membra
 Componit tumulo , fumantiaq; exta ſororis
 Ambroſiæ ſuccis , & odoro gramine condit.
 At flamma haud oblita ſui eſt , ſeruatq; vigorem
 Ingeniumq; ſuum , tumultoq; erumpit , iterq;
 Dat volucris , varijs quæ picta coloribus alas ,
 Nunc etiam vetitos demens circumuolat ignes,
 Atque ſuas Psyche flammas, ſua damna, frequentat.

POEMATA
STEPHANI
GRADII
ABBATIS
SS. COSMÆ ET DAMIANI,
PATRICII RAGVSINI.

FORMATA
STEPHAN

GRADII

ABBATIS

SCOTTISCHER

PATRICK

AD NATALEM RONDININVM

S. D. N. ALEXANDRO VII.

Pont. Opt. Max. ab epistolis
ad Principes.



*Nica Pieridum, Natalis, cura Dearū,
Cui Vaticani peruia
Interiora adyti penetralia fecit in alto
Firmata virtus pectore,
Cuius ALEXANDRI quoties sententia docto
Prodiit ab ore Maximi,
Nil est, quod Latium tumeat Cicerone, suisve
Facunda alumnis Græcia:
Clarus Apollineo me nunc à numine vertex
Soraëtis antiqui tenet
Vrbana strepitum fugientem & iurgia turba,
Iuuatq; de minantibus
In calum scopulis illinc nemora alta, domosq;
Ferarum opacas cernere,*

*Hinc variam cultu segetem, glebasq; Sabellis
Exercitas ligonibus,*

Et latè in Latios animum dispergere tractus.

Quàm lata vitis arduis

Fusa cacuminibus virides hîc surgit in ulmos!

Quàm flaua aristis aquora,

Quamq; ferax oleæ collis! quàm lacte capellis

Distenta semper vbera!

Quàm prisca mores hominum! quàm numine mulcet

Auras benigno Iupiter!

Sed me non facies rerum pulcerrima, nec tam

Amica Musis otia,

Quàm veterum capiunt quæ passim ingentia Patrum

Visuntur hîc vestigia,

SILVESTRI magni latebra, quibus ille potentium

Vitauit enses impios;

Haud passus perijssse manum, quæ cuncta priorum

Abominanda numinum

Vnius adpersu mendacia perdidit vnda.

Quid urbis & thalami fugam,

ROMANÆq; ¹ specus memorem, contemtaq; dura

Præ silicis atri tegmine

Sceptra

¹ S. Romana, Calpurnij Præfecti Urbis filia, cum nuptijs destinaretur, diuino monitu ad S. Siluestrum in Sora&c latentem fugit.

Sceptra 2 olim Ligeri latè dominata superbo.

Saluete rupes aurea ,

Proxima cœlitibus sedes : saluete quietæ

Secura mentis gaudia.

Vt mihi iam Regum laqueata cubilia sordent,

Aurata sordent atria !

Nec moror extremus quidquid sub diuite fluctu

Hermusq; volvit & Tagus.

Sed me , ne vestris reliquos in cotibus annos

Nemorum colonus exigam,

Aurea desuetas redeuntia secula in vrbes;

Et cum sororibus vetant

Iustitia , & Pietas cœtus dignata frequentes

Certantium se candidos

Ad sui ALEXANDRI populorum fingere mores,

Et se probare ingentium,

In tanto faciles dederunt quæ Principe Diui,

Non immerentes munerum.

Ille sibi rigidus , sibi inexorabilis vni

Nihil remissi in arduo

Pectore , nil patitur laxi , per dura laborum ,

Curasq; rerum maximus,

P. S.

Atque

2 Carolomannus, Caroli Martelli filius atque heres, antequam se ad Cassini cornobium conferret, Soractis montis secreto delectatus fuit.

Atque hominum gaudet Princeps audire Patērq̃.

Nemo obsequentis acrior

Fortuna illecebras calcare, aut falce tremendā

Neceſſitatis ultimæ

Immanes vultus animo ſpectare ſereno,

Orando nec præſentior

In Superūm iratis extinguere fulmina dextris.

Athena non ſi vox mihi,

Non centum ardenti reſonent ſi gutture lingua,

Merentis ad præconia

Sim ſatis, & laudes valeam me effundere in omnes.

Per montium & quiſquam iuga,

Per ſaltus, fluuiosq̃, ac deuia rura vagetur,

Virtutis vt veſtigia

Iamdudum exoſæ terras fugientia capiet?

Cūm, quanta fulget arcibus

Ætheris in ſummi, Diuūmq̃ in honore ſuperbit,

Se Vaticanæ in aureo

Explicuit ſolio, præſentiaq̃ ora beatis

Fruenda dat Quiritibus.

Teſtis Hyperborei dominatrix Virgo profundi,

Quæ diuitem tot inclytis

Regnorum ſpolijs, domitoq̃ Aquilone tumentem

Contemnere auſa Regiam,

Huius

Huius ab aspectu properat splendescere lucis.

Quas tu frementis undique

Latitæ voces mirabere ! qualia cernes

Feruerè per urbem gaudia !

Supplice cùm Latias se poplite sistet ad aras ,

Summiq; prona Antistitis

Accidere ad sacræ spectabitur oscula plantæ

Litoris Amazon Baltici,

Cuius ab inuictò Germana per oppida Marte

Vibrata nuper fulmina

Arduus à tumulo stupuit septemplice Tybris,

Nec vlla solam Palladis

Ægida belligeræ plausu cum gentis , & auream

Tractare docta cuspidem.

Sed placidas animum Diuæ exercere per artes

Ponentis interdum horridam

Gorgona, perq; hilares blandum gradientis Athenas,

Doctoq; Phæbi in puluere

Primum Castalias inter decus ire puellas.

Hanc tu Boote ab ultimo

Anxia tollentem patriæ in caligine noctis

Meliorè ad Arcton lumina,

Imaq; diuinis vstam præcordia flammis,

Æternæ vates , optimi

Inter

*Inter ALEXANDRI decora olim ingentia plectro
 Feliciores concines,
 Cum restincta breui totum fera bella per orbem,
 Centumq; dices aenea
 Custodem pacis cohibentia robora Ianum,
 Italisque Thracem viribus
 Infractum, & patriæ deiectum à culmine sedis
 Schytico latere in angulo.*

DE OBITU
 SIDRONII HOSSCHII
 E SOCIETATE IESV.

AD
 FABIVM CHISIVM
 S. R. E. CARDINALEM.

Siqua iuvant mutos cineres, si lumine cassis
 Iucundum quicquam manibus esse potest,
 Multum habet egregij quòd gaudeat umbra SIDRONI
 Nuper cognatis reddit a sideribus,
 Ad cumulum, ô Princeps, decorum laudumq; suarum,
 Quòd desiderio est nobilitata tuo.

IN

IN
PHILOMATHIS
MVSAS IUVENILES.

Vates optime, quotq̃, literatos
Nostra atas tulit, aut tulit virorum
Plenior sapientium vetustas,
Nulli consilio, nec erudite
Largo flumine posthabende lingue;
Te facundia, literaq̃, nostra,
Te suum Latiae decus Camæne,
Lumenq̃, eloquij vocant aviti.
Tuis en studijs laboribusq̃,
Linguae gratia se leporq̃, debet;
Debent munditia, elegantiaq̃,
Et pure Veneres locutionis.
Per te ab exilio, & malis tenebris
Prisca Suada redit, proculq̃, adimas
Rus & barbaries facescit umbras,
Ipsaq̃, esse Latina Roma discit.

DIA.

DIALOGVS LEPORIS ET MVSTELÆ.

Calumniatorum ineuitabilem esse
inalignitatem.

Æ *Gypti sæuo fines urgente duello
Rex omnes Ptolomæus equos, omnemq; ele-
phantum*

*Describi numerum Pharios mandasse per agros
Dicitur, ut dociles calcaria ad aspera plantas,
Ardua; aptarent turrata ad prælia terga.
Sensit ubi siluâ Lepus hæc delatus ab altâ,
Me miserum, exclamat, quæ iam satis ima dehiscat
Terra mihi? quæ nox densis satis abdat in umbris,
Crura; compedibus grauibuscq; imbellia telis
pectora subducat, cui non præsens animus, nec
Bellorum stabiles ad munia dura lacerti?
Cui Mustela: Quid est, insane, quod ilia vano
Singultu quatis? haud tu digna hostilibus ausis
Materies: fletu nimis ambitionis in isto est,
Qui tibi non merita fingit discrimina sortis.
Conditione tuâ maiorem pone, miselle,
Ex animo curam: tibi non à Marte, nec armis,
Sed metus à vilis tenui sit dente molossi.*

Quid

*Quid si me, contrà sequitur Lepus, esse elephantem
 Fortè aliquis contendat, inertem ad feruida regis
 Imperia, & medij cessantem in puluere belli,
 Et vocet in Scyri latitantem litore Achillem,
 Exigat & meritas ignauo à sanguine pœnas?
 Donec me leporem doceam, viresq; pusillas
 Esse mihi, donec nudas ostendere eburnis
 Contingat telis, longaq; proboscide fauces,
 Et liceat me ipsum esse mihi, quam multa necesse est
 Aspera perpetiar! quanto distringar ab aestu
 Curarum, noctes subeundo indigna diesq;!
 Egregiam quamuis, res dura est, dicere causam.*

A D

FERDINANDVM FVRSTENBERGIVM,

De Musarum dissidio cogitantem.

S*vmme Deum, seui domitor Pythonis, Apollo,
 Fatidica quem Delos suum,
 Quem Cyrrhaea vocant, Pataraeq; culmina regem
 Certâ timendum cuspide;
 Quemq; nouem celebrant, Parnassia turba, Sorores,
 Triplex & ambit Gratia.*

Ad

*Ad curas hominum precibus si flecteris ullis,
 Vatem tuorum fontium,
 Aoniæq; decus telluris, ab usque remoto
 Rheni petitum litore,
 Ut Latium, utq; ipsos linguaeq; togeq; Quirites
 Docto admoneret carmine,
 Ne patiare tuis, Musarum ac dulcibus vlnis
 Diuina mitis ingeni,
 Et studiorum aliò spectanda auertere dona.
 Sit proprius in castris tuis
 Miles, seq; tuis æternùm exerceat armis,
 Omnemq; lucem nomini
 Inde suo, laudemq; petat, famamq;, decusq;,
 Quamuis auitus inclyte
 Non alium magis ornet honos, & gloria gentis,
 Nec plura quisquam imaginum
 Lumina Saxonicos numeret decorantia fastos.
 Ne desiderare inglorium,
 Neu cessare velis iuuenem, quin diuite venâ,
 Tuo & benigno numine
 Utatur, seu facta graui regumq; ducumq;
 Narrare tendat carmine,
 Thræiciæq; auidos testudine fallere morsus
 Obluionis inuida:*

*Seu leue quid gracili modulari malit auenâ,
Seu dulciore barbito*

*Iam nunc vernantis florem oblectare iuuentæ,
Seueriora differens.*

*Quin agè cunctanti (quod iam meditatur, & imo
Dudum volutat pectore)*

*Egregij vt laudes FABII præclaraq; facta
Ventura doceat sæcula,*

*Adde animos, sacraq; feri præcordia flammâ.
Dicat serene in arduis*

*Rebus mentis opes, curisq; ingentibus æquum
Stabilis vigorem consilij,*

*Quo Latium, quo res Italæ, quo nititur orbis,
Quo gaudet INNOCENTIVS.*

*Dicat inexhaustum ingenium, moresq; benignos,
Nec purpuræ quicquam sue*

*Debentem, & propriâ virtutem à luce coruscantem.
Dicat profanæ imperium*

*Pectus auaritiæ, nullisq; obnoxia corda
Cupiditatum fluctibus,*

*Atque animi intrepidas inter sublimia vires:
Nec litterarum & artium,*

*Nec cultæ sileat rarissima munera linguae;
Sine expedita vinculis,*

Natâq; ad humanos placeat facundia cætus;

Seu debita Superûm auribus

Verba Medusæ manantia fontibus undæ.

An clariorem carminum

Usquam alibi segetem possit laudumq; parare,

Elatiore aut spiritu

Impulsas animare fides, fam. eq; perenni

Servire gloriosius?

Annuæ Phæbe, sacriq; animis illabere vatis.

Sic semper æthera incolas,

Sic tibi nulla genas sædet lanugo, nec umquam

Desit capillis laurea.

Dumq; canis trifido casos Titanas ab igne,

Patris triumpho turgidus,

Cuncta tibi Superûm plaudant convivia, teq;

Diu stupentes audiant,

Frustrâ iactatos referentem in sidera montes:

Nec hauriant libentiùs,

Quæ sibi nectareo Phrygius rorantia succo

Fundit minister pocula.

De

DE
INSVLÆ IVPANÆ
amœnitate.

F *Elicis hospes Insula, vides quibus
Virides, amœnas, mitibus hilares pomis,
Vbi relinquens Indiam suam Bacchus
Chiumq; nobilem vuidamq; Methymnum
Madidus iocosos feriat Octobres,
Nullaq; vite latius calet, nulla
His gratiora pampinis gerit ferta,
Præq; his adulto collibus mero vestras
Desiderare, Cælites, negat mensas.*

I Iupana insula est oræ Illyricæ, ditionis Ragusinæ, quam Tauridem appellat Hirtius de bello Alexandrino.


DE
ALEXANDRO VII.
PONT. OPT. MAX.

Ode.

Q *Vicumq; diri, post tot atra funera,
Abominatus Martis impotentiam,
Irata adisti precibus unquam numina,*

Diu negata gentem ut humanam quies
 Vultu bearet reduce: quisquis inclytas
 Compede gementes Thraciâ Orientis plagas
 Reddi Latinis rursus optasti sacris:
 Quicumque honestis debitum artibus decus
 Constare, dulci literarum & otio
 Sua eruditis præmia, & laboribus;
 Festisq; Musas implicatas frondibus
 Per Vaticanas ambulare porticus:
 Nunc tempus albas expedire victimas,
 Votiva tempus tura, nunc sollemnia
 Aptare sacris dona pulvinaribus.
 Dedere cuncta Calites tandem boni,
 Plaudente quod Olympo, & fremente Tartaro
 Maximus habenas rerum ALEXANDER tenet.

POEMATA
VIRGINII
CÆSARINI,
S. D. N.
VRBANI VIII.
PONT. OPT. MAX.
CVBICVLO PRÆFECTI.



ALEXANDRO VII.

PONT. OPT. MAX.

IVLIANVS CÆSARINVS F.

PROESIM esse rem sacram, & magnorum virorum vel opus, vel ornamentum, vetus opinio est, BEATISSIME PATER, iam inde à primis ducta temporibus, nostrâ verò tempestate mirificè confirmata, in quâ sacrorum Principes, religioni, bonisq̃ue artibus tuendis ac propagandis maximè intentos, hanc etiam ingenio suo, & fauore complexos, propemodùm consecrasse conspiciamus. Quo quidem suapte naturâ præclarissimæ, mirum quantum accesserit splendoris, & dignitatis. Intelligebat hæc, cùm viueret Virginius Patruus meus, dumq̃ue in literis summa quæque meditaretur, insito animi ardore, & magnis exemplis permotus, non potuit quin ad hæc studia ipse quoque raperetur, & carmina interdum funderet acri doctorum

iudicio non improbata, nec fortasse indigna, quæ tibi oblata, oculos, auresque morentur tuas. Ferunt quippe ad Romanæ, Etruscæque linguæ nitorem, & elegantiam, non sine transmarinis luminibus delicijsque composita. Quod nisi immatura mors hæc illi tempora inuidisset, & recenti imitatione meliora facere potuisset, & argumenta nactus esset longè nobilissima quæ tractaret; laudes nimirum tuas, Princeps Optime, quibus celebrandis inter tot certantium ingeniorum conatus, si non omnes post se relinqueret, postremas quidem certè non ferret. Nam vt erat acerrimo virtutis amore incensus, nemo quisquam maioribus lætitijs incederet, cum Dei Opt. Max. admirabili prouidentiâ, & bonitate in supremo humanæ amplitudinis fastigio te regnantem videret, in quo virtus ipsa tamquam in propriâ sede regnaret, & in quo salutem, & felicitatem Orbis terrarum, Patriæque suæ, miseris his temporibus repositam intelligeret.

ret. Quæ ut ex dignitate gratularetur, ac prædicaret, quin vires omnes ingenij nervosque contenderet, dubitari non potest. Neque verò minùs benignitatem grato animo in cælum efferret tuam. Est enim verisimillimum te, qui virtutis & doctrinæ fautor es maximus, hominem, in quo ista minimè desiderarentur, singulari quadam benevolentia fuisse profecturum. Accedit, quòd illius domum atque familiam iam deuinxisti, & novis in dies beneficijs obstringis, ad quæ eius memoriam voluntati tuæ, non dico stimulos subdidisse, sed nonnullum attulisse momentum haud immeritò existimetur. Hæc dum reputo, BEATISSIME PATER, amissi desiderio vehementer afficior, non tam profectò, ut eo præsentè amplius domus nostra splenderet, quàm ut esset qui tibi suo, & suorum nomine immortales ageret gratias, simulque laudem verissimæ gloriæ tuæ, dignè splendideque concelebratæ, præ ceteris reporta-

Q 5.

ret.

ret. Sed qualem habere possumus, hoc est, suis hisce spirantem versibus, deuotum Numini, Maiestatiq̃ tuæ, sacris pedibus aduolutus, offero, & sisto. Tu verò pro tuâ incredibili humanitate non modò libenti animo excipies, sed etiam, vbi publicas res ordinaris, lenire quærens labores, eius Musâ & ingenio recreari non dedignaberis. Quo ille honore nec maiorem viuis optare, nec potiorem ad præclaram sui commendationem & gloriam consequi potuisset.



LECTOR.



VIRGINIVM *Cæsarinum* omnis
liberalis scientiæ virum, &
magno excelsoq; præditum
ingenio fuisse, constans qui-
dem hucusque fama fuit, sed tantum
per manus tradita, nullis testata mo-
numents. Hæc ne omnino deessent,
iuris publici fecimus carminum ali-
quot, quæ ipse, cùm remitteret ani-
mm à seuerioribus studijs, faciebat.
Libuit hoc loco usurpare veterum ar-
tificum formulam, quia Virginius octa-
uo inualetudinis suæ, undetricesimo æta-
tis anno sublatus, imponere carmini-
bus suis minimè potuit extremam ma-
num. Ceterum ea laudare supersede-
mus, ut totam hanc partem illorum
iudi-

iudicio integram relinqūamus, quibus necessitudo est cum Romana Etruscaq³ Poëseos Principibus, & Magistris. Igitur, Lector candide, Poëtæ candidissimi versus lege, & ex his coniecturam facito de ceteris, qui eius ingenij fœtus extarent, nisi mors non tam ipsi Virginio, quàm bonis literis peracerba, maturioris ætatis fructus intercepisset. Vale.



VIRGINII

CÆSARINI

VITA.



QVÆ de Virginij Cæsarini ingenio, moribus, studijs, disciplinâ, fortunâ, totoque vitæ cursu, non ab rumore vulgi, neque à Rhetorum laudationibus accepimus, sed à viris grauibus, & ab omni affectu liberis, qui adhuc supersunt, quique Virginium vsu quotidiano cognitum habuerunt; ea nos, sicuti narrata, acceptaque sunt, simpliciter, pro nostrâ, & argumenti naturâ, fideliterque trademus.

Natus est Romæ die xx. Octobris anno M.D.LXXXV. patre Iuliano, Ciuitatis Nouæ Duce, matre Liuiâ Virginij Vrsini filiâ. Vtriusque autem parentis genus, generisque dignitas & potentia clariora sunt, quam vt scriptoris operam, lucemque desiderent. Fratres habuit maiores quidem natu Ioannem Georgium, qui patri in Ducatu successit, & Alexandrum, qui postea Cardinalis creatus est ab Urbano Octauo, minores autem Ferrantem, vtriusque Signaturæ Referendarium, ac Petrum, militem Hierosolymitanum. Propinquitatibus verò multis magnisque floruit;

floruit, à matre præsertim. Nam præter Vrsinam gentem, Beatrix, Cornelia, & Catharina Liuiæ sorores nuptui traditæ, cum suis, tum suorum filiorum coniugijs Sfortias, Columnas, Corneos, Pallauicinos, Maluetios, Altempfios, Cæsios, Borromæos, Madrutios, aliasque subinde veteres familias & locupletes comprehenderant. In Virginio igitur eximia ab ineunte ætate indoles, & ad studia literarum singularis alacritas apparuit: adeo ut Bonifacius Cardinalis Caietanus, acri vir, ut omnes sciunt, perspicacique iudicio, septennem adhuc puerum cum tractaret, ad omnia summa natum diceret, & incredibiles progressus in literis, si institutio accederet, augurari soleret. Celebre est, ac penè in consuetudinem prouerbij venit, nihil Romanis pueris festiuus, nihil elegantius fieri posse: promotos, sagaces, dicaculos, ingeniosos, ad omni disciplinarum genera mirè factos videri: ubi adoleuerint, concidere sæpè vim illam omnem, ardoremque animorum, & quasi Circæ aliquo poculo repentè mutatos, alios planè sensus, aliam sibi mentem induere. Verène id, appositeque dicatur, an à Transalpinis hominibus, vetere erga Romanos odio, falsò iactetur, nihil laboro. In Virginio certè aliter se res habuit, ut postea intelligemus. Nouem fermè natus annos Parmam mittitur cum Alexandro fratre, quò procul à paternis delicijs, adeoque ab ijs occasionibus, quæ mentes adhuc teneras, & ad magna surgentes plerumque enecant, intentiorem ad studia animum

munum adijceret. Antelata autem ceteris vrbibus Parma, cum ob celebritatem illius Academiae excellentibus in omni disciplinâ magistris, Ranutij Ducis operâ, florentissimâ, tum ob auiam Farnesiam: quo etiam nomine Ranutius venientem Virginium libenter domum suam recepit, & pro eâ, quæ intercedebat, coniunctione, benignè liberaliterque habuit, quoad eâ in vrbe est commoratus. Mansit autem ibi quinque plus minus annos: intra quod spatium non solum ea omnia arripuit, quibus ad humanitatem informari solent ingenui adolescentes; verum etiam totius Philosophiæ cursum confecit, præceptore Auanzino, qui Iacobi Zabarellæ in Gymnasio Patauino discipulus, Peripateticæ disciplinæ ludum in Parmensi aperuerat: tantâ quidem cum laude, vt condiscipulos & percipiendi celeritate, & disputandi solertiâ longo intervallo omnes anteiret. Nec institutum intereâ iter retardauit infortunium, quod illi accidit. Nam dum inter æquales in equestri ludo se exercet (quod vnicum habebat à studijs laxamentum) refractarius equus, cui erat impositus, iuueniliter exultantem, & superbè nimis imperitantem excussit, adeoque grauiter solo illisit, vt pluribus locis crure confraeto, præ dolore sensibus pænè omnibus destitutus, vltimum vitæ discrimen adiuverit. Quem casum maior etiam paulò post calamitas excepit, Chirurgi imperitiâ. Cum enim post duos menses, quàm decubuerat, experiri vellet, an rectè adhuc consistere pedibus posset,

posset, adèd perperàm ac distortè conglutinata tibia apparuit, vt eam denuò perfringere necesse fuerit, & in eum statum reuocare, quò ante curationem fuerat, quò rectius conualeſceret, accersito ab Iſſæo vsque lacu, in Venetâ regione, probatæ artis Chirurgo. Horret animus eos cruciatus cogitare, qui denuò tolerandi Virginio fuere; qui tamen illos eo animi robore tulit, eaque constantiâ, quam in viro confirmatæ iam ætatis & sapientiæ non requiras. Igitur, vt eramus aggressi dicere, tantum abfuit, vt propterea studiorum suorum cursum intermitteret, vt per totum illud tempus, quo in lectulo confixus iacuit (iacuit autem integrum propè annum) nihil ageret aliud, quàm vt cum viris doctis sermonem de literis institueret; præcipuè verò cum Patribus Soc. IESV, qui ei frequentes, & ad omnè prompti officium assidebant. Quorum quidem viuendi ratio & institutum adèd Virginio arriserant, vt non semel de illorum amplectendâ militiâ cogitarit: eamque animi illius propensionem perpetuam atque constantem postea aperuit vltima ipsius voluntas, qua Ignatiano habitu efferri se velle cauit in testamento. Ea curatio cum post mensem vndecimum exitus tandem prosperos habuisset, eosque iam progressus fecisset in literis, quos operæ pretium esset in aspectum lucemque proferre, Romam, ineunte adolescentiâ, Virginius reuertit, vbi magnum sanè virtuti suæ theatrum inuenit paratum. Nam ingens hominum animos cupidò incesſerat videndi cominùs, & periclitandi

clitandi ingenij, de quo tam multa, tam præclara omnium sermone afferebantur: erantque non pauci, qui suspicarentur, in adolescentulo primariæ nobilitatis, & morum formæque elegantia commendatissimo, efferri plus æquo omnia: ita verò solere fieri, vt qui alijs in vrbibus maximo in pretio essent, & laude ingenij ceteros mortales anteirent, Romæ ita decrescerent, vt vix aliquo in numero haberentur. Virginius tamen aduentu suo ita confirmavit rumores, qui de ipsius virtute atque ingenio percubuerant, vt nihil iam in Vrbe esset eius nomine clarius; essentque in eum, tamquam in aliquem ex veterum annalium memoriâ, conuersi animi & studia ciuitatis. Siue enim priuatis eruditorum colloquijs de re literariâ sermo esset; siue in scholasticorum, quos vocant, arenam descenderetur; magna vbique eius doctrina, magnum acumen, & fertilitas ingenij eminebat. Hæc autem efficiebat etiam gratiora præter generis claritudinem suauitas oris, formæque dignitas. Quibus accedebat actio efficax, & sonus vocis elegans, & ad aurium voluptatem accommodatus; ingenuus prætereà quidam pudor, & candor animi, pari cum humanitate erga omnes, & facilitate naturæ. Nam ad id quidem quod pertinet, extat inter eius scripta Satyra elegans, quâ acriter carpit, vel potius irridet nobilium quorundam inscitiam, qui estimationem dignitatemque nominis, quam solidis ornamentis, ac verâ virtute non possunt, ostenta-

R

tione

tione generis ac potentiæ, & insolentis animi
 fastu consequi volunt. Nec parùm momenti ha-
 bebat ad plausum laudemque Virginio conci-
 liandam senilis quædam in primo ætatis flore
 maturitas, non illa quidem austera ac tristis
 (nam hilariora nonnumquam conuiuia & con-
 gressus amabat, eratque in iaciendo, mitten-
 doque ridiculo perurbanus) sed quæ adolescen-
 tem deceret literis impensè deditum, & ab insi-
 tâ animi generositate non fluxa, & præsentia,
 sed ad memoriam illustria, & æterna respicien-
 tem. Ferunt, cùm ab æqualibus ad insigne spe-
 ctaculum inuitaretur, quod totius Urbis con-
 cursu celebrabatur, se verò id facturum negas-
 se; nec eo se crimine velle adstringere, vt quo
 temporis spatio posset Olympicis, Nemeæis,
 Circensibus ludis, & si liberet, etiam Florali-
 bus, sine vlllo incommodo aut strepitu domi
 suæ interesse; mallet imperitorum artificum
 nugis; quantumuis sumptuosis, inter tumultus
 & vulgi angustias, oculos atque animum prosti-
 tuere. Maximos præterea clamores excitabat
 memoria, quâ ita Virginius pollebat, vt inte-
 gras sæpè Scriptorum paginas, pro re natâ, re-
 citaret; & vbi interesset publicis disputationi-
 bus (intererat autem ferè quotidie, certatim in-
 uitantibus ijs, quorum ea sollemnitas erat, quò
 tanti Viri præsentia illustrior fieret) essetque vel
 eleuandum aduersarij dictum, vel suum con-
 firmandum, sexcenta Aristotelis loca proferret
 ex tempore, iisdem præne verbis quibus reddita
 fuerant

fuerant ab interprete : nam Græca adducere, nec moris est apud nostros homines, & ipse (institutum enim tenebo, nec alios patiar falsas Virginio laudes appingere) non nisi leuiter attigerat Græcas literas. Itaque cùm acerrimo ingenio parem memoriam, quod perrarò accidit, sortitus esset, & tempus omne, quod reliquum esset ab officijs ad tuendam vitam necessarijs, teneret in commentationibus, & tractatione librorum, breuî omnis reconditæ exquisitæque doctrinæ scientiam ita comprehendit, vt admirationi esset vniuersis, nec iam se intra Italiam contineret illius gloria, sed mare & Alpes præteruecta longè se ad vltimas terras, lateque diffunderet. Cardinalis quidem Bellarminus (quem virum parùm consideratè quicquam, aut ad assentationem dixisse vel fecisse vnumquam, nefas esset suspicari) solitus erat dicere, videri sibi Virginium alterum Picum Mirandulanum, eum qui ob excellentiam ingenij, & doctrinæ, phoenix est nuncupatus. Quod sanè dictum & probabatur in vulgus, & vtriusque genus, mores, formam, ingenium, studia, exitum ipsum vitæ ex æquo comparanti haud multum absolum à vero reperietur. In cuius rei fidem subiicimus numisma, ex vnâ quidem parte duobus phoenixibus insculptum, ex alterâ verò totidem imaginibus affabrè ductis, & extantibus; quarum prior Ioannem Picum, Virginium Cæsarinum altera referebat.



Idem Cardinalis Virginio auctor fuit, vt tantam rerum optimarum scientiam, ingenijque præstantiam, quæ sibi diuinitus contigisset, ad ipsius Dei gloriam, & generis humani fructum conferret, scribendo librum, in quo vberioribus argumentis, quàm ceteri fecissent, magisque ad sensum permanentibus, omnem dubitationem tolleretur de immortalitate animorum, ad reuincendam illorum pertinaciam, qui sacrarum literarum testimonio hac in re minimè acquiescerent. Et sanè multa in id argumentum Virginius iam collegerat, colligebatque in dies, quò omnia suo tempore rectè & ordine digesta luculento volumine complecteretur; nisi præmatura postea mors egregium Opus, quemadmodum alia multa quæ moliebatur animo, interceptisset. Inter hæc non neglexit Iuris quoque scientiæ, cuius Consultus fuerat Parmæ sollemniter appellatus, operam dare, coacto etiam stylo, quo ceteroqui castigato utebatur, accommodare se formulis corruptæ Iurisprudentiæ. Veruntamen longè maior

maior illum voluptas ad mitia Musarum studia, & flagrantior cupido rapiebat, hominem præsertim non tam honorum & potentiae, quibus vulgares animæ usque ad insaniam capiuntur, quàm laudis & gloriæ, quâ magnæ mentes & erectæ imprimis ducuntur, appetentissimum. Quamobrem, valere tandem iussis leguleiorum forique clamoribus, iterum se liberalioribus literis totum tradidit, Theologicis præsertim, ac Philosophicis: quarum primas cum sacræ historiæ, Canonum, Conciliorum, ac Patrum cognitione coniunxerat; in ultimis verò, Doctore & Magistro Auanzino, de quo supra memorauimus, ita usque ad illud quidem tempus Peripateticorum sectæ adhæserat, ut ab eorum placitis vel latum vnguem discedere religio illi esset. Verum ubi versari familiarius cœpit cum Federico Principe Cæsio, eiusque auctoritate & consilio in amicitiam se dedit Galilæo, Ioanni Ciampolo, aliisque eius disciplinæ hominibus, qui è cælo se deuocasse gloriabantur veram ac germanam philosophiam, hoc est, aliam planè ab eâ, quam Aristoteles tradidisset; primò quidem obluctari acriter eorum dictis, deinde ubi quotidianus sermo argumenti insolentiam cicurauit, haud grauatè aures, postremò etiam manus dedit. Itaque veteris militiæ desertor & transfuga, ut sunt iuuenum ingenia cupida rerum nouarum, transitum fecit ad castra Lynceorum (id nomen Academiae fuit) quorum erat institutum inusitata rerum euenta, quæ terris, quæ cælo accide-

rent , in disputationem vocare , causas sedulò indagare , & eorum obseruationibus , alijsque experimentis , veterem omnem philosophiam , Aristotelicam in primis euertere. Ex eo numero , qui esset , quasi familiæ suæ tesseram ambitioni vocabuli conuenientem , gestabat digito anulum , lynce insculptum , quo significabatur , esse eos in rimandis naturæ arcanis perspicacissimos. Hæc porro Academia auctorem habuit eum , quem diximus , Federicum Principem Cæsium , literarum amatorem potius , quam peritum , mansitque tamdiu , quamdiu vixit auctor suus , qui illam quasi fatam à se arborem omni officio industriaque colebat. Verùm eo mortuo , cùm Academici nullas haberent certas sedes , nec ceterarum Academiarum morem sequerentur , statis diebus in vnum conueniendi , sed vnico nominis splendore , & annuli mysterio omniseorum disciplina contineretur ; breui Lynceorum memoria ita extincta est , vt eorum ad ætatem hanc nostram vix tenuis aura peruenerit. Præter Galilæum , & Ciampolum , coluit quoque Cynthium Clementem eidem sectæ addictum , & insignem eâ tempestate Medicum. Ab eo Virginius Chemicis sacris initiatus versari cœpit attentius in eius artis experimentis , quibus præcipuè Aristotelis fundamenta conuelli putabant. Eaque ipsa experimenta conuertit postmodum à destruendis Peripateticorum placitis ad fulciendam valetudinem suam , quæ iam & assiduo labore in studijs , & habitu

corpo-

corporis gracili, propensoque ad maciem, in deterius quotidie prolabebatur. Verum hic quoque conatus, sicut alia multa quæ periclitatus fuerat medicamenta, irritus fuit, in dies magis magisque superante vi morbi. Cuius rei cum omnem culpam (vitio generis humani) conferret in inscitiam Medicorum, inuehi vehementer eâ occasione solitum ferunt in insaniam temporum nostrorum, quibus ars illa, cui valetudinem nostram vitamque credimus, tamquam humilis & plebeia, digna iudicaretur, in qua illi fermè elaborarent, qui nullas vererentur violare maiorum imagines, qui que tenuitate pleorumque rei domesticæ prohiberentur operam dare studiis ac disciplinis ad eam probè tractandam necessarijs; instrumenta fundi, pascua, nomina, supellex, à viris honestissimis, patricijsque vendicarentur. Igitur cum alterius cæli præsidium, reliquis omnibus frustrà consumptis, experiri constituisset, Bononiam iter intendit, non quòd situm illius urbis maximè opportunum duceret valetudini suæ, placidum alioqui temperatumque cælum desideranti; sed quòd in Bononiensi Gymnasio mereri stipendia dicebantur Medici præstantissimi, nec deessent literati viri, sine quibus, ut cetera adessent omnia, videbatur sibi Virginius in solitudine lectuque vivere. Sed interceptus in itinere ab amantissimo sui Principe Cælio, Aquam spartam Cæliæ gentis oppidum propè Spoletum diuertit, mansitque ibi aliquot dies magnâ, quantum

quidem per inualetudinem licuit, cum voluptate. Quippe Federicus, quò libentiorē illic Virginiū retineret, Bononiā accerferat, præ ceteris, Claudium Achillinum, Philosophum ac Poëtam, opinione quidem omnis Cisalpinæ Galliæ maximum, & Petrum Poterium rei Chimiæ egregium artificem, quibuscum alternas horas hilare ac iucundè transigebat. Ac breuē tantum de veteri suâ sæuitiâ morbus remiserat, ut vox etiam, quam pituitæ, vel alterius cuiusuis humoris defluuiō ulceratæ fauces iam olim intercluserant, ad officiū rediret, ut Elegiā quadam ad Cynthium Clementem sibi ipsi effusè gratulatur. Nam ceteris eius virtutibus non leui ornamento erat mira indoles, & dexteritas ad Poësim, præcipuè Latinam, in quā Tibullum, Propertiumque, eruditorum iudicio, feliciter expreslit elegiaco carmine. Italicis etiam numeris se exercuit, adductus consuetudine Ioannis Ciampoli, qui eo præcipuè ornamento aditum sibi ad laudem, & ad potentiorum limina patefecerat. Sed quamuis Virginius profiteretur maximè omnium probari sibi Ciampoli venam & characterem; longè tamen diuersā viā vterque illorum ibat ad carmen. Virginius æquabile & temperatum sequebatur scribendi genus, perspicuum, graue, simplex, quod seridè rem ageret, & in quo Latij veteris incessum facile agnosceres; in Ciampolo liber spiritus, noua omnia, concitata, grandia, inaudita, plena periculi & audaciæ ad Pindarum aspirantis, quæ propterea

Proptereà omnem ad se raperent admirationem
theatri. Quam scribendi rationem perperàm
imitati postea, qui se Pindaricos dici volunt, in
tam absurdos errores inciderunt, vt ex plurimis,
quæ aliquot ab hinc lustris irrepperunt in Rem-
publicam literariam hæreses, nulla, vt viri qui-
dem sapientes iudicant, fœdius Italicæ iuuen-
tutis ingenia corruperit. In his, quæ scripsit ma-
ternâ linguâ, multa reperiuntur etiam amatoria,
satis pro argumento verecunda & sobria: quæ
tamen Auctor postea improbauit, tamquam
imbecillâ adhuc ætate scripta: & superat eorum
numerus, quæ hominem philosophum, & à
vulgi erroribus alienum magis deceant, quæque
Christiano Poëtâ digniora videri possint. Quâ
etiam in re secutus est Ciampoli auctoritatem
suadentis, honestissimam secum prouinciam
fufciperet, ad meliorem frugem moresque re-
uocandi Etruscas Musas, quæ, nonnullorum vi-
tio, nihil iam sancti aut casti haberent, sed
cuiusuis è vulgo libidini prostitutæ in-obscœnis
tantum & procacibus argumentis occuparen-
tur. Virginius itaque à iuuenili licentiâ ad gra-
uiora stylo conuerso, moralis Philosophiæ præ-
cepta, quod nemo adhuc ante ipsum ex propo-
sito fecerat, aggressus est carminibus tradere,
vt etiam profitetur Ode illâ, quæ Proœmium
inscribitur. Et quia ad informandos optimis
moribus animos duplici præcipuè viâ ac ra-
tione niti oportet; ad honesta videlicet incitan-
do illos, & reuocando à turpibus; vtramque

Virginius complexus est : illam quidem pluri-
 bus Odis (cantiones nostri vocant) ad varios
 amicos scriptis ; hanc verò nonnullis Satyris Lu-
 ciliano aceto perfusis , in quibus ætatis suæ vi-
 tia perstrinxit acriter : quandoque etiam perso-
 nis potentiâ vel dignitate illustribus , quâ erat
 animi libertate ac spiritu , in os inuolare non
 dubitavit ; sed animi tantum gratiâ , & expe-
 riundi eo in argumento ingenij , non quòd vlli
 mortalium inuri notam suis carminibus vellet.
 Ceterum quòd fideliorẽ literis suis operam
 daret , in superiorem paternæ domus contigna-
 tionem secesserat . nec eò quemquam ferè ad-
 mittebat , præter illos , qui pari erga Musas ani-
 mo essent , paribus studijs ducerentur . Hos enim
 ad se venientes omnibus humanitatis officijs ex-
 cipiebat : cum his differere , lectitare , conui-
 uari , deambulare , dies integros commorari :
 cum eisdem communicare lucubrationes suas ,
 impensè prius rogatis , diligenter animaduerte-
 rent , & si quæ minus probarent , atroci stylo
 effoderent . Quorum quidem nonnullos alienâ
 ope & præsidio indigentes aluisset etiam domi
 suæ , vt solebat sæpè desiderare , si per tenuita-
 tem rei domesticæ licuisset . Verum cum bono-
 rum paternorum summa vnâ cum Ducatu Ci-
 uitatis Nouæ in Picenis , alijsque in agro Latino
 oppidis , ad grandiorẽ natu fratrem , more
 apud nobiles familias recepto , peruenisset ; ipse
 tertio loco genitus eam pecuniam annuatim
 percipiebat , quæ cum per se ipsa satis exigua erat ,
tum.

tum verò parùm attentè administrata, vt ij faciunt, quibus seriò occupatis in studijs literarum ingrata omnino atque odiosa accidere solet rei familiaris procuratio, ægrè in annuos sumtus suppeditabat. Quò fiebat, vt graui se nonnumquam ære alieno obligaret; quod postea Dux ipse ad arcendam notam, quæ in se etiam redundasset, molesto quidem animo, sed exsoluebat tamen. His angustijs vt obuiam aliquando iret, litem cum eodem Duce instituerat, quâ petebat, vt liberalior sibi in singulos annos pensio decerneretur, prout vltimis illis temporibus maior facta fuisset accessio ad patrimonium Cæsarinæ familiæ, ad cuius facultatem respexissent Maiores sui, cum secundo loco genitis annuos præscriberent redditus. Sed Mapheus Cardinalis Barberinus, quem ingenij ac studiorum similitudo Virginio, quamuis longè natu minori, familiarissimè coniunxerat, ei persuasit, vt omni contentione sublatâ, quietè cum fratre & concorditer viueret; quòd ita deceret præclarum virum, eaque esset certior ratio extorquendi ab illo pecuniam. Eo interim in otio, & quasi malaciâ literarum, non licuit Virginio diutiùs viuere, ipsum inter Cubicularios intimos cooptante Gregorio XV. operâ Ioannis Ciampoli, qui Pontificio nomine exarabat epistolas ad Principes. Is vbi ad illum honoris gradum est admotus, nihil habuit antiquius, quàm vt significationem aliquam Virginio daret grati animi, & beneficiorum memorijs, quæ plurima
ab

ab eo, insigniaque acceperat. Erat Gregorio à secretis, in ijs quæ ad statum curamque Reipublicæ pertinent, adeoque non mediocri auctoritate & gratiâ in aulâ florebat Ioannes Baptista Agucchius Bononiensis, vir cùm ceterâ clarus, tum verò scribendi Italicè, & rerum per literas gerendarum laude clarissimus. Eius commendatione Ciampolus sicut ipse in eum locum peruenerat, ita facilè est consecutus, ut Virginius ad eum, quem diximus, honoris gradum ascenderet. Sunt qui credant, Virginium, vbi primùm in Palatium pedem intulit, veteris instituti oblitum cogitare cœpisse de anteuertendâ purpurâ Alexandro fratri, cui quamuis tenuioris ingenij homini, tamen vti & natu grandiori, & aliquot iam annos constituto in publico munere, deberi potiùs is honos videbatur: tantumque breuî vel suâ industriâ, vel amicorum ope profecisse, ut cùm Gregorius lento quidem, sed graui conclamatoque morbo implicaretur, ad illustrandam præclaro aliquo facinore memoriam extremi temporis, de Virgino Cardinali creando in primo conuentu Senatus, vnâ cum duobus alijs viris ornatissimis, Agucchio ipso, & Angelo Cæsio, consilia iniherentur; quæ tamen Pontificis mors citiùs, quàm credebatur, consecuta discusserit. Alij verò postremæ quidem parti assentiuntur: quòd verò pertinet ad præripiendum fratri honorem, commentos fabulam putant aulicos homines, Virginium non ex ipsius virtute & altitudine animi

metien-

metientes , sed ex moribus , & naturâ imperitæ multitudinis , quæ adduci numquam potest, vt minimè credat insanire eos homines, qui nihil ducunt præclarius vitâ rectè sapienterque tractâ. Adduntque , Virginium non repugnantem potius, quàm volentem pertractum fuisse in Aulam Pontificiam, clamante subinde Ciampolo , indignum esse viro magnanimo , præsertim philosopho, cum scias humanam societatem mutuis officijs contineri, nullam velle Reipublicæ partem attingere; cumque literarum adeo sis amans, occasiones auersari illas, quibus literæ poliuntur: non prætermittendam opportunitatem iuuandi amicos, & industrios homines, nec ea munera recusanda, quæ, nisi à probis viris sapientibusque occupentur, improbis & iniustus, magnâ cum Dei offensione, rei que publicæ incommodo, sint committenda. Mortuo Gregorio, & in eius locum Urbano Octauo Pontifice renunciato, statim eius Cubiculo Virginius præficitur: idque tribuisse Urbanum opinio fuit non tam veteri beneuolentiæ, quàm eius indolem ab ineunte adolescentiâ complexus fuerat, quàm recentibus eiusdem erga se meritis. Cum enim Mapheo Cardinali Barberino dudum subirati Hispani essent, suæque erga illum voluntatis non obscuras dedissent significationes; ægrè illi, vt existimare quiuis facile potest, ad Summum Pontificatum aditus patuisset; nisi Virginius à Francisco de Castro Regis Hispaniarum ad Pontificem Oratore, & Didaco Saauedra, qui consiliq-

filiorum omnium Francisco particeps erat, sæpius vrgendo impetrauisset, æquiore in tantum Virum animo esse vellent, & auctores fieri, vt is cum Rege Catholico in gratiam rediret. Iam olim enim Virginius, manudentibus literis, & re Poëtica, insinuauerat se in vtriusque illorum familiaritatem, quemadmodum etiam Mapheo egregie conciliauerat Gasparem Cardinalem Borgiam Hispanicæ factionis moderatorem ac ducem, qui quamquam durior ad hæc studia videbatur, facile tamen suauitate morum Iuuenis nobilissimi, & miræ in tractandis conciliandisque animis dexteritatis ita captus est, nihil vt esset, quod non eius causâ faceret libentissimè. Certè si in Pontificibus creandis quicquam humanæ opi tribuere fas est, ac non potius sola tam arduo in opere & sacrosancto Voluntas Diuina dominatur, egregie meritis de Urbano Octauo Virginius eo facto videri potuit. Ad eum tamen fortunæ gradum tantam animi æquitatem & modestiam attulit, vt eorum qui apud Urbanum aliquo loco essent, nemini minùs licere videretur: taptumque abfuit, vt eos imitaretur, qui ad potentiàm opesque ex insperato euecti efferuntur fastidio quodam & contumaciâ; nullum vt suauiore ex eo loco fructum percipere se fateretur, quàm subleuandi veteres amicos, eos præcipue, qui destituti re familiari, ingenio, & literis abundarent. Itaque breui illo tempore, quo in eâ dignitate vixit, eorum quàm plures, prout cuiusque conditio ferebat, aut in familijs virorum

Prin-

• Principum, aut honesto aliquo in munere collocavit. Aliquos etiam apud se retinuit: in his Augustinum Mascardum, quem Parmæ cognitum, hospitis & contubernalis loco habebat; & Franciscum Balduccium, cuius operâ utebatur in scribendis epistolis, virum ad Poësim omnino factum, si acrioris limæ labor, & vberior cognitio artium optimarum ad eius ingenium accessisset. Alios verò, qui cum nihil domi pingue haberent præter ingenium, inani tamen scientiæ opinione inflati, sæculum incusabant, ut ferè fit, quod iacere literas pateretur, molliter atque urbanè admonitos erroris, in quo erant, hortari solebat, relictis studiis literarum, aliam omnino artem magis accommodatam humeris suis, aliud vitæ genus aggredierentur. Eaquæ Virginij libertas meliora suadentis, multis, qui nullam in tanti Viri dictis subesse fraudem poterant suspicari, salutis fuit. Tam illustri loco positum Virginium, cum publica expectatio, tum verò Urbanus ipse Purpuræ destinabant. Verùm quod illi aliena mors paulò antè abstulerat; sua tunc abstulit. Nam intra vertentem annum, ex quo Pontificio Cubiculo præerat, extremâ iam macie confectus, fato, quod iamdiu forti erectoq; animo operiebatur, tandem concessit, Kal. Aprilis, anno M.DC.XXIV. Constans autem opinio fuit, mortem illi maturavisse Præfecturam Cubiculi, cui ut frequens adesset, adeoque palàm Pontifici faceret, se integras ad purpuram vires allaturum, affecto corpori, & quietis indigenti minimè parceret.

ret. Virginij quidem mortem adeò grauitèr tulisse fertur Vrbanus, vt per aliquot dies, vbi de illo mentio incideret, lacrymas non haberet in potestate: & cum Alexandrum Virginij fratrem Cardinalem creauit, professus sit, se potiùs Virginij memoriæ, quàm Alexandri promeritis illum honorem tribuere. Quàm carus autem ciuitati fuerit, mœrorè funeris indicatum est. Senatus enim, Populique Romani decreto, in Palatio Capitolino statua illi posita est, doloris publici testis, cum inscriptione Ioannis Ciampoli:

VIRGINIO
CÆSARINO
QVIRITIVM SAPIENTISSIMO,
CVI TANTA INGENII VIS,
VT DOCTVS ETIAM HABERI POSSET
SINE LITERIS;
TAM AMPLA LITERARVM SVPELLEX,
VT ADMIRATIONEM MOVERE POSSET
ETIAM SINE INGENIO:
QVEM TAMQVAM VRBIS MIRACVLVM,
ET NOBILITATIS ORNAMENTVM
TVM INDIGENÆ, TVM CONVENÆ PHILOSOPHI,
POETÆ, ET RHETORES INVISEBANT,
SVA QVISQVE DECORA

IN HVMANISSIMO MOECENATE MIRANTES:
 CUIVS IUVENTVTI
 PERTINAX DOCTRINARVM STVDIVM
 SENILIS PRVDENTIAE
 GLORIAM COMPARAVIT,
 IUVENILIS VALETVDINIS ROBR ERIPVIT:
 QVI FACTVS ADOLESCENTIBVS
 EXEMPLAR VIRTVTVM, ET PARENTIBVS
 MENSURA VOTORVM,
 NONDVM TRIGESIMVM ANNV M INGRESSVS
 MORTEM OCCVBVIT IN VATICANO,
 SAPIENTIV M LVCVBRATIONIBVS,
 ET PRINCIPVM LACRYMIS ILLVSTREM:
 CVI PONTIFICII CVBICVLI PRÆFECTVM AGENTI
 VRBANVS VIII.
 ECCLESIASTICÆ PURPURÆ DECVS
 A PRÆPOPERA MORTE
 EREPTVM FVISSE CONQVESTVS EST:
 EIDEM PVBLICIS EXEQVIIS COHONESTATO
 S. P. Q. R.
 ANNVENTE PONTIFICE,
 INTER TRIVMPHALES DVCE IMAGINEM
 ET MONVMENTVM DECREVIT,
 NE MINVS LITERARVM GLORIA,
 QVAM ARMORVM,
 CAPITOLIV M DECORETVR.

Appa-

Apparatissimo funere elatum ad D. Mariæ de Arâ cæli, Alexander Gothifredus S. I. Patrius Romanus pro concione laudavit. Humoristarum item Academia Virginio (qui honos, ex instituto illius loci, viris tantummodò famâ ingenioque maximis haberi solet) iusta persoluit, Augustino Mascardo clari iam tum nominis Oratore verba faciente. Cuius Oratio excepta de more est à Poëtarum carminibus, quorum magna pars ereptum sibi Mœcenatem suum certatim dolebant, veroque luctu, non ad ostentationem ingenij simulato, funus prosequabantur.



VIRGINII CÆSARINI

ROMANI,

olim VRBANI VIII. Pont. Opt. Max.
Cubiculo Præfecti,

EPINICION in Victoriâ Bohemicâ
Sereniss. D. Maximiliani Boiorum
Ducis.

Tristitiam, trepidosq; metus, curasq; proteruis
Tradam Carpathium per mare ferre Notis.

Omnia leta cano: pleno nunc ore sonandum:

Aurea quid cessas mi dare plectra puer?

Non referam molles luctus, priuata silebo

Damna: queri nobis publica causa vetat.

Surge anime, & desueta diu fer gaudia mente:

Surge anime, atque aliam disce mouere chelyn.

Sacra canit vincit Peneïde fronde capillos

Vates: quisquis ades, dic bona verba sacris.

Vrantur Syriæ merces, Nabathæaq; tura:

Puniceas oleant lucida templa rosas.

Vltâ profanatas adsitis numina sedes,

Impleat & vester nunc mea lina fauor.

*Sunt aliquid Superi : Romanis regnat in aris
 Religio, veteres quam coluistis aui.*

*Non desunt lentas ultricia fulmina in iras,
 Iudicat & tandem crimina pœna sequax.*

*Fœda Palatinum regnis dare terga Bohemis
 Vidimus ; & nostrâ parta tropæa manu.*

*Fracta cruentatum voluuntur sceptrâ per Albim:
 Funereo Hercynius sanguine tabet ager.*

*Vincula Praga manu gestat, quâ tela gerebat,
 Et malè decussos accipit ore lupos.*

*Quis Superum, Musæ, nostros ad bella maniplos,
 Dicite, quæ iuuit Cæsaris arma manus?*

*Vtraque finitimis legio confederat aruis,
 Cernebantq; auidi mutua castra duces.*

*Hinc Rhenanus agit Slanos, Morauosq; rebelles,
 Et ferus in pugnam Slesia signa rapit.*

*Fœda Superstitio, sacris infensa Latinis,
 Tincta Acheronteo spicula felle tenet;*

*Et Vaticanum ante alios incendia templo
 Calvinus minitans impia tela rotat.*

*Hinc armis nitet Augusto deuota iuuentus,
 Ardet & æratâ cuspide Boia cohors.*

*Vnâ ingens Hispana phalanx certamina poscit,
 Iustaq; Parthenopes miles in arma ruit.*

Arduus

Arduus & campo sese Buquōius infert,
Magnanimosq̃ docet spernere fata viros.
Aptant se pugnae Tyrrheni principis ala;
Hostem iamq̃ prior, quàm manus, ira ferit.
Sic steterant acies: necdum dare carmine belli
Clarifonae audebant signa cruenta tubae.
Aëre se mittens rutilis cùm nubibus actus
Liquit Adalbertus carula templa poli.
Et Bauarum stetit ante Ducem: tum stella nitenti
Per nubes secuit crine refixa viam.
Non ille attulerat chlamydem, tunicaeq̃ crepantes
Textilibus ventis, carbaseosq̃ sinus.
Non pastorali firmans vestigia virgâ,
Aut venit mitrâ tempora vincta gerens,
Qualem Diuorum cumulantem altaria donis
Iam vidit melior Praga operata Deo.
Norica sed forti crispans hastilia dextrâ,
Totus & ardenti clausus ab ære nitet.
Aureus umbo iras, furias, clademq̃ vomebat:
Nutabat cristâ versicolore caput.
Mox ait: O fidei Princeps defensor auita,
Maximiliane, tuis gloria maior auis;
Perge, agè, tempus adest, via nunc rûpenda per agmen:
Disijce, me, trepidos, omina dante, duces.

Sat regnare datum sceleri, iam fraudis abunde est:
 Nunc admissa truci crimina morte luant.
 Tu celi vindex: tibi victima corruet hostis,
 Planget & aduersam sanguinolentus humum.
 Non te, quod densis horrescunt agmina signis,
 Terreat: has acies numina magna premunt.
 Diuorum violata animo simulacra reuolue,
 Et temerata truci fana vetusta manu.
 Vestales subeant aditus, & milite, castus
 Quæ colit, audaci claustra refracta, pudor.
 Illa est, illa ferox leto sternenda iuuentus,
 Diuorum è tumultis quæ ruit ossa sacris.
 Quicquid dedit cineres nostros ludibria ventis,
 Det lacer impastis ossa inhumata feris.
 Quod causâ vincis, vinctes & viribus hostes:
 Stabunt pro castris iusquæ piusquæ tuis.
 O quantos hodie confusæ cedis acervos
 Aspicias! dextrâ funera quanta dabis!
 Euentura cano belli non futilis augur:
 Mentiri haud Superum nuncia lingua potest.
 Ecce tuas volitat circum Victoria turmas,
 Lectaque Idumæis fert tibiserta iugis.
 Dixit, & intorsit furialis robora teli,
 Horret quâ denso crebrior hoste globus.

Proxima

*Proxima Boiugene regis volat hasta per auras :
Cetera ductorem turba imitata ruit.
Exhortantur equos , laxisq₃ feruntur habenis :
Quadrupedum occurrunt pectora pectoribus.
Fulmineum explodunt nitrosa tonitrua plumbum,
Sulphureasq₃ volat Mors comitata pilas.
Dant sonitum colles , refugitq₃ exterritus amnis :
Æther dissultat , concutiturq₃ solum.
At Dux fatifero Boiorum dimicat ense :
Qua ruit , horrescunt obuia corda metu.
Latum limitem agit peditemq₃ equitemq₃ metendo ,
Versaq₃ vulnifico fulmine terga ferit.
Indica sic frendens furit inter ouilia tigris :
Per Libycas equitans sic ruit Auster aquas.
Sic flamma arentes viētrix populatur aristas :
Diluuiem medians sic tumet Ister agris.
Tum verò exoritur clades horrenda cadentium,
Strataq₃ in informi corpora cade natant.
Pars ruere in fatum , pugnaci & pectore mortem
Accipere : incerta pars dare terga fugæ.
Hi fluuium petere , & rapidis se credere lymphis ;
Brachia sed vincit vulnere tarda labor.
Iam terror miseros nigris amplectitur alis,
Et quatit insolitus pectora pulsa timor.*

Iam reboant gemitus morientum, pallida fuso
 Exultatq; virum sanguine Tisiphone.
 Undique sanguineæ strages, & plurima mortis
 Versatur facies: inficit arua cruor.
 Vicit Religio tandem, fusaq; cateruæ
 Sunt vise ad nostros projicere arma pedes.
 Tu quoque, Rex, stares miserandus truncus in aruis,
 Ni leto profugum surripuisset equus.
 Ecce petis Morauas, latebrosa cubilia, siluas,
 Nec, quæ circumstent aspera fata, vides.
 Quò ruis, ô demens? nostris accede triumphis:
 Casareum satius spontè subire iugum.
 Iam tibi prædico exilium, longosq; labores,
 Pauperiem, & nullos per tua regna lares.
 Finibus extorris, Rheniq; expulsus ab amne,
 Quàm mallem, dices, hac cecidisse die!
 O ubi nunc saceri auxilium, classeq; Bataue!
 Fugisti: languet spiritus ille tuus.
 Voverat ille (nefas) sese Capitolia ferro
 Excisurum olim, Romulidumq; decus:
 Ebrius & patrio celebrans conuiuia Baccho
 Sacrarat telis Itala regna suis.
 At Superi oderunt ventosæ praelia linguae:
 Imminet in tumidos numinis ira duces.

Montibus Æmonijs celsos imponite montes,
 Monti parq̃ Mimas, Oromedonq̃, ruant.
 Ægeon validus centeno fulguret ense,
 Porphyrionq̃ fremat, centimanusq̃, Gyas.
 Fulmine deiecti Stygias trudentur ad undas:
 Inuenient Siculis flammea busta iugis.
 Pura triumphatum Pietas ascendit Olympum,
 Et parent humili sidera capta prece.
 Hinc tibi victori, plausu fremituq̃, secundo,
 Fessa malis reserat mœnia Praga triceps.
 Tu sancis leges, inimicaq̃, fœdera rumpis,
 Dux acie, & iusto dux metuende foro.
 Bella gemunt, fractamq̃, fidem, te iudice, fontes:
 Fallaces cohibent vincula ahena viros.
 Licetorem metuunt ausi spreuisse phalanges:
 Armorum peragit stricta securis opus.
 Miles Io ingeminat præcinctus tempora lauro:
 Acer Io ingenti voce triumphæ canit.
 Ante tuos currus fracto Moldavia cornu
 Decolor incedit sanguine tincta suo.
 Fertur summisso, tristiq̃, Bohemia vultu,
 Quas nutrit, passis puluerulenta comis.
 Numina redduntur templis; altaribus ignes,
 Numinibus cultus, turea grana focis.

Primus & ante aras Princeps inducit honores,
 Hostilesq; aptat postibus exuvias,
 Arma fugacis equi, servantia signa cruorem,
 Et de languenti spicula lapsa manu.
 Ingentes pendent hasta, infelicia tela,
 Et frustrata suos scuta cruenta duces.
 Sacra redux celebrat Romanâ in veste sacerdos,
 Edit & arcano verba timenda sona.
 Dein animata Deo delibat munera mense,
 Et, memorans Christi funera corde, litat.
 Monstra fremunt Erebi, Cocytia regna resultant:
 Horrendum Hussitus sibilat ore draco.
 Magnus calicolum plaudens tibi Carolus aulâ,
 Hac secum tacito in pectore versat avus:
 O verè eductam Francorum è stemmate prolem!
 Prælia sunt testes sanguinis ista mei.
 Prosequitur plausu stellantis regia cæli,
 Gaudet & aligerum templa per alta chorus.
 Quare agè præceptis pubes imbuta Latinis,
 Ritè operata Deo munera mente refer.
 Grates Cælitibus, quorum immortalibus armis
 Debetur pulcro parta labore salus.
 Ferdinande, tuo victor letare triumpho:
 Gaude Cæsarcis fascibus aucta domus.

Ficta

*Viſta ſub Auguſtis redijt prouincia virgīs ,
 Externumqꝫ iugum ſe coluiſſe dolet.
 En tua ſyderea veniunt ad clafſica turme :
 En tua calicolūm proſperat arma Pater.
 Non tibi dat metas rerum , non tempora celum ;
 Terrarum imperium ſed ſine fine dedit.
 O benè culta pio cæleſtia ſacra Rodulpho !
 Qualia creuerunt omine regna tuo !
 Exoriens , moriensqꝫ tuas Sol aſpicit undas :
 Auſter , & Arctoi te colit ora ſoli.
 Concinit Auſtriacos Siren Tyrrhena triumphos ,
 Et plaudit fauſtā , cūm tonat , Aetna face.
 Belgica concreto per ſtagna rigentia tergo
 Arma , & plauftra tuus ſtridula miles agit.
 Feta tuis ſceptris alios ſors parturit orbes ,
 Tranſqꝫ fluentiſonum regna dat Oceanum.
 Peruiuos tua iura domant , & Mexicon ingens ,
 Teqꝫ Thyſteaâ Braſili paſta dape.
 India quin aurum , captiuagꝫ cinnama mittit ,
 Memnonij baccas & tibi dona freti.
 Gangaridūm Hiſpane ſunt hoſpita litora puppi ,
 Seruit & Eoæ fertilis ora Goæ.
 Gaude Relligio , ſoboles dilecta Tonanti :
 Ire per Aethiopus ad tua templa licet.*

*Aurora tellus veneranda oracula poscit :
 Sacra niger patrio ture procurat Arabs.
 Occiduis Phlegethon longè detruditur aris ,
 Patagonum luci praeponuere fugam.
 Quà tenet imperium , Romanos Austria mores
 Edocet , & victos ad pia sacra vocat.
 Tu caelo populos , Superi tibi regna rependant ;
 Nec magis es ferro , quàm pietate potens.
 Hac ego magna canam vates tua signa sequendo :
 Gloria det vires , carmine magnus ero.*

A D

GREGORIVM XV.

PONT. MAX.

Bellicos Italiae tumultus pacantem.

P *Roijce tela manu bello furiosa iuuentus :
 Linquite Canomanum Martia castra duces,
 Cornipedisq; leues cesset glomerare recursus
 Lugubri galeae luce timendus eques.
 Romanus vetat arma Pater , Martemq; relegat,
 Sanguineamq; sitim trans pia regna fugat.
 Compescant litui , compescant classica murmur:
 Contentur pacis sola tropaea tuba.*

Deuocat

Deuocat è calo, felicia munera, pacem,
 Qui reſerat cali limina athena Pater.
 Auſonias ſolui decernit in otia gentes:
 Itala pallenti liberat arua metu.
 Druſorum manes, Auguſti nominis umbræ,
 Gaudete: hæc veſtri eſt pompa laboris opus.
 En iterum reduces Capitolia ad alta triumphi;
 Nec tamen hic ullo eſt ſanguine partus honos.
 Alpibus impoſiti Rheti ſenſere tremendis
 Agmine non fracti iura Latina togæ.
 Cernite tranquillos deuoluat ut Abdua fluctus,
 Et Phaëthontæas purior auctet aquas:
 Serius ut torquens per opima noualia curſum
 Roſcida triticeâ cornua cingat ope.
 Larius indigenâ crines umbratus oliuâ
 Splendidior gelidis exerit ora vadis.
 Hunc circum Nymphe, glauci gens humida regni,
 Deſuetos ducunt vda per antra choros.
 Eheu quot ſclerum mærens Inſubria vultus
 Ceperat! heu quantum pertimuiſſe nefas!
 Et ſibi funeſtas acies plebs ægra caneſcit,
 Et cadem, & prædas augure docta metu:
 Ille ſitu turres muris fulcire labantes,
 Et terræ inſoſſas credere auarus opes.

Triftibus

Tristibus excubijs hinc cingere mœnia miles,
 Atque alijs externâ querere sede lares.
 Fataq; præmonuisse Deum crudelia signis,
 Bellaq; narrabant significata polo,
 Cùm triplici Phœbus fulsit mirabilis orbe,
 Pallentiq; diu lumine sparsit humum;
 Cùmq; cateruatim stragem demisit Auerno
 Depopulatrici falce cruenta lues;
 Et viduas passim Cereali munere terras
 Solata est priscis quercus opaca cibus.
 Prodigia hæc trepidum terrebant nuncia vulgus,
 Omnia Gregorius cùm meliora dedit.
 Publica vela regens Mundi, clavumq; ministrans,
 Promisit faustum Nauita puppis iter.
 Extemplo grauidi bellis cecidere fragores:
 Detonuit scopulis: vnda quieuit iners.
 Quàm citò, ubi antennis grati effulsere Lacones,
 Stagna modesta iacent, murmuris aura silet.
 Quàm citò, cùm crepitans lapidoso verberare grando
 Dissicit & vites, & sata leta boum.
 Diffugiunt imbres, mitescunt flamina Cauri,
 Iris ubi roseis æthera tranat equis.
 Gratia multa tibi magnorum maxime Regum:
 Depositis clypeis otia mandus agit.

*Pax ardor Superum, Cæli mitissima proles,
 Omne cum fausto Diua salubris ades.
 Huc ades, atque Padi curru perlabere litus,
 Et tibi casta regat frena pudica Fides.
 Quacumque ingrederis felici Copia cornu
 It comes, & leto in gramine balat ovis.
 Incustoditæ Zephyris agitantur aristæ,
 Et teritur valido sole perusta Ceres.
 Te sequitur Bacchus: per te servantur apricis
 Collibus ad domini musta vehenda lacus.
 Sarcula pace vigent, rubigo amplectitur hastas:
 Cedit ruricolis gloria bobus equi.
 Fas graditur tecum, tibi rident oppida, & vrbes:
 Tu maculosa graui crimina lege domas.
 Iustitiam solio pulsam tu reddis eburno:
 Illius horrendas instruis ense manus.
 Pacatum hinc volitat mutandis mercibus æquor,
 Nec timet à nigris nauta pericla Notis.
 Et tranquilla quies curas ornare recentes
 Gestit, & inuentâ fertilis arte nitet.
 O mortale genus, quid leto in damna ruenti
 Nostra iuuat celeres Marte aperire vias!
 Quis furor est claras lauros nutrire cruore,
 Pectoris ut fossi vulnera nomen emant?*

Cognatis

*Cognatis parcit maculis ieiuna leonum
Ira, nec agnatâ gaudet hyæna dape.
Ecquando tigris gelido batchata Niphate
Parthica turpauit comparis arua nece?
Proh pudor! humana est rabies asperissima ferri:
Humana indomitus seuior ira feris.
Quod si tantus amor cædis corda aspera pulsât,
Desinite in patriæ stringere tela latus.
Thrax vocat Ausonia resides in bella cateruas,
Et poscunt Siculas Bosphora bina rates.
Vos pia busta vocant fædo calcata Tyranno,
Inq, Palestinis sacra litata iugis.
In Scythicas plaustris turmas, pharetraq, potentes
Vulnera sit pulcer figere certa labor.
Aut vos adscensis comitentur præmia Susis
Bellica, odoratis turaq, rapta viris.
Aut vestra in Parthis latetur stragibus hasta,
Matribus Eois hasta gemenda diu.
Ite agite, atque Asia felicia regna triumphis
Lustrate, & capto dicite iura Syro.
Vobisserta dabit florum nutritor Orontes,
Perducat vestras unguine myrrha comas.
Gracia barbaricè seuis onerata catenis
Implorat socias semisepulta manus.*

Oenotrias

Oenotrias classes æstivas Nilus ad undas

Totâ veste vocans pandit in amne sinus.

Se lamiant Orientis opes, sibi disidet ingens

Aurora, inualido sceptrâ tenente duce.

Et fremere insolito prætoria castra tumultu

Vidimus, in Regem pilâq, missa suum.

Ille, velut Boreæ procumbens viribus ornus,

Occidit, & trunco corpore planxit humum.

Discite ab exemplis hostilibus inclÿta facta:

Victima erat nostris hæc ingulanda focus.

Parcite cognatas in bella laceffere gentes:

Sanguinis abstineas, Ansonis ora, tui.

Quod te iam dudum laceras discordibus armis,

Nostra peregrino sub pede colla iacent.

Pauperiem, morbosq, viris lacrymabile bellum

Omne parit, cæcus cum mouet arma furor.

Verum cum lituos inflat ciuilis Enyo,

Ipsa quatit Stygias torua Megæra faces.

Acrior infrenat Mars in certamina currus,

Et peiora illum monstra secuta ruunt.

Hellepontiacos utinam tibi, Roma, triumphos

Ante meos obitus monstret amica dies.

Quâ videam Patris auspicijs turbata Latini

Sacra Arabum; & Latio reddita sceptrâ foro.

Gregorij hoc pietas, hoc auri prodiga poscit
Dextera, & assiduo culta labore fides.
Huius ab auspicijs iam nunc per templa propagans
Religio ante aras sacra pianda docet.
Et Vaticane de culmine creditur arcis
Ægida concutiens tela ciere Deus.
Hec precor eueniant. lauro tunc vinctus ouanti
Tractabo aurata consona plectra lyra.
Conaborq; tuas laudes diffundere in ævum,
Exiguus nostro sit licet ore sonus.
Nec me tardabunt rauca mala murmura lingue,
Quin bellator Io voce triumphæ canam.
Iusserit hoc Clio, mutum genus omne natantum
Edet cycneos per vada salsa modos.
Sic ope Pieridum gelidas trans audiar Alpes,
Trans tepidam Meroën: tu modo Phæbe velis.
Et vincam eternâ clamantem Stentora voce,
Nec mea cum Zephyris verba caduca fluent.
Non me perpetuæ carpent obliuia noctis,
Non omnis moriar: tu modo Phæbe velis.

GREGORIVM XV.

ITERVM LAVDAT
OB TRIVMPHV M PRAGENSEM.

Virtutis legumq; parens, celeberrima regnis,
 Condita septenis Romula terra iugis:
 O Patria eternum felix, fecunda triumphis!
 O bellatorum prole beata virum!
 Tu quamuis gemino solis metuenda sub axe,
 Margine sidereo clausuris urbis opes:
 Mille licet Tuscum Tybris regnator in aquor
 Sceptra triumphali barbara vectet aqua;
 Annibalisq; fuga, & regalia vincla Iugurtha
 Dardanie fuerint pompa cruenta manus:
 Grata tamen lauros ne dedignare recentes,
 Quas tibi de Rhemi litore, Diva, fero.
 Gregorijq; sacros praeingat adorea fasces,
 Quasq; apices terni circumiere comas.
 Tu late horrendo sacrorum numine pollens
 Transcribis iussu perfida regna graui,
 Deturbas solio reges, adimisq; curules,
 Nec falsam populos plaudere voce sinis.

Ecce Palatinus, magnæ te vindice lingua,
 Euerſus regnis præmia digna tulit.
 Conſilijsq; tuis iuſtiſſima Cæſaris ira
 Tranſtulit in Boios regna caduca lares:
 Ille ferox nobis dementes corde ruinas
 Dum parat, à patrijs excidit exul agris.
 Quas tu ſperavi exuias, dedit ipſe Quirino:
 Pendent è noſtris ſigna Bohema tholis.
 Nectantùm Anſonias augent Mauortia prædas
 Tela, ſed & capti, Palladis arma, libri.
 Cæcropias, ſapiens vixit queis Græcia, chartas
 Hoſtibus ereptas Romula cura legit.
 Heidelberga, tuis clareſcet Roma ruinis,
 Dum viuent artes, ingenijsq; decus.
 Tu quondam aduerſas in nos hortata phalanges
 Infandas poteras ære onerare manus.
 Caluinuſq; tuis conſtabat dira cauernis
 Heſura in noſtro tela ferox latere;
 Argiuſq; aciem verborum fraude polibat
 Gorgoneo explorans tincta metalla lacu.
 Non ita Cyclopum, ſi vera eſt fama, camini
 Informant rapido fulminis igne minas.
 Pro re calicolum, pro maiestate Tonantis
 Ictibus horriſeris ſaxa Sicana gemunt:

Miſcuit

*Miscuit & nudus candentia tela Pyracmon
 Centimanum ardenti clara futura nece.
 At tu terrigenis Rheni fabricata sub antra
 In cali exitium tela rotanda dabas,
 Tybridis ô casta pubes operata Minerue
 Gaude Socratica pignore leta domus.
 Hæc tibi sufficiet sternendis hostibus arma ;
 Hinc illis terror , morsq; cruenta venit.
 Quis scit , an & nostris hinc olim excussa lacertis
 Inficiet fusus spicula ab hoste cruor ?
 Petre faue , miles Christi dum prælia tento :
 Et mihi de Petri munere surgit opus.
 In tua monstra feror , Germania feta colubris :
 Et mihi sunt arcus , & mea dextra nocet.
 Vipereos rictus , latrantia colla refringam ,
 Et sparsa pharetra pondere victor ero.
 Interea dulces Phæbi redeamus ad artes :
 Me citharæ imbelles , plectraq; Lyda vocant.
 Rex ô sacrorum tibi plebs , tibi curia plaudet :
 Castalij plaudant per iuga bina chori.
 Et , benefactorum merces , tibi gloria detur ,
 Et memores titulos fama superstes alat.
 I felix , puppiq; sacrâ pete regna per undas ,
 Mercibus Eois perge onerare ratem.*

*Vise pharetratas gaudentes cede Moluccas,
 Hospitibusq; feræ litora Brasilia.
 Trans Indum, & Gangem, nascentis & ultima Solis,
 Cæruleas certo fidere curre vias.
 Xauerus magno ante aras dignatus honore,
 Auspice te, Superum, lintea tuta vocat.
 Legifer ille Euri, Ledaïs clarior astris,
 Ostendet fido lumine puppis iter.
 Crede mari pia lina Pater : iam sternitur unda.
 Pura repercussâ marmora luce nitent.
 Iam non de septem specubus effusa Trionis
 Naufraga tempestas in tua vela ruet.
 Nimbrorum illa olim sedes disiecta tumultu est
 Æolia ingenti, nostraq; iura timet.
 Hostes hinc soliti Cauris immittere habenas,
 Ut quaterent alis aspera dorsa freti.
 Atque indignati turgentia regna tridentis
 Romane inferrent ultima damna trabi.
 Visum aliter Superis : naui, nauisq; Magister
 Post victas hiemes litora tuta tenent.
 Nauita Gregorius nunc regnat, & Æolus idem;
 Hic nouus Hippotades murmura rauca domat.
 Tolle Ithaco mendax frenatas utre procellas
 Clio : Romani est remigis illud opus.*

Hic Vaticanis includit flamina claustris ,
 Et rabiem , & furias prouidus ære ligat.
 Mœnia Pontificum , Diuisq; habitabile bustum ,
 Dædaleisq; minis templa imitata polum :
 Ruræq; Phæacum siluis certantia cultu ,
 Næiædum choreis vdaq; semper humus :
 Porticibus vestris ô qui me sistet & umbris
 Noscere quærentem Graia reperta senum !
 Ut tacitus vulgo reptare incognita Tempe ,
 Et possim vestro rore leuare sitim.
 Hic ego Mopsopij vel ducam pocula mellis ,
 Curyæq; Piræi litoris arua legam.
 Vel cupiens dubias naturæ accedere causas
 Ingrediar Macedum culta Lycea duci.
 Persequar aut tragicum spirantia carmina vatum ,
 Cæiç, Alceiç, aurea pleetra lyra.
 Tunc ego despiciam stultæ mala gaudia mentis ,
 Donaç, gemmiferi despiciam pelagi :
 Quod formidatus vestigat classe Batavus ,
 Quà matutinas Iaua colorat aquas.
 Sardinie segetes , benè olentes fruge Sabæos ,
 Hermum despiciam , despiciamq; Tagum.
 O valeant fasces , spinosaç, purpura Regum :
 O valeant miseri , quos leuis vrget honor.

*Quos vehit ad trabeas ventosis Gloria bigis ,
Pectora quæ surdo verbere ceca ferit.*

*Tu Bellona vale , & vos ô fera bella valete ,
Et Martis furias docta ciere tuba.*

*Alter pila rotet campis , hastasq; coruscet ,
Quà magnus nautis emicat Oarion :*

*Oceani Oarion pedibus qui stagna peragrans
Æquoreis humeros altior extat aquis.*

*At me fallentis carpentem commoda vitæ
Parnassi adspiciat lenis alumna quies.*

*Sic ego Musarum deuectus prapete pennâ
Eripiar populis , & super astra ferar.*

*Maior & inuidiâ per postuma carmina viuam,
Virtutisq; tuæ , Roma , poëta canar.*

NICOLAVS LVDOVISIVS

ISABELLÆ GESVALDÆ

Sponsæ Venusij Principi.

Accipe Trinacrijs è Regibus edita Virgo
Coniugis ingenuâ scripta notata manu.

*Accipe : concessos narrabit epistola amores ,
Sollicitiq; animi nuncia verba feret.*

Non

*Non tot arundineis armantur terga sagittis
Parthica, quot lacero pectore tela gero.
Nec sic ardet ager, ventis æstate coortis,
Pastor ubi flammis pinguibus arua coquit;
Ut mea tabificis torrentur viscera tedis,
Feruidus ut nostrum molle cor vrit Amor.
Vnica tu nostræ causa es pulcerrima curæ,
Vnica tristitiæ fonsq; modusq; meæ.
Vritur omnis amans, sed aperti coniugis ignes
Suscitat, ut vivant, penniger ipse Puer.
Felices, sociæ iungunt quos fœdera dextræ,
Iungit & ad thalami gaudia pacta Venus.
Me tibi connubio puerum data dextera nectit:
Non vacui nectunt frigida regna thori.
Te Campana tenet felicior hospite tanto
Tellus; me inuitum Romula regna tenent.
Heu mihi quàm longè meus à me disidet ignis!
Ignis abest longè, sed ferus ardor adest.
O, utinam optato coràm consumerer æstu,
Explerentq; avidam lumina amata sitim!
Maceror, & nostro non sit medicina dolori;
Acer & in latebris pectoris hæret Amor.
Quid faciam? celerare fugam, sedesq; paternas
Deserere, & fratris limina cara iuuat.*

*At vigilis patrui pia me custodia seruat ,
Quam calum , & terra , fuscaq; regna timent.
Hic mihi discessum optatum , veniamq; roganti ,
Causatus puero multa , negavit iter.
Te tamen inuenio , quamquam his regionibus adsis ,
Blanditijsq; tuis , quâ datur arte , fruor.
Mente agito vultus ad nostra incendia natos ;
Artificis video lumina Amoris opus.
Et meditor flauos crines , & eburnea colla ,
Quiq; , precor , niueos , sint mea prada , sinus.
Cum verò hac meditor , calum contingere plantis ,
Et videor celsi templa habitare Iouis.
At cum te absentem agnosco , mea gaudia cessant ,
Et videor tristi trans Styga puppe rapi.
Solamenq; mali , misero quòd restat amanti ,
Legatos qui te , multa , adiere , rogo.
Quid facias posco , de me quodcumque locuta es ,
Quaq; scio quero , mox repetita peto:
Qui vultus , quàm forma decens , quàm dulcia verba :
An desiderio tu moueare mei:
Num citharæ cordi tibi sint , num Palladis artes :
Saltanti ut soleas molliter ire pede.
Ecquid in antiquam virtutem gloria regum
Te rapiat : quenam sit tibi culta parens :*

Hæc

Hæc tunc sæpè meo reddunt responsa dolori,
 O felix tali vulnere quisquis amat!
 Fulua coma est illi, niueo pulcerrima fulget
 Corpore, & incessu numen & ore patet.
 Illius ex facie contorquet fulmina Cypris;
 Dum loquitur, vernas spargit ab ore rosas.
 Illius in digitis, plectrisq; loquentibus artem
 Musica Phæbei gloria fulget aui.
 Seu choreas ducit, siue est operata Minervæ,
 Ponè illam triplex Gratia subsequitur.
 Et memor illa tui est, & multa interrogat illa
 Te super, & roseo, dum rogat, igne micat.
 Casta pudicitiam mater, sanctosq; penates
 Servat, & in pacto fœdere amare inbet.
 Ipsa genus factis testatur sanguinis heres,
 Atque animi ante alias prima puella nitet.
 Hæc mihi respondent cupientes fallere curam:
 Ast alimenta furens hinc sibi sumit Amor.
 Gliscit in immensum, nec se benè continet æstus,
 Fletibus attenuor, pallor & ora subit.
 Et me cunctarum capiunt fastidia rerum:
 Non pila, non disci, aut flectere ludus equos.
 Non cursus me palma iuvat, pulvisq; palastra:
 Nare per æstivos non mihi cura lacus,

*Quò rudior primos mens non intelligit ignes ,
Sænior in teneram spicula figit Amor.*

*Leditur à primo detrectans taurus aratro ,
Primaq; languescit sub iuga missus amans.*

A te principium nostræ duxere favilla :

Ultima tu curuo es flamma futura seni.

*Per tua tela , arcus , & per tua , lampadas , arma ,
Sic tibi de superis sæpè triumphus eat.*

Parce puer , puero nulla est me gloria victo ;

Parce , sed ut parcas , cuspide lade magis.

O me felicem , hic cinerem si fecerit ardor !

Sit mihi tam pulcro laus in amore mori !

Gratia sit Superis , talis quod gratia forma

Me cepit , cupidis mille petita procis.

Quæ te ex ingenti Ausoniâ matresq; , viriq;

Natorum tædis non cupiere nurum ?

Non tot Dulichij proceres , errante marito ,

Ausi sunt nuptæ sollicitare fidem.

Si te fecisses crudelis præmia pugne ,

Elide nobilior nunc tua terra foret.

Herculei mallent pro te certasse lacerti ,

Teq; dolo aurigæ Phryx rapuisset equis.

Quiq; tulit celeris munus Schœneïda plantæ

Auriferâ mallet te superasse fugâ.

In te laudantur mores , vultusq̃ , genusq̃ ,

Et tibi quas campus dat Venusinus opes.

Sunt quos diuitiæ , sunt quos tua regia tangit ,

Et quæ Lucanis iugera bobus aras.

Me tua forma rapit , non mœnia vatis Horati ,

Et casti mores sunt mihi flamma decens.

Non tamen hic vestros ausim damnare triumphos ,

Maiorum laudes , & benefacta mari.

Te tua , te veterum comitatur gloria : priscos

Appula Normannos regna loquuntur auos.

Exuijs Arabum , pulsus & victor Achivis ,

Robertus patrios auget honore lares.

Illum angustantem cumulatis funerum aceruis

Vidisti ripas , Aufide lente , tuas.

Turbidus & quatiens validam Rogerius hastam

Armata retulit regia sarta coma.

Chalcidicos campos , & rura Typhoidos Aetne ,

Et Capuam hic sceptris pressit , & arua Lami.

Quid memorem Suevas materno è stemmate lauros ,

Fluminibus centum quas pater Ister alit ?

Hac alij iactent dulcis præconia fame :

Tu fulges titulis conspicienda tuis.

Tu mihi deuictis melior prouincia turmis ;

Exuiæ , & reges , tu mihi currus eris.

Ah

Defendat nimios tuus illi spiritus æstus ,
 Illa tuis animis purpurea ora subi.
 Sed caue ne nostris committas oscula labris :
 Attica amatori sit tibi præda satis.
 Campani montes , & formosissima prata ,
 Vxoris niueo pascua tacta pede ,
 O vitinam vestros possem penetrare recessus ,
 Aspicere & Dryadum vestra per antra choros!
 Tecum unâ salices inter , mea vita , iacerem ,
 Tecum unâ in silvis vellem agitare feras.
 Et modo captarem frigus , legeremq; ligustra
 Candida , cælestes implicitura comas.
 Et modo penderem dulci cantantis ab ore ,
 Miratus doctæ carmina auita lyre.
 O quoties , medio cùm Sol altissimus orbe est ,
 Acciperet fessos qualibet umbra duos !
 Non quererem , teneros æstus quòd laderet artus ,
 Fædarentq; meas retia torta manus.
 Vanâ sed æria rapiunt mea voia procellæ :
 Proh dolor ! en silvas , me sine , sola vides.
 Ah saltem capiant te nulla obliuia nostri ,
 Et dicas : Coniux , heu mihi ! fidus abest.
 Cura sit illicibus nostros incidere amores :
 Fac legar in multo cortice scriptus ego.

Hæ tibi sint artes: longum sic falle laborem:

Parce per hos æstus, vita, nocere tibi.

Interea lectis te somnia nostra reducant:

Luminibus nostris umbra benigna veni.

Tunc ego perpetuo vellem languescere somno:

Tunc matutinos odero Solis equos.

Te tamen & vigilans spectabo: perfruar absens

Vultibus optatis, quos mihi cera refert.

Non respondentis simulacraq; vana figuræ

Alloquar, & labris oscula mille dabo.

Felix Pygmalion, signi qui captus amore,

Vota ferens Veneri, viuere vidit ebur.

Nostrum viuut ebur, spirantia membra puella:

En erit, ut possim hoc diues amore frui?

Et fruar, & nostro pones vestigia lecto:

In mea tu venies brachia, dulce caput.

Spes bona, promissis tristes quæ ducis amantes,

Ingredere ô tandem pectora fessa malis.

Tuq; ô decurrens animosa per astra Leonis

Axe moraturas contrahe, Phæbe, faces.

Teq; citò accipiat redeuntem flexibus actis,

Quæ pensat somnos lumine Libra pari.

Tunc molles campi, tunc clementissimus annus,

Qui discessuros carpere suadet iter.

*At tu, sœua Lues, succincta Pauoribus alas,
 Sub patria infandum Tartara conde caput.
 Solue meta Romam, fugiens Saturnia regna:
 Splendeat hîc rōseo lumine pura dies.*

*Tunc, mea lux, venies nostrorum finis amorum,
 Sive velis terris, æquore siue vehi.*

*Ipse tibi faciles undas, ventosq; precabor,
 Nereidumq; regant ut tua lina manus.*

*Aspiciensq; tuam tranquilla per æquora pinum,
 Illa vehit, dicam, numina nostra ratis.*

Non me fallenti tardabit litus arenâ,

*Non breuia alternis stagna refusa vadis,
 Oscula quin tibi dem properata sine ordine multa,
 Oscula amatori trans mare digna rapi.*

At tu Romuleas arces inuecta triumpho,

In Latij venies patrua regna senis.

*Quæ te pompa manet, cùm tu pulcerrima rerum
 Ibis ina iratis per fora plena rotis!*

Dardanij occurrent procures, festaq; caterue:

Templa frement plausu, letitiâq; via.

Aspicies Urbem, victricia mœnia mundi,

Alterna Solis quam tremuere domus.

Hæc legum belliq; parens ora:ula terris

E Vaticano culmine sancta canit.

Hic Patruus dat iura meus, qui fœdere nexos
 Nos iterum iunget per noua sacra manu.
 Hic vir, hic est, italis pacem qui reddidit aruis,
 Nondum tergemino cinctus honore caput.
 At nunc sceptrum tenens, irasq; atque impia bella
 Criminaq; inuicto victa adamante ligat.
 Huius ab auspicijs Diuorum altaria crescunt,
 Templaq; cœlitibus ture vaporat Iber.
 Hic senium emendat legum, & suffragia Patrum:
 Hoc duce per Latium prisca metalla fluunt.
 Non ego ventosus trabeas generisq; tropæa
 Hic refero, ut titulis perfruar ipse meis.
 Mens meliora monet: magna hæc tibi gaudia narro,
 Ut citius stimulis acta ferare nouis.
 Quin te purpureâ redimitus tempora vittâ
 Optatam frater plausibus excipiet.
 Hunc fama est meritis ostrinos vincere honores:
 Fortunam didicit tam benè ferre suam:
 Seu rem Romanam statuit plaudente Senatu,
 Siue rudes papulos Romula sacra docet.
 Hic desueta diu reuocauit ad otia Musas,
 Fraudentur celebri ne sua facta lyrâ.
 Te centum, aut plures tollent ad sidera vates:
 Nam centum, aut plures Tybridis arua colunt.

*En citharas, & plectra citant, thalamisq; precantur
Vt faueat nostris lampade clarus Hymen.
Quid memorem, quæ nostra parat tibi munera mater,
Arabio niteas ut noua nupta mari?
Et claros lapides, Erythræe & germina conchæ,
Quæ peperit Ganges, quæ Comorina Thetis?
Iam tibi depectunt folijs sua vellera Seres,
Et tunicas auri fulgure pingit æcus.
Flammea net paruo fecunda Bononia Rheno,
Optat virginæ quæ sibi vela pudor.
Et viridi zonam variant tibi luce smaragdi,
Quæ tandem est nostrâ dissoluenda manu.
Quare agè, cum mitis patientur frigora brumæ,
Cuparum Euboico litore solue ratem.
Interea pro me tecum mea litera uiuat,
Occupet & partem charta recepta tori.*

A N T I V M,
V E T V S T I S S I M A M
V O L S C O R V M V R B E M,
nunc dirutam celebrat.

O *Qui Tyrrhenum celeri trabe curritis aquor,
Quorum tranquillis vela tument animis;
Ostia seu Tiberis, seu saxa Ligustidis oræ
Linguitis, & Iani mœnia iacta manu:
Sive Dicarcheâ nautæ soluiſtis ab actâ
Puppim, Parthenopes dulcibus aut scopulis:
Sistite velinolum cursum, cohibete fauentes
Auras: vela cadant: parcite remigio.
Cernitis insanâ conſtratum mole profundum,
Spumea quam circum murmure feruet aqua;
Quâ pelagus per saxa furit, fluctuſq; laborat
Deiectum oppoſitas aggeris ire moras?
Hæc quondam celebres teſtantur mœnia portus,
Atque Austri in furias obdita clauſtra mari.
Arripite hæc proris terras: monumenta docebo
Vos veterum priſcis eruta ab historijs.
Non tantum ſanctis inſtructæ legibus vrbes,
Tectaq; diuitijs luxurioſa ſuis*

Mortalem alliciunt pulcra ad spectacula visum,
 Sed placet annoso squalida terra situ.
 Oblectat paupor ipse animum: sunt gaudia curis,
 Et stupuisse iuuat, quem doluisse piget.
 Litore in hoc quondam surgebant diuitis Ant I
 Arces, Volscorum regia celsa patrum.
 Vrbs populis florens, felix & pinguibus aruis,
 Audaces ventis credere docta rates.
 Ausaq; Romanas per bella laceffere turmas,
 Spernere & armati Consulis imperium.
 Volscæ cohors pastos abigens à Tybride tauros,
 Roma; tui quondam militis horror erat.
 Pauperis ô semper memoranda infantia regni,
 Quò se felici sustulit alta gradu!
 Tunc Anio fuerat celeri pro Tigride Romæ,
 Extremiq; hominum Crustumeri, & Gabij.
 Hercyniæ saltus, Cymini vos antra fuistis;
 Nile pater fontes, lympa Velina, tui.
 O quoties Volsci bellum instaurastis, & acres
 O quoties fudit Martia Roma duces!
 Sapiùs impositum regni ceruice rebeli
 Detrectastis onus, seruitiumq; ferox.
 Vicit Roma tamen, Martis iustissima cura,
 Martius & victo iura dedit Latio.

Cum

Cùm mare sanguineo perrumpens Astura fluctu
 Æstibus inuoluit corpora cæsa virum.
 Tristior & fluxit valles Amasenus in imas,
 Inficiens Saturæ stagna cadaueribus.
 Contudit Æquorum nomen, Volscosq; Camillus,
 Moxq; triumphalis Quinctius agricola.
 Antium & equoreas vetuit tractare carinas,
 Et fortunatâ merce onerare rates.
 Robora tunc primùm prorarum, captaq; rostra
 Suggestum Latij composuere fori.
 Anne parùm fuerat fluctus audisse minantes,
 Atque procellosi iurgia rauca fori?
 Heu tempestates Urbis, legumq; tumultus!
 Auditura nouum rostra mare imbuitis.
 Attamen ô gaudete rates, gaudete, Latinum
 Vestras eloquium sustinuisse trabes.
 Chaonia vaturn celebrantur carmine quercus,
 Quod visæ Euro sint concutiente loqui.
 At vos felices, Ciceronem audite loquentem
 Queis datum, & ingenti Cæsaris ore frui!
 Nonne fuit satiùs tantâ mercede domari,
 Atque hæc perfidiæ premia ferre trucis?
 Ast Latium puduit sacras coluisse secures,
 Romulidum & forti subdere colla iugo.

*At vigilis patrui pia me custodia seruat ,
 Quam cælum , & terra , fuscaq; regna timent.
 Hic mihi discessum optatum , veniamq; roganti ,
 Causatus puero multa , negauit iter.
 Te tamen inuenio , quamquam his regionibus adsis ,
 Blanditijsq; tuis , quâ datur arte , fruor.
 Mente agito vultus ad nostra incendia natos ;
 Artificis video lumina Amoris opus.
 Et meditor flauos crines , & eburnea colla ,
 Quiq; , precor , niueos , sint mea prada , sinus.
 Cùm verò hæc meditor , cælum contingere plantis ,
 Et videor celsi templa habitare Iouis.
 At cùm te absentem agnosco , mea gaudia cessant ,
 Et videor tristi trans Styga puppe rapi.
 Solamenq; mali , misero quòd restat amanti ,
 Legatos qui te , multa , adiere , rogo.
 Quid facias poscò , de me quodcumque locuta es ,
 Quæq; scio quero , mox repetita peto:
 Qui vultus , quàm forma decens , quàm dulcia verba:
 An desiderio tu moueare mei:
 Num citharæ cordi tibi sint , num Palladis artes :
 Saltanti ut soleas molliter ire pede.
 Ecquid in antiquam virtutem gloria regum
 Te rapiat : quænam sit tibi culta parens :*

Hæc tunc sæpè meo reddunt responsa dolori,
 O felix tali vulnere quisquis amat!
 Fulua coma est illi, niueo pulcerrima fulget
 Corpore, & incessu numen & ore patet.
 Illius ex facie contorquet fulmina Cypris;
 Dum loquitur, vernas spargit ab ore rosas.
 Illius in digitis, plectrisq; loquentibus artem
 Musica Phæbei gloria fulget aui.
 Seu choreas ducit, siue est operata Mineræ,
 Ponè illam triplex Gratia subsequitur.
 Et memor illa tui est, & multa interrogat illa
 Te super, & roseo, dum rogat, igne micat.
 Casta pudicitiam mater, sanctosq; penates
 Servat, & in pacto fœdere amare iubet.
 Ipsa genus factis testatur sanguinis heres,
 Atque animi ante alias prima puella nitet.
 Hæc mihi respondent cupientes fallere curam:
 Ast alimenta furens hinc sibi sumit Amor.
 Gliscit in immensum, nec se benè continet æstus,
 Fletibus attenuor, pallor & ora subit.
 Et me cunctarum capiunt fastidia rerum:
 Non pila, non disci, aut flectere ludus equos.
 Non cursus me palma iuuat, pulvisq; palaestra:
 Nare per æstiuos non mihi cura lacus,

Quò rudior primos mens non intelligit ignes ,
 Senior in teneram spicula figit Amor.
 Læditur à primo detrectans taurus aratro ,
 Primaq; languescit sub iuga missus amans.
 A te principium nostræ duxere favilla :
 Ultima tu curuo es flamma futura seni.
 Per tua tela , arcus , & per tua , lampadas , arma ,
 Sic tibi de superis sæpè triumphus eat.
 Parce puer , puero nulla est me gloria victo ;
 Parce , sed ut parcas , cuspide lade magis.
 O me felicem , hic cinerem si fecerit ardor !
 Sit mihi tam pulcro laus in amore mori !
 Gratia sit Superis , talis quod gratia forma
 Me cepit , cupidis mille petita procis.
 Quæ te ex ingenti Ausoniâ matresq; , viriq;
 Natorum tædis non cupiere nurum ?
 Non tot Dulichij proceres , errante marito ,
 Ausi sunt nuptæ sollicitare fidem.
 Si te fecisses crudelis præmia pugne ,
 Elide nobilior nunc tua terra foret.
 Herculei mallent pro te certasse lacerti ,
 Teq; dolo aurigæ Phryx rapuisset equis.
 Quiq; tulit celeris munus Schœneïda plantæ
 Auriferâ mallet te superasse fugâ.

In te laudantur mores , vultusq̃ , genusq̃ ,

Et tibi quas campus dat Venusinus opes.

Sunt quos diuitiæ , sunt quos tua regia tangit ,

Et quæ Lucanis iugera bobus aras.

Me tua forma rapit , non mœnia vatis Horati ,

Et casti mores sunt mihi flamma decens.

Non tamen hîc vestros ausim damnare triumphos ,

Maiorum laudes , & benefacta mari.

Te tua , te veterum comitatur gloria : priscos

Appula Normannos regna loquuntur auos.

Exuujs Arabum , pulsus & victor Achivis ,

Robertus patrios auget honore lares.

Illum angustantem cumulatîs funerum aceruis

Vidisti ripas , Auside lente , tuas.

Turbidus & quatiens validam Rogerius hastam

Armata retulit regiaserta comæ.

Chalcidicos campos , & rura Typhoidos Ætne ,

Et Capuam hic sceptris pressit , & arua Lami.

Quid memorem Suevas materno è stemmate lauros ,

Fluminibus centum quas pater Ister alit ?

Hæc alij iactent dulcis præconia fama :

Tu fulges titulis conspicienda tuis.

Tu mihi deuictis melior prouincia turmis ,

Exuuiæ , & reges , tu mihi currus eris.

Ah

*Ah modo sis facilis, neu connubialia differ
Gaudia, & inuisa tædia rumpe mora.*

Sed cur, ut venias, frustrà mea vota laborant?

Non tu causa mora, sed negat annus iter.

Torrida celestis rapidus per brachia Cancrì

Phæbus anhelanti sidere ducit equos;

Atque herbæ sitiunt morientes, & caua siccis

Stagna arent ripis, omnis & aura silet.

Pontinæ halantes canosâ vligine valles

Æstiuam prohibent fæda per arua viam.

Nec tutum Cumas, Circesq; vel Anxuris arces,

Aut Læstrygonium radere puppe salum.

Non benè Campani mutantur Tybride colles:

Hic vitio celi nam furit atra lues.

Corpora grassantes sternunt iuuenilia morbi:

Ignea vis Urbem dat populata neci.

Te seruent potius cognata regna Casertæ,

Neu subeas dubia tanta pericla via.

Me miserum! vellem tibi non suadere, quod aro:

Vt maneat istic attamen ipse precor.

Tutius æstiuos istic perferre vapores

Icarij poteris dum micat ira canis.

Te gelidis foieant Tifata uberrima riuus,

Quà niger umbrosas lucus opacat aquas.

Alci-

Alcinoi superant vestra pomaria silvæ.

Felix qui agricolâ Principe gaudet ager!

Non liquidi desunt fontes, non mollia prata :

Arbor habet frondes, gramine vernat humus.

Quæq; per immensas sunt semina didita terras,

Pandunt insolitas rura per ista comas.

Narcissusq;, crocusq;, & gramina, Solis amores,

Regum & de vario funere surgit honos.

Fama est per vestros errare animalia montes,

Et cicures plumæ versicoloris aues.

Siue igitur pictis rhedâ spatiabere in hortis,

Seu canibus quæres præmia, siue plagis :

Siue pharetrata ritus imitata Dianæ

Torquebis gracili Gnosia tela manu ;

Dent tibi plaudentes argentea lilia Nymphæ,

Et faueant Satyri, Naiadumq; chori.

Adsis nemorumq; Deæ, rurisq; puellæ :

Pulcrior in vestros Cynthia migrat agros.

Spargite humum folijs, manibus date roscida plenis

Serta : fluant fusæ per nemus omne rosæ.

Huic nemora, & saltus, fontesq; recludite pueros.

Vt gelida arentem temperet unda sitim.

Tu quoque de Getico, Borea, celer axe faueto :

Per domina placido flamine curre sinus.

Defendat nimios tuus illi spiritus æstus ,
 Illa tuis animis purpurea ora subi.
 Sed caue ne nostris committas oscula labris :
 Attica amanti sit tibi prada satis.
 Campani montes , & formosissima prata ,
 Vxoris niueo pascua tacta pede ,
 O utinam vestros possem penetrare recessus ,
 Aspicere & Dryadum vestra per antra choros !
 Tecum unà salices inter , mea vita , iacerem ,
 Tecum unà in silvis vellem agitare feras.
 Et modo captarem frigus , legeremq; ligustra
 Candida , caelestes implicitura comas.
 Et modo penderem dulci cantantis ab ore ,
 Miratus doctæ carmina auita lyre.
 O quoties , medio cum Sol altissimus orbe est ,
 Acciperet fessos quælibet umbra duos !
 Non quererer , teneros æstus quod laderet artus ,
 Fœdarentq; meas retia torta manus.
 Vana sed æræ rapiunt mea vota procellæ :
 Proh dolor ! en silvas , me sine , sola vides.
 Ah saltem capiant te nulla obliuia nostri ,
 Et dicas : Coniux , heu mihi ! fidus abest.
 Cura sit illicibus nostros incidere amores :
 Fac legar in multo cortice scriptus ego.

Hæ tibi sint artes: longum sic falle laborem:

Parce per hos æstus, vita, nocere tibi.

Interea lectis te somnia nostra reducant:

Luminibus nostris umbra benigna veni.

Tunc ego perpetuo vellem languescere somno:

Tunc matutinos odero Solis equos.

Te tamen & vigilans spectabo: perfruar absens

Vultibus optatis, quos mihi cera refert.

Non respondentis simulacraq; vana figuræ

Alloquar, & labris oscula mille dabo.

Felix Pygmalion, signi qui captus amore,

Vota ferens Veneri, viuere vidit ebur.

Nostrum viuit ebur, spirantia membra puellæ:

En erit, ut possim hoc diues amore frui?

Et fruar, & nostro pones vestigia lecto:

In mea tu venies brachia, dulce caput.

Spes bona, promissis tristes quæ ducis amantes,

Ingredere ô tandem pectora fessa malis.

Tuq; ô decurrens animosa per astra Leonis

Axe moraturas contrahe, Phæbe, faces.

Teq; citò accipiat redeuntem flexibus actis,

Quæ pensat somnôs lumine Libra pari.

Tunc molles campi, tunc clementissimus annus,

Qui discessuros carpere suadet iter.

*At tu, sœua Lues, succincta Pauoribus alas,
Sub patria infandum Tartara conde caput.
Solue meta Romam, fugiens Saturnia regna:
Splendeat hîc roseo lumine pura dies.
Tunc, mea lux, venies nostrorum finis amorum,
Sive velis terris, æquore sive vehi.
Ipse tibi faciles undas, ventosq; precabor,
Nereïdumq; regant ut tua lina manus.
Aspiciensq; tuam tranquilla per æquora pinum,
Illa vehit, dicam, numina nostra ratis.
Non me fallenti tardabit litus arenâ,
Non breuia alternis stagna refusa vadis,
Oscula quin tibi dem properata sine ordine multa,
Oscula amatori trans mare digna rapi.
At tu Romuleas arces inuecta triumpho,
In Latij venies patria regna senis.
Quæ te pompa manet, cùm tu pulcerrima rerum
Ibis inaeratis per fora plena rotis!
Dardanij occurrent proceres, festeq; caterue:
Templa frement plausu, letitiâq; via.
Aspicies Urbem, victricia mœnia mundi,
Alterna Solis quam tremuere domus.
Hæc legum belliq; parens oracla terris
E Vaticano culmine sancta canit.*

*Hic Patruus dat iura meus, qui fœdere nexos
 Nos iterum iunget per noua sacra manu.
 Hic vir, hic est, italis pacem qui reddidit aruis,
 Nondum tergemino cinctus honore caput.
 At nunc sceptrum tenens, irasq; atque impia bella
 Criminaq; inuicta vincula adamante ligat.
 Huius ab auspicijs Diuorum altaria crescunt,
 Templaq; cœlitibus ture vaporat Iber.
 Hic senium emendat legum, & suffragia Patrum:
 Hoc duce per Latium prisca metalla fluunt.
 Non ego ventosus trabeas generisq; tropæa
 Hic refero, ut titulis perfruar ipse meis.
 Mens meliora monet: magna hæc tibi gaudia narro,
 Ut citius stimulis acta ferare nouis.
 Quin te purpureâ redimitus tempora vittâ
 Optatam frater plausibus excipiet.
 Hunc fama est meritis ostrinos vincere honores:
 Fortunam didicit tam benè ferre suam:
 Seu rem Romanam statuit plaudente Senatu,
 Siue rudes populos Romula sacra docet.
 Hic desueta diu reuocauit ad otia Musas,
 Fraudentur celebri ne sua facta lyra.
 Te centum, aut plures tollent ad sidera vates:
 Nam centum, aut plures Tybridis arua colum.*

*En citharas, & plectra citant, thalamiſq; precantur
Vt faueat noſtris lampade clarus Hymen.
Quid memorem, quæ noſtra parat tibi mûnera mater,
Arabio niteas ut noua nupta mari?
Et claros lapides, Erythræe & germina conchæ,
Quæ peperit Ganges, quæ Comorina Thetis?
Iam tibi depectunt folijs ſua vellera Seres,
Et tunicas auri fulgure pingit acus.
Flaminea net paruo fecunda Bononia Rheno,
Optat virgineus quæ ſibi vela pudor.
Et viridi zonam variant tibi luce ſmaragdi,
Quæ tandem eſt noſtrâ diſſolüenda manu.
Quare agè, cum mitis patientur frigora brumæ,
Cuniarum Euboico litore ſolue ratem.
Intereà pro me tecum mea litera viuat,
Occupet & partem charita recepta tori.*

A N T I V M,
V E T V S T I S S I M A M
V O L S C O R V M V R B E M,
nunc dirutam celebrat.

O *Qui Tyrrhenum celeri trabe curritis equor,
Quorum tranquillis vela tument animis;
Ostia seu Tiberis, seu saxa Ligustidis ora
Linguitis, & Iani mœnia iacta manu:
Sive Dicarcheâ nautæ soluiſtis ab actâ
Puppin, Parthenopes dulcibus aut scopulis:
Sistite veliuolum cursum, cohibete fauentes
Auras: vela cadant: parcite remigio.
Cernitis insanâ conſtratum mole profundum,
Spumea quam circum murmure feruet aqua;
Quâ pelagus per saxa furit, fluctuſq; laborat
Deiectum oppoſitas aggeris ire moras?
Hæc quondam celebres teſtantur mœnia portus,
Atque Austri in furias obdita clauſtra mari.
Arripite hæc proris terras: monumenta docebo
Vos veterum priſcis eruta ab historijs.
Non tantum ſanctis inſtructæ legibus vrbes,
Tectaq; diuitijs luxurioſa ſuis*

*Mortalem alliciunt pulcra ad spectacula visum,
 Sed placet annoso squalida terra situ.
 Oblectat paupor ipse animum: sunt gaudia curis,
 Et stupuisse iuuat, quem doluisse piget.
 Litore in hoc quondam surgebant diuitis Ant
 Arces, Volscorum regia celsa patrum.
 Vrbs populis florens, felix & pinguibus aruis,
 Audaces ventis credere docta rates.
 Ausaq; Romanas per bella laceffere turmas,
 Spernere & armati Consul's imperium.
 Volscæ cohors pastos abigens à Tybride tauros,
 Roma, tui quondam militis horror erat.
 Pauperis ô semper memoranda infantia regni,
 Quò se felici sustulit alta gradu!
 Tunc Anio fuerat celeri pro Tigride Romæ,
 Extremiq; hominum Crustumeri, & Gabij.
 Hercymia saltus, Cymini vos antra fuistis;
 Nile pater fontes, lympa Velina, tui.
 O quoties Volsci bellum instaurastis, & acres
 O quoties fudit Martia Roma duces!
 Sapius impositum regni ceruice rebeli
 Detrectastis onus, seruitiumq; ferox.
 Vicit Roma tamen, Martis iustissima cura,
 Martius & victo iura dedit. Latio.*

Cum

Cum mare sanguineo perrumpens Astura fluctu
Æstibus inuoluit corpora cæsa virum.

Tristior & fluxit valles Amasenus in imas,
Insiciens Saturæ stagna cadaueribus.

Contudit Equorum nomen, Volcosq; Camillus,
Moxq; triumphalis Quinctius agricola.

Antium & æquoreas vetuit tractare carinas,
Et fortunatâ merce onerare rates.

Robora tunc primùm prorarum, captaq; rostra
Suggestum Latij composuere fori.

Anne parùm fuerat fluctus audisse minantes,
Atque procellosi iurgia rauca fori?

Heu tempestates Urbis, legumq; tumultus!
Auditura nouum rostra mare imbuitis.

Attamen ô gaudete rates, gaudete, Latinum
Vestras eloquium sustinuisse trabes.

Chaonia vaturn celebrantur carmine quercus,
Quod visa Euro sint concutiente loqui.

At vos felices, Ciceronem audire loquentem
Quis datum, & ingenti Cæsaris ore frui!

Nonne fuit satiùs tantâ mercede domari,
Atque hæc perfidiæ præmia ferre truci?

Ast Latium puduit sacras coluisse secures,
Romulidum & forti subdere colla iugo.

*Inuidiæ stimulus vrit nos proxima virtus,
Et malè finitimos fœdere iungit amor.*

*Quid fugis ô demens victricia sceptrâ Quirini?
Hoc bellante capi, crede, triumphus erit.*

*Hæc, quæ nunc breuibus spatijs sua regna coërcet,
Hæc bellatorum rustica turba patrum,*

O quàm felici fatarum lege fruetur!

O felix niueis Romulus alitibus!

*Non tantùm Ausoniæ victrix dominabitur omni,
Sed feret imperium trans mare, & Oceanum.*

*Agmina Romanos horrebunt Cimbrica fasces:
Ditabit Latium Cypria præda Iouem.*

*Non Pyrrho virtus, non Pæno proderit astus:
Corruet ante tuos, Roma, Iugurtha pedes.*

*Tu duces currus utroque ab litore ouantes,
Pallidiorq; fluet sub tua Regna Tagus.*

*In Latias aquilas frustra latrabit Anubis,
Cum Ptolomæâ tu potiere Pharo.*

*Ah tandem, Volsci, fatali cedite Romæ:
Cedite, & hostiles ponite mente dolos.*

*Hæc vos excipiet gremio, ciuesq; vocabit
In sceptrum, & socias ducet in arma manus.*

*Hæc vobis pia mater erit: facietis utramque
Vnam animis urbem, coniugisq; sacris.*

Euene-

Euenere : suos huc misit Roma colonos,
 Hostibus & victis ciuica iura dedit.
 Vestraq; marmoreis donauit numina templis,
 Iussit & ornatu cuncta nitere nouo.
 Addidit & turres, & propugnacula muris,
 Signaq; Phidiacæ detulit artis opus.
 Pratulit & Tiberi dilectum Caius Antium;
 Inferre auspicium huc grande, Deosq; parans.
 Quid referam portus, seui monumenta Neronis,
 Et vetitas patrum tundere litas aquas?
 O quantum ante alias Romana potentia gentes
 Viribus egregijs conspicienda nites!
 Hellespontiaco minitantiem vincla profundo
 Xerxem indignatum Græcia risit ouans.
 Id Romæ licuit: potuit nam molibus altè
 Iactis frenatum continuisse mare.
 Indomitum clausit nec tantum carcere pontum,
 Sterneret ut tantum puppibus hospitium;
 Verum ut torpenti piscis securus in undâ
 Luderet, hibernas negligeretq; minas.
 Ingluuias Romana sibi sic prodiga portus
 Struxit, ut insanam pasceret arte gulam.
 Aspicite has rupes, Centaurica saxa: Gigantum
 Dicetis validas hæc statuisse manus.

Nil intentatum diues sollertia linquit :

Stultitiam nimia nam patiuntur opes.

Omnia sed victrix audet superare vetustas ,

Nil mortale diu subtrahiturq; neci.

Eheu Volscorum nil sunt nisi nomina terra !

Heu ubi nunc ades , atriaq; alta iacent ?

Ducti templorum periere ad sidera sumtus :

Pascitur herbosas tarda iuuenca domos.

Perq; theatrales horrenti clade ruinas

Fortis aratra manu curua bubulcus agit.

Qua cantus , mollesq; iocis viguere chorea ,

Ad fontes potum fistula ducit oues.

Magnanimum Heroum insultant armenta sepulcris:

Ossibus illis grandia rastra sonant.

Quid iuuat audaci montes tenuasse securi ?

Umbris antiquum quid spoliasse nemus ?

Quidve Carystaeas optare in fulcra columnas ,

Vt niteat diti fronte operosa domus ?

I nunc , tolle animos , o spissi litoris Antium :

Vrbs meditare tuam semisepulta necem.

Ah miseram ! versa tardaris imagine formae ,

Teq; tuo stratam litore non reperis.

Quis me Fortuna doceat qua nobile templum

Iam steterit priscâ relligione sacrum ?

*Fama est hinc dubijs petijſſe oracula rebus ,
 Et reſponſa domum certa tulijſſe patres.
 Vana ſuperſtitio regnantem credidit olim
 Fortunam , atque illi numen ineſſe Deæ.
 Extaq; taurorum , Nabathæaq; tura profanis
 Reddebant aris , dum ſibi fata rogant.
 Hic multas optabat opes ; aſt alter honores ,
 Stantiaq; in plauſum plena theatra ſuum.
 Hic ſibi velocis poſcebat dona quadrigæ ,
 Præmia Circenſis puluerulenta fugæ.
 Nauta leues auras , mercator lucra petebat :
 Dûrus ſecundi ruris arator opes.
 Sic natum in curas hominum genus , ægraq; mentis
 Somnia , liba tulit numen inane colens.
 Non ego te Superûm , Fortuna , in ſede loco :
 Vota mihi ante aras nec nocitura feram.
 Non ea mens animo : pereat qui diuitis auri
 Pondus amat , vinctum gloria quemq; rapit.
 Sanum poſco animum , virtutis amore calentem ,
 Fortiaq; in vitæ munera membra peto.
 Dum bene ſit capiti , mentis ſedemq; tumultus ,
 Cetera diripiant irrita vota Noti.
 Has mihi non audax vires in prælia poſco ,
 Aduerſa ut ſuperem caſtra timendus eques :*

Totus

Totus & ere nitens fuluo , cristisq^{ue} decorus ,
Scandam veloci mœnia capta pede.

Non ut marmoreos postes miratus adorem ,
Limen & insomni milite sollicitum.

Viscera sint alij Regum , felixq^{ue} vocetur ,
Curarum Princeps cui graue credit onus.

Nil semper reticenda moror , trepidusq^{ue} potentis
Sit procul à nobis pallor amicitie.

Me coluisse sacras Parnassi in vertice Musas ;
Et veterum scriptis inuigilare iuuat.

Hæc fuit , hæc nobis à primâ cura iuuentâ :
Insitus hic nostro pectore feruet amor.

O utinam valeam , corpusq^{ue} fidele labori
Prospera Palladio dent mihi fata seni !

Tum mihi Naturæ libeat cognoscere causas ,
Cur celer obliquum permeet annus iter :

Quam teneant elementa fidem : quæ semina rerum :
Corpora diffusum num per inane volent.

Noscam ego , quæ tellus , & quæ miracula ponti
Salsa fluentisonis occulit vnda vadis.

Herbarum vires discam , succosq^{ue} salubres :
Rimabor ditis fulua metalla soli.

Quæ coeant , vastaq^{ue} iterum fornace liquecant
Artifici lymphâ : cur labefacta fluant

Sulphu-

*Sulphura : fecundumq̃, salem , roremq̃, fugacem ,
 Balsamaq̃, & flores nosse laboris erit.
 Vulcano monstrante viam , flammisq̃, magistris ;
 Experiar clausos rerum aperire sinus.
 Sic ego , sic doctæ traducam tempora vitæ ,
 Si longæua mihi tempora fata dabunt.
 Hei mihi ! quid cupidam mentem spes lætat inanis ,
 Nunciat extremos si mihi Parca dies ?
 Angor iam multos obsessis faucibus annos ,
 Mentis & interpres sanguine lingua tumet.
 Ipse dolor prohibet dulcis commercia vitæ ,
 Elidens rauca , guttura , vocis iter.
 Huc ades ô multo tandem exoptata dolore ,
 Si qua daris nostris , ô medicina , malis !
 Huc venias miserata : tuos modulabor honores ,
 Quæ me naturæ , restituasq̃, mihi.*

G A B R I E L I

C A B R E R Æ.

Æ *Thera Romuleū ut linguam , solemq̃, palistræ ,
 Atque intempesti noxia rura soli ,
 Cabrera , hortaris , calum spondesq̃, salubre ,
 Quæ Zephyri nuxrix intepet ora Ligus.*

Testa-

Testarissq̃, viros, quos iam damnauerat Orco

Atropos horribili falce minata necem,

Pæoniâ fractos curâ, morboq̃, rebeli,

Istic non longâ conualuisse morâ.

Hæc mihi tabentis præbes solatia curâ;

Artibus his miserum, dulcis amice, leuâ.

Desine, iam didici nullam sperare salutem:

Spes mihi vicini funeris una salus.

O ego, ne tali torperent membra dolore,

Quàm malletm aërio in monte rigere lapis!

Stare flagellanti pinúsve obnoxia Cauro,

Aut rupes, vasti quam ferit ira maris.

Felicem Nioben, cuius per viscera sensum

Obtundens fertur diriguissè silex.

Vos quoque populeo flentes sub cortice fratrem

Felices Nymphae, quas alit amne Padus.

Ille ego sum, saxo qui non includor in ullo:

Ille ego, cui misero robora silua negat.

Robora silua neget, ne fiam immobile saxum,

At saltem in cineres ossa minuta ruant.

Quid faciam patriâ demens tellure relictâ?

An puto mutatis posse valere locis?

Mecum causa mali latet hoc in corpore pestis,

Et nisi post letum non abitura lues.

Pectore transfosso Gortynia tela gerenti

Quid ceruo prodest carpere prata fugâ?

Alcida induto feralia munera nuptæ

Nil varij cursus, profueruntq; via.

Sic mihi, sic auso Romanâ excedere sede

Nil dulces inuit deseruisse lares.

Me modò conspexit piscosi litoris Antium;

Me modò Circæi culminis alta domus.

Et Læstrygonios nutrix Aeneia fluctus

Mirata est nostrâ dissiluisse rate.

Non Caieta mihi, non vrbs gratissima Caio,

Aut dedit optatam filia Solis opem.

Vos septem gemini colles, regnata Quirino

Mænia, Tarpeius tu Ioue dignus apex;

Accipite hanc animam: sint hîc mea funera posco,

Et busta accumulet noster auita cinis.

At quondam antiquos inuit liquisse penates,

Et noua per longas querere fata vias.

Ingenium scrobibus mutatis exiit arbor

Siluestre, & decorat latior arua comis.

Quamq; sub umbrosâ cernis languere parvæ,

Gaudet mutato laurea silua solo.

Quid foret Aneas, quid clari nomen Iuli,

Flumina apud Xanthi si genuisset iners?

Illum,

Illum, fumanti postquam discesserat urbe ,
 Per maria errantem septima vidit hiems.
 Tandem dotales Laurentum venit in agros ,
 Gessit & Ausonia sceptrum timenda manu.
 Batto Cyrenas , & Cadmo condere Thebas
 Iuppiter exilijs arua petita dedit.
 Nilus & excipiens longis erroribus actam
 Donauit templis , Inachi , te profugam.
 Me quoque fata vocant alio meliora sub axe :
 Ibimus , ô socij : me quoque fata vocant.
 Vertuntur species mentis , versante dolore ,
 Mensq; breui sensus accipit agra nouos.
 Spes bona , si qua Dea es , virides huc flecte volatus ,
 Et desueta diu numine corda foue.
 Te colit agricola , expectat te compede victus ,
 Votaq; mortalis te duce turba facit.
 Tu quassas reficis puppes , ut nauita remis
 Naufragus impellat , quâ modo nauit , aquar.
 Tu, Dea, post vacuas celesti numine terras ,
 Institueq; fugam , sola moraris humi.
 Diua veni , facilemq; mihi promitte quietem ,
 Neve iterum morbi damna timere velis.
 Longum iter aggredior : date leti candida amici
 Omina : eat dextrâ libera puppis aui.

Lunai ut videam portus, puriq; metalla
Marmoris, & Geticas saxa imitata niues:
Ingaunos, Macramq; inter, Varumq; repostos
Apenninicolas, Tiguliosq; sinus:
Delphini portus, Seggestam, arcemq; Monaci
Scrutaborq; tui, Rutuba, fontis aquas.
Aspiciam Genuam, leti & prætoria ruris
Quæq; decent Superos lucida templa suos.
Hæc Tarteſſiaco pallescunt litora fluctu;
(Aurea nequicquam flumina iactet Iber)
Peruviaq; amnes alieni flumina mundi
Transfugâ ab Oceano rura per ista fluunt.
Lydia, Pactoli, Baccheia munera, arenas
Victa ſile, & ripas, aurifer Herme, tuas.
Dure Ligur, meritoq; animis elate superbis,
Quâ tibi diuitias ſedulus arte paras?
Non tibi ſunt culti colles, non pinguia rura;
Sed clauſtra Alpinis non adeunda iugis.
Difficilis natura negat ſegetesq;, ferasq;
Non negat audaci mente vigere viros.
Hæc trahit ignotas pretioſa in fœdera gentes,
Ceruleaſq; docet currere puppe vias.
Deeſt hîc terra viris, at non Neptunia deſunt
Arua petitura lucra beata rati.

*Scit Cypros vallata mari, scit Taurica tellus,
 Et Ligure epotus milite scit Tanais.
 Testes Alphea Tyrrheno in litore Pise,
 Testis Cynixi prægravis ora sali.
 Ast ego non dites veniam spectator in oras,
 Ut moueant auri lumina capta sitim.
 Non cernam attonitus fulgentia pondera massæ,
 Quæ mittit terris Hispalis Ausonjæ.
 Sat Fortuna dedit census sine fraude parati:
 Afluat infelix, qui potiora cupit.
 Ingenium, Cabrera, tuum mihi carius auro,
 Atque erit eloquij plurima vena Tagus.
 Quando erit, ut liceat tecum consumere soles?
 Quando erit, ut docto pendulus ore fruam?
 Vnâ aderit mecum Phocæo iunctus amore
 Ciampolus; ille tuæ cultor amicitie.
 O qui complexus, quæ mutua gaudia nobis,
 Et sermo in sicco litore qualis erit!
 Interdum celeri rapient nos effeda cursu;
 Tres modò cantantes picta carina vehet.
 Tunc mea se duplici iactabit Arione puppis,
 Non Siculâ puppis fallere docta fide.
 Cumq; mihi geminos vates audire licebit,
 Parnasi geminum me ad iuga sistet iter.*

Teq̃, tenens dextrâ versus, Cabrera, canentem

Hæc Clario dicam verba docente Deo:

O quàm felici modularis carmina cantu,

Quàmq̃ lyra docto verbere fila moues!

Otia quærenti fulsit tibi dexter Apollo,

Atque omnes haustus ex Helicone dedit.

Cui tantum fauere Deæ? canit ecce cruentus

Pralia Meonides; sed caret ille lyrâ.

Alceus Reges citharâ, non cantat amores:

Est tantum Sapphus carmine dictus Amor.

Pindarus Aoniæ celebris testudinis arte

Abstinet heroâ concinere arma tubâ.

Et Veneris domina si lusit Teius ignes,

Mimnermusq̃ iocans, gaudia sola canunt.

Omnia tu misces, & quæ diuersa placebant,

Colligis, ô verè candide Cycne Ligur.

Ausus es Ismeni primus recludere fontes;

Lesbia neētarea plectra ciere chelys.

Qui Methymnææ tentasti fulmina lingua,

Et Cæi lacrymas, Stesichoriq̃ minas.

Si Florentinam circumdas mœnibus urbem;

Non Amphionios inuidet illa modos.

Narseti Gothos cogis dare terga sequenti,

Odrysiâq̃ lenas obsidione Rhodon.

Salve sancte senex, Bacchi, Phœbiqꝫ sacerdos :

Numinibus salve maxima cura novem.

Per te Graiorum libris tumefacta superbit,

Et certat Latij's Itala Musa choris.

Sabbatiæ gaudete arces, gratissima celo

Mœnia, felici prole verenda virum.

Et quamquam egregium terris aluistis Iulum,

Indaqꝫ sunt vestræ litora dona ratis;

Vltima non vobis accedet gloria vates,

Igneæ qui vestrum nomen ad astra tulit.

Appulit ignotis oris si classe Columbus,

Hunc ad calicolum limina fama rapit.

FVLVIO TESTIO.

*Queritur, se loquendi vsum
morbo amisisse.*

V*ox animi interpres, secunda nuntia mentis,
Quo fugis? an semper labra silere iubes?*

Tu dulci oblectas mortalia pectora cantu,

Efferaqꝫ unanimi fœdere corda ligas.

Tu plectri citharaqꝫ comes; tibi carmina cura,

Quæqꝫ colit soccus, quæqꝫ cothurnus amat.

Te stupet undantis moderantem frena theatri
 Vulgus, & iratum sub tua iura venit :
 Pactaq; sunt tenero per te commercia mundo,
 Cùm poterat quernum nos aluisse nemus.
 Quò fugis, & nullâ linquis te voce vocantem?
 Non voco, sed lacrymæ pondera vocis habent.
 Inter anhelantis suspiria pectoris, ægros
 Heu quos elicio rauca per ora sonos!
 Edere luctamur sterili reuoluta palato;
 Sed singultanti murmure verba cadunt.
 Non secus optato per credita membra sopori,
 Cùm serpit dulcis nocte fauente quies,
 Velle loqui, & vanis conatibus ora videmur
 Soluere; sed solito lingua vigore caret.
 Sape meas odi voces, sonitumq; tremisco,
 Cogor & ipse meis auribus esse grauis.
 Mugitus timuisse suos sic creditur Io,
 Turpia dum mærens induit ora bouis.
 O quoties conata queri tibi inutilis hæsit
 Lingua, nec humanos reddidit ore modos!
 Inachidas quoties auxisti fletibus undas
 Ingrati plorans impia furta Iouis!
 Frondibus hirsutis & amarâ carice pastæ
 Pocula limosis stagna fuere vadis.

Sapiùs exhibuit decerptas Inachus herbas ;

Ast illa est patrias lambere visa manus.

Felices, quoscumq; malis Fortuna laceßit ,

Nec sua per fletus damna referre vetat !

O fortunati vos prata per Asia cynci ,

Dulciùs extremo queis datur ore queri!

Condita siluarum latebris felicior Echo ,

Cuius post cineres vox rediuiua viget.

Me dolor aßiduus vicino funere terret ,

Nec patet ad questus libera facta via.

Testari fremitu docuit natura dolores :

Solari curas hac iubet arte graues.

Audi , mugitu quo verberet aëra taurus

Ictus , ubi tepidam sanguine tingit humum.

Quin leo per Nomadum siluas fremit ore cruento,

Si fodit Libyci militis hasta latus.

Et gemitu tigris montes saltusq; fatigat ,

Ventris cui rapuit pignora Parthus eques.

Aique ubi captiuis venere in retia pennis,

Emittunt querulo gutture murmur aues.

Nec tantum exclamant viuenti prædita sensu ;

Sed viduata animâ corpora pulsa fremunt.

Dant percussa sonum vibratâ ligna securi :

Stridet, dum cuneis fissile robur hiat.

Et stipulae crepitant campis, si incendia regnant,
 Obstrepit & rapidis laurus adusta focus.
 Aspice, quo sonitu feruentia litora plangant,
 Spiritus Eurorum cum ferus urget aquas.
 Septa quoque nimborum rutilus si diuidit ignis,
 Murmure terrifico nubila fracta tonant.
 Omnia muta sonos edunt, soli quoque negauit
 Sors mihi communi munere posse frui.
 Me miserum! quantus de vertice profluit humor!
 In fauces quanto gurgite lingua madet!
 Spiramenta animae nimium turgentia torpent,
 Sermoni quoque fluens obstruit humor iter.
 Haud aliter citharae languent, nerui quoque loquaces,
 Cogit ubi pluuias Auster opacus aquas.
 Cordis anhelanti reboant penetralia tussi,
 Pectoris & crates dissiluisse timent.
 Quid me adeo spirare vetas, seuissima tabes?
 Cur feruens animae claustra repulsa quatis?
 Hei mihi! dum scribo, morbi solatia, versus,
 Quam valido thorax impete concutitur!
 Mitiùs incudem Cyclopium brachia tundunt,
 Quam vomit ex scopulis Sicelis Aetna faces.
 Mitiùs aduersas miles ferit ariete turres,
 Et graue balistae mœnia quassat onus.

Opprimet hanc animam rabidi violentia morbi :

O utinam Dii me falsa timere velint !

Non letum timeo, genus hoc sed lugubre leti ;

Et doleo taciti tædia ferre mali.

Odrysiâ raptor postquam tibi forcipe linguam

Abstulit, & stabulis, ô Philomela, lates ;

Sapè optasse mori, palmasq, ad sidera tendens

Diceris id summos sapè rogasse Deos.

Ah virgo infelix, pellex incesta sororis !

O nimium sæuo credita forma viro !

Hæcine, crudelis, pro virginitate reponis

Ereptâ, tragici præmia concubitus ?

Tempus erit, Tereu, cùm te peccasse pigebit,

Oderis & sæuâ gaudia rapta manu.

Indicium sceleris, tua crimina, tela fatetur :

Ingenium miseris suggerit arte dolor.

En gæstet patrijs epulandum apponere mensis

Insontem furij percita mater Ityn.

Tu nati condes viuenti viscera busto ;

Mox tua per siluas fata dolebis Epops.

Exultat cedes inter Philomela, parenti

Ostentans nati sanguinolenta caput.

Euasti tandem furias, gladiumq, tyranni :

Vidisti plumâ prapete membra tegi.

At nunc per lucos iniusta silentia linguae
Questibus argutis blanda rependit aus.
Quos nunc ore modos nemoris dulcissima Siren
Concinit? exiguo in gutture quale melos?
Interdum voces per rostra loquacia torquet;
Sibila nunc casâ garrulitate rotat.
Et modo crisspanti modulatu turbinat ictus;
Secum visa loqui nunc taciturna gemit.
Personat omne nemus, per frondea tecta querelas
Mirantur Nymphae, capripedesq; Dei.
Non mea me post fata manet facundia linguae;
Non iterum dulci garrulus ore fruar.
Prô citharæ custos, & carminis auctor Apollo!
Prô mea Pierides numina sacra Deæ!
Reddite poscentis felicia murmura labris,
Demite quæ cogunt ora silere moras.
Vos regitis cantus, vos torrens copia fandi,
Et celebrata iuuant libera verba choris.
Quid faciam, surdas præbet si Delius aures,
Nec mea Castaliâ labra leuantur ope?
Carmina iam valeant Musâ meditata sinistra;
Cum domino valeat iussa tacere chelys.
Ausonij Vates, & concita pectora thyrsos,
Ausonij, Lycio nomina grata Deo;

Ausonij nostras soliti laudare Camænas.

Desinite ad cantus turba venire meos.

Tu verò ante alios frustra mea carmina quæras,

O FVLVI, Mutinæ gloria magna tue.

Tibia te, cantusq̃, decent: mihi plectræ tacenti

Hic paries, mutam sustineatq̃, lyram.

Non tibi sunt tristes curæ, letusq̃, iuuentæ

Purpureæ vernas stat vigor ante genas.

Et tibi nascenti iucundo lumine Phœbus

Annuït, & flauis Calliopeia comis.

Felix, seu dulces molli fide flebis amores,

Seu grauis heroas flumine fundis opes.

Tu tunc festiuus periuria ludis amantiũ,

Et iacta ad surdas ebria verba fôres.

Tu centum ludos, & dulcia prœlia mîsces,

Haustaq̃, de mensis libera vina refers;

Vtq̃, ferens hiemes, ventosaq̃, iurgia celi

In nudâ recubet durus amator humo.

Auguror: hoc miseros cantu solabitur ignes

Expectans lentum mœsta puella virum;

Inueniensq̃, suas referentiâ carmina flammæ

Immoritura labris oscula longa dabit.

Huc varios flores, huc blandi veris honores

Ferte citi iuuenes, Italidesq̃, nurus.

Blanditi

Blanditi vestro date florea ferta poetæ :
 Cingite ridenti tempora docta rosâ.
 At Venus Idalio plaudens te cernet ab axe ,
 Ambrosioq; tuum rore rigabit opus.

Relictâ Vibe cupit rus secedere.

E Geriæ valles , mitiq; habitata Dianæ
 Pura Thoantæi nescia silua sacri ;
 Vosq; lacus Triniæ dites Nemorensibus undis ;
 Aneadum sedes , Lauiniumq; meum ;
 Confectum curis , & longâ tabe dolorum
 Accipite , & patrijs sistite me laribus.
 Irrita Pæoniæ post tentamenta medelæ
 Huc libet ægrotos nunc mihi ferre pedes.
 Romulææ valeant arces , mediciq; valete ,
 Quorum sæpè malo sedula cura fauet.
 Desinite herbarum tandem , tristiſq; veneni
 Ferte procul durâ pocula tincta manu.
 Me nemora , & saltus camporum , aureq; patentes ,
 Et trepidans riuo garrula lympha manent.
 Prata mouent animum viridantia gramine leto ,
 Et qui per sultant pinguia rurâ greges.
 O mihi sola quies , colles saluete Latini !
 Saluete ; ô fratris regna vetusta mei!

Sternite

Sternite iter , gradimur dum vestra per otia dia,
 Mollius, atque auibus dulcius arua sonent.
 Quàm iuuat annosos luci penetrare recessus,
 Notaq; ab historijs hæc celebrare loca!
 Hæc tophis laqueata cauis, & pumice viuo
 Antra pius fertur iam coluisse Numa.
 Collis Aricini cultrix pulcerrima Nympha
 Consilium huic olim, coniugiumq; fuit:
 Hæc duce Pompilius bellantem terruit urbem:
 Hinc habuit patrios rustica turba Deos.
 Martis opus, pilis gaudebat Roma cruentis,
 Romula crispabat bellicus arma furor.
 Et fuerant seuas Mauortia pectora in iras
 Prona nimis, solas tunc meditata neces.
 Mollijt hæc aris regnans lucisq; sacratis
 Religio, vt possent legibus arma regi.
 Hinc vitta, hinc fruges, hinc maxima victima taurus,
 Farraq; turicremis vinaq; sparsa focis.
 Tandem, sanguineâ discors quæ cade fremebat,
 Palluit in patrijs pendula Roma sacris.
 Nescia mens hominum! quæ te ludibria versant?
 Quid nos terrificâ fabula fraude ligat?
 Quem non vera tenent, mendacia ficta coërcent;
 Et simulacra timet, quæ sibi quisq; parit.

*Per pecudum fibras , præfagi & fulminis ictus ,
(Heu miseri !) surdos consulere Deos.*

*Nuntia velocis seruabant omina penna ,
Cantibus & scauis quid docuisset auis.*

*Templorum ambiguo monitu , dubiaq; Sibyllæ
Carminè credebant fata furente cani.*

*Dicite , si Diui nolunt ventura latere ,
Non intellecti cur voluere loqui ?*

*Falsa tamen Regis potuerunt dicta Sabini
Romulidum ingenium perdomuisse ferox.*

*Nullaq; dein fertur Romanâ sanctius umquam
Numinibus supplex gens operata suis.*

*Vester honos , Latij : vestra est ea gloria , silua:
Horruit hoc victrix credula Roma nemus.*

*Has etiam Hippolytum fama est latuisse per oras ,
Cui neuit duplici stamina Parca colu.*

*Ille , nouercales rigidus cum sperneret ignes ,
Sanctâ timens patrij soluere iura tori ;*

*Iniusta aternum dolituro victima patri
Occidit attonitis dilaceratus equis.*

*Offa Corinthiacos iacuerunt sparsa per agros :
Innocuo rubuit sanguine utrumque mare.*

*At non hoc meriti funus miserata Diana ,
Cui curæ intacta est virginitatis amor.*

*Arte Coronidæ iuuenem reuocauit ab Orco
 Siccantem infernis vûlnera dira vadis.
 Reddidit illa decus formæ felicibus herbis ,
 Luminibus geminas restituitq; faces.
 Quis mihi quærenti, quis nunc ea gramina monstrat?
 O utinam in vestris collibus ista legam !
 Germina, quæ reserent adamantina limina Ditis,
 Non posco , aut mortis vincere regna paro :
 Gutturis obseßi longos sedare dolores
 Sat quæcumque mihi blanda medela potest.
 Adsis Phæbigena : hæc facilis labor ora mederi,
 Ne te fulminei terreat ignis aui.
 Seruat fida tui vates tutela parentis :
 Tu quoque iam vates officiosus ama.
 Huc medicas adhibeto manus, tetrumq; cruorem
 Aufer, quo fauces , scabraq; lingua tumet.
 Spiramenta animæ , vocis liquidissima plectra
 En aperi , & septas tu mihi pande vias.
 Latitiâ , plausuq; fremens tunc carmina dicam,
 Cùm linguâ potero liberiore frui.
 Nil pulsare placet viduas sine carmine chordas :
 Vox miscet citharæ non benè rauca sonos.
 Quid queror infelix ? quæ mentem insania ludit ?
 En rursus medicæ poscimus artis opem.*

In malè tentatos iterum cur mittimur vsus?

Ah pereant , succos , gramina quicq̃ colunt !

Nulla venenorum sitis est : discedite tristes

Curarum stimuli , diffugite ex animo.

Fallere sæpè iuuat , sed non memorare labores ,

Ægragq̃ mens ægri corporis auget onus.

Quin potiùs læti patriæ succedimus arci ,

Quà iuga celsa tuum , Cynthia , nomen habent?

Hæc mecum ascensu dulces superetis amici :

Ante alios nobis , Ciampole doctæ , faue.

Pone graues Musas , vigilataq̃ mente profundâ

Italia Pindaricis carmina texta modis.

Tuq̃ ades , ô cantu gaudens , fidibusq̃ , Canali

Franciscæ , æternæ cultor amicitiaë ;

Grande Sabinorum columnen , fontisq̃ Velini ,

Huc age cum plectro , carminibusq̃ , veni.

Néve hîc potandi certamen mite recuses :

Respicit hos toto numine Bacchus agros.

Pocula Romanis sunt hæc gratissima cœnis :

Albani assurgunt vitibus hisce cadi.

Nequicquam his certent prælis elisa Faliscis ,

Tuscaq̃ , quæ viridi nectare musta nitent.

Illaudata fluent firmissima vina Falerni ;

Seu Sinuessæ dabit , seu Tritolinus ager.

*Palmite sulphurei cedant lacrymata Veseni,
 Atque Syracosij feruidiora lacus.
 Hæc generosa recens odit doctrina palati,
 Quæ possunt trepidos implicuisse pedes.
 Ridentur veterum fumi, seruataq; cellis
 Testa diu, & lentâ dolia tinctâ pice.
 Quare agite ô lati, vernarum turba, ministri,
 Dulcia non parcâ fundite vina manu.
 O quàm incundo violas imitantur odore!
 Quàm vincunt flauo lumine chrysolitos!
 Naribus ista placent, oculis spectacula præbent,
 Et dant arenti gaudia grata gula.
 Ciampole, quid cessas pateram committere venis?
 Proposuit siccis omnia dura Deus.
 Hæc mihi lux atros pellet de corpore morbos:
 Largius ô cyatho, tu puer, adde merum.
 Pura fauent nobis Aquilonis flamina clari:
 Peruellunt linguam pocula acuta gelu.
 Me quoque me vultis Lenæo tingere, amici:
 Non nego: nostra capax proluat ora calix.
 Maphæi nomen sed quisq; ad pocula festa
 Dicat Io! & mensis hunc adhibite Deum.
 Quamuis Socraticâ pectus ditauerit arte,
 Purpureosq; inter splendeat ille Patres;*

Non

Non hæc despiciet liberrima vota precantum ,

Quæ fundit multo mens reſerata mero.

Adſis, Bacche, tuis hilarans conuiuia donis ,

Fefſi pax animi , lætitiæq; dator.

Sic teneræ viduas vites ducantur ad vltimos :

Sic autumnali turgeat vua ſinu.

Sic non vrantur torrenti ſole racemi :

Det pœnam admorſâ ſic tibi ſtirpe caper.

Et tua ſectentur veſtigia marcida ſemper

Capripedes Panes , Baſſaridumq; cohors.

Adſis , virgineoſq; fauens hîc exere vultus ,

Quaſſans pampineo vertice cæſariem.

Quacumq; ingrederis , dulcis comitatur euntem

Te Furor , & Somnus languidiore gradu.

Me miſerum ! accipio nullos heu pectore ſomnos !

Longa mihi gemitu nox vigilanda venit.

Quòd ſi , Bacche, tuo libato munere , nobis

Clauserit optatus lumina feſſa ſopor ;

Dicam ego Threiciꝝ crudelia fata Lycurgi ;

Squamigeros nautas , pampineamq; ratem ;

Litora Pæctoli fuluis radiantia venis ,

Diuitias miſeras , impia vota Mide ,

Auroramq; triumphatam , Parthoſq; ſubaçtos ;

Medica thyrfigeris agmina fuſa choris ;

Υ

Tigridis

*Tigridis exuvias , maculosaq; tergora lyncum ;
Oedipodionij membra cruenta ducis.*

Bacciferos edera semper viridantis honores ,

Lapsaq; de quercu splendida mella canam.

Tu puer aeternus , Bromius , Nyseus , & Euan:

Bis genitus , thyrso tu metuende graui.

Ara tibi Satyri , lasciuasq; tympana pulsan ,

Stridet & attritis Faunus arundinibus.

Per te Gnosiacis nox aurea fulgurat astris :

Vipera plaudenti sibilat ore tibi.

Ipse , Giganteo fremieret cum terra tumultu ,

Rhætum strauisti dente leonis humi.

Hæc ego non humili meditabor carmina cantu :

Sollicitum somno tu modo vince caput.

CYNTHIO CLEMENTIO

ARCHIATRO ROMANO,

Cum vocis usum recuperasset.

D*Icamus bona verba: animū iam verba sequūtur.*

Cur taceam surdam flebilis ante lyram?

En libet , en dulces imo de pectore cantus

Fundere : non renuunt ora reclusa loqui.

Vox mihi muta diu , vox longi causa doloris ,

Venisti tandem , vox mihi muta diu.

O & singultu, ô & quæsitæ querelis!

Nunc te felici garrulus ore fruor.

Fallor? an has simulant ludentia somnia voces,

Quæq; cupit vigilans, mens mihi nocte parit?

Sed fruor, & liber voces linguamq; resoluo,

Attonitus monstros dum rata vota nego.

Ite procul questus: comitis hîc Musa capillis

Adsit, & in niueis lata triumphet equis.

Nunc tempus faustis pulsare Heliconæ Camænis:

Nunc redimire nouo tempora flore iuuat.

At te, magne, canam Clario dilectæ magistro

Cynthiæ, Phæbeo nomine, & arte potens.

Cum tua vel mutis donent miracula vocem,

Vocalis citharæ præmia grata feres.

Per te hausi cælum moriens, mentemq; recepi:

Pectoris arcta patet, te reserante, via.

Ergo Castaliæ quodcumque è pectore riui

Fluxerit, in laudes effluet omne tuas.

St mihi Pæonijs implesti pharmaca succis,

Mella ministravit si miserata manus;

Nos tibi Musæo flauentia pocula melle,

Et Charitum puro pingui lacte damus.

Hæc bibe, quæ nentum Parcarum fila morantur,

Pocula, Lethæo non temeranda lacu.

Tu domitor Fati, Pataraâ nobilis arte,
 Eripis è struêto funera mæsta rogo.
 Tuq; potestates herbarum, tuq; metalla
 Chymica, tu miris pharmaca cocta focis ●
 Nouisti, priscis quæ quamquam ignota magistris
 Mortem expectantium corpora fessa leuant.
 Cùm mihi tabentes macies exederat artus,
 Cùmq; scèrè tenui corpore nullus eram;
 Iam tum spondebas dulcis mihi lumina vite,
 Gutturè ab obsessò libera verba fore.
 Nec mora: sulphureis medicatis viribus offas
 Artifici nobis sedulus igne paras.
 Hæ mihi mandenti latebras pulmonis anheli
 Fouère, & lentâ tabida membra lue.
 Hinc validi ardentis flores rediere iuuenta,
 Squalidaq; afflauit pristinus ora color.
 Sulphura, ceruleis fulgentia sulphura flammis,
 Quando ego vos merito laudis honore canam?
 Vos tonitru terras, calum vos omne cietis,
 Fulminibusq; Iouis semina magna datis,
 Cùm pater ingenti combusta Ceraunia telo
 Dejctit, & fracto culmine vertit Athon.
 Per vos exundant inimicis ignibus arces,
 Terrifico sonitu Martiaq; æra tonant.

Balneâ quæq; fluunt tristes pellentia morbos
Gignitis : hic vestro truditur igne lapis.
Intepet inde Aponus , medicisq; salutifer undis
Stagna Dicarchæus feruida sudat ager.
Quin etiam vester magnæ per viscera matris
Spiritus ignescens cruda metalla coquit.
Fulgurat hinc aurum , atque argenti flumina viui,
Vulnificusq; chalybs irriguo amne riget.
Quid maiora sequar ? vos & primordia rebus
Acri sufficitis sulphura mixta sali.
Quiq; fuit voluens tenuis se fluctus odorum ,
Perpetuas vestro sumit ab igne dapes.
Quid memorem, Enceladi viuax post fulmina corpus
Ardua sulphureis ut premat Ætina iugis?
Et Iouis Inarime iussis imposta Typhæo
Quanta rotet scopulis sulphura glauca cauis?
Sulphur ouans pœnas fractâ de gente Gigantum
Sumsit , & hoc cælum vindice regna tenet.
Nec non lustrali purgari sulphure fontes.
Relligio antiquis credita fertur auis.
Actoriden , Peleu; sic Pelea soluis , Acaste ;
Amphiaraidis sic , Acheloë , nefas.
Sic ego , sic puro lustratus pectore tandem
Carmina lætitiâ fausta docente cano.

Adsitis Musæ, medicina talis & artis

Vosq̃ repertori mollia sarta date.

Ah! gemat, antiquis si quis tantum adstupet annis,

Spernit & ætatis diæ reperta nouæ.

Omnia non potuit prudens reperire vetustas,

Atque alia ex alijs extudit arte dies.

Phæbigenæ cæptis potuit præcepta Melampus

Addere, Phylliridis multaq̃ cura dedit.

Vlceribus tetræ natiui graminis herba,

Vulneribusq̃ cauis prima medela fuit.

Mox & morborum tristes extinguere pestes

Inuentum est ausis, inclyte Coë, tuis.

Non adeo effeta est hominum experientia sollers,

Vt noua non possit cudere sæpè labor.

Ni noua tentasset Tyrrhena per æquora Amalphis,

Magnetum haud regeret nautica vela lapis.

Huius at auxilijs olim cantata poëtis

Ridetur veterum gloria parta mari.

Arctos nunc propior nobis, nec iam ultima Thule est:

Iam facilis lustrat nauita Solis iter.

Extra hominum, famæq̃ vias tentare reposita

Ausus es audaci litora puppe, Ligur.

Garrula cede noui tua sidera puppibus, Argo,

Neu Regum iactes ad tua transtra manus.

Tristitia

*Tristia iunguntur veteris diuortia mundi,
Naturæq; patent, quæ latuere sacra.
Nascentem populis licuit te, Nile, videre,
Et scit cui tantas debeat orbis aquas.
Novimus, æstinæ fecunda licentia lymphæ
Solstitijs hiemes cur ferat amne suas:
Zona rubens nimis non torreat æstibus Indos.
Illic perpetuò rore virescit humus.
Non Eous ager pluuiali supplicet unda:
Indica continuis imbribus arua madent.
Hæc Zephyri alarum plausu loca feruida mulcent,
Mitis ubi halantes Euris alit segetes.
Taprobane testis, testes freta sparsa Moluccis,
Ora Helenæ insignis nomine testis erit.
Arnaq; quæ Ganges auratâ pinguis arenâ
Egerit in dominum fulua tributa mare.
Quid, quòd & Arctoi laxantur claustra profundî,
Quæ fluctu, & ventis æquora dura carent.
Dilectæ Thetidi Belgarum stantia naues
Marmora sulcarunt non adeunda rate.
Illic, ut perhibent, torpescit frigore pontus,
Atque intempestus stat sine luce dies.
Hic rerum finis, chaos hic, atque ultima mundi
Natura hoc tristi limite fessa riget.*

Vela Batava sequi haud potuit Phœbeia lampas:

Omnia ceca illic : omnia tristè silent.

Informes phocas incano corpore turpes.

Vidère, atque ursos, quos alit Vrsa gelu.

Quàm sepe optarunt ventorum prœlia nautæ,

Perq̃, procellosum pandere vela fretum,

Excuterent tandem sese ut torpentibus undis !

Edocet ire recens in nova vota timor.

Indomito tandem regnans in pectore virtus

Vicit concreti sæua pericla sali.

Ite animæ egregiæ, fortunatæq̃, laborum,

Ite in fata alacres, quò nova fama vocat.

Ite citæ, & vestras meditando exponite vires,

Quà veterum nullo semita trita pede est.

Gloria multa manet. Quis te, Galilæe, silebit ?

Longa tibi in chartis regna futura cano.

Non tantum radio veterum describere cælum,

Sed vitro es superas ausus inire domos ;

Perq̃, novas artes tradis nova sidera mundo,

Non Ptolemæeis sidera nota libris.

Pleiadumq̃, Hyadumq̃, choros sine nube videmus,

Et tua per cælum splendida damna, Venus.

Vidimus, ignoto quondam quæ lacte nitebat,

Stellarum spissâ luce coire viam.

Admo-

*Admouisti oculis nostros fugientia visus
 Per varios obitus astra secuta Iouem.
 Medicea Heroum soboles, cape leta triumphum:
 Astris insereris, concilioq; Iouis.
 Ipse etiam nigrâ tinctum ferrugine Solem
 Pallentes maculis iungere vidit equos.
 Quid triplex sidus Saturni, aut, Cynthia, vultus
 Fabor scruposâ nocte latere tuos?
 Hæc priscis ignota olim prudentia maior
 Repperit auspicijs artis, opiq; nouæ.
 Ite citæ, & vestras meditando expromite vires,
 Ite animæ egregiæ, quæ via nulla patet.
 At tu Musa procax, elegi tenuesq; valete:
 Non hæc sunt gracili facta canenda lyrâ.*

A D

IOANNEM CIAMPOLVM,
 morbo recrudescente.

Ergo hos assiduè gemitus in pectore voluam?
 Perpetuò lacrymæ nostra per ora fluent?
 Et roseo Phæbus me decedente videbit
 Lumine mærentem, me veniente die?
 Flebimus heu miseri! luctus, solatia damni
 Exigua ingentis, postulat ipse dolor.

Ille Philoëteten docuit per Lemnia saxa

Vocibus horrisonis vulnera dira queri.

Halcyones Ceyca gemunt, & barbara regis

Daulias Odrysi crimina cantat auis.

Sic ego, sic mea damna querar crudelia semper

Lugubri citharâ, flebilibusq; modis.

Atque utinâ in gemitus nunc libera verba darentur!

Sed mihi posse queri sors inimica negat.

Singultantem animam turgentes sanguine fauces

Elidunt: voces aspera lingua premit.

Iam quater ardentem sitienti Sirius astro

Vssit humum, toties frigore læsit hiems;

Nec venit vlla potens longo medicina dolori,

Nec mea Paoniâ membra leuantur ope.

Ipse meum specto moriens miserabile funus,

Paulatimq; animâ deficiente cado.

Horrida languentes macies depascitur artus:

Lutea pallescens inficit ora color.

Cogimur & longam moriendo discere mortem,

Dum præsaga mali mens sibi fata canit.

Felices, inopina dies quos funere mergit,

Occupat & celeri mors properata nece!

Heu quoties morimur, dum proxima fata timemus!

Hoc peius leto: nam morâ mortis obest.

Haud

*Haud aliter Lapithas , mæstumq₃ Ixiona terret
 Iam iam lapsuro pondére prona silex.
 Credite , deficio : iam pellis dura resistit .
 Tractanti , & tristi viscera tæbe fluunt.
 Sic cera admotis tabescit Hymettia flammis :
 Sic tepidis Austris cocta pruina madet.
 Languent sic , urens oculus quos fascinat , agni :
 Sic tenera à Scythico læditur herba gelu.
 Nec tantum doleo compressis faucibus ager ;
 Plurima quassato corpore. damna fero.
 Ipsam animi sedem , regnantem corporis arcem ,
 Nunc caput ignauo possidet igne vapor :
 Nunc acres stomacho rabidâ cum bile tumultas
 Feruent, & sæuo pondere discruciant.
 Lassum percurrunt ululantia murmura ventrem,
 Humida nec membris dant alimenta dapes.
 Viuo equidem parcè , sed mox ieiunia corpus
 Attenuant : epulis abstinuissè graue est.
 Intolerabilibusq₃ malis comes addita cura
 Mollem animum æternis pascitur ulceribus.
 Hanc peperit morbus , morbusq₃ augetur ab illâ :
 Hæc me tristitia lurida felle rigat.
 Hinc sæpè extimui grauiora pericula veris ,
 Et sensi falsâ suspitione trahi.*

Hinc.

Hinc animi victus damno quemcumque calorem,
 Quodcumq; & frigus pallida membra quatit.
 Composite currant num vita ad munia venæ
 Exploro, & trepidans incaluisse puto.
 Seu quatiore tussi, fibras pulmonis anhelæ
 Exesas carie suspicor esse truci.
 Conueniunt crebrò nos, ut solentur, amici:
 Spem vultu simulant, tristitiamq; tegunt.
 Ab genio indulge, curas depelle malignas,
 Clamant: tu morbo, Virgini amate, faues.
 Ecquis erit finis lacrymis? lugubria mitte:
 Eia agè linquantur mollia fulcra tori.
 Te siluæ, te rura vocant: agè rura petamus,
 Quà diffusa nitet mitior aura poli.
 Aucupio siluas, siluas venatibus aptas,
 Flumina, piscosos aspiciēsque lacus.
 Hinc canibus lepores, canibus sectabere ceruos,
 Latratuq; feras retia ad alta premes.
 Scilicet è stratis tollam miserabile corpus?
 Committam Alpinis squalida crura iugis?
 Fortia non nostra sunt hæc ad munera vires:
 Hi mihi sunt colles, hi mea regna, tori.
 Officium bona verba pium, sed inutile tentant:
 Desinite, assiduis non saturor lacrymis.

Quid

Quid, quòd me cali ledit spirabile lumen,
Quo regimur : quævis mobilis aura nocet.
Letiferi calidis spirant sen flatibus Austri,
Siue agitata truci silua Aquilone fremit ;
Experior proprias hiemes , pluuiasq³ rigentes ,
Exundans cerebro quas pituita parit.
Sibila perq³ aures imitata tonitrua surdas
Voluuntur , miserum concutiuntq³ caput.
Per madida ora liquor turgens me flumine largo
Proluit : ampullis feruida sputa tument.
Non secùs ardenti si fortè inclusus ahenò
Ebullit multo feruidus igne latex ;
Ipse furit , niueamq³ fremens eructat aquæ vim,
Sparsaq³ anhelanti gurgite flamma madet.
Miror, inexhausto tribuat quis pabula fonti ;
Quî tantus fluitet sicca per ossa liquor.
Mirantur medici, & sortem miserantur iniquam :
Mille adhibent doctis pocula mista modis.
Lacte arcere iubent inclusos faucibus ignes ,
Hordea dant , seris quæ maduere focis.
Sanguine tentarunt salientem incidere linguam:
Infecit tepidus brachia secta cruor.
Poma coronato radiantia Punica crine
Languenti succos exhibuere suos.

Et quo mala fluunt emuncta Cydonia mucos,
 Quo passæ ficus, perlita sæpè gula est.
 Sæpè bibi, vrentes meditans auertere flammæ,
 Pocula pallenti cortice tincta nucis.
 Et modo siluarum folijs decussa Calabris
 Mella ministrarunt, helleborosq; graues.
 Aggressiq; rosis sunt admiscere sapes,
 Quos mittit diues Trinacris Hybla fauis.
 Fasciolas tenues, agrum focalia collum,
 Et nidum pulsus gessit hirundinibus.
 Quod referam quoties suffitu pectus odore
 Lustraui, & fumis, turifer Inde, tuis?
 Et quoties, siccum possem ut distendere corpus,
 Æstiu membris intepuere lacus?
 Victum infelicem cochleæ, cancriq; dedere,
 Et testudineo squalida iura gelu.
 Quin sunt conati stomachum fulcire ruentem
 Arboribus gummi quod genit Arabia.
 Balsama miscuerunt diti Gangetide merce,
 Et quæ vicino cinnama sole rubent.
 Sinarum extremo diuulsa ab litore radix
 Venerat, & nullâ me quoque inuuit ope.
 Aude animis, tibi certa salus promissa medentum,
 Dicebant: numquam venit amica salus.

Obsti-

*Obstitit auxilijs vinax in fomite labes
Artis, & irrisit vana magisteria.
Non hoc Phillyridis, non hoc laudata Melampì
Cura Amythaonij pelleret arte malum.
Tunderet in morbos Epidauria gramina frustra
Inclyta Phæbigena nos miserata manus.
Non gemitus Superi nostros audire perennes
Adiunctâ quàmuis sustinuerè prece.
Parce pium Numen, celi quo templa reguntur,
Cuius & imperium sidera fulua timent.
Si non sacrilega mens est sibi conscia culpa,
Redditus est templis si tibi semper honos;
Parce precor, vel saltem aliquam de fulmine partem
Deme meo: seuâ projice tela manu.
Nunc & amara dies, & noctis tristior umbra est.
Quàm malletem aeterno diriguisse gelu!
Ipsa quies rerum somnus, Deus utilis agris,
Me fugit, & lacrymis lumina fessa patent.
Versamur stratis, & nox est annua nobis:
Tarda nimis querimur sidera Luciferi.
Quòd si conciliant depasta papauera somnum,
Me miserum hic quantis terret imaginibus!
Occurrunt menti simulacra carentia vitâ,
Visag^z sunt tenui dicere voce, veni.*

Ora virum maiora viris pallentia vultu
Exangui illudunt, discutiturq; sopor.
Tunc iterum ad gemitus eadem nos horrida morbi
Damna vocant, nec iam falsa timere iubent.
Lenta tenent animum fastidia: nulla voluptas
Flectit: non Bacchus, non iuuat alma Ceres.
Squalent impexi rigidâ ceruice capilli:
Vestis inornatos defluit ante sinus.
Non Urbis, non ruris opes, auriq; talenta,
Eoaq; placent delicia lapidum.
Ingratus mihi Sol, ingrata Aurora rubescit:
Oblectant pectus tempora nulla meum.
Aspice, iam Zephyri florens genitalibus auris
Felices fetus parturit almus ager.
Perstrepit omne nemus cantu, virgulta susurrant:
Liquitur è summis tabida bruma ingis.
In tepidos soles se roscida gramina credunt:
Floreâ de vernâ pullulat arbor humo.
Sed mihi nequicquam fulgent Nephelēidos Helles
Sidera, ridentis gaudia summa poli.
Semper hiems nobis: sanguis si vere tepenti
Æstuat, infelix in sua damna furit.
Acrius & morbo fauces tentantur acuto:
Nam claudit feruens arctius ora cruor.

Non

Non rauca fontis scatebræ per saxa cientis

Murmura, non possunt prata mouere animum.

Atque greges, atque arua nocent, atque ardua silua:

Non lati colles, pascua nulla iuuant.

Et doleo, pingui pastos seu gramine vidi

Mollibus in pratis luxuriare greges.

Siue quis ediderat pastoria sibila cannâ,

Odi signa bonæ sibila letitiæ.

Et duktes auium per frondea tecta Camænæ

Heu visæ tantum sunt mea fata queri.

Seu viridi taurus proiectus mugit herbâ,

Dixi: Mugitu me vocat ad gemitus.

Frumenta aspexi verno turgentia lacte;

Arens tunc subiit, quæ premiat ossa, cutis.

Omnia lata, mihi sunt instrumenta doloris,

Materiamq; mali mens sibi dura parit.

Et meditor: tellus non hæc mihi verna colores

Submittit; rident prata benigna alijs.

Vos legite vngue rosas, Tyrio queis fulgurat oëstro

Quæ flagrat niueis gratia mista genis.

Vos decet iste color, vobis sint lilia curæ:

Pratorum nitidum vos manet omne decus.

Ipsæ legam flores veterum monumenta dolorum,

Et ferrugineis te, Hyacinthe, comis.

Pallentes carpam violas , mæstaq; cupressu,
Quæ laurum optarant , tempora vincta geram.
Impulerat nostras sonitus si gurgitis aures,
Purior electro fons ubi volvit aquas ;
Conspiciens dixi : Non hæc mihi frigida currit
Sedatura grauem flumine lympa sitim.
Ora quidem sitiunt , quæ nunc incendia pascunt,
Non pandit latici sed gula pressa viam.
O nimium , nimiumq; fugacis dona iuuentæ !
O quàm veloci laberis acta pede !
Tardiùs è Scythico cornu decussa sagitta
Æra per liquidum cuspide scindit iter.
I nunc , ingentès laudato in corpore vires ,
Atque lacertosos firma per ossa toros.
Aut illas ætas annorum pondere frangit ;
Morborum aut ictu fortia membra cadunt.
Quiq; color malis Pæstana rosaria miscet,
Et quod natiuum lilia vincit ebur ,
Marcescunt subitò , ceu cùm labefacta caducum
Sole graui curuant alba ligustra caput.
Olim qualis eram (nunc me mea fallit imago ,
Si iam præteritos mente reuoluo dies)
Cùm diues gregibus , memini , me Parma tenebat!
Nam puerum celso nutrit illa lare.

Quod

Quod mihi tunc robur , quàm gaudia multa fuere !

In fesso numquam corpore quanta salus !

Non me terruerant hiemes , solesq̃ potentes ,

Et poteram pluuium vertice ferre Iouem.

Quos ego non colles , quos non indagine cinxi

Lucos , hortatus tesqua per alta canes !

Tunc celeres potui damas , tunc figere ceruos :

Vidi de fluuijs humida lina trahi.

Et modo fortis equi luctantia colla recuruans

Confragra sectabar per iuga montis apros .

Interdum molles pedibus plausisse choreas

Iuuerat , & digitis increpuisse lyram.

Cura fuit Martis simulacra ciere sub armis ,

Et pugilum ludis implicuisse manus.

Gallica quid memorem quoties per flumina naui

Aduersa obnixo pectore stagna seco ?

Me Tarrus , gelido lauit me Nicia fluctu :

Me Phaëthontæo sustulit amne Padus.

Nec mihi solus amor corpus durare palestrâ ,

Sed mentem egregijs artibus excolui.

Vidit Palladijs nos impallescere chartis

Inter laudatos nox vigilata libros.

Multaq̃ Cecropijs trutinabar scripta magistris :

Non renuit mecum Græcia docta loqui.

*Tentabam umbrosi latebras penetrare Lycei,
 Quasq; alij monstrant edidicisse vias.
 Sæpè animum docti ceperunt scripta Platonis,
 Cuius Mopsopio pagina melle fluit.
 Et modò scrutabar Samij dictata silentis;
 Nunc florem ex hortis legi, Epicure, tuis.
 Insomnisq; graui fouit me Porticus umbrâ,
 Arcesilaæus detinuitq; labor.
 Latratus decuit Cynicos audire legentem,
 Nec me pacati terruit ira canis.
 Democrito arrisi, noui præcepta Cleanthis,
 Et Chrysippææ stamina mentis opus.
 Gaudebam meditans, ineant quot prælia sectæ,
 Graiorum in quas est didita turba senum.
 Materiem hic componit aquis, hic aëre gignit;
 Alter Apollinei sideris igne creat.
 Ille Chao latuisse docet vaga semina rerum,
 Omniaq; arcanis nectit amicitij.
 Æternum est alijs mundi versatile templum,
 Machinaq; hæc nullâ dissolüenda die.
 At natum ille refert, ausus restinguere solem,
 Et dare perpetuæ fata diurna faci.
 Sunt quoque rore leui, & nebulis qui sidera pascant,
 Et qui non uno se putet orbe tegi.*

*Casibus hic sceptrum donat , Diuosq̃ relegat ,
Exuit & mentes relligione Deum.*

*Spernit Tanarias , incendia postuma , pœnas
Impius hic ; trepidans manibus ille litat.*

*Nec desunt sensus qui daminent , omnia fasti
Nesciri , tenebras seq̃ latere suas.*

*Omnia mirabar , sed tunc plus arte mouebar
Socraticâ , & scriptis , Stoica turba , tuis.*

*Quæ bona sint animi , certus quis limes honesti ,
Quas sibi diuitias vita beata petat ,
Et didici , sanctos formet quæ regula mores ;
Æstus quæ valeat vincere vis animi :*

*Quæ tristes iras virtus , quæ frangat amores ,
Quæ desiderijs pectora anhela leuet ,
Pallentesq̃ metus quæ fortibus induat armis
Ignauæ prohibens terga dedisse fugæ.*

*Solum turpe malum sapiens putat , ille dolores
Perfert , consilij propositiq̃ tenax.*

*Hic pede proculcans letalia fata superbo ,
Humanis maior creditur esse malis.*

*Ære Perillæo clausus fera iussa Tyranni
Sperneret , & nullos ederet ore sonos.*

*Hæc olim noui ; quæ nunc me flagitat usus :
Vtar præceptis , quæ mea fata petunt.*

Agmina mærentum circumstant seu a dolorum :

Aggreditur fessi vincere corda timor.

Quid faciam ? unde petam trepidi solatia luctus ?

Quis bellaturo fortia tela dabit ?

Ite procùl questus , animi oblectamina vilis ,

Ite procùl : iam nos ingemuisse pudet.

Non lacrymis durum nouit mansuescere fatum :

Parcarum inflexo fila adamante rigent.

Te supplex adeò , supplex tua munera posco ,

O sola humanis mors medicina malis !

Tu portus , placido qui naufraga corpora mundi

Amplexu rursus non agitata foues .

Adsis , horribilesq; ferox huc flecte volatus ,

Hoc pete Tartareâ falce cruenta caput.

Quo moriture ruis ? quæ te dementia cepit !

Parce miser verbis , ominibusque malis.

Scilicet in primâ florens carpere iuuentâ ?

Nec te spes famæ quantulacumque tenet ?

O ubi mens studijs quondam gauisa Mineruæ ,

Et quæ scribendi gloria dulcis erat ?

Non adeò usque mori miserum est : non segnior ibo ,

Ibo animis contrâ : mors miserata veni.

Nec totus moriar , lethi custodia nostri

Te penes , Italia , Ciampole , grande decus !

*Carminibus celebrata tuis mea fama legetur ,
 Et ferar extinctus docta per ora virum.
 Auspice te mortis victor fata aspera rumpam :
 Te duce Auernali non cohibebor aqua.
 Quæ tibi cantanti non est permissa potestas ?
 Nam tua Pindarico fulmine Musa tonat.
 Tusci scriptores tenerorum cedit amorum :
 Gaudet capta nouis Ausonis ora sonis.
 Aldobrandinam relegis si carmine villam ,
 En tibi festa cohors plaudit Hamadryadum.
 Siue Palestinas Piceno in litore sedes
 Concinis , Adriaci sternitur vnda freti.
 Et te Calicolûm cantantem exercitus audit ,
 Quorum humeris templum dulce pependit onus.
 Prò pudor Italiæ , teneros quæ cantat amores ,
 Carminis & grato fraudat honore Deum !
 Non tulit ingenti laudandus Ciampolus auso :
 Illius est nostris Musa operata sacris.
 Gaude : namquæ nouis video tua tempora sertis
 Cingi , & Idumæâ fronde nitere comas.
 Tempus erit , leto tua cùm vestigia plausu
 Magnanimûm vatum turba secuta colet.
 Tu modo perge alacer , semperq; audentior ito ,
 Nec tu cornuorum rostra inimica time.*

*Nam super astra volans niveis vectabere cymis,
Quà invidia telis gloria claudit iter.*

*Nec minus heroi tangit te cura cothurni,
Et potes Aoniâ dicere bella chely.*

*Inclita facta virum vocis si munere donas,
Munere tu signis das potiore frui.*

*Hoc tibi Pegasides, hoc concessere sorores,
Teq; potestates edocuerunt suas.*

*Namq; ferunt celsò Parnassi in vertice, sacra
Bellerophontæus quâ rigat arua liquor,
Seclusum florere nemus, quo gratius ullum
Non surgit Phæbo, Pieridumq; choris.*

*Hos Zephyri campos Etesia flamina mulcent,
Arboribusq; frequens roscida vernat humus.*

*Pullulat ante omnes sed formosissima laurus,
Quæ medio in luco conspicienda viret.
Vna nemus trunco ingenti quæ parturit umbra,
Et latè folijs celat opaca diem.*


*Huius odorato sudantur balsama ligno,
Dulcis & ambrosiæ cortice manat odor.*

*Indictum refero: lacrymatas nectaris undas
Excipit Aoniæ sedula cura manus.*

*Hos Musæ servant latices, quæ perlita durat
Gloria Tanario non violanda lacu.*

*Materno nequicquam astu seruatus Achilles
Occidit, & Troia funera morte luit.
At benè Pieriâ perfusus nectaris undâ
Martis equis rapidum trans Acheronta volat.
Copia felicit tibi, Ciampole, credita succi est:
Fac mea caleſtis proluat ora liquor.
Ah ſocij fato miſerere cadentis acerbo!
Fer non caſurum nomen ad aſtra meum.
Triftia ſic facili curabis funera ſumptu:
Non poſco in cineres Perſica dona meos.
Non mihi Orontea tumulos aſpergite myrrhâ,
Buſtaq; ſecunda mercibus Aſſyria.
Si mea Caſtalio ſtillabunt oſſa liquore,
Inuida poſt mortis fata ſuperſtes ero.*





ILLVSTRISSIMO DOMINO
NATALI
RONDININO,

S. D. N.

ALEXANDRO VII.

PONTIFICI OPT. MAX.

AB EPISTOLIS AD PRINCIPES,
HONOR SVPREMVS

AB IIS HABITVS,

QVI OB INCOMPARABILES DOTES

VIVVM SVMME AMABANT,

ÆQVE LVXERVNT MORTVVM,

ET HOC ESSE VOLVERVNT

SIVE AMORIS SVI MONVMENTVM,

SEV DOLORIS SOLATIVM.

T A C I T U S

Lib. xvi. Annal.

*Detur hoc illustrium virorum
posteritati, ut quomodo exequiis à
promiscuâ sepulturâ separantur; ita
in traditione supremorum accipiant,
habeantq; propriam memoriam.*

A V S O N I U S

Præfat. Parental.

*Nec quidquam sanctius habet
reuerentia superstitem, quàm ut
amissos venerabiliter recordetur.*

EMINENTISSIMO
 PRINCIPI
 PAVLO ÆMILIO
 S. R. E. CARDINALI
 RONDININO
 IACOBVS WALLIVS
 E SOCIETATE IESV.

MISERVM est, Eminentissime
 Princeps, amissi boni memo-
 riam, tantum vt dolor recru-
 descat, commouere. Quod
 cum ad res omnes, tum præcipuè ad eas
 pertinet, quæ nobis vsui, non mancipio
 dantur. Beneficium enim in contume-
 liam vertit, qui apud creditorem expo-
 stulat, suo iure reposcentem ea, quæ gratis
 & nullo accipientis merito vtenda con-
 cesserat. Dantis animum interpretari de-
 cet ex eius beneuolentiâ, rei quæ commo-
 datæ pretio & fructu, non metiri solâ
 temporis diuturnitate. Quò mihi, vt opi-
 nor,

nor, minùs verendum est, ne extincti fratris tui Natalis tristissimâ recordatione dolorem tuum exulcerem, & obductam vulneri cicatricem scindam. Si enim à Deo data nobis est vsura vitæ, tamquam pecuniæ, nullâ præstitutâ die, quid habemus argumenti, quamobrem illam ab eo, cùm voluit, repetitam esse conqueramur? At si naturam ipsi nostram animumque consulimus, subest, fateor, cò grauior dolendi causa, quò quis acerbior elatus est funere. Nam in illis qui grandes natu discedunt, magnum est ex ipsâ necessitate solatium; in iis verò quos immatura mors abstulit, ea requirimus, quibus & virtutem ipsi suam extollere altiùs, & prodesse publico diutiùs potuissent. Viuebat in terrarum luce frater tuus, Urbis delicia, nobilitatis decus, literatorum amor, sæculi nostri Phoenix: celebrabatur Alexandri V I I. Pontificis Opt. Max. præclaro iudicio: Principibus atque orbi Christiano suam in Pontificiis literis eloquentiam probauerat splendidam enim, uerò, & copiosam, & grauem, & rebus maxi-

maximis parem : fecerat sibi exquisitæ doctrinæ atque prudentiæ famam anno ætatis suæ vndetricesimo nondum expleto: cùm ecce mirificam, quam de se concitauerat, exspectationem dies vnus inuertit. Sed quid agamus, quando eâ lege constant omnia, vt diuturna esse non possint? Iuuat hîc cum Sulpicio Romano Consule, & Iurisconsultorum maximo philosophari paullisper, & eâdem me cogitatione confirmare, quâ ipse se & pariter Ciceronem Tulliæ suæ desiderio confectum sustentabat. Ex Asiâ rediens in Saronico sinu nauigabat: regiones à fronte, à tergo, à latere in prospectu versabantur: earum vrbibus olim amplissimis, iam euersis ne vestigium quidem reliquum videbat pristinæ celebritatis: Piræus, Corinthus nomina erant. Cœpit igitur hac rerum inconstantia mutabilitateque perculsus secum sic cogitare: *Hem, nos homunculi indignamur, si quis nostrum interijt, aut occisus est* (& ea vox alterum vulnus refricat, Iosephi fratris tui mortem, quam bello sacro in Cretâ pugnans oppetiit)

quo-

*quorum vita breuior esse debet, cum vno loco
tot oppidorum cadauera proiecta iaceant?*
Et ne excidia, quæ ille, persequar, iacet ante
oculos tuos, Princeps Eminentissime,
vetus Roma, patria tua, suo oppressa pondere,
diruta, incensa, deleta, sibi ipsa & ciui-
bus suis sepulcrum, fato, si vt hominum,
ita & vrbium ætates definire volumus,
præmaturo. Sine lauro & tripode vatici-
nati sunt, qui æternam illam fore prædi-
xerunt. Vbi enim nunc vetera illa &
æquata cælo delubra? disturbata sunt.
Vbi thermæ in modum prouinciarum
exstructæ? ne parietinæ quidem super-
sunt. Vbi amphitheatra? fuisse loquuntur
historiæ, aut tenues dirutorum reliquiæ.
Prò fluxam mortalium rerum commuta-
bilemque rationem! quàm sunt caduca,
quæ valentissima censebantur! Et mira-
mur corporum nostrorum massam ex ar-
tubus & membris fluidis ac mollibus
compactam aut æuo aut morbo quassari
& fatiscere? Constantius Imperator Ro-
ma ingressus, stabat illius magnificen-
tiæ & splendore perstrictus: mox ad Hor-
misdam

misdam Persarum Regis fratrem conuersus ex eo quæsiuit, quod ipsius esset de Vrbe iudicium. Serio iudicatoque respondit sapiens Princeps : *Id tantum sibi placuisse* , * *quod didicisset ibi quoque homines mori.* Xerxis , credo , gentilis Regis recordatus est Persa, quem ferunt, cum immensum exercitum oculis obiisset, illacrymasse , quod tot millibus tam brevis immineret occasus. Nec potuerunt similiter Urbis opera , quamquam sæculorum omnium ætatē sua firmitate excedere posse videbantur, magnoperè animum afficere, quando tam angustis terminis ipsa hominum viuacitas concluderetur. Sint, vt maiorem partem sunt, vegeti homines & valentes; sint , quales vel pauci , prouidi & actiuosi ; sint omnibus naturæ muneribus instructi : nemo tamen, qui vt magna sibi proponat , vt utilitatem publicam primam ducat , vt aggrediendis negotiis par esse videatur : nemo est qui ad ea conficienda cauere sibi de vno quasi compe-

A a rendi-

* Displicuisse in *Ammiano* legendum censei Regia in *Galliæ bibliotheca M S. codex.*

rendinatus die possit. Id profectò nos obliuisci vetat plumbeus ille locus ab Alexandro VII. Pontifice Maximo recens creato in cubiculum inferri iussus, ut cui in Reges ipsos imperium esset, vni se morti obnoxium esse fateretur. Non ille in supremo rerum fastigio constitutus spes longas inchoare, ætatem disponere, lassam & plenam senectutem sibi polliceri : non ab Orientis Imperatoribus sibi exemplum capere, quos accepimus, inter ipsa quibus initiabantur sacra, iussisse varia sibi offerri marmoris frustra, ut, quo ex genere fieri sibi monumentum vellent, eligerent. Dum eligendi sit optio, dum futuri operis designatur forma, dum quadrantur saxa, dum poliuntur, dies abeunt, & quasi medio in spatio frangi non possit vitæ longioris spes, incerto excessui certa mora condicatur. Nihil cunctatus sanctissimus ac sapientissimus Pater primum & triumphalem initi Pontificatus diem non aliter quàm supremum ordinauit : ipsorum quos post se superstites habiturus esset, officium anteuertit: urnæ, quæ funus
suum

suum condi vellet, curam ipse suscepit: terminum quem inexorabilis necessitas fixit, cum ignoraret, propè abesse posse existimavit: inter Urbis effusæ gratulationes & plausus, & tubarum e Quirinali arce resonantium festos strepitus credidit fieri posse, quod aliquando fieret. Adeo quilibet dies, hora quælibet, quæ nec opinantes occupare nos potest, quàm nihil simus, ostendit. Quemadmodum vina per colum perfluunt: ita quod manu complecti putabamus, prius elapsum esse deprehendimus, quàm elabi aduerteremus. At ille ætate aureâ, quam orbi dedit, diu fruatur, & quot in extincto fratre tuo desiderabat annos, ipse tecum expleat. Quamquam in hoc explicando voto non sum usus eo verbo, quo decuit. Postea quàm enim hanc sibi delegit tesseram: VIVO EGO, IAM NON EGO: vitam vigoremque ab eo accipit, cuius personam in terris sustinet.

*Ac veluti antiquâ cum ceditur arbore
ramus,*

Inferiturque noua, matris non ille prioris

*Nutritur succis: aliâ radice tenetur,
Occultas alio ducit de stipite vires:
Humorem, quo se foliis & fetibus arbor
Induat, ipsa suo, cui iuncta est, præstat
alumno:*

*Haud aliter, qui Romanum nunc temperat
orbem,
Viuit Alexander. Magnum ille capeßere
iussus*

*Imperium, exactos hinc iam obliuiscitur
annos,*

*Orditurque novos. Nec enim quod spirat,
& aurâ*

*Vescitur, apponit vitæ: diuinior illum
Spiritus intus alit, magnam qui mentem
animumque*

*Compleat, & longum extendat virtutibus
æuum.*

Frater verò tuus, Rondinine Cardinalis, etsi acerbâ morte præreptus, id egit tamen, vt mors quàm paucissima, quæ abolere posset, inuenerit. Non abolebit, vt summam laudes illius complectar, Pontificis Opt. Max. laudatissimum de illo iudicium, cui nec honorem illum, quem amplif-

amplissimum habuit Hephæstioni sibi
 carissimo Alexander, comparandum du-
 xerim. Eius ingenij reliquias, pauca, qui-
 bus otium oblectabat suum, scripta ab eo
 poëmata cum in lucem proferenda amici
 censerent, eâdem opportunitate sollemnia
 pietatis vates vati persoluimus, fructum
 aliquem amicitiae non magnum illum
 quidem, sed causis eò iustioribus à me
 præsertim debitum, quò maiori honori
 mihi fuit cum eo amicitiam iunxisse, qui
 tot abundabat ornamentis & domesticis
 & propriis. Corneliae genti satis ad lau-
 dem fuit pro atrio Capitolium habuisse,
 quòd illic imago Scipionis in cellâ Iouis
 posita seruaretur, quæ, quoties gentilitium
 funus efferendum erat, inde petebatur.
 At fratri tuo non profectò Capitolium
 tantum, sed Roma, & eius sanctissima
 pars Vaticanum, & Mediolanum, & Fa-
 uentia, & Vectianum, & alia Liguriæ op-
 pida, quæ maiores vestri ditione tenuerunt,
 pro atriis sunt, è quibus ad eius fu-
 nus celebrandum educi potuerunt eo-
 rum imagines, quos & Pontificia tiara,

& purpura, & parva domi militiæque decora immortalitati consecrarunt. Sed hanc pompam non adornauimus: id tantum egimus, vt erepti desiderium solatiis non honestis solum, sed etiam iucundis leuaremus. Medici, vt est apud Sophoclem,

Πικρὰν χολὴν κλύζοι φαρμάκῳ πικρῷ.

Amaro amaram pharmaco bilem eluunt.

Quantò illi rectius, qui, si id quidem ab arte sperari possit, dolori citra dolorem medicinam faciunt, aut saltem optimo temperamento acerba dulcibus mitigant. Accipe igitur, Princeps Eminentissime, dulce hoc leuando luctui repertum à poëtis remedium eo vultu, quo & eorum pietatem, & fraternarum virtutum commemorationem probes.



ELOGIVM NATALIS RONDININI.

NATALIS RONDININVS ingenij, & morum, & fortune ornamentis, in paucis quos nostra tulit ætas, illustris ac memorabilis fuit. Eo genere Romæ natus, à quo sumere sibi potuit omnia, quibus ipse se, & suos clariores faceret. Nam neque auitæ illi res & imagines defuerunt, quas ad exemplum intueretur assidue; neque alta accensaq; laudis studio indoles, quæ directis viis euntem impelleret ad fastigia præmiaq; virtutum. Verùm mihi consilium non est funebrem laudationem, quam meretur, instituere. Naturam & artem, magistras optimas, imitabor, quæ res magnas & varias in angustò nonnumquam exhibent. In annulo gemmam gessasse fertur Pyrrhus, in quâ nouem Musæ & Apollo citharam tenens spectaretur, non arte, sed sponte naturæ ita discurrentibus maculis, ut Musis quoque singulis sua redderentur insignia. Sylla Dictator traditione Iugurthæ semper signauit. Punctis omnia veriùs, quàm lineis designabantur, cum idoneus situs ac status attribui in tam arcto spatio nulli posset. Referam & ego similiter in has pagellas de Rondini-

nis contracte aliquid & exiliter, magno inter me & calatores discrimine, quod hi corporum tantum dispendio res suas effingant; ego animorum atque virtutum.

GENVS suum Rondinini ad Cribellos referunt, nobilissimam apud Mediolanenses familiam. Ut unum pro multis dicam, abhinc annos propè quingentos honoribus, clientelis, opibus abundans Urbanum III. Pontificem Maximum orbi dedit. In gentili parmâ hirundines præferunt, tesseram siue ex cognomento, siue ex euentu natam; cribra præterea, demissa à Cribellis originis, & nobilitatis insigne. Diuersa quidem his & illis appellatio, nec eadem semper habitationis sedes: sed nimirum & fluuij interdum, quasi alij à se sint, non idem seruant nomen, quibus eadem tamen sunt fontium capita, idem aquarum splendor. Neque si surculus in aliud solum depangitur, non ab eodem à quo reuulsus est stipite genus ducit. Mediolano in eam Italia regionem, cui via Flaminia nomē fecit, traductos Fauentia primum excepit, deinde Roma, ingeniis aliunde aduentantibus apertissima & perhospitalis. Et habet hoc illa princeps urbium & terrarum, ut communis omnium patria dici & esse velit, non ignara, ut constituta olim sit, ut aucta, ut coalita ex varijs quasi elementis in unum corpus, aduenis fortuito cœuntibus in ciuitatem acceptis. Extulere Rondininos duo, pacis & belli artes: quarum utra plus illis ad gloriam valuerit, nihil attinet definire. Satis constat neque sapientiæ fortitudinem, neque fortitudini sapientiam dignitate

te cedere. Patrem habuit Natalis Alexandrum, virum eximiâ in agendis rebus prudentiâ, & præter generis splendorem omnibus elegantiorum literarum disciplinis excultû. A Natale auo suo nomen accepit. Is primus è suis sedem rerum & fortunarum ex illâ, quam dixi, Italiae Cispadane parte Romam trāstulit in comitium ac forum orbis terrarum. Ad tractandas res natus videbatur, naturâ æquè ac disciplinâ consultus. Quæ optauit, videri potuit affecutus omnia, non quòd possideret, sed quòd eâ esset moderatione animi, ut nihil appeteret, suus semper, nulli obnoxius, ab honorum studio alienus, virtute quàm eiusdem præmijs ornatior. Cuius rei fama, cum grauissimorum munerum administrationem plurimi peterent, Summos Pontifices in illum primò non petentem, deinde ut inclinata ad quietem studia viderunt, etiam recusantem conuertit. Clementis VII. iussu Romani fori disciplinam suo splendori nitoriq; restituit: recidit corrupta, integra roborauit, stabilinuit antiquos & conuenientes tribunaliû maiestati mores. Ad annum vsque centesimum, grande mortalis cui spatium, vitam protulit, summâ semper dignitate, nullâ auctoritatis imminutione. Neque enim omne vinum, neque ætas omnis vetustate vigorem exspirat. Viguit animo & corpore vir moderatissimus vsque eo quoad opus ipsa suum eadem, quæ coaugmentauerat, natura dissolueret. Legationes, alterum togatæ sapientiæ munus, & nobilitatis ornamentum, famam quoque Rondinini confecerunt. Nicolaus, multiplici rerum cognitione, & usu, & singulari

eloquentiâ præditus, apud Venetos Legati munere
 perfunctus ampla negotia tractavit, summoq; in ho-
 nore habitus est. Eo maiori illud ponendû in laude,
 quòd non alibi diligentius Legatorum dicta factaq;
 observari dicât, ac propterea Venetiæ optima habeantur
 palæstra, è quâ prodire Legati quàm instructis-
 simi possint. Laudat Nicolaum Marcus Guazzus in
 Commentarijs suis vernaculâ Itælorum linguâ con-
 scriptis, qui è priuatis eruditorum scrinys & bi-
 bliothecis nondum exierunt. Bartholomæi Rondini-
 ni prudentia & fidei oblata est tempestat difficiillimi
 temporis, quo Cardinales aliquot coitione temerè
 Pisis factâ. Iulij II. Pontificis Maximi auctori-
 tatem labefactatum ibant. Erat is è S. Dominici
 familiâ, Theologia & Iuris Pontificij scientissimus:
 præerat summâ cum potestate Congregationi Tu-
 scia à S. Marco nominata, atque unâ cum viris ali-
 quot doctrinâ consiliog; pollentibus per idem tempus
 Pisas se receperat. Stabant pro Cardinalibus Reges
 quidam: spargebant in Pontificem crimosè multa:
 ruebant contra in illos Pontificia fulmina, tamquam
 facti à Romanâ Sede diuortij reos. Magna erant in
 illis fluctibus iactationes animorum, offensiones in
 vulgus magna, in tantâ præsertim partium conten-
 tione atque dignitate: Pisis in primis, ubi res gere-
 batur, & in partes vocabantur Clericorum & Reli-
 giosorum hominum ordines. Sub initium, quid seque-
 rentur, constituere satis Pisani non poterant. Ad
 Bartholomæum (tanta erat viri apud omnes au-
 ctoritas) causam detulere, in sententiam, quam-
 cumque

cumque is ingrederetur, concessuri. Hæc dum gerebantur, potentes interea ac factiosi sollicitare optimum Patrem, primò mollius, gratiæ & honorum certâ spe; deinde acerbè, multa ac metuenda minitendo, ut irritati solent animi stomachum postperditas blanditias effundere vehementius. Sed ad labefactandam fidem spes & metus excellenti animo iuxta valent. Nihil igitur ille obnoxiè dicere, pro palàm obuiam ire obstinatis consilijs, aduersarios vi argumentorum verecundiaq; percellere: nutantes erigere, stantes confirmare: Pontificem eorum, quæ gerebantur, certum facere. Quod ipsi totiç, Cænobio inuidiæ & obtreçtationi fuit, ac propè capitale. Nam etsi occultis vijs literæ mittebantur, fieri tamen non potuit, quin earum aliqua, tamquam hostiles manubia, ab Urbis Præfectis interciperentur. Absterfit periculi metum, quicumque is fuit, Cardinalium repentina discessio, Mediolanum conciliabuli sui sedem deligentium, siue quòd causæ suæ admodum inuisos haberent Pisanos, siue quòd hæc urbs aduersus Pontificia arma minus tuta videretur, fessa quatuordecim annorum recenti bello, & iam Gallicus equitatus in urbem intromissus hostilia fecisset. Magnam peperere Bartholomæo laudem Pisana res, qui cum deinde vitâ concessit, non sui tantum reliquit apud omnes desiderium, sed, quod potius est, præclaram sanctimoniam famam. Bellicus quoque labor Rondininos illustravit. Materiam dedit conuersio rerum ac perturbatio, cum Romani Pontifices in Galliâ se haberent. Quæ inter potentiores certamina

tum

tum exarserint, quæ visa fuerint cælo terræq; prodigia, dici vix potest. Concussa est intestino bello Italia: belli non alia causa, quàm lubido dominandi: florentissimæ urbes, tamquam vacuæ possessiones, armis occupatæ: Carrarij Pataviũ, Mantuam Passerini, Canes Scaligeri Veronam, alij alia sibi asseruerunt. Nicolaus Laurentij, scriba populi Romani, incertum stolidior an ambitiosior, in Tribuniciam potestatem ac ius Imperatorium inuasit, in eamq; spem venit homo vanissimus, posse se multitudinem eludere in illis suis cogitatis furoribus inani iactatione libertatis. Ludovicus Bauarus iniussu Romani Pontificis Ioannis XXII. pro Imperatore se gerens Romam adiit: aduersus illum nefario consilio alium Pontificem legit, ab eoq; Imperij sumisit insignia. Deflagrauit in monte Calio Laterana Basilica: cometa, solis defectiones, pestes, annonæ penuria terrori & exitio fuerunt. Tanto stetit Pontificem alibi quàm Roma degere. In hac atrocitate temporum, armorumq; licentiâ, consilium, bellicamq; virtutem, & in Romanos Pontifices fidem probauere Rondinini. Replicare memoriam annalium Latine atq; Italice scriptorum, è quibus res eorum peti possunt, magni est operis, certè non huius instituti aut loci. Nec posteaquàm Pontifices Romam remigrarunt, cum Italis debellatum fuit. Eugenius I V. Pontifex Maximus bellis undique premebatur, ut vix ei respirandi facultas esset. Piccininus copiarum Dux, Pontifici infestus, ingenio & armis ferox, popalabundus vexabat Italiam: quidquid Mincio, Athesi, Benaco & Sebino lacubus allui-

iur.

tur, magnâ ex parte subegerat. Per Aemiliam deinde
 Flaminiamq; belli fragor intonuit. Bononia, Forum
 Cornelij & Liuij, Rauenna, aliaq; Pontificia ditio-
 nis oppida, ipsum etiam Picenum armis eius infessa.
 Victoriarum cursum cohibuit Boldrinus Rondini-
 nus, pugnandi æstu cum suis mediam perfringens
 hostium aciem, vitæq; periculum post virtutem ha-
 bens. Nec defuit fortuna virtuti. Piccininum cepit,
 & Manfredo Fauentino Regulo captiuum duxit siue
 belli ludibrium, siue victoriæ pompam. Vetera illa:
 hæc recentia. Iosephus Rondininus Natalis nostri
 germanus frater, belli sacri incensus cupidine, hono-
 raria militiæ rudimenta apud Venetos posuit. Sicum
 Turcico seruitio pressum obsidebant, oppidum apud
 Illyricos in sinu Scardonico, in conspectu irrumpen-
 tis freti ad montis radicem positum, atque arce fir-
 matum. Primus huc illum impetus rapuit, laboris
 æquè ac periculorum auidum. Inde ad Clissam admo-
 tus exercitus, quæ creditur Diocletiani fuisse patria,
 ab eo Diocletia dicta, & adhuc prisca appellationis
 extremum nescio quid visa retinere. Neque enim
 commentitium videtur, si Cletiam in Clissam dege-
 nerasse quis dixerit post frequentes incursiones bar-
 barorum, urbibus æquè ac rerum nominibus multam
 labem inferentium. Quæ lacinia videri possit huic
 narrationi inconcinniter attextæ, nisi fortè, quando
 in huius urbis mentionem incidimus, meminisse et-
 iam iuuet, unde homo immanissimus obscuriq; gene-
 ris ad Imperium emerferit, qui Christianam fortitu-
 dinem eò illustrauit magis, quò acrius ad illam oppri-
 mendam

mendam incubuit. *Urbs in rupe naturali situ munita, capta sæpius amissaq̃, cum denuò ex Turcis recepta est, bellicis Rondininum præclare exercuit. Mox enim Venetorum Senatus honoris causâ eum in Cretam ampliore Martis campum euocauit, externaq̃ Candia urbis munimēta eius fidei virtutiq̃ commisit. Exacuit generosi iuuenis animos data prouincia, ut fermè prima militia præmia. Quam dum strenuè sustinet, Turcæ per obscurum noctis, magno, ut solent, numero, pari feraciâ illum adorti sunt: tantoq̃ ardore pugnatum fuit, ut valla saucijs dilapsisq̃ propugnatoribus penè nudata occupataq̃ sint. At ea res malè mox Turcis vertit haud sanè inultis. Voce namq̃ & manu Rondininus terrorem in hostem reuocans, audaciam in suos, magnâ strage barbaros propulit: dumq̃ acrius, ultraq̃ quàm tutum erat, cedentes insequitur, muralis tormēti glande prostratus, ruinarum more, quæ super id quod oppressere franguntur, victor occubuit ingenti luctu suorum, anno M. DC. XLIX. VII. Idus Septembris, non illâ utique ætate tollendus, quippe qui annum secundum & vicesimum vixdum excederet, & admiratione militaris indolis in se veteres quoque milites conuerteret. Hæc aliâq̃ habuit Natalis in paternâ domo bellicæ togataq̃ virtutis decora, quibus ad laudem accenderetur. Nec minorem in pectore aluit flammam memoria rerum maternarum. Felix Sachia eius mater, perquàm illustri loco nata, maiores habuit Vectiani in Liguriâ aliorumq̃ quæ circa sunt oppidorum dominos, armis ac literis inclytos.*

Virisque

*Vtrisque clarus fuit Laudiuius Sachias, miles Hierosolymitanus, & ut ingenij cultum in militari viro agnoscas, Nicolao V. Pontifici, bonarumq; artium fautori optimo maximo apprime carus; electus quem cubiculo ac familiaritate aestimaret. Alter Laudiuius (sunt quippe nominum equè ac decorum retinentes familia) Felicis Sachiae pater fuit. Coniuge è viuis ereptâ, primum in Consilij Pontificij confessu aduocationis ius adeptus est, deinde quatuor Pontificum præclaris iudicijs commendatissimus vixit. Sub Clemente VIII. Curiae Apostolicae arario pro Tribuno; sub Paulo V. Pontificio Patrimonio pro Legato fuit: ab hoc etiam Episcopus Montis Falisci creatus: à Gregorio XV. missus ad Vene-
torum Rempubl. Nuntius: ab Urbano VIII. ad-
motus iterum arario, dein Pontificij Palatij Praefectus, postremo in amplissimum Cardinalium Collegium secundâ eorum nominatione cooptatus. Patrum Aemilium, Laudiuij huius fratrem, per varios quoque honorum gradus ad purpuram ac propè altius euexit parta prudentia usu rerum maximarum. Cum adhuc adolescens in literis emereret, ac deinde iuris cognitione primus inter aequales esset, & apertiore in dies famâ nosceretur, venit in sermonem gratiamq; Clementis VIII. Is in Cubicularios intimos eum retulit, quæ fuit ad res grauiores quædam quasi prolusio: post signandis gratiae causis cognitorem adhibuit: in Apostolicâ Curia delegatæ à se iurisdictionis iudicem esse iussit: inter Pontificij Consilij Notarios, Participantes appellant, gratis al-
legit:*

legit: Nuntium ad Catholicum Hispaniarum Regem extra ordinem misit: tandem Cardinalem creavit, suo iudicio dignè, ac merebatur, magnificèq; laudatum. Cùm enim eius merita breviter carptimq; repeteret, Iurisperitum sanctissimo Purpuratorum Patrum Senatui à se adiungi dixit nulli secundum. Ergò illi iam purpurâ donato Pontifex summa quæque & arcana committere: conquirere in illius prudentiâ & fide: illum æstimare ac diligere impensè. Amorem existimationemq; augebant quotidiana negotia prosperè expediteq; confecta. Inter hæc animus illi erat multâ humanitate temperatus, &, quo nihil est ad conciliandos homines accommodatius, beneficus ac liberalis. Faliscorum Ecclesiam cùm regendam suscepisset, inaugurationis sollemnia Pontifex ipse pro suo erga illum studio in Lateranensi Basilicâ peregit: mox Episcopi munus Congregationis Concilij Tridentini Præfecturâ cumulavit. Tantâ sapientiâ & integritatis famâ cùm floreret, & in Clementis VII. locum successor esset subrogandus, dignus habitus fuit, qui in Comitijis Vaticanis suffragia omnium mereri & ferre posset. Ita sensit ac scripsit Cardinalis Peronius literis ad Henricum IV. Gallia Regem à se datis. At, quæ est rerum humanarum inconstantia & breuitas, non multò utique longius in Pontificatu victurus fuisset, quàm qui illum adeptus est Leo XI. siquidem hic v. Kalend. Maij, septimo & vicesimo ab electione die, ille prid. Kal. Iunij, eodem uterque anno, quatuor tantum & triginta dierum intervallo (iuuat enim,

ut pauperes tenuis summa, ita perangusti temporis rationem exactius inire) vitam unagq; honores terminarunt. Videri posset alter Paulus Aemilius, Alexandri Rondinini & Felicis Sachia filius, hereditate adiisse aui & auunculi sui purpuram, si ut fortuna, sic animi bona ad alios peruenirent. Sed & illum sua virtus, sua in Remp. Christianam merita in Cardinalium Collegium aggregarunt. Adeo perennis ac propria est huic familiae claritas & amplitudo, rara prorsus felicitate. Vna Pherenice, ut memorat Plinius, quæ filia, soror, mater Olympionicarum: opprimit mentionem memoriæq; laudis huius Felix Sachia, filia, mater, cognata Cardinalium. Vna familia Curionum, in quâ tres continuâ serie Oratores exstiterunt: plus est, unam esse, quæ totidem habeat consiliarios & iudices orbis terrarum. Vna Fabiorum, in quâ tres continui Principes Senatus: maius, tres ex unâ in eum Senatum adscitos esse, qui non modo Regum, quod aiebat Cyneas, verum etiam Dei Diuorumq; confesum referat. Sed me rerum maximarum inter se comparatio longius ferat: nunc ad narrationis ordinem venio. Felix Sachia Alexandrum Rondininum coniugem suum anno ætatis eius primo & quinquagesimo adhuc aui immaturum amiserat liberis nouem relictis, cum tota domus onus eius esse cepit. Quamquam hi orbi putandi non fuerunt matre incolumi, non spectata tantum probitatis, sed etiam doctrinæ feminâ. Quod Sempronio Graccho Cornelia, Martia Hortensio, id Alexandro fuit

Sachia. Nullo praeceptore, ut docilitatis atque ingenij magnitudinem videas, ad discendas Latinas literas usa est, sibi dux & magistra; & antiquitatis tam profana quàm sacra diligens indagatrix. Curam igitur in liberorum institutione eò maiorem posuit, quò & ipsa accuratius honestarum artium studiis pueritiam, adolescentiamq; excoluerat. Paulus Aemilius, & Iosephus, alter in purpurâ, alter in sago, ut iam dixi, ostenderunt quid benè provideq; nutrita indoles posset. Laura non tam in matris gremio, quàm sermone educata, politiores etiam literas anima complexa est, & ipsa inter Lelias, & Lici-nias, & Mutias, & siquæ præterea parentibus suis doctrinâ & eloquentiâ responderunt, nominanda. Præceptoribus usa est Tarquinio Gallutio, & Alexandro Donato, viris è Societate IESV, eruditione, & editorum Operum famâ notis. Sollicitam instituentium diligentiam merebatur prouocabatq; em-nens illius ingenium. Quod ipsa deinde ita exercuit & expoliuit, ut post illos, quorum præceptis infor-mata est, fortasse etiam cum illis legi & placere posset. Certè Cardinalis Bentiuolus cùm suam de Bello Belgico historiam Latinè ac perpolitissimè verti cuperet, eamdem illi commendauit, ac tradi-dit. Sed defugit hanc operam virgo, non tam de-clinatione laboris ac studij, quàm modestiæ curâ. Sermo ac stilus illi cultus ac nitidus, in quo nullus ambitiosè patideq; quæsitus color. Neque enim igno-rare poterat deformari orationem plus æquo affecta-tam, perinde ac corpora, siquis vulsa atque fucata mulie-

muliebriter comat, fœdiora sunt ipso formæ labore. Supersunt adhuc nonnulla eiusdem tam solutæ quàm numeris ligatæ orationis præclara monumenta, ex quibus faciliè apparet, compluribus eam viris dubiam eruditionis palmam fuisse facturam, si literis, quàm religioni vacare maluisset. Humanis quippe rebus valere iussis, institutum S. Tereziæ secuta, in cœnobium sese abdedit, ubi sanctè religiosèq; in quo sunt omnia, vitam etiamnum, quod & diu faciat, exigit rerum diuinarum contemplatione dulcem atque tranquillam. Atque hætenus pauca è multis, velut faces in funere, præire iussimus: nunc sequatur ipse, cui funus ducitur. Quæ ad eius genus pertinent, ad eum quoque pertinere existimauimus. Nam etsi ea quæ ipsi non fecimus, nostra non sunt; nostra tamen, si in magnâ generis claritate splendorem habent, hoc ipso maiora esse necesse est. Ita Luciferum ceteris stellis clariorem esse nouimus, quod hæ in tenebris tantum, ille oriente etiam sole stationem teneat, luceatq;. Annum ætatis nonum attigerat Natalis Rondinini, cùm Alexandrum parentem suum luxit. Dabat iam tum ingenij iucundi & elegantis specimen ijs in literis, quibus ætas puerilis ad humanitatem informari solet. Ex ephebis egressus, Bononiam sedem ac magistræ Philosophiæ habuit, longè ijs dissimilis, qui ex Academico tantum otio licentiam usurpant. Ipse toto animo ac studio ad laudem incumbere: audire magistros, ab ijs audiri: intelligere, se in vestibulo scientiarum omnium stare; in earum deinde adyta penetrandi spem nullam fore, nisi

ingenium hîc prius diligenter exercuisset. Nec Mathematicas disciplinas negligendas putauit, ut scilicet ad rem militarē, si ad hanc fortè animum adiunxisset, paratior instructiorq̃ esse posset. Et quamuis aliò consilia verterit, totumq̃ se Deo dederit, iucundos tamen & utiles de rebus bellicis miscebat sermones in loco, non quales eorum sunt, qui debellaturi videntur super mensâ Alexandrum, imperiti rerum. Hauserat partim è præceptionibus aliorum, partim ex historys, quæ ad ordinem legesq̃ militiæ pertinent: quis castrorum locandorum situs: quæ instruendæ aciei formæ, ac varietates: quæ cingendarum urbium descriptiones: quando cum hoste conferendæ manus: quando quiescendum. Aliquot post annis Bononiâ in Urbem reuersus Theologiæ & Iurisprudentiæ operam dedit, hanc etiam publicè interpretandi donatus facultate. Exin sollemne illud suum semper tenuit, ut lectissimis quibusq̃ auctoribus volutandis tempus daret. Atque ut se oblectant qui ad celebrium fluuiorum capita consistunt, eorum præsertim qui auríferas arenas secum vehunt; ita iucundissimum illi erat ad sanctorum Patrum lectionem accedere, è quibus videret aurea illa promanare sapientiæ flumina, unde & sitim posset explere, & riuos deducere. Otij quoque sui partem ad sacram & profanam historiam contulit. Hanc ille oblectationem honestissimam utilissimamq̃ ducere: hinc petere dicta, facta, consilia publicè priuatimq̃, salubria: quam alij prudentiam agendo experiendog̃, ille sedendo legendog̃, comparare: ipsam in aduersis alio-

rum

rum casibus misericordiam iucundam putare. Huic studio finitimum fuit sacra, ritus, leges, instituta gentium obseruare, etiam barbararum. Erat igitur illi memoria velut ærarium opulentissimum, e quo eruditionis suæ diuitias opportunè depromeret. Accedebat his Latinarum literarum amor & cultus, & sine quâ nullus est ad vitam communem studiorum fructus, eximia in scribendo dicendoque venustas & copia. Interdum poetico incalescens æfflatu carmen scribebat veterum genio, puris verbis lectisque sententijs: Vel eâ causâ secessus in Vmbriâ apud Eminentissimum Principem fratrem suum Paulum Æmiliū Rondininum Cardinalem, Assisij Episcopum, gratissimus illi accidit. Parentauit hîc Sidronio Hofschio è Societate IESV Poëtæ cultissimo, dulcibus & expolitis elegis receptus sui amœnitatem allato de eius morte nuntio corrumpi questus. Paucula quidem eius poemata, quæ velut naufragij reliquie ad nos peruenerunt, publici iuris fecimus: sed lectorem si non lassabunt, explebunt tamen, & plura fient sæpè relegendo. Literariam supellectilem vt augeret, in Græciam quoque nauigauit, hoc est, ad scriptores Græcos animum appulit: Neminem, dictitans, sine hoc præsidio absolutum aliquid in ijs artibus, quæ ad humanitatem pertinent, consequi posse: Veteres Romanos eloquentiæ suæ opes omnes è Græciâ in Italiam conuexisse: illius linguæ opulentiam & suauitatem nullius interpretis oratione representari: illam Byzantio in Italiam, vnde totos septingentos annos exulauerat, ab hominibus nobilissimis olim

reductam fuisse; mox à doctissimis quibusque arre-
 ptam generoso contentoq; studio: turpe nunc Romanæ
 iuuentuti fore Musas Atticas in bibliothecis iacere,
 neglectas & situ obsoletas. Tot tamq; valentibus in-
 ductus causis inuigilabat in his studijs, veneratq; illi
 in morem non solum lectitare libros Græcos, verum
 etiam Græco sermone cum Deo loqui. Excultum lite-
 ris animum ornabant castissimi mores. Crederes Pu-
 dicitiam ipsam ab eius latere numquam discedere, &
 animi corporisq; velut templi Deo dicati adituam
 esse, quæ profanum aliquid aut immundum eò infer-
 ri non sineret. Mira illi erga amicos fides, & in abse-
 quio comitas: sermo ingenuus, & ab omni fuco alie-
 nus: plus in animo beneuolentiæ & officij, quàm in
 verbis, thesaurorum more, quibus plus est opum in
 recessu, quàm in superficie ostentationis. Sacerdos, &
 in Vaticano templo Canonicus sacris operabatur ser-
 mē quotidie, ad eumq; Numinis cultum dignam affe-
 rebat templis & aræ cōtactu probitatem. Tantā vir-
 tute sapientiāq; instructum asciuit Alexander VII.
 Pontifex Maximus in aulam suam, in quā velut in
 regno suo virtus est, eumq; sibi ab Epistolis ad Prin-
 cipes scribendis esse voluit publicā Urbis gratulatio-
 ne. Quā integritatis, & prudentiæ, eloquentiæq;
 laude munus suum administrauerit, superuacaneum
 sit dicere. Non deerunt decora ingenia, quæ cū ad
 tempora Alexandri VII. dicenda venerint, historie
 suæ inferent quas illius ingenio elucubratas literas
 de rebus grauissimis ad Principes dedit. Sed ecce dum
 tanto Pontifici se quotidie probat magis, & in Ro-
 manā.

manâ luce non amorem sui tantum, sed etiam admirationem mouet, supremus illum dies occupat, maiorumq; rerum spem, quæ in cursu erat, intercipit. Lubet hîc coronidis loco apponere, quæ de prematurâ eius morte ad Iacobum Vallium scripsit Illustrissimus Ferdinandus Furstenbergius: non quod me deficiant verba (quamquam & illa in tam acerbo casu deficiunt) sed quod hæ literæ exstare laudariq; mereantur professione pietatis. Sic igitur habent:

NOli, mi Walli, plures à Natali Rondinino nostro epistolas expectare. (& dederat cum sæpè aliàs, tum septē antè diebus, quàm fatalis eum morbus corripere, ita elegantem, & vberem, & officij plenam, ut eam dictasse ipsa videri posset Humanitas.) i v. Non. Septemb. quindecim dierum febris, heu dolor! consumptus est, tantâ nobilitatē, virtutē, eloquentiâ, ac doctrinâ iuuenis, ut meritò sæculi nostri Phœnicem quis appellet. Nondum tricesimum ætatis annum attingerat, & iam tum omnes antiquos quâ profanos, quâ sacros scriptores legendo peruaserat. Dici non potest, quantum ex eius morte dolorem S.D.N. ceperit. Amici omnes mœrore contabescunt: ego tam molestè eius desiderium fero, ut ne in parentum quidem morte plus hauserim acerbitatis. Omnia amicitiae officia ægroto præstiti, semper affui, animam agenti astiti, & benè precatus sum, oculos defuncto clausi, & acerbissimis adhuc lacrymis

392 ELOGIUM NAT. RONDININI.
creptum prosequor. Vbi dolor parùm remise-
rit, forsan Musis me meis solabor: tu quoque
molestiæ mihi partem tuis absterge.

Multis ille quidem flebilis occidit:

Nulli flebilior, quàm mihi.

Mecum illi tam arcta consuetudo ex simili-
tudine animorum ac studiorum coorta inter-
cedebat, vt Castorem & Pollucem diceres, vti-
nam alternâ morte redimendos. Sed quid ego
longiùs dolori meo ac lacrymis indulgeo?

Durum, sed leuius sit patientiâ

Quidquid corrigere est nefas.

His epistolam, non lacrymas meas finio. Ro-
mæ vi. Id. Sept. M. DC. LVII.

*Natus est Natalis Rondininus anno M. DC. XXVIII.
XIII. Iulij: excessit M. DC. LVII. II. Sept.*



APOLLONII FLORENTIS
 AD
 FELICEM ZACHIAM,
 NATALIS RONDININI
 DEFUNCTI MATREM.



*Idit ut ereptum properato funere natum,
 Flentibus immoto pectore mater ait:
 Mortalis genui mortalem; animoque supre-
 mum,*

*Cum peperit, occurrit tempus & atra dies.
 Vana tamen ratio, & rerum te fallit imago,
 Pace tuâ liceat dicere, docta parens.
 Perlege NATALEM celebrantium carmina, in ævum
 Carmina diuinis edita ab ingenijs:
 Teq; immortalem nati de nomine, & illum
 Laudibus eternum vivere posce suis.*

HONOR SUPREMVVS
AVGVSTINI FAVORITI
A D
FELICEM ZACHIAM

In funere Natalis Rondinini filij.

Ex Albano secessu.

S Ecet.e nemorum valles, mutiq; recessus,
Et deserta loca, & taciturna querentibus antra,
Quæ priscos habitasse ferunt (& credere dignū est)
Mortales, sine lege pios, sine messe beatos,
Accipite hos agro proruptos pectore questus,
Quos pietas, quos ager amor, luctusq; requirunt.
Et vos frondoso surgentes vertice fagi
Me sinite, erepti lugentem funus amici,
Illius æternum vestris incidere nomen
Corticibus: meus hîc saltem, dum stabitis, vnâ
Vinet amor, luctusq; mei monumenta manebunt.
Me sinite hîc viridi carmen, lacrymabile carmen,
Tristibus ad citharam numeris disperdere in umbrâ,
Quod recinant, qui se querulis solantur auenis.
Dulce queri miseris: dedit hoc natura leuamen.
Hoc animi, quæ vix vñquam coitura putares,
Vulnera dictamno curat, mulcetq; dolorem.

Plorat

Plorat Ityn Progne; consortem turtur ademptum;
 Ceyca Alcyone; casum Phaëthontis olores:
 Scilicet & mæstis implet nemus omne querelis
 Flebiliter querens absentem bucula matrem:
 Et nunc hæret inops animi, nunc arrigit aures,
 Si quæ fortè procùl crebris mugitibus instet,
 Errantem admonitura sui: nunc acta furore
 Dat gemitus incompósitos, & in auiâ fertur,
 Terror Hamadryadum, stragesq; miserrima siluæ.
 Illa peregrinum, natorum oblita, iuuentum
 Per saltus sequitur, vel fêsta altaria circum
 Flore reuincta caput magnis cadit hostia Diuis.

Iusta quidem caræ iam pridem soluimus umbræ:
 Nec cineri amplexus, largus nec defuit imber
 Funeri, ubi casu percùlsi, ac vulnere primo.
 Sed præstans animi Natalis, & indole pulcrâ,
 Constantiq; fide primis mihi iunctus ab annis
 Triste sui desiderium luctumq; reliquit,
 Vt me nulla dies solari, nulla queat res,
 Cogar & in longos absumere lumina fletus.
 Ergò siue aperit rebus lux alma colorem,
 Siue aufert umbrâ inuoluens nox humida terras;
 Dilecti manes, dilecta occurrit imago,
 Pallida, languenti viola, vel grandine tacto.

Narcisso

*Narcisso similis, frigentiq; ore videtur
 Oscula ferre genis, & brachia tendere collo
 Cara meo, qualem supremo in funere vidi,
 Cùm iam frigida mors oculis induceret umbras,
 Me quarentem oculis, & pectore singultantem:
 Cùm Fernandus, amicitia pars tertia nostra,
 Astaret lacrymans; sancto mox cedere iussis
 Officio lacrymis, Superos in vota vocaret,
 Difficilesq; obitus, animamq; exire parantem
 Celesti firmaret ope, ac prece feruidus omni.
 Hæc rerum species animum noctesq; diesq;
 Infelix subit; hæc sensus mi surripit omnes,
 Nec sinit à tristi curâ requiescere mentem.
 Nam neque Castalides, mihi dulcia nomina quondam,
 Quæ me illi ad laudẽ comitẽ, quamquã impare gressu,
 Addiderant, & amore pio, paribusq; ligarant
 Auspicijs, possunt miserum lenire: nec ipse,
 Quæ releuent agrum, Phæbus pater inuenit herbas.
 Cetera, quæ pariter quondam oblectare solebant,
 Omnia sunt ingrata: nihil iuuat. Hæc loca certè,
 Ipse hic formosi nemoris gratissimus horror,
 Et fortunati gelidus fons graminis altor;
 Ipse lacus ridens, auium securæ voluptas,
 Sylvarum decus, & Latia telluris ocellus,*

*In lacrymas questumqꝫ trahunt. Hæc ille solebat
Mecum animis, studioqꝫ pari loca adire quotannis;
Hîc pariter mecum fugientes condere soles*

Alloquio dulci, curarum oblitus, & Urbis.

Hæc illi regio dilecta: hîc sæpius illum

Naiades pulcræ, pulcræ stupuere Napeæ

Castâ Philetæis sociantem carmina chordis.

Non tamen æstorum cursus, non abdita terris

Prodigia, aut ortus ventorum, vel maris æstus,

Omnia adhuc hominum studijs ignota, canebat:

Sed Christi Heroas, immoto barbara vultu

Supplicia expertos, ignominiasqꝫ Tyranni;

Sed laudes Superûm, & diæ virtutis honores,

Quæqꝫ docet verax, & fallere nescius Auctor,

Humanâ maiora fide penetralia rerum.

Inde ad ALEXANDRI defleētens inclyta facta,

Commemorabat, uti Saturnia sæcla redirent,

Et probitas, & sancta fides, iam Praside terris,

Qui sciret regni hanc molem non ære, nec auro

Stare, nec arte hominum, sed religionis amore,

Sed virtute animi, & veterum pietate parentum.

Illius auspicio Latij's è finibus actam

Esuriemqꝫ, grauemqꝫ luem; decora addita templis;

Reddita virtuti sua præmia; reddita Musis

Otia,

Otia, & erectas artes: illoq³ sequestro

Venturam populis post tristia bella quietem.

Omnia, quæ summi quondam præfaga Dei mens

Cum fore prospiceret, nostræ miserata labores

Gentis, ALEXANDRO mandasset fulmina, & orbis

Imperium, quamquam magnis virtutibus impar.

Talia non ficto referebat carmine vates,

Si quando à grauib³ curis, studiisq³ seueræ

Palladis, & doctis animum reuocaret Athenis.

Rudera vel Latij, & prisca monumenta Senatus

Lustrabat, veterum gaudens incisa metallis

Ora virum, & sculptas à tergo noscere pugnas,

Gnarus & armorum. Nemo nam certius illo

Norat, quæ belli ratio circumdaret urbi

Mœnia, quæ victrix aperiret machina muros.

Illum ego sæpè equitum stantes peditumq³, maniplos

Et pugna instructas acies, & Martia castra,

Preliaq³, in docto scribentem puluere vidi.

Tūne igitur dulces auras, & dulcia nostræ

Pignora amicitia, tantarum in limine rerum,

Deseris, inq³ tuo surgentes nomine cunctas

Spes Latij perdis? nihil ergò ars docta medentum,

Nil herbae valere? nihil flos viuividus aui?

Nec fratrum te cura vigil, nec sedula mater,

Nec

Nec dilecta Deo soror eripuerè periclo?

Vtq; tuas parco delibem carmine laudes,

Non tua te pietas, non culta altaria, non te

Candida mens animi, aut doctæ facundia lingua,

Non vis ingenij præstans, & ducta per omnes

Ingenuas artes, leto subduxit acerbo;

Cùm gentem innumeram, telluris inutile pondus,

Non nisi post seram mæter Libitina senectam?

O semper damnata pati fata aspera virtus!

Vidi ego periuras, prædæq; nocentis onustas,

Post longos pelagi errores, casusq; per omnes,

Incolumes tamen ad patriam remeasse carinas:

Naufraga cùm gemeret puppis, quæ litore ab Indo

Tunc primùm niueis pacata per aquora velis

Ibat ouans, Diuûmq; aris pia thura ferebat.

Intereà casum ingemuit Romana iuuentus,

Fassa suum decus extinctum: ingemuere relicte,

Et tibi ferali crinem cinxere cupressu

Pierides, fluuiog; dolens Tiberinus ab alto

In mare visus aquis Tuscum dilabier atris.

Ipsam etiam dolor inuictum tot casibus, ipsum

Flexit ALEXANDRUM, lacrymisq; in funere crudo

Panè profanari caelestia vidimus ora.

Quippe acre ingenium Pater æquus norat, & alta

Semina

Semina virtutis, patrioq; fonebat amore.

*Nimirum ille, sacro solium stipante Senatu,
Principibus, te vate, dabat responsa benignus,
Voce tuâ solitus populos armare fideles,
Sine laboraret Venetus, seu tristis Enyo
Verteret Heluetiam, seu bello assueta nefando
Suecia Sarmaticos vastaret milite campos.*

*Sed iam cesset inops dolor infelicia verba
Fundere. Tu felix, Diuorumq; vnus, Olympi.
Securâ de parte, nigris Aquilonibus actam
Serpere sacrilegam, populosq; exurere flammam,
Perq; omnes volitare vides bella impia terras,
Pauperiem circum, miserasq; ferentia clades.
Inde hominum genus, & casuras despicias vrbes
Altior inuidiâ, & Regum capita ardua calcas.
Quod tibi si celsam mortalis gloria mentem
Tangit adhuc, non tu tabulis, nec marmore Lunæ,
Æréve, quod Siculis miscent Cyclopes in antris;
Sed merito ipse tuo, & vatum sacrabere chartis.
Illa ruunt eno tandem consumpta, vel igni:
His Lachesis, rerumq; vices, & fulmina parent.
Nempe tuum posthac nulli violabile fato
Illorum fidibus viuet decus: hi tibi famam
Longius extendent vitali carmine, quàm si*

*Marmore de Libyco, aut Ephyreio duceret ære
 Graia tuam manus effigiem, vel barbara moles
 Egypti ad cælum saxis audacibus iret,
 Insanus labor, & solamen inane sepulcri.
 Quin etiam (qui rarus honos) tibi Belgica plorans
 Sollemnes struit exequias, & funera Clio:
 Carminibusq; sacris inscriptas litore in illo
 Pyramidas statuit, laudum monumenta tuarum,
 Æternum mansura; licet sæpè illius oram
 Litoris implacidum latè voret aquor & urbes.
 Sed neque me immemoris, si vera recepit Apollo
 Arguerint animi venientia secula: nomen
 Quippe tuum, nosterq; dolor, lacrymaeq; manebunt.
 Nec tibi quæ mæsta inferias, ac debita mittit
 Munera, ALEXANDRI multum sublata fauore,
 Iuerit ad seros ingloria musa nepotes.*

*Tu verò Latias inter clarissima matres,
 Atque olim numero doctarum addenda sororum,
 Urbis honos, Felix, lacrymis absiste profanis:
 Ne nati turbare velis ingrata quietem.
 Cùm Vaticanam facerem pullatus ad aram,
 Seruari quàm certa fides ossa inclyta Petri,
 Et requiem dulci, veniamq; precarer amico,
 Reddita, vel mihi visa sacro vox reddier antro:*

Dic bona verba : procùl feralia vota, sacerdos.

Iam pridem cœtu Superùm, solioq̃ receptus

Egregius iuuenis : scelerum vix flamma piatrix

Distulit aternæ pereunti gaudia vitæ.

Nunc ille atherio graditur spectandus in oſtro,

Effigiemq̃ Dei, cuius fulgore beantur.

Celestes animæ, multùm sub imagine pulcri

Quæſitam in terris, manifeſtâ in luce tuetur.

Iam calo apparet medio, ſidusq̃ benignum

Collibus affulget Latijs, & lumine certo

Signat iter, quo niſa polum ſubit ignea virtus.



DANIELIS PAPEBROCHII
E SOCIETATE IESV
A D

FELICEM SACHIAM,
post cæsum in propugnatione Candiaë filium
IOSEPHVM RONDININVM,
ALTERO IAM FILIO
NATALI RONDININO
ORBATAM.

Non posse eam vitam breuem dici, quam
numeris omnibus virtus & doctri-
na absoluerint.

CUr ego felicem verear te dicere, Mater,
Sis quamuis iterum pignoris orba tui?
Odrysiis alter cecidit tibi filius armis,
Alterius cineres Romula textit humus.
Flendus uterque tibi: sed, si locus equa monenti est,
In gemino luctu quo releueris habes.
An, quia supremos nondum compleuerat annos,
Creditur ante suum raptus uterque diem?
Demens, qui vitam spatio metitur & annis:
Quantula sit, longam gloria magna facit.

Nestorea equauit Pelides secula, quique

Edomito Magni nomen ab orbe tulit.

Antè senescenti fluerent quàm vertice cani,

Implerant meritis tempora longa suis.

Sic tuus Euganeis felix Iosephus in armis

Non multos multo clausit honore dies.

Sic tuus infertur tumulo Natalis auito,

Augustæ nuper Sedis & Vrbis amor.

Victorem toties terra illum Gnosia vidit,

Vt nequeas vitæ de breuitate queri:

Hunc virtus matura polo transcripsit & astris,

Longæuos posset quanta decere senes.

FELIX *ergò mihi scribêris SACHIA semper,*

Nec tibi ius dubium nominis huius erit.

Quis tamen orbatam lacrymis prohibere parentem,

Tristia quis gemitu fata carere velit?

Non ego durus in hoc : potiùs solantia mittam

Carmina : soluendis luctibus illa valent.

Et decora & laudes dicam Natalis adempti :

Gnosiacas lauros qui canat, alter erit.

Qui genus, vnde domo, quæ priscæ gloria gentis,

Ducta per antiquos cera loquetur auos.

Vos mihi Pierides (vestras nam fertur in vlnas

Matris ab amplexu sæpiùs isse puer)

*Vos mihi, quæ vitæ series, quas acta per artes,
Pandite, cur dici se vetet illa breuem.*

*Quattuor ad quinos nondum sociauerat annos,
(Prima bonis ætas artibus ista patet)*

Iam Graiæ tentare puer primordia linguæ,

Iam Latio cæpit cultiùs ore loqui.

Pierias illum Phæbus deduxit ad undas,

Doctaq; Castalijs ora rigauit aquis.

Seu caneret syluas, syluas cantare decebat,

Materiæ versu conueniente suæ:

Sive per heroum laudes foret impetus ire,

Par erat heroïs impetus ille modis.

Sapè etiam, dum rostra quatit puerilia, magnis

Prælusit causis: & satis oris erat.

Scilicet has artes ipso cum lacte tenellus

Hauserat, inq; sinu, Sachia docta, tuo:

Illo nempe sinu, quo Paulus, & amula Paulo,

Ceu Sôphie in gremio, luserat antè soror;

Laura Soror, quâ non veteres Heroïdas inter

Altera Româno cultior eloquio:

Cuius & ingenio conferri Tullia sese

Gaudeat, & Gracchos quæ tulit una duos.

Perge Puer, nec tu Fratri, nec cede Sorori:

Se quoque vincendum sperat vterque Parens.

Dum loquor, ipse rotas Academi in puluere versas,
 Quò vocat admissos area maior equos.
 Hic quoque victorem cerno; robustior etas
 Vix illi stadio sit licet apta satis.
 Neuerat hæc, vitæ dum florida curreret etas,
 Stamina festino pollice Parca tibi.
 Ast ubi prima toga cessit prætexta virili,
 Ingenio nulla est meta statuta tuo.
 Quid fora, quid leges, quæ iuris forma tenendi,
 Quî posses trepidis utilis esse reis,
 Exigui docuit mora temporis, inq̃ capaci
 Visa resedisse est pectore tota Themis.
 Hinc etiam annorum seriem nouisse priorum,
 Et veteres Fastos discere cura fuit.
 Altera cura, Dei Fideiq̃ arcana notare,
 Quà licet, & nostris mentibus illa patent.
 Voluebas Graios, Latiosq̃ ex ordine Patres,
 Quosq̃ sequuta pares secula tulere viros.
 Nec tamen armata spernebas Pallados artes,
 Doctus ab hac quo sint bella gerenda modo;
 Quæ melior vallo, quæ fossis forma profundis;
 Quis bellatoris certior usus equi;
 Quis locus insidijs, Marti quis factus aperto;
 Exiguus quantas subruat ignis opes.

Et poteras tinctas hostili sanguine lauros

Ad patrios victor sæpè referre lares :

Et poteras seris celebrandum atatibus olim

Romanos inter nomen habere duces :

Ni pia præ diris placuissent otia bellis,

Teq̃ sibi Diuus conciliasset Amor.

Sensit Alexander (quid enim non sentiat ille,

Creditus à magno maximus esse Deo ?)

Sensit, & : O iuuenum, dixit, cultissime, noster

(Sic quoniam virtus rara meretur) eris.

Otia siue Deo, seu Musis sacra placebunt,

Tota domus Musis, tota dicata Deo est.

Hic poteris rerum strepitus contemnere mecum,

Pectoraq̃ æthereis pascere delicijs.

Hic poteris cultas animum versare per artes :

Amplius his tribuit, quàm mea, nulla domus.

Venerit à magnâ quoties mihi litera dextrâ,

Reddetur digitis charta notata tuis.

Non ego præcipuas metuam tibi credere curas,

Quæq̃ petunt certam multa tacenda fidem.

Non metuam per te geminos in fœdera Reges

Poscere, & heu ! longas improperare moras.

Dixit, & Augusto tectoque animoque receptum

Sollicitâ iuuenem fouit & auxit ope.

Sachia felices inter numeranda parentes

Quid tibi tunc animi, quid tibi mentis erat?

Cùm Vaticano natorum maior in ostro

Germanum sacros sîsteret ante pedes:

Cùm tibi septeni submisso vertice colles

Plausum, & letitiæ publicæ signa darent;

Natalisq; tui cupiens contingere dextram,

Tota tuam visa est Roma subire domum.

Hei mihi! quâ nulla est, umquam diuturna voluptas!

Gaudia quàm dubio stant peritura loco!

Qui modo Romanâ fuerat celeberrimus aulâ,

Non levis egregiæ spesq; decusq; domus;

Concidit in medio titulis crescentibus ævo,

Ceu rosa quam subitâ grandine læsit hiems.

Stans tamen & lacrymis genitrix animosa repressis,

Quâ sinit ingenti mistus amore dolor:

Non mihi Dictæas, inquit, qui casus ad arces

Gnosiacam fuso sanguine sparsit humum,

Creditur ante diem fatis cessisse; nec iste

Ante suum raptus creditur esse diem.

Illum Threicijs obstantem fortiter armis,

Per quæ multa tulit vulnera, plura dedit,

Pro patrijsq; sacris, pro relligione cadentem

Annis constat aui nil eguisse sui.

Iste quid innumeris maius retulisset ab annis,
 Moribus & studijs quàm placuisse Deo?
 Quàm placuisse viro, Christi quo sacra regente
 Nil maius, nil par maximus orbis habet?
 Maeste animus generosa Parens: sic viuere pergas,
 Sic minuant reliquam funera nulla domum.
 Hunc etiam, quem terra tegit, morsq; inuida nostris
 Sustulit ex oculis, ne perijisse puta.
 Viuit, & Ausoniâ memorabile nomen in aulâ
 Supremos illi contigit ante rogos.
 Hoc quoque nequâ dies, venturaq; nesciat atas,
 Sat nutus summi Principis vnus erit.
 Annuerit Belgis, ibunt in carmina Belgæ,
 Quotquot Apollineâ nomen in arte tenent:
 Annuerit Latijs, Latij præconia vates
 Digna viri meritis ingenioq; canent.
 Nec nihil huc nostræ credent se posse Camæna,
 Paruaq; erunt turbæ pars celebrantis idem.

FERDINANDI FVRSTENBERGII
A D
A V G V S T I N V M
F A V O R I T V M.

De morte Natalis Rondinini S. D. N.
ALEXANDRO VII. Pont. Opt. Max.
ab Epistolis ad Principes.

Non ita Lampetie casu Phaëthontis acerbo
Fleuit, & ambusto Cygnus in amne Padi;
Non ita Pelides, mediâ cum vidit arenâ
Aëtoriden sparsis cade iacere comis;
Tros Anchisiades non sic Pallante perempto,
Nec Thefeus cari funere Pirithoi,
Ut mihi mœsta pio tabescunt lumina fletu,
Imag, perpetuos pectora dant gemitus,
Dum desiderio mentem perfixus inani,
NATALIS mutos conqueror ad cineres.
Crudeles Diuos, crudeliaq, astra vocanti
Nulla venit misero nocte diève quies.
Nec magis, heu, lacrymis saturatur luctus amaris,
Quàm matutino rore perustus ager.
Si fugit interdum, vagus ut Meander, in orbem
Mox redit, & sese decipit ipse dolor:

Notaq,

Notaq̃ dilecti passim NATALIS imago

Occurrit madidis obuia luminibus,

Dulcè loqui fido, velut antè solebat, amico,

Brachiaq̃ & caras tendere visa manus.

Siue etenim ripam Tiberini propter amœnam

Cernere veliuolas, quas vehit vnda, rates,

Et septem geminis latè spectare iacentes

Collibus antiquæ me iuuat Urbis opes,

Pyramidasq̃ nouo ductas ad sidera sumtu,

Et Vaticano templa superba tholo :

Siue suburbanas Latij peragrarè ruinas

Mite iubet sancti Principis imperium,

Albanumq̃ lacum, dilectaq̃ rura Mineræ

Posthabitis Romæ visere delicijs,

Montus ubi quondam per viscera ductus aperti

Fatalis Veijs irrigat arua liquor :

Semper amarities, semper dolor heret eunti,

Et cruciat miris anxia corda modis.

Nec vetus Alba grauem potis est mihi demere curam,

Vmbra nec æstiujs Tuscula frigoribus ;

Nec nemus Egeriæ, Scythicæ nec regna Dianæ,

Nec lacus occulti conscius Hippolyti.

Tène malâ, iuuenum castissime, fraude nouercæ

Distractum rapidis membra cruenta rotis,

Tène

Téne Coronides medijs è faucibus Orci

Ereptum Triuia restituisse Deæ,

Et latos oculos, roseumq; potentibus herbis

Os valuit, nitidas & reparare comas?

At miserum, ut primæ NATALIS flore iuuenta

Occidit indigno flebilis interitu,

Non pietas, non sancta fides, non Pallas, & omnis

Aonidum tanto cultus amore chorus,

Ipsè nec atherias reuocare ad luminis auras

Sustinuit medica Cynthius auctor opis?

I nunc, & demens animos attolle superbos,

Et Zephyro plenos finge tumere sinus.

Finge miser titulos, & grandia munera rerum,

Et spera Pylij tempora longa senis.

En iacet exigua iuuenis compositus in urnâ,

Promeritus cæptis omnia fausta suis.

*Nam quid ALEXANDRI meritis fauor, aut quid
honorum*

Spes, & fraternâ fœdera iuncta fide?

Quid præclara domus, genitrix aut profuit illi

Optima, Castalias inter habenda Deas?

Læta quid aspirans rebus fortuna secundis,

Et plausus totâ maximus Ausoniâ?

Scilicet exorare nefas est fata, nec ulli

Parcarum licuit frangere duritiem.

Non

Non tamen Heroum manes inferna coërcent

Flumina, nec Stygij pallida regna Iouis.

Aetherias illos virtus sublimis ad arcēs

Euehit, & campis consecrat Elysiis.

Hic, hic NATALI domus est: hinc arduus imas

Sub pedibus terras despicit & maria;

Miraturq; nouos orbes, conuexaq; mundi

Mænia, & innumeras, splendida signa, faces.

At licet huic longos Libitina inuiderit annos,

Dum meritis implet Solis utramque domum;

Ne tamen vlla queat nomen delere vetustas,

Prouisum Clario gratulor esse Deo.

Dum terras atque omne sibi deuinciet æuum,

Curaq; ALEXANDER posteritatis erit;

Dum pius in Venetos animus studiumq; canetur,

Classis & Aegeo Thracia victa mari;

Dum referetur amor, quo tristia bella Tyranni

Ardet in excidium vertere Bistonij,

Quo res Sarmatiae, viduataq; Casare regna

Curat, & impositos Alpibus Heluetios,

NATALI constabit honos, viuaxq; manebit

Doctrinae, & Suada nomen, & ingenij.

Semper ALEXANDRI, sacra per vestigia, laudes

Ponè sequens, ibit clara per ora virum.

Tu

Tu quoque Pieridum decus, AUGUSTINE, sororum,

Quo Latium, & timidis Macra superbit aquis,
Ingenuos mores, & vitam puriter actam,

Cordaq; non ullis tacta cupidinibus,
Virtutesq; alias cari memorabis amici

Carmine, quod possit nulla abolere dies.

Nam neque signa tuæ spirantia marmore Luna,

Nec Polycletaâ nobilis arte labor,

Longiùs extendant famam NATALIS in ævum,

Quàm tua Meoniæ proxima Musa tubæ.

At mihi, cui tantum non concessere Camæna,

Vt canerem paribus grandia facta modis,

Sat fuerit gelidis extrema dedisse labellis

Oscula, & exangues imbre rigasse genas.

Sat fugientem animam fato legisse supremo,

Et clausisse piâ lumina cara manu.

Sat tumultum lauri folijs ornare quotannis,

Et cineri multâ solvere iusta prece.

GVILIELMI BECANI
 E SOCIETATE IESV
 NATALIS, IDYLLIVM
 IN OBITVM
 NATALIS RONDININI
 S. D. N.
 AB EPISTOLIS AD PRINCIPES,
 AD EMINENTISS. CARDINALEM
 PAVLVM RONDININVM
 FRATREM.

D*Esine fraternum lacrymis urgere sepulcrum,
 Paule, superuacuos effundere desine questus.
 Frater adhuc superest, & post sua funera viuit.
 Quos coluit, vitam nomenq, dedere poetæ.
 Equora dum Tiberis, Tiberim vicina subibunt
 Flumina, quas rapto laudes scripsere, legentur.
 Hæc vatum pietas: nec adhuc Natalis amati,
 Quo se cumque ferunt, * occurrere cessat imago,
 Visa loqui fidis, velut antè solebat, amicis,
 Et dare complexus, & tendere brachia frustra.*

* Vide Elegiam Ferdinandi Furstenbergij pag. 417.
 Nos

*Nos etiam (& nobis sunt carmina, nos quoque vatum
Dicimur è numero, timidè sed credimus, esse)*

*Nos etiam procùl à Latio, procùl Alpibus illi,
Quà licet, extremos mæsti curamus honores.*

*Exequias facimus, tumultumq; sacramus inanem,
Et sua dilectos manes ad sacra vocamus.*

*Huc Natalis ades : sollemnia soluimus umbris
Belgæ iusta tuis. Belgas Natalis amavit.*

Clitumni ripæ, Romaniq; Umbria testis

*Patria Callimachi, fatis ut nuper ademtum
Fleuerit Hosschiaden : (Romano proximus ille*

*Callimacho fuerat) simul indè à finibus illis
Inferias caræ pia carmina miserit umbræ.*

*Nil homini certum est. Egon' hæc, Natalis, amico
Cum faceres, eadem tibi mox præstanda putavi?*

O expectatum frustra tibi longius ævum!

Vixisses saltem, dum, quæ gens omnis & ætas

Noscet, Alexandri licuisset dicere facta!

Non alijs plus se iactassent secula fastis.

Raptus es ante diem, nec adhuc sat cognitus orbi :

Raptus es, & tecum solatia raptæ tuorum.

Ipsi etiam montes, ipse tua tristia fata

Fleuerunt rupes : sed mors est durior illis,

Et tantum precibus, cum summa vocauerit hora,

Tantum

Tantum lamentis hominum mitescere nouit,
 Balatu teneri quantum lupus efferus agni.
 Quid clarus sanguis, quid sit domus incluta, nescit.
 Stirps tibi contigerat titulis insignis auitis,
 Ingenium stirpi, virtus equalis utrique.
 Ut decori vites ulmis, ut vitibus ulmi,
 Te genus ornabat, generi famamq; decusq;
 Tu laturus eras. Iam rebus læta futuris,
 Aggredere ô magnos, dicebat mater, honores.
 Strata via est: patuit summi tibi principis aula
 Virtutum sedes. iter hac tibi gloria pandit.
 Signauit frater quo tendere tramite possis.
 Euge meus sanguis, tu fors eris alter ab illo:
 Purpura quem deceat, te dicar habere secundum.
 Infelix mater, perijt tua messis in herbâ.
 Natalis cinis est. Quos nec fuit utile nasci
 Interea viuunt, & terræ probra supersunt.
 Parcite Pierides. Deus omnia respicit æquus.
 Non toti morimur: pars effugit optima letum.
 Hac adiit Superos, & iam labentia sub se
 Sidera Natalis, vastos miratur & orbes.
 Iam libat vitæ fontem, sitiensq; saturq;
 Ambrosia ducit succum, & se nectare pascit.

*Hic pater, hic illi tulit obuius oscula * frater,
Sanguine frater adhuc stillans, plagisq; decorus,
Valla quibus seruata sibi sua Candia debet.*

*Inter & amplexus : Viridi, pater inquit, in auro
Te quoque, Natalis, rapuit mors: tu quoque nobis*

*Accedis iuuenis : sed qui maturus Olympo est,
Non cadit ante diem. Tuus hic neque longius annos
Produxisse velit frater . Quæ vulnera seruet*

*Aspicias ? his Diuum vitam sedesq; beatas
Possidet : his illi, quam cernis, gloria parta est.*

*Tum procerum turbam magnam, magnoq; coruscantem
Lumine designans: Maiorum, nate, tuorum*

*Hic, ait, agmen habes : sunt hi, quos maxima virtus
Eripuit terris, atque istâ sede locauit ,*

Sanguinis auctores, & nostræ stirpis origo.

Deducensq; manu Natalem miscuit illis.

Stellantis mundi ciuis, decus addite Diuis,

Natalis salue. Tua iam tibi premia constant.

Aspice nos. Quæ sit votorum summa, requiris?

Quæ tibi nuper erat. Petimus quod sæpè petisti.

Vivat ALEXANDER : nos sospite viuimus illo.

Vivat, & hic populos celi fauor ibit in omnes.

Non

* Iosephus Rondininus, de quo in Natalis elogio.

*Non radios Titan, quàm curas ille paternas
 Latius extendit : quidquid vastissimus æther
 Orbibus immensis, animo complectitur ille,
 Communisq; pater toti se diuidit orbi.
 Relligio, cultusq; Dei super omnia curæ.
 Hostis Alexandri est, quem non habet illa fauentem.
 Si premitur, fulcit ; si quæ labat, ipse ruinam
 Sustinet, & quidquid non est reparabile, deflet.
 Quales esse suos, queis viuere moribus optet,
 Exprimit ipse suis, & vix imitabilis ulli
 Quemque suæ vitam cuperet componere vitæ.
 Præmia digna quidem meritis oramus vt illis
 Sera tamen veniant. Subeat, fac, sidera tardè,
 Deq; tibi demtis illi Deus augeat annos.
 Illi Roma diu regimen quo gaudeat, illi
 Debeat æternam mundi pars cetera pacem.
 Pannoniæ fines, habitataq; Thracibus arua
 Mars petat: in diros vertantur prælia Turcas:
 Auctor Alexander belli noua fœdera iungat:
 Euocet Europæ populos, atque agmina magno
 Auctorata Deo trans Hæmum mittat & Hebrum.
 Nomen Alexandri Byzanti terreat arces,
 Concutiat Rhodopen, Hypanim cum Strymone turbet,
 Bistonibus fatale, feris fatale Gelonis.*

*Illius auspicijs Aquilas, & Lilia, & auro
Vellera fulua, Crucis fulgens super omnia signum
Bosporus euersis videat succedere Lunis.*

*Quò ferimur Musa? reuocant Natalis ad urnam
Nos cari cineres, & dona nouissima poscunt.*

*Sparge puer flores, & vatum insignia lauros,
Et dic: Ista tuo, Natalis, spargo sepulcro:
Vt viret eternum laurus, tua viuida semper
Gloria, Alexandri fama comes, ibit in aenum.*



GVILIELMI HESI
 E SOCIETATE IESV
 ELEGEIA IN OBITVM
 ILLVSTRISSIMI DOMINI
 NATALIS RONDININI,
 S. D. N.
 ALEXANDRO VII.
 AB EPISTOLIS
 AD PRINCIPES, ETC.

Quem ex benè instituto virtutis & honorum
 cursu primo viuentibus eripuit præmatura
 mors anno Christiano M. DC. LVII. ætatis
 eius xxx. nondum impleto.

Magna, sed exiguo te, RONDININE, sepulcro
 Sub modico terræ cespite Roma tegit.

Te cohibet brevis urna, sinuq; amplectitur arcto.

Ah! brevis est, totum quem brevis urna capit.

Ast ego credideram, quod credere nempe iubebant

Ingenij vigor & spiritus ille tui,

Parq; animo genus, & doctæ facundia lingua,

Te septem Romæ collibus esse parem.

Credideram, nec vana fides. Nunc omnia tecum

Abstulit extremi temporis una dies.

Exiguum, quodcumque fuit mortale, putandum est:

Quod cadit, & casu frangitur, heu! nihil est.

Ipse sacræ secreta manus tibi credidit ille

Numinis interpres, proximus ille Deo,

Magnus ALEXANDER: morituro nil tamen illud

Profuit: è tanto es parua quod urna tegit.

Fatorum immortale odium non gratia tanti

Principis, aut famæ lenijt aura tuæ.

Cribellos Rondininis Insubria iunxit:

In titulos venit sanguis uterque tuos.

Sed neque te nomen, quamuis tibi, Roma, colendum,

Nec sanguis, quamquam nobilis ille fuit,

Nec caste texere Deæ, quas carmine sacro

Ille tuus toties sollicitauit amor.

Audijt orantes pro te Libitina sorores;

Non exorato sed stetit illa pede.

Terq; solum pulsans: Finis sit denique vitæ,

Dixit; & heu! summum concidis ante diem.

In fletus abiere nouem, pia Numina, Musæ,

Quas tuus in lacrymas tre coëgit amor.

Parcite, dicebant, morituro fata clienti:

Fata aliquod Musas numen habere putant.

Et fuit ex illis quæ vos quoque flectere possêt:

Et noster quos non flectere possit amor?

Par-

Parcite : noster hic est. Singultus cetera preßit.

Et carmen lacrymis inuolüere suis.

Flete pia Musa; nec sit pudor ora rigare

Fletibus: & lacrymas vidimus ire Deo.

Ille etiam fleuit, qui maior Apolline vestro,

Septenis Romæ collibus imperitat,

Et ius præscribens toti venerabile mundo,

Proxima, nec vano sub Ioue, regna tenet.

Quò tamen hæ lacrymæ? properat data stamina Parcæ

Et, mora ceu nimium lenta sit, una secat.

Occidis. Incubuit flens Furstenbergius ori,

Et fugientem animam ponè sequente animâ

Cum gemitu & lacrymis ter & ampliùs exclamauit:

Sed iam per lactis fugerat illa viam,

Quæ castis celi medium spendoribus ambit,

Heroesq; super sidera fixa locat.

At, quamquam cælo iam, RONDININE, receptum

An quisquam est qui te nos quoque flere vetet?

Flebitus : extremo fletus medicina dolori est.

Est aliquid mæsto carmine posse queri,

Immites, genus indomitum, fera numina, Parcas

In magnos nimium iuris habere viros.

Quò tamen hæc? lacrymis potius laudabere nostris:

Non vana, lacrymæ, pondera laudis habent.

Flebitus, heu ! nostros, tua nuper gesta, dolores:

Materiam pleni carminis illa dabunt.

Vita dabit numeros ; numeros quia continet omnes,

Totaq, adhuc cineri spirat iniusta tuo.

Ah ! quàm vana mei quero solatia luctus !

Amisus cruciat, cùm memoratur, amor .

Pœna queri est, & amare dolor: cedamus utrique:

Et leue fit, subeas quod patienter, onus.

Scilicet immites alijs quoque stamina Parca

Non exoratâ dissecuere manu.

Occidit Hesperij proles augusta Philippi:

Totus in hac tantùm prole Philippus erat.

Vnica in hac erat occidui spesq, ultima regni;

Illa tamen Patris fletibus immoritur,

Et votis calum frustrâ ferientibus ipsum,

Nuda quater-magni nominis umbra iacet.

Nec minùs ille tuâ vinctus Romane coronâ,

Hungare & ille tuâ, atque ille Bœme tuâ,

Successor datus Imperio Rectorq, paterno,

Ceu rosa quam veris prima pruina necat,

Ostensus tantùm terris cadit. Austria casum

Pænè oppressa grauem sensit ; & in lacrymas

Et gemitus effusa, suoq, infracta dolore,

Fernandus, tantùm hoc flebile dixit, Obit !

Ah genus immansuetum & inexorabile, Parce!

Funeris exuias qualibet vna tulit:

Tresq; simul ternas capiti rapuere coronas.

I nunc, & capiti disce timere tuo.

Illi magna licet sit gloria, gratia maior,

Perdere utramque dies vna, vel hora potest.

Maxima sæpe leui franguntur & optima casu.

Respicit occasum grandior umbra suum.

Quem citò maturum celi indulgentia fecit,

Ante suum fructus carpitur ille diem.

Plena operum magnorum, aurisq; inuecta secundis

Frangitur in cæco pressa carina vado.

Parua subit seros post lenta pericula portus,

Nec cadit irato victima cymba mari.

In vulnus mortemq; patet pinguisima ceruix:

In montes celi fulmina prima cadunt.

Magnarum hic rerum cursus fuit. Optima metam

Prima tenent: lentè currere laus minima est.

Acta brevis vita, seros non computat annos

Posteritas. Res est magna fuisse parum,

Et multum vixisse. Inter lamenta virorum,

Et lacrymas vitam claudere, magnificum est.

Qui rectè vixit, vixit satis: ampliat annos

Vir bonus, & summam temporis omnis habet.

Sic RONDININVS vixit, sic viuere terris

Desiit. Aetati bis tria lustra dedit ;

Sæcula virtuti. Flentes discedite Musæ :

Hæc pretium vitæ mors melioris habet.

Funus honoratum est. Nullus lugubria sumat :

Ambiat illustrem candida turba rogem.

Vita peracta benè est. Defuncto plaudite ciues

Romulei : lacrymas non petit vrna leues.

Vrna triumphali Musarum ornanda coronâ,

Quam circum pennâ remige Fama volet,

Et celebret fausto victurum carmine nomen ;

Quam facilis morum gratia, nobilitas ,

Ingenij decus, & castæ facundia linguae,

Turbaq, virtutum cingere semper amet.

Vrna etiam in celsas Romæ extollenda columnas,

Seu Traiane tuas, Ælie siue tuas ;

Quam non vllus edat liuor ; quam è monte Quirini

Magnus Alexander sæpè videre velit ;

Cui dicat, quoties virtus sublata recurret,

Atque eadem sensus causa recentis erit:

Iam RONDININVS dolor est meus : at meus ille,

Si modò fuissent fata, fuisset amor.

Et dolor est & amor. Virtutū, hic sensus vterque

Quem fateor, cælo iudice, testis erit.

E L O.

ELOGIVM SEPVLCHRALE
ILLVSTRISSIMI DOMINI
NATALIS RONDININI
QVATVOR PYRAMIDIBVS
INSCRIPTVM.

Pyramis prima.

Quod semper discimus,
& numquam satis scimus,
illud nunc denuo,
sed experimento luctuoso,
plusquàm satis docti sumus;
inter homines
etiam NATALEM esse MORTALEM.
Hoc cum dico,
non de die tecum loquor,
cuius vel vnus incerta possessio est,
qui cum sole præcipiti fugit & perit;
sed de illo,
qui extra viam & impetum solis positus,
tenore constantis vitæ censeretur æternus.
RONDININVS ille,
non tantum ex Christiano nomine,
sed etiam ex spe
quam promittebat vitæ magnæ atque magnificæ,
ex summâ expectatione naturæ atque fortunæ,
ex vsurâ breui Pontificiæ serenitatis
ex vero NATALIS,
à morte, si non factus, ostensus certè
MORTALIS est.
Quem non iam diem
sibi feralem esse credant homines,
quando
NATALIS ipse MORTALIS est?

Pyra-

Pyramis secunda.

Annos nondum xxx.

impleuit ætatis;

sed famæ & virtutis
compleuit immensos.

His auctum titulis

Aula sancta coluit, & Roma suspexit;

quodque his maius est,

ALEXANDER VII. PONT. MAX.

secretorum apud Principes

testem habuit,

& suâ,

(quantum infra se submitti Pontificia Maiestas potuit)

amicitiâ dignum fecit.

Ille

eductum ab auito stemmate altum sanguinem

etiam altius virtutē prouexit.

Illum

virtuti par eloquentia & doctrina

pater viris maximis,

maiores reliquis,

suspiciendum omnibus dedit.

Quantas ille spes,

etiam, cum nullas aleret,

à suâ illâ tam præclarâ indole & virtute

concepit !

Ab illo ortu tam sereno vitæ primæ,

ab aurorâ tam in ruborem pronâ,

quam non illi

mox obuenturam à cælo purpuram

aliorum hominum ambitiosa mortalitas

promittebat !

Sed Mors

immatura annis,

inexpectata bonis,

inuisa malis, inopina pluribus,

omnibus luctuosa,

vni tantum illi, quia & Deo, placita,

omnium interceptit spes,

expectationes abstulit, vota consumpsit:

illius tantum vnus

spes & expectationes & vota omnia consecrauit.

Pyra-

Pyramis tertia.

Paucorum dierum violentâ febrî
pænè simul correptus & raptus est.

Nec potuit nisi vi
tam incitatus ad virtutem & gloriam cursus sisti.

Quæ tardè mouentur, & quasi serpunt,
obiectu facili sistuntur & languent:
quia illis

inoueri & iacere
pænè perinde est.

Virtuti magnus impetus,
atque ab illo incitatus est cursus;
cui

quàm agi pronum, tam quiescere violentum,
nec tamen probrosum est:

quia illi pars viæ & vitæ,
in quacumque quieuerit, est meta:
& momentum temporis vltimum,
beatæ principium est æternitatis.

Benè ergo N A T A L I,
euge, feliciter R O N D I N I N O,
cui cursus vitæ fuit

breuis annis, immaturus ætati;
sed

virtuti longus, & gloriæ consummatus.

Ad se deductam natalium serie nobilitatem omnem
vno in se N A T A L I complexus,
quia viuendo vltrâ promouere non pòterat,
moriendo fortiter consecrauit.

Nihil vt sui fortunæ relinqueret,
aliquid auferri naturæ
libenter passus est.

Extra cuius ictum se posuit & sua,
quando viuendi finem fecit:

quia quàm illi obnoxia infelix est vita mortalium,
tam ab illo liber est beatus exitus mortuorum.

Virtutem, quam viuus semper coluit,
semel moriendo non perdidit, sed inuenit.

Sola enim virtus, quam obsignauit vna mors,
in adeptione secura est, in possessione confirmata.

Pyra-

Pyramis quarta.

Cum os morte clausit, eloquentiam quâ valuit non amisit;
 quia ex quo loqui immortalis mente cœpit,
 mortalis linguæ impedimenta non sensit, & officia non quæsiuit.
 Mortuorum hominum,
 quorum omnium doctrinam legendo & intelligendo
 consecutus est,
 immortales animas

iam vel ex alto despicit infelices, vel ex æquo respicit fortunatas;
 gaudens hausisse se

ex illis scientiam sine vitio, ex his doctrinam cum virtute.

Nec iam quidquam est

quod illum vel alliciat vel delectet in terris;

nisi quia adhuc in viuis sunt

ALEXANDER quem coluit, FÜRSTENBERGIVS quem amavit;
 non tamen

aut se illis, aut illos sibi velit esse præsentis:

quia

absentiam illorum à se, felicitate publicâ;

suam ab illis, immortalitate consolatur.

Voti potens, & vitæ satur,

iacurâ non sentit amicorû, quos secû omnes habet in vno Deo;
 nec usuram quærit temporis, quod totum æternitate complectitur;
 nec de mortis iniuriâ queritur, quando illi debet immortalitatem;
 nec honorum temporalium ambitione tangitur,

iam dominus æternorum;

nec laborat de intercepto mortalis vitæ cursu breui,

quia in immortalis possessione conquiescit;

nec denique plus vltra aut optat aut quærit aliquid,

postquam in VNO VERO BONO est omnia consecutus.

Horum ille fidem scientiamque certam si nos docuit,

sibi ac nobis & vixit & dixit satis.

Scire tantum velis & discere, tu quisquis es

à NATALI MORTALIS,

Quid VNVM inter omnia sit quod quæras;

Quid VERVM inter falsa sit quod teneas;

Quid BONVM inter mala sit quod ames:

vt possis cum VNO VERO BONO etiam ipse te
 quærere in vitâ, tenere in morte, amare in æternitate.

Hoc tuum vt sit, tui NATALIS est votum.

NA-

NATALI RONDININO
 A D
 ALEXANDRI VII.
 OBSEQVIA TRADVCTO.



Huc cursus fuit.

Errantes dubia mari carinas
 In portum vocat ignis, è supremis
 Ignis montibus eminùs refulgens.
 Incertas Cynosura per procellas
 Rectum monſtrat iter, viamq; pandit,
 Per quem denique feſſa, fracta fluctu
 Securus ratis in ſinum recurrat. •

Magos

Magos ex Oriente stella duxit

Ad cunas Domini Deiꝑ, nostri.

Incertum quoque stella RONDINIVM

Quò se flecteret, una stella, senos

Quæ montes super eminere visa est,

Iter carpere iussit expeditum

In portum placidæ sinumqꝑ vitæ.

Huc cursus fuit. Illa stella fluctus

Non tantum super, & super procellas,

Sed montes super, arduasqꝑ rupes,

Et nubes super, & super planetas,

Longè celsiùs Arca quàm Noëmi,

Aut Argos fuit eleuata, cursu

Errantem dubio ratem leuabit.

Hæc te stella, tuamqꝑ, RONDININE,

Sciuiſſes modò prorogare, vitam

In summâ potuit locare ROMA;

Sed cursu in medio repentè lapsum

Ipsò maluit eleuare cælo.

O factum benè, RONDININE! Non est

Quod demtos tibi conqueraris annos:

Prouidit tibi stella longiorem,

Quàm possent homines vouere, vitam.

NATALI RONDININO

A B

ALEXANDRO VII.

ad secreta cum Principibus
negotia admissio.



Sub his pretium non vile laborum est.

A *N* quisquam neget esse te beatum
RONDININE? cui datum sub istis
Clausum Montibus inuenire vita
Munus, & pretium beatoris?
Telluris penetralibus profundis
Perscrutamur opes; mari sub alto
Gemmas quarimus; abditumq; verum
In ipsis studium inuenire fibris
Naturæ; omnia, quæ vel in recessu

Ec

Ma.

*Magni Numinis occuluntur imo,
 Vestigare labor. Laboris huius
 Par numquid pretium fuit? Fuisset,
 Si secreta oculo magis sereno,
 Si secreta manu magis capaci,
 Si secreta animo magis fideli,
 Quæ sub Collibus inuenire senis
 RONDINIVS amavit, inuenire
 Et nobis studio magis beato,
 Et voto meliore mens fuisset.
 His sub Collibus ille RONDINIVS
 Quæ non vidit, amavit, æstimavit,
 Secreti memor, & capax bonorum!
 Vidit cor Superis Deoq; dignum;
 Amavit Dominum Patremq; mundi;
 Dotes ingenij æstimavit amplas,
 Et vim pectoris; omnis officinam
 Virtutis coluit, suamq; fecit.
 Quis non hanc tibi RONDININE sortem,
 Nî te plus oculis suis amarit,
 Sit totus bonus, & vel ipse quamuis
 Furstenbergius, invidere posset.*

NATALI RONDININO
ALEXANDRI VII.

familiari usu ad virtutem & sapientiam informato.



Hinc certa oracula sumsi.

D Odone strepera tacete quercus,
Nec mendacia fuitilesq; nugas
Stulto vendite cariùs popello,
Quàm suas queat aestimare merces
Aut Phæbi chorus, aut specus Sibyllæ.
Sunt hæc somnia vana, sunt furores.
Quercus quæ Domini mei sacratas
Cingit bina fores, tenenda calo


Ee 2

Dans

*Dans oracula, dans tremenda mundo,
 Non umquam Superos fefellit ullos,
 Non ullos hominum fefellit umquam.
 Hæc me, quando fuit rogata cumq̃,
 Numquam fallere docta, RONDINIVM
 Leges edocuit, modumq̃ue, vitæ
 Qui cursum faceret scientioris,
 Qui finem faceret beatioris.
 Vnum non docuit, suprema nobis
 Lustris bis tribus imminere fata.
 Dixisset : Moriere; RONDININI
 Notum in cortice nomen exarassem,
 Optassemq̃, meâ carere vitâ,
 Victurus meliusq̃, longiusq̃,
 Quàm promittere posset ullus umquam
 In Quercu Domini mei Gemellâ.*

NATALI RONDININO

ætatis annō x x x. vitâ functo.



Numeris est omen in illis.

Quod vitæ tibi cursus absolutæ
 Romanis crucibus tribus notatur,
 Non casus fuit. Omen, omen ingens
 Illis in numeris Deus sacrauit.
 Sceptrum SEPTIMVS, ille ter-potentis
 Loco Numinis, utriusque sanctus
 Et ter maximus Imperator orbis,
 Quod dextrâ gerit, in crucis figuram
 Formatur triplicis. Ter ô beatus
 Vixisti bone RONDININE! Quando
 Pastorale suum, tuumq; sceptrum

Ec 3

Ad

*Ad altaria Pontifex videbit ,
 Tunc tuos quoque computabit annos ,
 Et dicet : Meus ecce RONDININVS illud
 Iam sceptrum gerit , exhibetqꝫ calo
 Annorum numerum Deo dicatum.*

NATALI RONDININO
 post sex lustra ad meliorem
 vitam euocato.



Post sex.

Wolfangi ad tumulum, futurus olim
 Romane bonus Imperator Urbis

Henricus, precibus pijs vacabat.

Cum vox ex adytis Deo sacratis,

Post sex, visa referre, supplicantis

Aures

*Aures perculit, abstulitq; mentem
Inter spemq; metumq; fluctuantis.
Post senas prius ille forsā horas,
Senos inde dies, & inde menses,
Senos denique cogitabat annos
Imminere diem sibi supremum.
Horas ergo sibi velut supremas,
Dies ergo sibi velut supremos,
Menses ergo sibi velut supremos,
Annos ergo sibi velut supremos,
Viuyendo benè transigebat omnes.
Post sex denique, quod timere numquam,
Quod numquam potuisset ominari,
Aut sperare, creatus Imperator
Annos, prodigij fidem probauit.
Post sex & tibi, RONDININE, summo
Vox celo sonuit, diemq; dixit;
Non audita, sed in profundiore
Fati murmura continens recessu.
Non minùs tamen & dies, & annos,
Et horas tibi, singulosq; menses,
Ceu forent tibi singuli supremi,
Vel momenta notando supputasti.
Sex suprema tibi fuere lustra,*

Post sex hora suprema te vocauit

E vitæ stadio parùm beata,

Non ad funera mæsta, sed coronam.

Nam cali, puto, factus imperator,

Spes nostræ dubias metusq; vitæ

Infra te positas videre gaudes.

O quem te memorem esse, RONDININE!

Mortalem? moriendo victa mors est.

Natalem? moritura vita numquam est.

Tu NATALIS eris, quod esse gaudes.

Nam quæcumque dies tibi per omne

Magni temporis emicabit æuum,

Natalis tibi, semper ordiendo,

Et numquam tua finiendo vitæ

Æternæ bona, nascitura semper,

Et numquam moritura fata pandet.

NATALEMq; fuisse te probabit,

NATALEMq; probabit esse. Sic o

NATALIS valeas Deoq; viuas!

NATALI RONDININO
anno vitæ xxx. beatè mortuo.



Hac iter.

IN sanâ ambitione quid vel ipsum
In calum ferimur, supraq; calum?
Nequidquam ferimur. Nimis remotum est
Quàm conatibus ut queamus istis
Supra sidera promouere gressus.
RONDININVS ut alta victor orbis
Astra scanderet, hinc in illa scalas
Ex tribus crucibus locauit vnas,

Hoc Emblema refert scalas plicatiles, de quibus ex
Appiano & Plutarcho Lipsius Poliorceticon. lib. i.
Dial. vi.

Ee 5

Et

Et gressu triplici viam peregit.

*I nunc ambitiose, iunge currus,
Fortunaq; rotas, rotasq; Martis;*


Et moles super & super superbas,

Et gressus super & super potentes

Vrge. Sidera non petuntur istis:

Celum iam crucibus tribus petitum est.

NATALI RONDININO
anno vitæ xxx. mortalitatis victori.



In hoc vince.

Hosti bella parabat Imperator
Constantinus; & ecce Crux serena

In celo micuit, simulq; calo

Vox audita fuit, fuitq; visa,

In

In hoc vince, referre. Vicit hostem,
 Romanasq; Aquilas valere iussit,
 Et signum Crucis omnibus maniplis
 Inscribi voluit, suumq; fecit.
 Instabant tibi RONDININE bella,
 Mortis bella suprema. Signa calo
 Tres Cruces: micuere, signa vite
 A te fortiter hætenus peracta.
 Concurris: moreris; simulq; mortem
 Cadendo superas. Beata signa,
 Quæ vita fuerunt prius peracta,
 Iam sunt symbola semper inchoanda.
 Hæc tu symbola RONDININE sola
 (Non insignia stemmatis paterni)
 In tuis cupias habere signis.



NATALI RONDININO ALEXANDRI VII.

gratiæ & clientelæ immortuo.



Hac ego fronde tegar.

Quam texam capiti tuo coronam
RONDININE? Nouem suo Poëta
E lauro cupiunt parare Musæ;
E rosis Pudor; alba liliorum
Optat Integritas videreserta
Circum tempora casta. RONDININE
Quod votum tibi? Nolo, nolo lauro,

Nolo

*Nolo liliolis, rosisque puris
 Intextas aliquis meo coronas
 Concinnat tumulo. Gemella Quercus,
 Quæ Montes Domini hinc & inde cingit,
 Si quidquam mereor, virente fronde
 Hoc corpus tegat, hoc caput coronet.
 Hac insignia Caesarumq; sertum,
 Non vana ambitione, sed fidelis
 Certans obsequio pijsq; votis,
 Dum vixi, studui usque promereri,
 Hac, post fata etiam, velim mereri.
 At si non merear, dabit libenter,
 Et gratis dabit, ultimumq; munus
 (Nam nota est Domini mei voluntas)
 Vel post fata suo dabit clienti.
 At vos, cura quibus mei sepulcri est,
 Taxo corpus inane, vel cupressos,
 An lauri potius tegetis umbrâ?
 Taxos non ego quero, vel cupressos,
 Non inter geminas iacere lauros:
 Sub Quercu geminâ volo recondi,
 Quercu quæ Domino meo dicata est.
 Hac Quercus capiti meo coronam,*

Hac

*Hæc umbram faciat iacentis umbræ;
 Et me splendidiùs iacere credam,
 Quàm si, quidquid habet superba Roma,
 Extructum cumulet super sepulcrum.
 Vouisti benè, RONDINE: flores
 Et frondes alios sacra coronent;
 Phœbeis aliij tegantur umbris,
 Illos taxus inumbret, hos cupressus;
 Quercus, quæ Domino tuo sacrata est,
 Subter lene tuæ iacentis umbræ
 Umbram sola dabit, dabit coronam.*



NATALIS RONDININI

F V N V S,

Paterni & Materni sanguinis tesseris
Gentilitiis emblematicè expositis
ornatum.

INSIGNE PATERNUM. INSIGNE MATERNUM.



Epigramma:

Stemmata stent circum generosum aliena sepul-
crum;

Hunc circum tumulum non aliena micant.

Nempe suum fecit, quod utroque à sanguine sumsit:

Sic RONDINIVS, sic suus ille fuit.

Accipe posteritas, & auita Insignia famæ

Transferre in mores tu quoque disce tuos.

IN

IN NATALIS RONDININI,
TRES HIRVNDINES,

à quibus RONDININI nomen,
in teniâ aureâ per arcas virides & rubras
sursum tendentes.

Lemma emblematicum.

Hac iter in cælum.

Epigramma.

Quò vos itis Hirundines beatæ,
Lugentes tamen, & velut gementes?

Quò nos fata vocant trahuntq; fata.

Nec tristes tamen aut velut gementes:

Gaudentes simul & simul canentes

Imus, quò prior ipse RONDINIVS,

Cui nomen dedimus, præisse gaudet,

Quà sursum via tota luce fulgens,

Plus quàm lactea, ducit in supremos

Per campum viridem rubrumq; calos.

Non illum decor aut vigor iuuenta,

Non & purpura, quæ moratur ipsos

E diuis genitos, soloq; figit,

In nostris potuit tenere terris.

Illum

*Illum purpura traxit una celi,
 Et veris decor unus æuit erni.
 Illis qui capitur, rubente pallâ
 Et decore potest carere verno.
 Numquam purpura solis erubescit,
 Nec celi decor exuit colorem;
 Cælo scilicet hic & illæ constant.
 Sat dixistis Hirundines beatæ.
 Nam vobis Philomela tale carmen,
 Sit soror licet, inuidere possit.*

IN NATALIS RONDININI
 tres hirundines gentilitias.

Lemma Emblematicum.

Non satis una.

Epigramma.

Ponè secuturi prænuntia veris hirundo est;
 Ver sed adesse tamen non satis una docet.

*Nascenti tibi terna tuo cum nomine venit,
 Nescio quid tenui murmure visa queri.
 Ver erat hoc vitæ venientis, non erat anni;
 Pronus in autumnum scilicet annus erat.*

Ff

Ver

Ver erat ætatis ; sed enim quoque pronior illa

In finem vitæ prætereuntis erat.

Hoc fuit incerto quod murmure tristis hirundo

Visa queri est, fati nuntia prima tui.

Itæ piæ volucres, fatales linquite terras,

Quæ domino vitam præripuere breuem.

Ortus in occasum est. Nemoris iam rura beati

Hic tenet ; huc etiam vos iubet ille sequi.

Ver ubi perpetuum est, ubi nulla iniuria lapsi

Temporis, aut hiemis bruma timenda venit.

Hic dabitur, non iam Philomela fata sororis,

Fata sed extincti fratris acerba queri.

Et fuit ille velut Philomelæ frater, amæno

Cum placidum blandè funderet ore melos.

Nempe sed invidit casto grauis æstus amoris:

Æstus ab indomitis febribus ille fuit.

Ille sonum abruptit linguæ vocalis ; & ori,

Quod solitum celo digna Deoq, loqui,

Imposuit mæsto lugenda silentia mundo,

Attonuitq, homines, attonuitq, feras.

Ecce silet, tantumq, suæ præconia fame,

Ipse verecundâ quæ bibit aure capit.

Nempè satis dixit, pro quo fama ipsa loquetur

Semper, & æterni testis honoris erit.

IN NATALIS RONDININI

arcas gentilitias, ex viridi & rubro
decussatas.

Lemma Emblematicum.

Benè conueniunt.

Epigramma.

Quam sibi descripsit gens Rondininia parmam,
Parte viret, Tyrio parte colore rubet.

Gratus uterque color: scuti benè pingitur illo

Area: virtutum prodit utroque notas.

Quà viret, integritas non umquam lesa notatur;

Quà rubet, ingenui signa pudoris habet.

Sic tua, Natalis, te propter picta videri

Parma queat, prisca sit licet illa domus.

Quisquis in hac color est; color est virtutis, & inde

Indicium veræ nobilitatis habes.

Scuta humeris alij tollant sua: te tua tollunt,

Nec venit à proavis laus tibi sola tuis.

IN NATALIS RONDININI

ouem cum leonibus coniunctam
in scuto gentilitio.

Lemma Emblematicum.

Diuinæ insignia pacis.

Epigramma.

Quem te, Rondinine, tui genuere parentes?
Sæcula quæ talem te genuere tuis?

Hinc ouis, inde feri posito terrore leones

Dicuntur cunis accubuisse tuis.

Nempe erat hoc insigne tuæ prænobile Matris;

Tessera erat vitæ plus tamen illa tuæ.

Illæ eadem, quæ venturi prænuntia Christi

Fatidico quondam carmine dicta fuit.

Isaïæ c. l. i.

Euenit. Fuit afflicto pax reddita mundo,

Et rabidi inter oues accubere greges.

Accubere etiam tibi, Rondinine; fuitq;

Simplicitas animo & vis generosa tuo.

Quis furor hæc inter comites diuortia fecit?

Tam sanctæ paci mors inimica fuit.

Fallor, amica fuit: pacem mors sancit istam.

Nulla timenda tibi Iudicis ira fuit.

IN

IN NATALIS RONDININI

gentilitios leones duos, palmam
vnam capientes.

Lemma Emblematicum.

Palmam vis animosa capit.

Epigramma.

Rondinine, tui palmam rapuere leones :

Illa animi, & virtus corporis illa tui.

Mors palmam eripuit sed utrisque potentior vna.

O fera mors, quàm tu non patienter agis!

Fallor, habes palmam : nam cum te funere sancto

Mors rapuit, palmam non tulit illa tuam.

Illa manet celo felicibus insita ramis,

Et viret, & nullo pondere pressa cadit.

Ostentatq; tuum generoso in cortice nomen.

Tanti est posse Deo viuere, posse mori.

IN NATALIS RONDININI

gentilitias rosas rubras sex.

Lemma Emblematicum.

Casti hoc insigne pudoris.

Alba diu fuerat ; sed amico sanguine tincta
Dicitur in campis erubuisse rosa.

Alba fuit rosa materno tibi sanguine surgens ;

Sed modo purpureo tincta colore rubet.

Alba decent castos : rubor est insigne pudoris,

Et rubor immeriti signa doloris habet.

Te nascente fuit rosa candida ; sed citò facta est

Purpurea, ante diem te moriente, rosa.

Vtraque nempe tua est ; color hic virtutis uterque est.

NATALI candor conuenit atque rubor.

Conuenietq; etiam calo confusus & astris,

Simplicis auroræ qui color esse solet.

Sic florete rosæ misto candore cruentæ:

Sic niueâ semper fronde rubete rosæ.

Ille color nascentis erit Natalis ; at esse

Ante diem eiusdem demorientis erit.

Sic senas quicumque rosas, numerabit & annos ;

Et dicet: Lustris sex fuit, & moritur.

Sed benè quod rosa sena etiam post funera vinit :

Omen habet vitæ scilicet illa tuæ.

IN

IN NATALIS RONDININI

gentilitias pilas cæruleas tres in
campo candido.

Lemma Emblematicum.

Hic lusus fuit.

Epigramma.

Cæruleæ tres in niueo stant ordine campo,
• Et numero meritis conueniente pilæ.
Lusus hic est vitæ quem Rondininus amauit,
Et victor fati quo fuit ille sui.
Nulla solo serpsit, calo pila missa sereno est;
• Inde tribus venit cæculus ille color.
Si qua solum tetigit, pila pulcrior inde remissa est:
Nam macula in niueo non erat vlla solo.
Candida vita fuit, castoq; instrata nitore;
Æmula sed cali mens fuit vsque sui.
Ter geminâ mens vna Deum virtute secuta est,
Atque ipsum tetigit qualibet vna Deum.
Mota prius fuerat, sed iam pila terna quiescit:
Nempe quieta, Deum quæ tenet, esse potest.

NATALI RONDININO
bonorum à malis benignissimo vindici.

Emblema.

Cribrum cribrans farinam.

Lemma.

Iustum secernit iniquo.

Quisquis erit qui sincerum secernet iniquo,
* Ille mihi magni Numinis instar erit.

Exulis hæc mæstas domina Babylonis ad undas

Vox fuit : ipsius vox fuit illa Dei.

RONDINIVS erat: sed quem Parca inuida nostris
Eripuit terris, calitibusq; dedit.

Iniustum quid enim est illic, secernere iusto

Quod cupias? horum plurima hic orbis habet.

Reddite depositum cæli, quod inutile vobis;

Vtile sed terris omnibus esse potest.

Illius ipsa volet censuram Roma subire;

Quin etiam, quamquam sancta sit, aula volet.

Et mores si fors corruperit error honestos,

In mores cupiet quisque redire bonos.

* Si separaueris pretiosum à vili, quasi os meum eris.
Ierem. 15.

Hæc

*Hæc RONDININI virtus agitata valebat
 Efficere. Heu ! terris rapta sed illa fuit.
 Conspiciam hanc saltem Superi transcribite calo,
 Et stellas inter CRIBRA serena micent.
 Illa vel è terris obtutibus hausta secundis
 Iustitiam poterunt quemque docere suam.*

NATALI RONDININO
 non sua, sed suorum cominoda spectanti.

Emblema.

Cribrum quod dat florem aliis,
 furfures sibi seruat.

Lemma.

Non sibi, at suis.

Non sibi, sed curare alijs sua cōmoda quantū est!
 Divina reor hoc mentis & artis opus.

*Sol oculus mundi, qui celum & quidquid in illo est
 Ambit, & æthereo lumine cuncta fouet,
 Prospicit ille sibi ? nihil est virtutis in illo,
 Iucundum quod non omnibus esse velit.*

*Si qua coruscanti fuligo absistit ab igni,
 Non alijs illam adspargere rebus amat ;
 Hanc sibi seruat. Et hinc maculis sordescere solem
 Cernimus. Hoc casti pignus amoris habet.*

*An sibi prospiciunt fontes ? Quis fontibus ipsū
 (Verà canant vates) numen inesse neget ?*

Non Deus, at magnum naturæ est numen in illis.

*Quidquid habent puri, quidquid honoris habent,
Dant alijs; sibi quod pingue est crassumq; reseruant:*

Quàm sibi, plus cupiunt omnibus esse bene.

Optima quæq; sinu tellus producit aperto;

Illius in gremio deteriora latent.

Scilicet & tellus (mater fuit illa Deorum

Vatibus) hoc etiam numinis instar habet.

*Quid Deus ipse? unum, verumq;, bonumq; per omnes
Diuidit, & plenos numinis esse cupit.*

Si quid iners herere Deo prauumq; valeret,

Non hoc alterius vellet, at esse suum.

Et voluit: sibi culpam hominum; sibi, debita sumsit

Supplicia: hac illos reddidit arte Deos.

Numen inesse negem tibi, RONDININE? fuisti

Quod te nota tibi CRIBRA fuisse docent.

Non sibi, sed prodesse suis tua viuida virtus

Non quantum voluit se potuisse dolet.

Mors tua virtuti fuit inuida. Vita fuisset

Longior, in seros edita vita dies,

Illius ô! quàm magna forent exempla parata

Omnibus, & genij quot monumenta tui!

Fecisti benè, dum licuit mortalibus ægris;

Hi benè defuncto, quod licet, esse volunt.

NATALI RONDININO

beneficiis numquam victo.

Emblema.

Cribrum accipiens in se farinam,
& reddens florem.

Lemma.

Accipit ut meliora reddat.

Quid magè diuinum, largâ dare munera dextrâ,
An meliora datis reddere muneribus?

Hoc reor esse Deo propius. Non vincitur ille

Muneribus; melius reddere semper amat.

Hoc erat, ille meus quod RONDININVS amauit

Semper, amicitiae cultor amorq; sacrae.

Accepit; sed ut his meliora reponere posset:

Vnicus hic animi lusus amantis erat.

Et certamen erat generosae mentis honestum,

Quo vinci, atque iterum vincere magnificum est.

CRIBRA (Cribellorum sunt haec insignia) testor,

Quae gerit in titulis hic quoque prima suis.

CRIBRA quidem accipiunt, sed ut his meliora reponant.

O! gerat in titulis quilibet illa suis.

IN OBITVM
NATALIS RONDININI
IACOBVS LIBENVS
E SOCIETATE IESV.

AD FERDINANDVM

LIB. BARONEM DE FVRSTENBERG,
S. D. N.

ALEXANDRI VII.
PONT. OPT. MAX.

CVBICVLARIVM INTIMVM, &c.

L Vgete vates, tuq; magnorum arbiter
Facunde vatum, funebrem lessum praei,
Positaq; lauro, fronde ferali caput,
Fernande, cinge: causa lugendi grauis.
Heu! Rondininus, ille Musarum sinu
Exceptus olim, quando materno puer
Gremio cadebat; mox secuturis chelyn
Tacturus annis; inde cum maior virum
Formarit etas, ore prompturus sacro
Sublime carmen, quod poëtarum chorus
Miretur omnis, quodq; Parnassi iugo
Resonante feriat astra, Dinosq; exciat:

Heu!

Heu! Rondininus, ille grandævæ labor
Et summa matri cura, 1 nec minor tamen
Matri voluptas : ille tot fratrum decus,
Amor sororum, gaudium tantæ domus,
Equare 2 Paulum purpurâ, atque annis 3 avum
Superare dignus : ille tantarum capax
Gnarusq; rerum, Iuris, & Consi, 4 & sacra
Plenum Sophia pectus, & Suade nitor,
Medulla Charitum: quodq; plus cunctis reor,
Magno ille 5 Fabio, magno Alexandro (aureis
O nata seclis nomina, & fausti ominis !)
Cliens patrono traditus ; fors hac manu
Gradus per omnes, vita si staret super,
Ducendus ipsum ad culmen Imperij sacrum:
Heu! Rondininus ille nunc funus iacet,
Ætatis ipso flore succisus, rose
Vernantis instar, subita quam durâ necat

1. Felix Zachia Rondinini nostri mater, cui maritus Alexander moriens novem liberos reliquit.

2. Paulus Æmilius Rondininus, S. R. E. Cardinalis, frater nostri, pius admodum & doctus.

3. Natalis Rondinini, nostri avus, centenarius fuit.

4. Noster Græcè & Latinè doctus, Iurisprudentiæ & Theologiæ peritus.

5. Fabius Chisius, antea S. R. E. Cardinalis, nunc Alexander Papa VII. Rondininum nostrum in familiâ suâ habuit, & scribendis ad Principes epistolis adhibuit.

Pruina

*Pruina morsu. Fata prò nimium inuida !
 Spes ille quantas occidens secum trahit,
 Infertq; tumulo ! rapuit immitis virum
 Libitina, nil miserata, non celsam indolem
 Moresq; castos ; non & antiquum genus,
 Non & iuuentam ; non Apollineam quoque
 Reuerita laurum , 6 Laura quam caro excipe
 Fratris cadentem vertice, in castum tui
 Sertum pudoris, inq; doctrine decus .
 Nam & ipsa vates, scita Donatum loqui
 Gallutiumq; Virgo ; solers & tuos,
 Bentiuole, Belgas voluere, atque ipsos potens
 Donare Latio, cura nî sacratior
 Tereſianis rapiat in celum ignibus
 Humana solido cuncta calcantem pede .
 Quid fata culpo ? cæca gens mortalium
 Nescimus in quid rapiat, aut seruet Deus :
 Et sæpè seruat, cùm rapit. 7 Non est Deo*

6. Laura Rondinina , nostri soror, doctrinâ & literis à Tarquinio Gallutio, & Alexandro Donato Societatis IESV Patribus egregiè imbuta, cui Cardinalis Bentiuolus suam de Bello Belgico historiam Latinè vertendam tradidit, quod tamen ipsa modestè recusauit, abdicatis sæculi curis nunc in Cœnobio Virginum sanctæ Tereſiæ sanctissimè viuens.

7 Sap. 4. Raptus est, &c.

Testante,

*Testante, non est semper in canis salus,
 Nec vera in annis vita. Vixit is diu,
 Qui validus eui, qui puer diem bene
 Clausit supremum. Non tuos hinc iam sequor
 Manes querelis, sorte nec mæstus tuâ
 Te plango, Rondinine; sed luctum ardeo
 Mutare plausu, quando pars melior tui
 Se iam beatis cælitum admiscet choris
 Letum canens peana. Non omnis iaces;
 Et urna cineres quæ brevis claudit tuos,
 Non claudit animam, sidera & cæli super
 Globos euntem, & spatia mirantem poli
 Immensa, quæ non 8 Archimedeo datur
 Obire radio. Nec tamen nostris procûl
 Terris abiisti: vivis & spiras adhuc
 Te maior ipso, & carior iam nunc tuis.
 Suprema te non abstulit mundo dies,
 Sed genuit: oris namque terrarum ultimis,
 Per utramque solis cuncta lustrantis domum
 Te, Rondinine, (non sat auditum exteris
 Huc usque populis nomen) ex hoc iam die
 Perennibus te fama cantabit tubis.*

8. Matheseos in primis peritus fuit.

Non,

*Non ergò, non hunc esse funestum tibi,
 Sed esse vitæ crede natalem noue.
 Et tu querelis parce iam tandem, tuis
 Iam parce lacrymis Zachia, quæ nullâ magis
 Felix 9 virorum prole. Natalem iuuet
 Genuisse vel sic. Ille germanos supra,
 Ipsumq; Ioseph (dulce 10 mihi nomen) cruor
 Quem 11 iure decorat Ottomanorum, & suus,
 Lauro decorus ibit; ut laurum super
 It lingua, doctæ ut arma concedunt togæ.
 Nec inuidebis postumum hoc fratri decus,
 Caroq; cineri facilis hanc palmam annues,
 Pietate præstans Paule; quem Patrum eminens
 Effert Senatus, quemq; gestantem infulas
 Sibi gratulantur 12 Assisinales patrem.
 Tuq; illa rerum domina, terrarum dea,
 Quæ septicolli vertice attingis polum,
 Fecunda vatam Roma, Natalem 13 tuum
 Plorare cessa. Viuit, in suo integer*

9. Felix Zachia multorum filiorum mater.

10. Alludit poëta ad suas de Iosepho tragædias.

11. Iosephus Rondininus, nostri frater, profligatis ad
 Candiam Turcis, maiori tubo ictus occubuit.

12. Rondininus Cardinalis Assisiorum Episcopus.

13. Rondininus noster Romæ natus.

Achate

*Achate viuit, Musa quem functo parem
 Et Rondininum est visa fecisse alterum.
 Habes in vno, Roma, 14 Furstenbergio,
 In Rondinino quidquid amissum gemis.
 Habes in vno, Roma, Furstenbergio,
 Bellona quamuis ferrea hoc saeculum terat,
 Sacli Poëtas aurei, quos & colat
 Augustus ingens, Valliumq; & Hesium,
 Et qui sequuntur. Ire iam nobis quoque
 Post Rondininum vatibus ad umbras licet,
 Tu dum super sis grande Parnassi decus,
 Sacriq; Ferdinande, moderator chori,
 Dignum cothurno nomen, & plus quàm meo.
 Tuq; ô sacrorum maxime Antistes, vicem
 Gerens Tonantis, proximum Christo caput,
 Cui fas olympum clauibus caelo datis
 Reserare, fas & claudere, extinctum haud puta
 Quem lux auorum, 15 illustre Boldrini genus,*

14. Ferdinandus Furstenbergius Rondinino nostro amicissimus fuit; Poëta & ipse maximus.

15. Rondininus noster suos inter Maiores numerabat Boldrinum, de quo Sfortiades; Nicolaum, de quo Marcus Guascus; Bartholomæum, de quo in Chronicis Prædicatorum, cuius ope & consilio Pitani Conciliabulum est dissolutum.

Et orbis Atlas ille, Romanam fidem
Pifis labantem pace qui fulsit suâ,
Tam clara proauum nomina exstingui vetant:
Quem pura sceleris vita, candorq; ingeni,
Linguae venustas, certa virtutis comes
Scientiaq; fama; quem vates 16 tui
Post fata canimus. sic mori votum est mihi.

16. Alexander Papa VII. Mæcenæ Poëtarum
Optimus Maximus.



F E R D I N A N D O

LIB. BARONI DE FURSTENBERG,

S. D. N.

ALEXANDRI VII.

PONTIFICIS OPT. MAX.

CVBICVLARIO INTIMO,

Canonico Paderbornensi, Hildesien-
si, Monasteriensi, Hildesij Ecclesiæ
S. Crucis Præposito

Iacobus Vallius è Societate I E S V.



FFECISTI, Illustrissime Fursten-
bergi, cùm Elegiam in Natalis Ron-
dinini funere à te scriptam legi, vt
aliquid eodem argumento scriptu-
rus, necesse duxerim mentem aliò conuertere.
Cùm enim amantis dolentisque partes omnes
à te absolutissimè expletas esse animaduerte-
rem, vix videbam, quid à me prætereà in hac
causâ apud te proferri posset, qui mihi lacry-
mas omnes absûmssisse videbaris. Si è prisco
funerum & collacrymationum, ritu colligen-
dæ essent tuæ, crystallo, auro, gemmis excipe-
re eas oporteret, quibus non antiquariorum
abaci, sed poëtarum scrinia ornarentur. Ha-

bebat ille veterum luctus delicias etiam suas, cum lacrymas vnà cum succis odoratis & vnguentis Assyriis confundebant : at tuo erga Rondinium studio, amore, pietate nihil potest esse suauius. Vt mihi quidem alabaster nullus vnguenti plenus cum lacrymis tuis suauissimè redolentibus conferri posse videatur. Γλυκύπικρον illud quod in amore, præsertim cum ab amante diuellitur, inesse solet, luculentiùs prodi non potuit. Mihi igitur in luctu tecum communi scribere ad te quidpiam cogitanti doloris potiùs aberrationem, quàm eiusdem irritandi causas quærere consilium fuit. Occurrebant Philemonis Græci poëtæ versus, quem etsi Comicum, numeris tamen arctiùs vinctis Latinè loquentem feci. Non quòd ignorarem, quod ait Cicerò, in tragœdiâ comicum vitiosum esse, & in comœdiâ turpe tragicum, sed quòd existimarem eum qui ad progressum in literis refert omnia, posse exercitationis gratiâ optimorum auctorum vti virtutibus atque sententiis; verba efferendi quæ morem persequi eatenus, quoad res, & locus, & scribentis animus tulerit.

Εἰ τὰ δ' ἄκρυ' ἤμῃς τῷ κακῶν ἡ φάρμακον,
 Ἀεὶ δ' ὁ κλαύσας τὲ πονεῖν ἐπαύετο,
 Ἡ' λλ' αὖτό με δ' ἄν δ' ἄκρυα, δόντες χεῦσιον.
 Νῦν δ' εἰ πορτέχῃ τὰ πρῶτα, εἰ δ' ἀποβλέπῃ.
 Εἰ ἄν τε κλαίῃς, εἰ ἄν τε μὴ, πορτέχῃ.

Τί δ' ἡ ποιεῖς; πλεον ἐδέει· ἢ λύπη δ' ἔχῃ,
Ὡς περ τὸ δένδρον τῷ καρπὸν, τὸ δάκρυον.

*Si flere nostris esset auxilium malis,
Lacrymisq; sese penitus egereret dolor,
Mercarer auro lacrymas: nunc quid iuuant?
Fortuna curat scilicet, quo te premat
Aduersa fato: respicit flentis genas.
Sint squalida humidaq;, sint tersa tibi,
Nil te morata pergit, & cursum tenet.
Tuus igitur ille quid dabit luctus? nihil.
Sed arbor ut fert poma, sic lacrymas dolor.*

Prudentis igitur poetæ vsus consilio, teque à mœrore, quem importuna mors attulit, abstracturus, ad equestrem decursionem prisco ritu in fortium virorum funeribus exhiberi solitam voco. Scis in quæ tempora inciderit Rondinorum virtus: qui pacis & otij turbines ac tempestates Italiam vniuersam conuellerint, cùm in Galliam traductâ Pontificum Romanorum sede ciuiles discordiæ miscerent omnia, & ut quisque ad seditionem & vim opibus instructior ac paratior erat, ita liberiùs latiusque dominatum per vrbes occuparet. Fidei animorumque pleni pro Pontificiâ causâ steterunt tum Rondinini. Quorum militaris indoles ac fortitudo ad posteros deriuata Natali quoque no-

stro hos indidit spiritus; vt, quamquam partem ipse nullam bellici muneris attigerit, tamen de rebus quæ belli administrandi sunt propriæ, differere in tempore, & suadere, & manu etiam aliquid designare vtiliter posset. Sit igitur, quando Musis nostris sic incidit molestiam, & acerbitem ex amici morte à te susceptam mitigare; sit, inquam,

NATALI RONDININO,

S. D. N.

ALEXANDRO VII. AB EPISTOLIS AD PRINCIPES, BELLICAM SVORVM GLORIAM, QVA LICVIT, ÆMVLANTI, EX ANTIQVO FVNERVM MORE TROIANA DECVRGIO.

Quid iuuat exsequias longis miscere querelis,
Et tantum lacrymas, munus inane, dare?
Non ego Natalem, quamuis mæstissimus, illis
Prosequar: ignoscat, non mihi flendus erit.

Cum

Cum subit illius tamquam morientis imago,
 Qui Pylios annos viuere dignus erat ;
 Cum repeto primos aui, quos gessit, honores,
 Et Romæ quot spes abscidit una dies,
 Flere quidem natura iubet : sed dicere pace
 Natura liceat, quod iubet illa, grauat.
 Non prodest certè : nec si quæ fleuimus vinqum
 Funera, defletis reddita vita fuit.
 Ergò ades, & mecum potiùs, Fernande, dolorem,
 Quem penitùs nequeas tollere, falle tuum.
 Vt se mens fallat, luctuq; exsoluat amaro,
 Multa mouet : res est ingeniosa dolor.
 Mitiùs ut Thebe ferret tua fata, Palemon,
 Addidit exsequijs Isthmia sacra tuis.
 Archemorum fleuit Nemee : sed & illa peractò
 Funere victores currere vidit equos.
 Insta Menætiadæ mæstus soluebat Achilles,
 Et pariter ludos, altera iusta, dabat.
 Sic quoque festa fuit, letosq; nouauit honores,
 Quæ fuit Aneæ semper acerba dies.
 Affuit, & patris monitu puerilia duxit
 Agmina Sidonio vectus Iulus equo.
 Diductis nunc illa choris, nunc currere iunctis:
 Nunc lituus pugna, nunc dare signa fuga.

Ipse puer pueris pietate præibat & armis,

Spectari causâ dignus utrâque puer.

Forsan & addiderit : Sic Troiam Troia resurgens

Instruat, & nostro sæpè parentet auo.

Quis non hæc inter vultumq; animumq; remisit,

Et cauea iunxit plausibus ipse suos ?

Poscebant lacrymas, poscebant funera questus :

Questibus & lacrymis hæc posuere modum.

O quæ tot magnos, 1 gens Rondininia, censes

Bellica quos calo gloria vexit auos,

Hunc tibi quis morem referat, carisq; tuorum

Manibus has pompas inferiasq; paret !

Quos litui, dum vita fuit, quos arma iuuabant,

Credibile est illo mortis honore capi.

Hæc quoque Natalem caperent simulamina belli,

Cui belli quondam munia ludus erant.

Ludus erant pernicis equi nunc ora lupatis

Flectere, nunc iussu figere tela loco :

1. Non, vt Ouidius in Tuticani, ita ego in Rondinini nomine hîc ludam, ac delicias faciam. Ab hirundinibus quidem nomen & scuti tesseram sibi sumsit. illustrissima gens : verum si quis de secundæ syllabæ quantitate mecum contendat, pro me stabit Centaurorum vnus,

*Qui clypeo, gladioque, Macedoniâque sariisâ
Conspicuus, Ouid. Metamorph. 12.*

Nunc

Nunc præducendos urbi describere vallos,
 Nunc formam castris aggeribusq; dare:
 Interdum virgâ, virgam cum fortè teneret,
 Ducere in exiguo puluere Martus opus:
 Interdum, tamquam pugna data signa vocarent,
 Ad pugnam fortes esse iubere viros.
 Si non Æacides, si non Telamonius armis,
 Consilij pleno pectore Nestor erat.
 Quis nescit? laus cuique sua est: bello alter & alter
 Vtilis: hic animo rem gerit, ille manu.
 Fabula nota quidem, sed rebus idonea nostris,
 E granido Pallas vertice nata Iouis.
 Non illi præsens aderat Lucina dolenti,
 Solueret ut partum mollius ipse suum.
 Mulciber impacto iuncturas verticis ictu
 Diffidit: eâ illo vulnere nata dea est.
 Et patrium mox illa genus moresq; probauit
 Edita: quàm sapiens, tam bona miles erat.
 Hinc quæ consilijs, eadem dea præsidet armis:
 Nec minùs est laudi, quidquid inermis agit.
 Palladis armata est acie concurrere, strages
 Edere, confusâ vertere castra fugâ.
 Qui inuuet ingenio vires, qui temperet aptis
 Omnia consilijs, illud inermis habet.

Pars hæc Natali placuit : sic arma gerebat :

Sic erat ipse sue pars imitanda domus.

Fortunata domus, si te modo prisca tulisset

Gracia spectatrix roboris ipsa tui !

Tota tibi Nemeen complens bimarisq; Corinthi

Litora, quadrijugis afforet acta rotis.

Nunc tua dum virtus 2 Italis caput extulit oris,

Nil agat in laudes Itala terra tuas ?

Hei mihi, qualis erat, studijs dum scissa suorum

Præda foret belli sanguinolenta sui !

Qualis erat, dum quot populos numerabat & vrbes,

Tot dominos esset panè coacta pati !

Quæ poterat (ius arma dabant) sibi subdere quisque

Oppida, victoris præmia Martis erant.

Huic 3 Antenoridum sedes, illi inclyta cecidit

Mantua : Veronam diripere Canes.

Sic lacer Actæon iacuit, cum terga Melampus,

Pectora Theridamas scinderet, exstia Lacon.

2. Floruere Rondinini, cum Romani Pontifices in Galliâ se haberent. Quam sedis mutationem grauissima hæc præ ceteris exceperunt mala:

3. Arsit intestino bello Italia, & Carrarij Parauium, Mantuam Passerini, Scaligeri Canes Veronam, alij alias vrbes armis sibi asseruerunt ;

Aut,

*Aur, ubi Thebana laniarunt Penthea matres,
 Hæc caput, hæc humeros abstulit, illa manus.
 Quid referam, quos, Roma, tibi fecere timores
 Sæua 4 tribunitius quæ tulit arma furor,
 Et malè sacrilegâ gestatus fronte 5 tiaras,
 Et malè Cæsareâ 6 rapta corona manu?
 Auxerunt portenta metus: mons Cælius arsit,
 Flauia deq; labor 7 templa fuere rogus.
 Non aliàs 8 crinem calo sparsere cometæ
 Tristiùs, & medium condidit umbra diem.
 Non aliàs grauiore lues incanduit æstu,
 Et tellus victum parciùs agra dedit.
 Ah, cur Romanis umquam Pater Urbis abiuit
 Sedibus? abscessit non comitante Deo,
 Cur umquam Rhodanum Tusco malè prætulit amni?
 Illa fuit tanti prima fauilla mali.*

4. Nicolaus Laurentij, scriba populi Romani, multitudine ad spem libertatis erectâ, in tribunitium nomen ac potestatem Imperatoriam inuasit:

5 Nicolaus V. præter legitimum morem Pontifex creatus est à Ludouico Bauaro, qui iniussu Romani Pontificis Ioannis X X I I. pro Imperatore se gerebat:

6. Ab eodem Bauarus Romæ Imperij sumsit insignia:

7. Laterana Basilica in monte Cælio deflagrauit:

8. Cometæ, solis defectiones, pestes, annonæ penuria terrori & exitio fuerunt.

*At quæcumque fuit, gens Rondinina, causam,
Vnde tibi nomen cresceret, illa dedit.*

Cùm fasti referent, quos etas illa tyrannos

Extulit: Hesperij qui status orbis erat:

Qui bello exciti populi: quæ quisque secutus

Signa: quis hostiles fregerit ultor opes:

Quæ sint vindicibus pacatæ viribus vrbes:

Quæ sint victrici fœdera pacta manu:

In tantâ rerum serie tua facta recurrent;

Nec pars historiæ parua futura tua est.

Testor, Roma, diem, quo non impunè 9 tyrannus

Explicuit signis obuia signa tuis.

Ibat: eum belli circum fœdißima nubes,

Et furor, & cades, & ferus horror erant.

Iam dederat Tuscis leges: infesta sonabant

Classica per muros pulsa, Rauenna, tuos.

Iamq; Quirinales aditum sperabat ad arces

Sternere Flaminia se sibi posse viâ.

Restitit, & causâ fidens Boldrinus & armis

Agmina fulmineo stantia fregit equo.

9. Nicolaum Piccininum, qui Bononiam, Rauennam, ceteramque Æmiliam Pontifici ademerat, Boldrinus Rondininus bello cepit.

*Utq; leo, si fortè gregem, quem spectat euntem,
 In noua bellator pascua taurus agat,
 Ille fremit, quassatq; toros: armenta minora
 Præterit: in solum vertitur ira ducem.
 Nec mora: pugnatur: cruor aduersusq; suisq;,
 Mutua dum repetunt vulnera, colla lauat.
 Horret ager: mussant pauidæ fugiuntq; iuuenca,
 Et quæ sperabat præmia victor habet.
 Haud aliter medios ibat Boldrinus in hostes:
 Successum virtus ipsaq; Roma dabant.
 Ductoremq; procùl tumulto speculatus ab alto:
 Huc feror: hæc, inquit, quam peto, præda mea est.
 Dixit, & uni odijs turmisq; sequentibus instans
 Iniectâ tenuit perfida colla manu.
 Di iuvere manum: di monstrum 10 informe Latinis
 Auertere focis: di voluere capi.
 Vidit, & assertus Anemo pater excitus undis
 Ter plausum ripâ liber utrâque dedit.
 Et pariter Sapis, pariter popularia longè
 Flumina cæruleis exsilire vadis.
 Velatiq; comas, nixiq; liquentibus urnis
 Carminibus fluctus sustinuerunt suos.*

10. Piccininus à corporis breuitate nomen acceperat.

Victor

Victor io, Boldrine : tuis ego debita rebus

Flaminiâ statuam fixa tropea viâ.

Defigam tumulo quercum : tremet illa sub armis

Quæ feret, & magni nominis arbor erit.

Horrescet vertex galeâ : rutilantia pectus.

Ara tegent, ensis, parmaq, fulua latus.

Adjiciam titulum: HÆC CAPTO DETRACTA

TYRANNO

BOLDRINVS PATRIÆ DEDICAT

ARMA SVÆ.

Talis erat, cùm pro patriis Thrasybulus Athenis.

Staret, & Actæâ pelleret arce nefas.

Talis erat, cùm post actos in vincla tyrannos

Timoleon nineis inueheretur equis.

Et cineri nondum quisquam sollemnia mittit ?

Flaminiâ nondum feruet arena viâ ?

Nec tuba commissos cecinit Mauortia ludos,

Victoresq, domum palma reduxit equos ?

Fungere Boldrini soboles pia, fungere iusto

Munere : sic illum te iuuet esse suam.

Viueret ô utinam, cui nuper II Creta sepulcrum,

Et titulum virtus partaq, fama dedit !

II. Iosephus Rondininus, Natalis nostri frater, in
Cretâ cum Turcis pugrâ congressus, gloriosè occubuit.

Ille

*Ille animis impleret equos, plausuq; iuuaret,
Troianumq; suo duceret agmen auo.*

*Duceret & fratri, cui nunc funebria mecum
Solueret, hic belli munera, carmen ego.*

*Hei mihi, carmen ego, non hic, Fernande, dolores
Solatura tuos soluere iusta potest.*

Inuidit Mars illa tibi: fortissima sternit

Prima ferè: segnes eximit ipse timor.

Quid queror? ecce tibi, quanta est, Romana iuuentus

Ferre laboranti velle videtur opem,

Et tibi sollemnes, mortis solatia, pompas,

Et tibi Troiano ducere more choros.

Et tibi iam sedem ripâ Tiberinus amænâ

Dispicit, accliui quâ viret umbra iugo.

Huc venies, Fernande: tuo moderabere nutu

Omnia: tu cursus signa secunda dabis.

Tu præsens animos & vim certantibus addes:

Dum placeant, illis tu satis vnus eris.

Munera dein capient à te sua: forsan & illos

A Musis cupies altera ferre meis.

IOANNIS BAPTISTÆ
TVRRICELLI,
PATAVINI,
FERRARIENSIS
ROTÆ
AUDITORIS,
IN MORTEM
NATALIS RONDININI.

TE quoque Natalem rapiunt immitia fata,
Et rigidas arcent numina nulla manus.
Nec te Calliope, nec sanctè cultus Apollo,
Nec pietas, nec te vindicat alma fides.
Nec generis splendor, nec prodest prima iuuentus,
Nec tibi quas largè Copia fudit opes.
Scilicet hæc vrunt Parcas, & sæuius vrit
Iudicium de te Principis, atque fauor.

FINIS.





184

7

26

